

Raymond

Aut 3



X 7 111 a 14




2. 101 Y.

Y. 1111 . 7

DE
STIGMATISMO;
SACRO ET PROFANO;
DIVINO, HVMANO,
DÆMONIACO.

TRACTATIO R.P. THEOPHILI
RAYNAUDI SOCIET. IESV
Theologi.



GRATIANOPOLI,
Apud CLAVDIUM BUREAU
Typographum.


M. DC. XXXVII.

DE
STICHTING
SACRATISSIMO
DIGNO HONORE
AUSPICE

IN HOC LIT. R. T. E. M. I. T.
SACRATISSIMO HONORE
AUSPICE



ANNO DOMINI
MDCCLXXV
FEBRUARII
C. XXXV



3
VIRO CLARISSIMO
PHILIPPO DE L'AIGNEAV,
THEOPHILVS RAYNAVDVS
EX SOCIETATE IESV. F.



NGRATISSIMVS hospes,
improbissimus miles,
avidissimus naufragus,
Macedonem qui spiritum
expulsi in possessionem
suam recollegerat, affectum
semianimémque recrearat,
diebus multis impensa sua
curauerat, refecerat,
viatico instruxerat; fœdè
mox exturbauit illâ ipsâ
possessione, & in id in
quo jacuerat ipse, littus,
expulit eum à quo receptus
erat, à quo sanatus,
habitúsque benignissimè.
Philippus Rex per Pausaniam
illico ultus est improbitatem,
flagitiosè spoliato bona
restituens; exturbatori autem sti-

gmata inscribens ingratum hospitem
testantia, dignissimum cui eæ Literæ
insculperentur, non inscriberentur.

Sunt itaque ingratorum stigmata
VIR CLARISSIME, sed sunt
etiam quibus gratia, & accepti bene-
ficij vicens recordatio præferatur. Nec
deest, vel de cœlo, exemplum. Beati
quippe cœlites, stigmatiæ sunt in hoc
genere: eaque specie per solidam
aternitatem, illustrem diuinorum be-
neficiorum characterismum, nomen
Soteris, & nomen Patris eius, fronti-
bus exarata, ostentaturi produntur in
diuinis oraculis. Quidni cœlestium
illarum notarum æmulatione, præfe-
rant in terris, qui se in alieno non
vulgarium beneficiorum ære agnos-
cunt, monimenta gratitudinem te-
stantia, quibus gratiam, sin minùs
referre, & agere saltem, ac præferre
dici possint, & teterimum ingrati ani-

mi probrum, præ quo cætera prope-
modum nitent, procul à se amoliatur?

Hoc consilio lucubrationē hancce
meam DE STIGMATIBVS, sub nomine
tuo prodire volui V. Cl. ut quot nota-
cula corporum hæc lucubratio exhi-
bet, (& omnino multa, ac cujuscūque
generis exhibet ;) tot veluti beneuo-
lentiæ erga me tuæ, perennibus quan-
tum fas erit monumentis, quæ nullus
Eros, aut Cinnamus, vafra arte abo-
leat, consignatus & interstinctus appa-
ream. Leuiculum id quidem, nec siue
tuæ beneuolentiæ, siue meæ voluntati
ac officio admēsum. Tamen Deo ipsi,
erga quē inexplicabilibus nominibus
obstricti tenemur, grata & memori vo-
luntate, fit satis. Idque est, quod ex
Numæ institutis apud Romanos in-
crebuit; dum grata mens adsit, etiam
simplici fruge placari numina, & mo-
la falsa litari.

SYLLABVS CAPITVM.

Proloquium.

Argumentum.

SECTIO 1. *Diuinus & sacer stigmatismus.*

Caput 1. *De stigmatibus diuinitus impressis aut indictis in antiquo Testamento, ac primum de Caini stigmate.*

Caput 2. *De stigmate circumcisionis, olim diuinitus indicto Abrahe posteris.*

Caput 3. *De indicta à Deo auris seruilis stigmatizatione per subulam.*

Caput 4. *Stigmata Medica.*

Caput 5. *De sacris noui Testamenti stigmatibus, ac primum de impressis Christo IESV, Domino nostro.*

Caput 6. *De stigmatibus B. Pauli.*

Caput 7. *Stigmata SS. Martyrum & priscorum in causa fidei Confessorum.*

Caput 8. *Stigmata pia voluntaria.*

Caput 9. *Stigmata S. Hieronimi.*

Caput 10. *Stigmata S. Huberti.*

Caput 11. *Stigmata S. Francisci.*

Caput 12. *Stigmata B. Catharine Senensis.*

Caput 13. *Quibus aliis stigmata Christi impressa diuinitus prodantur per Satyram.*

Caput 14. *Cautiones circa cœlestes fauores proximè propositos.*

Caput 15. *Stigmata piorum moralia.*

Caput 16. *De stigmatibus in patria.*

SECTIO 2. *Stigmatismus humanus profanus.*

Caput 1. *Stigmata nobilia.*

Caput 2. *Stigmata seruilis.*

Caput 3. *Stigmata reliqua criminoforum per satyram.*

Caput 4. *Artificialia planorum stigmata, falso dicta genitiua.*

Caput 5. *Stigmata lugubria.*

Caput 6. *Stigmata superstitiosa Iudeorum, Ethnicorum, Hæreticorum, Antichristi.*

Caput 7. *Stigmata humana moralia.*

SECTIO 3. *Stigmatismus Daemoniacus.*

Caput 1. *Dari verè aliqua Magorum & Sagarum stigmata, à satana impressa.*

Caput 2. *De stigmatibus Magici subiecto totali, quod est persona consignata.*

Caput 3. *De subiecto proximo stigmatibus Magici.*

Caput 4. *De stigmatibus Magici forma essentiali & accidentaria.*

Caput 5. *De efficacitate, formam stigmatibus Magici proximè expositam, consequente.*

Caput 6. *De stigmatibus Magici finali causa.*

Caput 7. *Stigmatibus Magici, effectrix causa.*

Caput 8. *Stigmatibus Magici effectio, & eius adjuncta.*

Caput 9. *Quam antiqua sit Magici stigmatibus impressio hætenus exposita, deque eius progressionem ad hanc ætatem.*

Caput 10. *De stigmatibus Magici stabilitate aut*

euaniditate.

Caput 11. *Recensentur alia quadam stigmata Dæmoniaca, minus frequentia.*

Caput 12. *Stigmata Dæmoniaca Moralia.*

Caput 13. *De stigmatibus Dæmoniæ perseverantia in termino.*

ANTONIVS MILLIEVS Prouincialis Societatis I E S V in Prouincia Lugdunensi, juxta priuilegium eidem Societati à Regibus Christianissimis Henrico III. Henrico IV. & Ludouico XIII. nunc regnante concessum; quo omnibus interdicitur editio ac diuenditio librorum ab hominibus ejusdem Societatis conscriptorum, nisi Superioris consensus accedat; annuo ut Claudius Bureau Typographus Gratianopolitanus excudat, ac distrahat ad sexennium lucubrationem R. P. Theophili Raynaudi de stigmatismo Sacro, & profano, Diuino, humano, Dæmoniaco à Theologis nostris recognitam. Scripsi Lugduni 18. Iulij 1645.


ANTONIVS MILLIEVS.



PROLOQVVM.

STIGMATIS nomen Græcum est, designans notam impressam, vel ceriè punctionem. Nam *σιγμα* est *signare* & *notare*: *σιζειν* verò est *pungere*. Vnde *stigma* idem est quod *nota extrinsecus impressa*, aut *punctus*. Multis hanc stigmatis notionem illustrat Claud. Dausqueius l. 2. de sanctitud. Pauli c. 13. Vocem *stigmatis* in eo sensu, quamvis origine prima Græcanicam, vsurparunt item Latini, vt liquet ex Suetonio in Caligula c. 27. vbi tradit trucem illam bestiam, multos honesti ordinis, deformatos priùs stigmatum notis, ad varia horrenda supplicia ablegasse. Non dissimiliter Seneca l. 4 de benef. c. 37. affirmat, Philippum Macedonem iussisse inscribi militi, stigmata ingratitudinem testantia. Vsurpauit item in eodem sensu vocem *stigmatis* Fabius l. 7. c. 4. & Scribonius largus c. 231. ac Arcad. & Honor. A A. l. 3 C. de Fabricens. Ipsi serui, à stigmate inuito,

dicti Tullio *stigmatia*. Itaque *stigmatis* nomen tanquam Latio donatum, usurpabimus ad designandas notas visibiles atque adeò corporeas, quod est huius Tractationis argumentum. Quod autem interdum probati autores *stigma* usurpant pro sugillatione, ut notat Britannicus ad X. Iuuenalis satyram, translatitium est. Sic Tranquillus in Cæsare, *perpetuorum stigmatum* in eo sensu meminit, & Martialis l. 12. eodem sensu ait. *Frons hac stigmate non meo notanda est*. Nos hîc pro vera nota humano corpori extrinsecùs impressa, *stigma* usurpamus.



ARGVMENTVM.



Estringo tractationem, ad notas extrinsecus impressas humano corpori: quia non est hic agendum de notis quæ imprimuntur brutis, vt tradit Festus V. *Signare*, & V. *Dignoro*. Sic enim notare bruta vocabant *dignorare*, adhibito caractere; sic enim vocatum ferrum inurens, obseruat Scaliger Coniectaneis in Varronem, post S. Isidorum l. 20. orig. c. 16. qui ait caractere rem esse ferrum calorum (idest candens) quo notæ pecudibus inuruntur. De eo ferro est illud. Næuij apud Priscianum lib. 7.

Signare oportet frontem calda forcipe.

Et illud Calpurnij in Bucolicis, Ecloga 5.

Impressurus oui tua nomina.

Anacreon item.

Equi solent inustum.

Coxis habere signum.

Quod Oppianus l. 1. Cyneg. à V. 315 agens de pictis & floridis Oryngis, sic expressit.

Duplicia oryngum sunt florida genera;
 Alij namque collum, & pulchra crinibus lata
 terga,
 Insigniti sunt longis confertim vittis.
 Velut tigrides veloces, pernicious Zephyri soboles;
 Ast alij rotundis in orbem variantur.
 Notis densis, similiter pardis.
 Quos etiánum pullos tenellos pinxerunt soler-
 tes viri,
 Candente are longum pilum inurentes.
 Sapè verò alia homines ingeniosissima excogi-
 tarunt:
 Ut videlicet pullum stigmatizent, etiam in aluo
 matris latentem.
 Proh quantum ingenium! Quanta hominibus
 inest solertia!
 Faciunt quomodocunque volunt: faciunt ver-
 sicolores equos,
 Matris etiánum lacteis comprehensos lumbis.

Subjicit modum quo id præstabatur, ei
 affinem quem Iacob in variegandis oui-
 bus adhibuisse legitur Genes. 30.

Hæc tamen pulli intra aluum mater-
 nam stigmatizatio, non est nisi imago

(ut sic dicam,) stigmatizationis solidæ & veræ introrsum peruadentis, quæ admoto candente ferro peragitur; siue bubus, siue equis, siue aliis brutis, iniusta per ferrum nota. Sic Sibæ gens Indorum, apud Arianum, bubus clauæ notam inuerebant in Herculis honorem. Equis propè Phasidem, Phasianam auem iniustam, scribit Suidas, addens de Sisypho quodam, singulas literas ungulis suorum animalium inscribente. Athenæus l. 11. dypnosoph. equis quibusdam & aliis & inscriptum fuisse prodit, adducto Aristophane in Nubibus: & priores *σαμφώρας*, posteriores *κοππατίας* dictos confirmat; ut quidem ex Eustachio & Hesychio, Thesauri Autor allegat: nequaquam assensiente Scaligero in digressionem de literis Ionicis quam suis in Eusebium animaduersionibus inseruit; monstrans denominatos equos aliquos *σαμφώρας* vel *σαφώρας* à nota illis iniusta significante *nongenta*: alios *κοππάνας*, quibus erat iniustum *κόππα*, non autem *κάππα*. Scholiastes verò antiquus Aristophanis in Nubibus; equos *κοππατίας* definit *ἵππος εἰς ἐγχεχέρηκτο τὸ κ σφίχεν*. Sicut

Καυφόρας τῆς ἐγκεκαρυμένης τῷ C.

Apud Apuleium lib. 2. Miles. hæc leguntur. [Necnon & equum illum quoque meum reducentibus, quem diuersum distractum, notæ dorsualis cognitione recuperauerunt.] Est qui cum Titio l. 7. c. 20. eum Apuleij locum de stigmate accipiat. Sed videtur potius de nota quapiam naturali accipiendum; tamen si extra dubium est equos & alia pleraque bruta fuisse notata, juxta prædicta. Et illud ex 1. Georg. Aut pecori signum aut numerum impressit aceruis. Has omnes stigmatizationes hic dimissas volo, quia brutæ & pecuinæ sunt, non humanæ, siue impressæ humanis corporibus.

Sed neque quæcunque notæ humanorum corporum sunt huius loci. Non enim quæ non sunt extrinsecus impressæ, cuiusmodi sunt stigmata morbosa. Sic enim videntur nominari posse puncticulæ illæ in febre lenticulari quam Schenchiuss l. 6. obseruat. Medicinalium, ab huiusmodi notis, vocat *febrem stigmaticam*, fusè eam describens ex Fracastorio l. 2. de contag. c. 6. & 7. & lib. 3. c. 6. & eodem

referenda est, admirabilis sanè notatio corporis fœminæi quam nuper ex Domino Ortique pererudito Medico, accepi. Referebat ille superiore anno 1643. primarij cujusdam ciuis Auenionensis vxorem, annos natam circiter quinque supra triginta, quotannis ineunte æstate, citra febrem ac furorem delirare solitam; (eo videlicet melancholiæ genere correptam, quod à bile retorrída, assato vel incinerato sanguine existit;) ad solemnem anniuersariam mentis exerrationem, adjunxisse quod non leui admiratione, & maritum, & ipsum Medicum afficeret. Subitò namque toto corpore, sed maximè in femorum parte interna, apparuere stigmata liuida, folij mentastri capacitatem æquantia, variis digesta ordinibus, paríque inter se proportionem, spatio duorum circiter transversalium digitorum sejuncta. Qui ordo eo videtur admirabilior, quod in nullis eruptionibus, & exanthematis spõte naturæ factis, tale quid cernitur. Porro & animi exerratio, & corporis veluti pictura & variegatio quam diximus, subsequuta mulieris graviditate cessauit, perspi-

cuo argumento quòd à feruidiore & acriore semine, agitatis crassis humoribus, obnubilatio cœli microcosmi, & spirituum animalium impuritas, cuiusque inquinatio esset exorta. Eam enim causam immutatæ corporis œconomix, & turbatæ mentis in aliquibus virginibus viromaturis, observauit Hippocrates l. de Virgin. qui addit, *si conceperint, sanæ fiunt.* Idem Medicus anno 1644. puellam sexennem afflictæ satis valetudinis, cui aliàs lien ac etiam abdomen vniuersum fœdè intumuerat, abs se visam refert, cure innumeris notata stigmatibus, quorum permulta lentem magnitudine excedebant, non pauca æquabant; innumera verò erant minora, insigni in plerisque colorum varietate: Nam quædam erant rubra, pleraque violacea, liuida, aut nigra; omnia colore saturato valdè conspicua. Nisi febris abfuisset, & omnium actionum integritas deprehensa esset, potuissent videri maligna exanthemata. Sed fuisse potius succos inutiles, malignitatis ac putredinis expertes, quibus ab vtilibus ritè segregatis, natura medicatrix optima, massam

massam sanguineam defœcasset, sua sit febris ac sitis vacuitas, absque decubitu & inappetentia. Nouis autem maculis pululantibus & succrescentibus in dies vbi primùm soluta est regia in altero lacerto vena, evanuerunt stigmata illa vniuersa, & cutis planè nituit, quæ prius adeò maculosa, totque notata veluti punctationibus visa erat. Huiusmodi ergo stigmata, cum extrinsecùs non imprimantur, ablegata volo ab hac disputatione.

Idem statuo de notis illis quas Suetonius in Augusto c. 80. *genitivas* appellauit, & plerunque à fœtu è matris aluo exportantur. Attingemus de eis inferiùs nonnulla sect. 2. cap. 4. agentes de quorundam impostorum prætenfis notis genitiuis. Eas ergo notas fœtibus in vtero adnatas, qualescunque sint, ac etiam si emineant & extent in corpore, ablego ab hac disputatione, quæ stigmatibus tantùm, atque adeò solis notis vi extrinsecùs humano corpori inustis, addicitur. Nec placet quod Claud. Dausqueius l. 2. de sanctitud. Pauli c. 13. has quoque fœtuum notas, *stigmatum* nomine donandas contendit.

At ubi vis extrinseca & impressio per impetum facta, ad rationem stigmatis pertinens?

Itaque hæreamus in notis humano corpori impressis, quæ sunt vera stigmata, inter quæ numero solas notas extrinsecus cum aliqua vi & impetu inultas humano corpori; atque adeò corporeas. Neque enim aduocandæ huc sunt, notæ spirituales indelebiliter impressæ animabus in quorundam sacramentorum susceptione, quas vulgo *characteres* appellamus. Hujusmodi quippè notæ, sunt spirituales; ac si ita lubet, dici possunt stigmata invisibilia, diuinitus impressa invisibili subjecto siue animæ, de quibus differitur à Theologis in generali Tractatione de Sacramentis.

Eorum porro corporeorum ac visibilium stigmatum quæ hac tractatione suscepimus exponenda, ingens omnino est varietas. Non incommodè tamen ad duo capita generatim reuocari omnia poterunt; nempe ad sacra, & profana. Nominè *sacrorum stigmatum*, intelligo, quæ vel ex parte causæ efficientis, etiam moralis, nec nisi per imperium operantis; vel ex

parte causæ subiectiuæ ac recipientis, sacra sunt & digna honore ac veneratione. Possumus quoque hæc signa appellare *diuina*, non modò à præcipuo huius serici mēbro, nempe ex Christi Domini stigmatibus; sed etiam quia stigmata sacra, vel sunt diuina ratione causæ efficientis, vel ratione Dei cum passo cooperantis. Quædam enim ex eis sunt diuinitus impressa, saltem per imperium, admouens ad eam impressionem ministerium Angelicum. Alia autem, tamen si causam efficientem habet impiam, inuruntur tamen subiecto cum quo Deus patitur, vt fert Scripturarum & Patrum creberrimus loquendi modus, expensus in Tractatione de Martyrio p. 2. c. 3. num. 2. 1. Sic Deus dicitur ingressus cum Iosepho in foueam. Et Tertullianus l. ad Martyr. c. 1. contestatur, quod nisi Spiritus sanctus cum martyribus carcerem subiisset, nunquam Martyres carcerem ingressuri, vel in eo perstituri fuissent. Ob hanc igitur causam, stigmata martyribus iniusta ab impiis, inter diuina referri posse pronuncio, quod in illorum iniustione, Spiritus sanctus Martyribus

speciali munimine suppeditato, affuerit.

Iam verò stigmata profana, duplici principali membro continentur. Vnum est stigmatum purè humanorum, alterum dæmoniacorum. Voco stigmata purè humana, ad quæ Deus non intervenit speciali concursu, & per modum causæ supernaturalis; siue ut ab homine iurantur, siue ut excipiantur: ac ne Dei quidem mandantis & moraliter impellentis jussu, sunt indita. Ejusmodi sunt stigmata, variorum gentium usu, ad gradus, aut nationis discrimen usurpata, cujusmodi fuere stigmata Thracum, & Britannorum, ac Indorum. Pertinent eodem stigmata servilia, & variis criminosis inusta. Item quæ præ nimio luctu, vel ad fucum faciendum, plerumque ab impostoribus inusta produntur. Nec non quæ ad cultum falsi numinis apud Ethnicos, aut ad superstitionis suæ exercitium per hæreticos inusta olim constat: & quæ postremum Erebi excrementum, cui antonomasticè *Antichristo* nomen, est inustum, ut in Apocalypsi prænunciat B. Ioannes. Hoc primum membrum, subdividens

stigma profanum, rectè statuetur secundum in generali tripartita stigmatum distributione.

Alterum membrum subdividens stigma profanum, appellabam *daemoniacum*, quia ab ipso Dæmone inuritur Magis & Sagis, aliisve personis in quas diuino permisso finitur notam extrinsecam corpori imprimere. De quo stigmatum genere, anceps & magni usus est disputatio, tam quoad eorum existentiam apud nonnullos obscuram, quàm quoad omnes eorundem stigmatum causas. Ambiguum quippè est, an omnibus æquè satanæ mancipiis, inurantur huiusmodi notæ, & in qua corporis parte; & an ab ipsomet dæmone tanquam ab immediata causa effectrice, an verò interuentu alicujus alterius causæ, imprimantur. Quæ item sit huiusmodi stigmatum formalis ratio, & quæ ad eam accidentia consequantur, obscurum est: nec leuiter de harum notarum stabilitate & abolitione certatur. Itaque copiosa difficultatum messis, non minore usu quàm amœnitate, ex hoc campo colligenda ostentatur.

Pro triplici igitur stigmatum serie, quarum una, quæ diuina sunt, binæ aliæ, profana tam humana quàm dæmoniaca complectentur; triplici sectione eodem ordine collocanda, digeram vniuersam de stigmatis tractationem; à qua non est quod eximescam cognomentum quod Nicānor Alexandrinus retulit à scripture de stigmatis seu punctis. Audiuit enim *Stigmatius*. Mihi verò gloriosissimum fuerit eius decorum participem fieri, qui non erubescens Euangelium, fidenter pronunciauit; *Nemo mihi molestus sit. Ego enim, stigmata Domini I E S V in corpore meo porto.*



SECTIO I.

DIVINVS ET SACER

Stigmatismus.



ERTINENT ad hunc locum
juxta proximè dicta, & stigmata,
quæ sub antiquo Testamento
& sub lege gratiæ inusta sunt,
autore vel mandante Deo ; ac
quæ an in termino , seu in glo-
ria, locum sint habitura, con-
trouertitur. Tamen autem ordinem dignitatis
attendendo , præmittenda essent stigmata Diuina
noui Testamenti, & illa maximè quæ Christo La-
pidi primario insculpta sunt , Deo cælante sculpu-
ram eius : Tamen præferendus videtur ordo tem-
poris : quo ea primùm stigmata consideremus, quæ
in veteri Testamento sunt impressa ; tum quæ in
novo, per tempus viæ ad patriam, inuri contigit.
Claudet agmen consideratio stigmatum factorum
in cælo, vbi est viæ terminus ; cum vt intelligatur
quomodo ibi se habeant stigmata tempore mortalis
vitæ piis impressa ; tum vt constet , aliquāne noua
stigmata inurantur beatis, quod quædam Scripturæ

videntur sonare ; vt cum electi per omnes tribus dicuntur *signati*, & habere *nomen filij*, & *nomen patris eius scriptum in frontibus suis*.



CAPUT I.

DE STIGMATIBVS DIVINITVS
*impressis aut indictis in antiquo
 Testamento ; ac primùm de
 Caini stigmatate.*



Impressum esse à Deo stigma Caino fratricidæ, habetur ex c. 4. Genes. vbi Deus, nequam illum, cædem ab aliquo inferendam timentem, firmasse narratur. Additque Moyse. *Posuit Dominus Cain signum, vt non interficeret eum omnis qui inuenisset eum.* Quæ verba satis manifestè præferunt, Deum imposuisse Caino signum, quo omnes commonerentur abstinentiæ à cæde Caini.

Priusquàm autem hunc esse ibi verum Mosis sensum stabiliam, ponendum est, germanam & receptam in Ecclesia sacri textus lectionem, ferre quod dixi. Neque enim audiendus est Rupertus qui l. 4. in Genes. c. 9. negat legendum, *posuit Dominus Cain signum*, aut vt plerique veteres Codices habent;

posuit Dominus in Cain signum : quod sonat impressionem signi in Caino factam, sed contendit legendum, *posuit Dominus Cain in signum*. [Notandum (inquit,) quod dictum non sit, & *posuit Dominus signum in Cain*, ut V. G. tremulo corpore viueret, vel cornu in fronte gestaret, vel tale quid quod non ex autoritate Scripturæ, sed ex Iudaicis fabulis est: Sed *posuit* (inquit,) *Cain in signum* : idest quasi signum ; videlicet, ut sic non auderet aliquis pro ultione contingere illum, quomodo nemo debet amouere Regis vel Imperatoris signum.] Verum hæc Ruperti interpretatio nullo modo est admit- tenda : Euertit enim probatam in Ecclesiâ lectio- nem ; in qua non habetur, *posuit Deus Cain in signum*: sed *posuit Cain signum*. Vel *posuit in Caino signum*. Deinde Glossa Ruperti manifestè euertit sensum Mo- sis, qui significare voluit quorsum Dominus hoc signum Caino impressisset : nempe ut mortales, animaduerso eo signo, & comperta per illud immu- nitate cædis diuinitus concessa Caino, abstinerent eius violatione. At juxta Rupertum, ipse Cain positus erat in signum ne occideretur : quod excluso stigmate, & reliquis notis externis quas Rupertus excludit, intelligi nequit quomodò per ipsummet Cainum exprimi posset. Sicut neque apparet, qua ratione Rupertus subdat, parabolicum filium The- cui- tidis, quem fraternæ cædis reum David contingi à quoquam vetuit, positum esse à Davide in signum; eo ipso quod David contestatus erat reum fore, quicumque illum malè habuisset. Id enim non erat reuera poni in signum, ut non interficeretur, qui

fratrem interemisse ferebatur. Induxit forrè Rupertum in eam interpretationem, Philo in calce libri quod deterius potiori insidietur, vbi talem aliquam textus sacri interuersionem adhibet. Sed meminisse oportuit Rupertum, Philonis iudicium circa litteram sacri contextus, sæpè fringere, vt monuit D. Augustinus 12. contra Faust. c. 39. Esto de facundia & scriptionis concinnitate, vix vlli concedat Philo. Quare fateamur, rectè habere lectionem vulgatam; nec Dominum posuisse Cain in signum absque vllius notæ externæ impressione; sed verè posuisse in Caino signum externum, exprimens omnibus, voluntatem Dei ferre ne Cain interficeretur.

Sed quodnam fuerit signum illud externum; & an reuera stigma sit censendum; variant sententiæ. Per multis visum est, Cainum fuisse à Deo percussus tremore, & insolito corporis motu; Idque esse signum à Deo positum in Caino, ne occideretur. Ita Abulensis, Delrio, Cornelius in c. 4. Genes. ac Salianus & Torniellus anno mundi 130.

Videtur annuere Basilius Seleuciæ Orat. 4. quæ est de Cain & Abel. Ait enim, Deum in hæc verba affatum esse Cainum. [Monita non cepisti mea; ærūmnis constrictus esto; tuæque trepidatio posteris vertatur in legem. Tremens obambula; animata lex videntibus occurrens, spirans columna, avertat à pari pœna: Lex inquam atramenti vice, trepidationis nota conscripta malum tacere nescium, inuentibus sit hortamento; & perturbata natura, quietem suadeat.]

Verisimilius tamen videtur, signum à Deo positum:

in Caino, aliud fuisse à tremore, insolitâque succussione totius corporis. Manifestè id voluit Rupertus, qui eum Caini tremorem Iudaicis fabulis annumeravit. Ratio quoque nobis suffragatur. Necessè namque fuit, signum immunitatis à Deo impressum Caino, ejusmodi esse, vt non posset ex morbo naturaliter accidere : alioqui vnde venisset in mentem hominibus, percepto eo signo, cogitare interdictum Dei de Caini occisione ? Atqui motus ille & tremor, potest ex morbo naturaliter prouenire, & semel luxatis & oblatis neruis aliisque motui additis instrumentis, potest per reliquam hominis vitam continuari. Non igitur videtur accommodatus, vt assumefetur à Deo in signum veritæ interfectionis Caini. Deinde tremor & motus corporis quo Cainum correptum voluit, inuasit illum ante positum à Deo signum, vt apertè habetur ex versu 14. vbi Cain desperans, & grauitatem sui sceleris ultra misericordiam Dei extollens, ait se ejici à Deo; & fore perpetuò vagum & profugum. 70. *verterunt gementem & trementem.* Ex quo tantum abest, vt colligatur hunc tremorem fuisse signum immunitatis à Deo concessæ, vt potius colligatur, Cainum incurrisse hunc tremorem, metu cœdis inferendæ à quocunque obuio. Quod manifestè tradit S. Hieronimus episto. 125. q. 1. vbi prolatis illis Caini verbis; *Eue ejicis me hodie à facie terra, & à facia tua abscondar, & ero gementis & tremens super terram, & eris omnis qui inuenerit me, occidet me,* subdit hanc illorum verborum ephrasim. [Ejicior à conspectu tuo; & cōscientia sceleris tremebui dus,

lucem ipsam ferre non sustinens, abscondat ut latitem; eritque, omnis qui inuenerit me, occidet me; dum ex tremore corporis, & furiatæ mentis agitato, eum esse intelligit, qui mereatur interfici.] En tremor ille, iudice Hieronimo, potius accusat quàm regit Cainum. Non igitur fuit signum immunitatis à Deo concessæ. Idem perspicuè agnouit S. Chrysostomus hom. 15. in Genes. Ait enim Cainum in tanta sui corporis imbecillitate, tantoque tremore, veritum esse ne à quocunque occidere volente occideretur: Deum autem timori illi prospicere volentem, impressisse Caino signum. Quare ille ipse tremor, non fuit huiusmodi signum, quod Deus posuit in Caino; ut omnibus constaret placere sibi Cainum indemnem esse. Quid quod ambigi potest, unde ea opinatio de tam insolito Caini tremore profluxerit? Nam voces Hebraicæ quas 70. expresserunt per tremorem & concussionem corporis; potius sonant fluctuationem, & vagationem, ac instabilitatem in homine incertæ sedis, ut S. Hieronimus in Traditionibus ad c. 4. Genes. animaduertit, & diligenter ibidem persequitur Eugubinus. Estque verisimilius, verba illa Dei ad Cainum *vagus & profugus eris super terram*, spectare omnino instabilitatem, & incertas Caini reliqua vita sedes, non autem tremorem morbosum vehementissimum, qualem Græcus cōtextus Caino tribuit: quandoquidem nequam ille, ut confestim in textu subditur, mox à posito signo, dicitur liberos procreasse: quod à corpore adeò malè affecto, & tam violenter quassato, abhorreret. Dicitur etiam

illico dedisse operam ædificandæ ciuitati ; quæ oporosa molitio, hominem benè valentem, & optimè corpore constitutum, supponit. Aliud igitur signum à Deo in Caino positum, quærendum est.

Fuerunt qui signum in Caino positum, cornu in fronte Caini enatum dicerent, vt ex Ruperto referebam. Anonymus in opere de vidua Sareprana lib. 3. tom. 6. c. 2. hoc cornu Caino in nare statuit vt in Rhinocerote. Hi cogitasse videntur illud Pœtæ, *cornu ferit ille, caueto*. Quasi per eam notam significare itidem voluisset Deus, recedendum esse à Caino fratricida. Neque verò ridiculum aut incredibile videri debet, inditum esse Caino diuinitus cornu in fronte ; cum locupletes testes confirmant, naturaliter, aut ex morbo, inditum esse humano fronti cornu. Visam sibi Monspelij fœminam nobilem, cui in fronte erat cornu digiti longitudine, scribit Dalechampius ad l. 11. Plinij c. 37. Rusticum Cœnomanum, cuius fronti cornu adnatum crassissimum duos palmos longum, ad occiput incuruum, Lutetiæ anno 1600. abs se visum refert Renodæus l. 3. de mater. Medica c. 11. additque ex Philippo Ingrassias, de alio homine cui erat in dorso cornu prominulum, qualem item hominem abs se visum, qui in Ligurum tritremi diu fuerat, scribit Scaliger exercit. 199. num. 5. Visum quoque abs se hominem cui erat in medio frontis, cornu simile arietino, retortum ad futuram coronalem supernè ad verticem, testatur Hildanus Centur. 2. obseru. Chirurg. in 25. qui item Centuria 4. obseru. 31. puellam cornutam, & Pauli Lentuli de ea Corn-

mentarium memorat. Alterius in fronte cornuti, meminit Zacutus Lusitanus l. 3. de praxi admir. obseruat. 9. De Poppa Calviniano cui inter duo supercilia non modicum cornu adnatum erat, testes habeo locupletes qui post Ministelli mortem, asseruaturn à quodam Catholico cornu illud, viderunt & contrectarunt. Diceret hoc cornu supra nasum extans, refert breuius Rhinocerotis cornu, quod pro iracundiæ in ea bestia flagrantissimæ indice, habent Physici. Erat enim nequam illud Caluini organum, efferatissimi in Catholicos animi, & iræ æstuosissimæ, ita vt Rosaria (sic enim impiè nominabat,) è præcis Sacerdotum Catholicorum auriculis confecta, penes se esse gloriaretur. Mulierem in monte Caluariæ enixam fœtum cornutum, indeque prænunciatum fore ibi sedem regiam, scribit Basilius Seleuc. orat. 38. Quod de Gippo Rege jactatur, cum commissos interdum boues aliis animo agitasset, enata illi inter dormiendum è fronte cornua, intra vnicam noctem, permitto lectoris iudicio.

Superiora exempla quæ & testium oculatorum sunt, & nobis propinquiora, sufficienter euincunt, cornua & quidem propriè dicta, qualia grandioribus quibusdam quadrupedibus viuiparis adnascuntur, posse aliquando per vitiationem temperiei, aut extraordinariam corporis constitutionem, etiam in aliis animalibus reperiri quasi fortuito, & præter communem regulam. Simile est quod ceruæ fœminæ accidit. Communiter enim caret cornibus, vt notum est, traditque Plinius l. 11. c. 3. post Ari-

storelem in Poëtica c. 23. & lib. 1. de part. c. 2. cum quibus Philosophi certis locis, alia notha, idest ex spuris operibus petita, contrarium ferentia, frustra conciliare satagit Lælius Biscida l. 1. subf. c. 20. Et tamen repertam suo tempore fuisse in Gallia ceruam cornutam, scribit Scaliger l. 3. Poët. c. 4. Insolito item spectaculo haud ita pridem, captum esse cornutum leporem testatur Renodæus l. 3. de mater. Medica. c. 4. Cornu gallinæ enatum in crure, narrat Auicenna l. 9. de animalibus, si Pomponatius l. de Incantat. c. 3. pag. mihi 31. nec non Scaliger exercit. illa 99. n. 5. quod tamen est præter communem vsum. Igitur eodem modo, per extraordinariam materiæ inhumano corpore dispositionem, potest accidere, vt homo cornutus euadat, vi morbosæ causæ naturalis.

Hinc verò rectè colligi videtur, signum à Deo positum in Caino vt non occideretur, non fuisse cornua. Signum quippè illud, vt circa tremorem disputabamus, debuit ejusmodi esse, vt non posset aduenire naturaliter, vi morbi, vel temperiei vitiatæ; alioqui non fuisset accommodatum ad ingerendam hominibus notitiam impressionis factæ diuinitus, vt manifesta fieret immunitas cædis à Deo concessa. Caino. Atqui cornua, (vt ex propositis exemplis euincitur,) insolito quidem & raro, sed tamen non incredibili modo, possunt homini ex morbo contingere. Quare aliud recurrendum est, vt legitimè & verisimiliter exponatur, quod fuerit signum à Deo impressum Caino. Nugas Rabbinicas de cane Cainum perpetuò affectante, vt eo viuo hominis

gladio juxta loquendi modum à Gregorio Nysseno adhibitum l. de hom. opific. c. 7. tutus esset à quouis hostili incurſu , dimitto cupidiarum illarum auidis : Hæc enim tametsi esset tutela , non tamen esset signum, neque signum in Caino positum ; quod utrumque asserit scriptura, de indice voluntatis diuinæ, ne Cain occideretur.


Mihi nihil occurrit , quo signum illud in Caino positum valeat verisimilius exponi ; quàm si dicamus , fuisse stigma Caino impressum in fronte , aut facie , ut in oculos omnium Caino occurrentium incurreret ; quod neque foruito euentu , neque vi morbi, aut naturæ in corporibus nostris sæpè ludentis , posset accidere. Siue eius deputatio ad significandum hominibus diuinum interdictum , esset per signa anteriùs addicta ad id in actu signato innuendum ; puta per literas , & scripturam id enunciantem : Siue deputatio signi planè singularis ad id significandum adhibiti , fieret ex speciali Dei concursu , ad tempus vitæ Caini prorogando : qualem concursum , benè multi olim perpetuum fuisse voluerunt in Vrim & Thummin, respectu Sacerdotis, ut diuina responsa ex lapidum cõtuitu deprehenderet. Similiter enim potuit Deus , omnes insolitum in Caino stigma conspicantes , edocere quid illud stigma ex diuino instituto enunciaret. Quod autem admisi , potuisse de signi deputatione constare per Scripturam, qualis in S. Theophanis , & aliorum martyrum frontibus sæpè exarata fertur ; non conuellitur ea multorum opinione , quod literæ sint post diluuium adinuentæ , ut referunt Lilius Gyraldus

Gyraldus dialo. 1. de Poëris & Crinitus l. 17. de honesta discipl. Vera enim sententia, affirmat literas & scripturam, ipsiusmet Adami diuinitus edocti inuentum esse, vt ex benè multis tradit Hermannus Hugo l. de prima scrib. orig. cap. 3. Sanè quod Mosè literarum autorem statuit Rupertus l. 3. de victor. verbi Dei c. 4. & 22. inde rectè refellit Philippus Abbas l. de silent. Clerico. c. 45. quod Enoch tanto antè scripserit S. Iuda teste in Canonica Epistola. Nihil igitur est, quod vetet affirmare, stigma Caino impressum innotuisse per aliquam Scripturam, enunciantem diuinum decretum de non interficiendo Caino : Vel certè ipsummet stigma & signum in Caino positum, aliud non fuisse, quàm scripturam aliquam in Caini fronte aut facie diuinitus exaratam ; jam tunc ab omnibus ex deputazione præuia intelligibilem, quæ ferret, vetare Deum ne quisquam in Cainum insurgeret ; sed ab omnibus, eius violatione abstinere. Vt vt sit, stigma aliquod impressum à Deo esse Caino, agnoscunt Hebræi antiqui apud Genebrardum, & subscribit Lyranus in c. 4. Genes.

Sic stigmatizari decuit ad perpetuam infamiam, hominem impium, qui vt ait Prosper p. 1. Operis de promiss. c. 6. [Effectus est contemptor diuini mandati, superbiæ caput, auctor inuidiæ, princeps illatæ mortis, & primus in hominibus parricida.] Plenè eius scelera expendunt S. Ambrosius l. 1. de Cain & Abel cap. 7. & 10. & lib. 2. eiusdem operis à capite sexto. Victor Cartennensis l. de pœnitentia c. 4. & 7. S. Cyrillus l. 2. in Genes. & S. Chryso-

stomus descriptus à Niceta ad orat. 43. Nazianzeni, qui septem immanes eius noxas secernunt. Et addendum est crimen hæreseos, cuius Cainum instigulavit S. Iudas, dicens Hæreticos in via Cain abiisse: quod Quiros ad eum Iudæ locum, fusè in hunc sensum prosequitur: & sequi videtur ex iis quæ de vero Abelis martyrio disputata sunt in Opere de Martyrio per pestem p. 2. c. 1. n. 17. Neque tamen infamiae duntaxat diuturniori, trucidis huius bestiae servitum est, per stigmatis, ream omnibus demonstrantis, inustionem; sed etiam ratio habita est eruditionis cœterorum deinceps peccatorum; ut scilicet agnoscerent diuitias longanimitatis Dei, quæ sustinet vasa iræ in multa patientia; nec illico à scelere ea conterit & destruit, si forte resipiscant, & miserarioni locum præbeant. Observatio est S. Philastrij hæresi 2. de Caino. Notavit verò Isidorus Pelusiota l. 4. episto. 8. Cainum tamen si teterrimum peccatorem, minus indignum se præbuisse hac diuina largitate & comperendinatione, quia falsus est cædem quam patrarat: Ob contrariam autem causam, Lamech quia inficiatus est noxam qua se inquinat, simili fructu diuinæ benignitatis, supplicium ad longa tempora differentis, caruit. Varij Patres prædelineatam in Caino gentem Iudaicam, Christi Abelis veri trucidatricem demonstrantes, hanc quoque procrastinationem mortis Caini, & concessam ei immunitatem stigmatibus inusto tanquam publica proclamatione restatam, accommodant Iudæis, aptantes illis locum ex psal. 58. quo Christus postulat à Patre ne Iudæos occi-

dat, sed dispergat atque deponat. Ita nominatim
S. Augustinus concio. 1. in psalmum illum 58. &
S. Cyrillus l. 2. in Genes.



C A P V T II.

*De stigmate Circumcisionis, olim diuinitus
indicto, Abrahæ posteris.*

Hoc est aliud stigma, in veteri Testa-
mento autore Deo impressum, vt habe-
tur Genes. 17. vbi dicitur, hoc fuisse
signum fœderis à Deo initi cum Abra-
hamo. Apostolus Rom. 4. penitissimè peruadens
mysterium, dixit circumcisionem esse *signaculum*
justitiæ fidei quæ est in præputio. Gulielmus Paris.
l. de legibus c. 3. vocat *signaculum & stigma insepa-
rabile.* Item Claudius Marius Victor. l. 3. in Ge-
nesim, agens de Abrahamo.

*Se primum, natumque suum cunctosque clientes,
Ac famulos omnes quo iussu est stigmate signat.*

Est ergo circumcisio, stigma, vt autem quæ ad hoc
stigma pertinent perspicua fiant, percutrendæ sunt
ejus causæ omnes, formalis nimirum, subiectiua,
effectiua atque finalis.

Formalem antiquæ circumcisionis causam appello,

eius veluti quidditatem & essentiam, quam Origenes in c. 2. ad Rom. his verbis expressit. [Circumcidere, est ex genitali mēbro per quod successio humani generis, & carnalis propago ministratur, amputare aliquam partem.] Hæc tamen circumcisionis definitio, minùs perfecta est, nec isti negotio opportuna. Cadit enim in circumcisionē in fieri, siue in actionem qua efficitur stigma de quo agere intendimus: non autem in ipsum stigma, quod est circumcisio in facto esse. Deinde omittitur in ea definitione quod est præcipuum. Neque enim quæcumque, & quomodolibet facta membri genitalis defectio, esset circumcisio indicta à Deo, Abraham: sed vt ipsa vox *circumcisionis* apertè sonat, exigebatur ad illius diuini mandati impletionem, vt præputij caro detruncaretur in orbem: Ita vt non fuisset satis securum decerpi aliquid carnis ex eo membro cujus circumcisio præscribebatur, sed necessaria esset abscissio carnis ex eo, in rotundum, vnde sequeretur stigmatis circularis impressio. Dixi requisitam fuisse abscissionem, quia quodcunque vulnus orbiculare non fuisset satis ad circumcisionem lege indictam; non enim suffecissent punctiones in orbem; sed necessaria erat detruncatio & abscissio alicujus partis ex eo membro decerptæ. Et hoc sensu accipienda est circumcisionis notio à S. Zenone assignata serm. de circumcis. vbi ait, circumcisionem, (vtique in facto esse spectatam,) esse *cicatricem ferro circumlatam, in damnum rotundi vulneris*. Sufficiebat porrò carnem decerptam in orbem, esse permodicam; quia per quamcunque orbicularem

detruncationem membri prædicti, salua erat circumcissionis notio, & diuinum iussu mandabatur executioni. Ex quo S. Zeno eruit, quanta esset Iudæorum stoliditas qui de râtulæ cutis abscissione gloriabantur. Si enim sola carnis abscissio spectaretur, longè gloriosiores potuissent videri Ethnici illi, qui in Deæ suæ honorem, vt S. Zeno subdit, [Non paruam cutem ejusdem membri, sed ipsum membrum radicitus abscissum, mysteriis turpioribus immolabant.] Agit de sparcis illis Gallis, qui se ad cultum Cybeles, magnæ Deorum parentis euirabant, vt videre est apud Arnobium, & alios annotatos tractando superstitiosum cultum numinis.

Altera hujus stigmatis interna causa, est subjectiua. Possumus autem duplex eius subjectum secernere; nempe immediatum & proximum, siue ipsum membrum circumcidendum; & remotum, siue personam totam cujus membrum circumcidebatur. Vtrumque subjectum, non exiguam disquisitionis segetem præbet, vnde seorsim est considerandum.

Pars circumcidenda erat genitale caput; vt loquitur Rutilius l. 2. Itiner. allatrans Iudæos vt gentem propudiosam, quæ meteret partem illam humani corporis. Nec Rutilius duntaxat, sed Stoici quoque, & eorum vestigia relegendes quidam Hæretici, Testamento veteri infesti, partis prædictæ truncationem improbarunt, non sine irrisione Dei talia mandantis, & fœda obtrectatione exequentiū, vt ait Origenes in c. 2. ad Rom. hæc subjiciens præter cœtera. [Stoici ajunt, indicet aliquid

mysticum circumcisio & figuram teneat allegoriæ. Itane oportuit, ut cum pœna & periculo paruulorum, cum cruciatibus teneræ & adhuc innocentis partis; in facie figurarum species, & legis ænigmata conderentur? Sic non habebat Legislator, ubi formas mysticas poneret, nisi in decurtatione verecundorum locorum? & Dei Omnipotentis lex, æternique Testamenti signaculum, non potuit nisi in obscœnis membrorum partibus collocari? Itane bonus est Deus iste, qui natum hominem, statim in primis novæ lucis auspiciis; præceperit vulnerari? Et sicut vobis videtur, ipse est & animæ creator, & corporis. Condat partem quam postmodum, mandat abscindi, ut per miserorum supplicia, proprium emendet errorem; aut quod necessario & utiliter fecit, non rectè mandat auferri. Tum præterea si cura est Deo plurimos ad cultum sanæ religionis adduci, maximum ex circumcissione obstaculum, nascitur. Cum eo enim quod supplicium unusquisque declinat; tum etiam irrisiionem turpitudinis refugit, unde magis impedimentum hoc religionis, quam insigne, dicendum est. Hæc & multa, his similia, vel Gentiles aduersus Legislatorem, vel hæretici perstrepunt.]

Repellit has sannas Origenes; quoad Ethnicos quidem, argumento ad hominem, ex usu plurimorum Gentilium usurpantium circumcissionem. Quoad hæreticos autem Dei legis aduersarios, allegat factum Christi, qui circumcissionem suscepit. Et huiusmodi insigne, cum ad discretionem à cæteris gentibus, tum ad mysticos plerosque sensus

ingerendos utile fuisse demonstrat ; de imbecillitate singulorum incommodorum ab aduersariis propositorum sigillatim differens. Quæ nobis huic loco necessaria non videntur ; quia sola Dei mandantis iussio , abundè purgat & honestat prætensam omnem, oblocutorum iudicio, circumcisioni adhærentem obscœnitatem.

Supposita porrò , (de qua ambigere non licet ,) circumcisionis honestate , non inutiliter quæritur, cur Deus illud potiùs subjectum proximum , quàm aliud quidpiam circumcidendum delegerit. Cur enim non in naso potiùs, vel in labro, aut auricula, vel oculo, indicta est circumcisio, vt semper pateret? Inquirat in ista Rupertus l. 5. in Genes. c. 31. & respondet ; non potuisse in illis partibus imprimi stigma circumcisionis , absque damnosa macula faciem deturpante, sed quid diceret de aurium foratione ; quam mulierculæ citra deformationem inducunt per graciles aurium cutes, calendaria expendentes, vt loquitur Tertullianus l. de hab. mulieb. c. 9. Quid de stigmatizatione faciei , olim apud varias gentes vsurpata , (vt sect. 2. referemus ,) absque decessione pulchritudinis ; imo vt putabant, cum eius accessione & incremento ? Aliud igitur fuit Dei consilium, in delectu potiùs partis abditæ, quàm partis in omnium prospectu positæ ; & in delectu potiùs illius membri , quàm cæterorum. Non inquam duntaxat consultum voluit Deus indemitati pulchritudinis humani corporis , iubens defecari partem eius occultam ; sed aliquid aliud spectauit , non indiligenter prætereundum , & à

multis retrò sapientibus studiosè versatum.

¹¹ Omittenda tamen, aut despuenda censeo, friuola quædam, partim à Gulielmo Parisiensi l. de legibus c. 3. primo & secundo loco proposita, partim in hanc rem à Iudæis, Iudaicè id est carnaliter admodum & crassè excogitata, referente Philone l. de Circumcisione: vbi repulsurus Ethnicos circumcisionem deridentes, refert inter permultas adhibendæ circumcisionis causas, quatuor esse à diuinis suis maioribus, placitorum Mosaicorum accuratis scrutatoribus, propositas; [Vnam, vt caueatur morbus curatu difficilis, quem vocant carbunculum; opinor idèd sic appellatum quod vrat inflammatione, quæ præputiatis faciliùs innascitur. Alteram, vt totum corpus sit purius, nec impediatur officia sacerdotalis ordinis: quamobrem etiam radunt corpora Ægyptij Sacrifici, ne quid sordium, vel sub pilis, vel sub præputiis hæreat, quod possit obesse puritati sacris debitæ. Tertiam quòd cordis similitudinem quandam habeat circumcisa hæc particula. Ambæ enim generationi seruiunt. Nam ab altera spiritus animales, ab altera genituræ profiscuntur. Idèd prisci æquum censuerunt, occultæ illi, potiùsque, ceu fonti sensuum animi, adsimulare hanc visibilem, vnde origo crassiorum sensuum corporis. Quarta porrò causa summè necessaria, est cura fœcunditatis & numerosæ sobolis. Aiunt enim, ita semen recta ejaculari integrum, nec diffuens per sinus præputij; & idèd circumcisas gentes fœcunditate pollere, esseque populosissimas.]

Hæc nimium quantum carnalia sunt, & negligenda:

videturque ea ferire S. Cyrillus l. 10. in Iulia. Dicens contra illa quæ in ratione secunda à Philone recitata, traduntur. [Non fortassis prætexent quidam communem hunc & ridiculum sermonem, quem & dicunt simpliciores Iudæos & idololatrias morem habere. Vt enim (inquiunt,) videatur corpus liberatum à pollutionibus & sordibus naturalibus, nudam à naturæ integumentis particulam esse oportet. Dixerim quod hi maximè offendunt, increpando naturam, quæ nihil superfluum & inutile habet, sed honestè contegit etiam quod videtur quodammodò turpe. Veruntamen si congruè virant carnales immundicias quomodò abstinebunt à carne, & his quæ ab illa, & cauebunt ab interno & occulto fonte procreationis filiorum? Oportebat enim magis alacriter spectare ad internos fontes immunditiæ; non ea per quæ veniunt, præcisionibus offendere. At non coinquinat animam corporis natura, etiam si solitis modis, ac suis legibus veniat. Idcirco valdè frivolum est propter sordes carnales circumcidi, sicut illi dicunt.]

Inepta igitur est ratio secunda ex Philone proposita, ac ferè cæteræ : nisi quod tertia ratio aliter proponi & ad magnum mysterium referendum, accommodari optimè potest, cum Lactantio l. 4. instit. c. 17. vbi præfatus, circumcisionem antiquam [caruisse ratione; (nimirum si non haberetur ratio mysticæ significationis abditæ, & sola externa carnis resectio attendatur :) quia si Deus id veller, sic à principio formasset hominem, ut præputium non haberet.] Hæc inquam prælocutus Lactantius,

subdit ; quod ea prima apud veteres carnis circumcisiō. [Huius secundæ circumcisiōnis figura erat ; significans, nudandum esse pectus, id est aperto, & simplici corde, oportere nos vivere : quoniam pars illa corporis, quæ circumciditur, habet quandam similitudinem cordis, & est pudenda. Ob hanc causam Deus nudari eam iussit, vt hoc argumento nos admoneret, ne inuolutum corpus haberemus, id est, ne quod pudendum facinus intra conscientiæ secreta vèlemus. Hæc est cordis circumcisiō, de quâ Prophetæ loquuntur, quam Deus à carne mortali ad animam transtulit, quæ sola mansura est. Volens enim vitæ ac salutis nostræ pro æterna sua pietate consulere, pœnitentiam nobis in illa circumcisiōe proposuit ; & vt si cor nudauerimus, id est, si peccata nostra confessi, satis Deo fecerimus, veniam consequamur, quæ contumacibus, & admissa sua celantibus, denegatur ab eo qui non faciem sicut homo, sed intima & arcana pectoris intuetur.] Habemus in hoc Lactantij testimonio, antiquam & insignem confirmationem sacramenti Pœnitentiæ, quo circumcisiōnem tanquam adumbrationem, refert Lactantius. Posset quoque tertia illa Philonis ratio aliter proposita, accommodari cum Eucherio ad mysticam cordis circumcisiōnem, vt videre apud eum est l. de qq. difficiliōribus vtriusque Testamenti in 23. Sed dimisso studio, accommodandi & in bonum sensum trahendi rationes Iudaicas, cur circumcisiō diuinitus sit indicta in membro humanæ generationi addicto, audiamus quæ idem Philo ex sua potiùs mente, & varij Patres in hanc rem protulerunt.

Prior ergo ratio quàm ex sua mente adhibet Philo, his eius verbis continetur. [Equidem præter jam dictas rationes ; per circumcisionem significari arbitror duo quædam valdè necessaria. Vnum, excisionem voluptatum, quæ mentem fascinant. Quoniam enim inter omnes voluptatum illecebras, principatum tenet viri congressus cum muliere; instrumentum eius legislatores mutilari iusserunt, innuendo resecandas voluptates superfluas, non vnus tantum generis ; sed omnes per vnâ subjudicantes.] Hæc prima Philonis ratio, frequentissimè occurrit apud Patres. Signo nonnullos.

Origenes in c. 2. ad Rom. sub finem longæ digressionis de circumcisione. [Circumcidere, est ex genitali membro, per quod successio humani generis & carnalis propago ministratur, amputare aliquam partem. Per hoc ergo iudicari figuraliter reor, amputandam esse ab anima, si qua illi ex consortio carnis adhæret impuritas, si quis eam libidinis male suadæ sensus obtexit. Idcirco igitur non aliis ista dessectio, sed genitalibus membris infigitur ; vt clareat quòd huiusmodi vitia, animæ non ex propria substantia, sed ex genuino motu & incentiuo carnis adueniunt. Quod autem octaua die circumcisio datur, illud designari arbitror, quod præsentì quidem sæculo, septimana deputata est; Octauus autem dies futuri seculi mysterium tenet. Illorum ergo est circumcisio spiritalis, qui futuro sæculo militant in quo neque nubent, neque nubentur, sed erunt sicut Angeli Dei & eorum qui seipsos castrauerunt propter regnum Dei, & quorum in terris ambulan-

tium in cœlis est conuersatio, quique prospiciunt non ea quæ videntur: sed quæ non videntur, & sciunt quòd quæ videntur temporalia sunt, quæ autem non videntur, æterna.] Creditus Cyprianus serm. de ratione circumcisionis. [Tenera infantia, huiusmodi erat imbuenda doctrinâ, & ante concupiscibiles motus, quos peccatum meruerat; miserrabili pœnæ, & inuitabili vindictæ, etiam in paruulis adhibenda erat seueritas: & antequàm ebulliret sartago libidinum, prouisum ventilabrum, quo refrigerari posset, & extingui depopulatricis flammæ vagus ardor, & vniuersa perlustrans incendium. Ideoque dolor voluptati; & sanguini delectationis, sanguis tormenti opponebatur, ut in primis elementis discerent paruuli semper propriæ memores sectionis, contraria curare contrariis; & ad cohibendos, refrenandósque turpitudinum appetitus, necessarium esse, sale corrosorio carnis perfricare pruritus, & semper recrudescentes desiccare putredines.] Mox item considerat, idcirco non totum membrum, quâ longum est, iussu esse resecari, sed solam eius anteriorem portiunculam: quia pudor ex motibus ad fœdas voluptates proritantibus, non potest prorsus excindi. [Res sanè maxima, si non egrediatur foras huius contagio corruptelæ, & insaniens bestia corrupti anhelitus, catenis ferreis in vltimis animæ recessibus alligetur; intusque fractis dentibus, seipsam concupiscentia captiua masticeat & corrodat.] Rursusque inferiùs. [Fomes quippè huius mali, intus in tenebrosis recessibus latitans, ut viderit animam alias occupatam, & in

imis ad sui circumspectionem sollicitam, irruptionibus vehementibus erumpit, & blanditiis venena supponens, pudicitiae puritatem inopinatis inuadit assaultibus. Ideoque pudibundus homo, nuditatem suam operit, & foeditatem confusus occultat. His rediuiis vulneribus semper hac sanie illitis, necessaria est per omnem huius vitae septimanam jugis resecatio putredinum, & continua circumcisio cicatricum: & in cæteris quidem, membra omnia imperio rationis obediunt, & arbitrij retinent libertatem. Hic verò vbi Babyloniae fornax exarserit, & quasi pice & naphtha conspersi libidinum ebullierint appetitus; inflammata caro, libertatis priuatur honore, intantum vt rebellia membra, velit nolit in motus nefarios audacter exurgant.]

S. Ambrosius l. 1. de Abrah. c. 4. propugnans ritum circumcisionis, in eadem aperte est sententia.

S. Hieronimus, non modò vsurpat plerunque rationem propositam, cur circumcisio indicta potius sit in eo membro; sed etiam tanti facit eam rationem, vt ei innixus, existimet circumcisionem apud Apostolum 1. Cor. 7. sumi pro virginitate, & circumcislam pro Virgine; sicut præputiatum, pro conjugato. Fusè & accuratè hunc Apostoli sensum persequitur D. Hieronimus l. 1. contra Ioviniam. & in Apologia pro iisdem libris, ac breuiter episto. 12. quæ est ad Gaudentium de Pacatulae educatione, vbi sic habet. [Circumcismus quis, idest, Virgo vocatus est; non adducat præputium; hoc est, non quærat pelliceas tunicas nuptiarum, quibus Adam, eiectus de paradiso virginitatis, indutus est. In præ-

putio quis vocatus est, hoc est, habens vxorem, & matrimonij pelle circumdatus: non quærat virginitatis & æternæ pudicitiae nuditatem, quam semel habere desinit; sed vtatur vase suo in sanctificatione, & pudicitia; bibâtque de fontibus suis; & non quærat cisternas luparum dissipatas; quæ purissimas aquas pudicitiae continere non possunt. Vnde & idem Paulus, in eodem capitulo, de virginitate, & nuptiis disputans, *seruos carnis* vocat in matrimonio constitutos; *liberos* eos, qui absque iugo nuptiarum, totâ Domino seruiunt libertate.] Manifestè igitur S. Hieronimus, *circumcisionem* pro *cultu Virginitatis* accipit apud Apostolum. Ex quo liquet, juxta S. Hieronimum, detruncationem præputij factam in circumcisione, insinuare necessariam refrigerationem concupiscentiæ, inibi præsertim æstuantis.

S. Augustinus l. 6. contra Faust. c. 3. eandem rationem adhibet, propugnans honestatem circumcisionis. [Proinde (inquit,) si Manichæi resurrectione Domini justificarentur, cuius resurrectionis dies, ex die quidem passionis tertius, post diem tamen Sabbathi, hoc est, post septimum, octauus fuit: profectò spoliarentur carnali velamento mortalium desideriorum: & cordis circumcisione gaudentes, non eam in carne adumbratam figuratamque deriderent tempore veteris Testamenti: quamuis jam tempore noui Testamenti, fieri obseruarique non cogerent. In quo enim membro congruentius expoliatio carnalis & mortalis concupiscentiæ figuratur, quàm vnde carnalis & mortalis foetus exoritur? Sed sicut dicit Apostolus, *Omnia munda mun-*

dis, immundis autem & infidelibus nihil est mundum, sed polluta sunt eorum & mens & conscientia. Itaque isti, qui nimis mundi sibi videntur, quia illa membra tanquam immunda auersantur, aut auersari se fingunt, in eas infidelitatis & erroris immunditias inciderunt, ut cum detestentur circumcisionem carnis, quam dicit Apostolus signaculum iustitiæ fidei; in ipsis tamen carnalibus membris, diuina Dei sui membra credant colligata, & inquinata detineri.]

S. Prosper ad eandem mentem 1. p. de promiss. c. 14. sic differit. [Quæritur fortè; cur placuerit Deo, circumcidi omne duntaxat masculinum, eorum qui se ad obediendum Deo vouerant. Grandi autem sacramento res hæc acta est, quæ media & præterita tempora respiceret, ac futura. Nam primæ præuaricationis causâ, à parte corporis, serpentis veneno homo percussus, ardore libidinis æstuans, puduit ex his quæ pudenda creata non erant: eaque parere verecundiæ statuit, quæ fuerant inuerecundè nudata. Idcirco creator & iudex Deus, in ea parte corporis signum circumcisionis indixit, temperans morbum malè conceptæ libidinis ex copula debitum, ut per continentiae bonum atque integritatis decus, id repararet, quod fuerat vitiatum. Circumcisio quippè cordis, quæ in nouo fulget Testamento, in illo signo figurata est: quia sunt spadones, qui se ipsos castrauerunt propter regnum Dei; & filios Israël, incircumciso corde Deus increpat & obijurat.]

Denique S. Bernardus serm. 2. de Circumcis. *sub initium.* [Non dubium sanè, quin cætera quoque

humani corporis membra , additamentum illud Leviathan occuparet, venenum scilicet concupiscen-
tiæ, & immoderatæ atque inordinatæ illecebra
voluptatis; vt generalis quædam abscissio omnibus
necessaria videretur. Cæterum quia singulorum
mëbrorum abscissionem, humanæ carnis fragilitas,
& infantilis ætatis infirmitas nullatenus sustineret,
pro moderamine dispositio superna prouidit, vt in
ea potissimum parte concupiscencia castigaretur, in
qua vehementius eam sœuire constabat & violentius
malignari. In omni siquidem contradicentium
spiritui rebellionem membrorum, solum illud vsque
ad eò contumax inuenitur, vt contra omnem volun-
tatis deliberationem, ad inhonestos & illicitos
motus assurgat.]

Plus satis liquet, rationem primam ex Philone
propositam cur circumcisio in eo membro indicta
sit, esse Patribus frequentissimam; quod monstnan-
dum prolatis nonnullis receperam. Addit Philo
eiusdem diuini instituti alteram causam, quæ est
secundum valdè necessarium de quo monendum
lectorem præmiserat. Sic igitur expedito primo,
proponit secundum. [Alterum verò quo monean-
tur abjicere arrogantiam, grauem morbum animæ.
Quidam enim velut præclari fictores, jactant, se
posse hominem animal pulcherrimum producere, &
inflati hac superbia gerunt se pro Diis, vero autore
generationis dissimulato, cum tamen eum errorem,
consideratis aliis quibuscunque versantur, potuerint
corrigere. Multi enim sunt inter eos viri steriles,
& infœcundæ mulieres multæ, atque ita vtrique
consenuerunt

consenuerunt in orbitate. Hæc igitur praua opinio excidenda est ex anima, sicut & cætera, quæcunque pietati repugnant.] Hæc ratio de arrogantia amputatione insinuata per circumcisionem præputij, vt bellè cadat in rem de qua agitur; spectanda est mystica generatio per quorumuis bonorum operum veluti sobolis spiritualis procreationem. In qua re, cum partes obeamus matrum, quæ aliunde tantum fœcundantur; vt monstrare memini in defensione Valeriani c. 5. num. 3. ex Richardo Victorino atque Bernardo; præcluditur omnis gloriatio vana, cum ex Deo solo sint bona omnia.

Aliter circumcisionem ad humilitatis doctrinam refert creditus Hieronimus, Epistola de ratione veræ Circumcisionis, quæ inserta est Tomo 9. Ex eo enim quod hæc pars corporis debeat esse occulta, vt fert pudor naturalis, colligit autor ille, circumcissionem quæ est signaculum iustitiæ, adhiberi illi parti, vt significetur, iustitiam debere esse in abscondito. [Hic (inquit,) nostra circumcisio non videtur, quia stultitiæ velamine, velut veste tegitur mundiali. Nec sanè à nobis magnoperè desiderandum est, vt contemplationi omnium circumcisio apertè subjaceat; ne merces operis penes eos sit, quos volumus hanc videre, dicente Domino, *Amen dico vobis, receperunt mercedem suam*: Sed ita modestè, ita verecundè habenda est, & velanda, juxta eam imaginem, quam abundantiori honore vestimus, vt non videntes eam videant. Sed quærentes rimantésque intus nos juxta Apostolum; quos seductores putant, veraces esse fateantur; quos nihil

habere credebant , omnia possidere cognoscant : quos mori iudicabant , viuere in æternum testentur. Hæc est gloria circumcisionis occultæ : hæc partis verecundæ illis ad videndum , nobis in nostro corpore non verendæ : hoc testimonium gloriosum cum conuersi amare cupiunt , quos odisse gaudebant. Vnde non in carne palam ; sed in occulto cordis Iudæi esse debemus , non littera , sed spiritu. Nam littera oculis subjacet nostris ; spiritus nobis carnalem refugit aspectum , vt laus juxta Apostolum , ex Deo , non ex hominibus acquiratur : vt mereamur audire à Domino. *Populus hic labiis me honorat : cor autem eorum longè est à me :* juxta illum qui quod pertinebat ad labia , magistrum bonum de bono quæsiturus appellat : cui vetus lex , idest , carnalis circumcisio , velut in superficie posita recitatur : quam se complexisse testatus. Vbi quod ad circumcisionem cordis pertinebat audiuit. *Vende omnia quæ habes ; & sequere me.* Tristis abscessit miser prorsus : qui sequi voluit quem bonum ignorare non potuit : interiùs ergò illud est signaculum præfiguratum , quod in inuisibili mente nostra ab illo inuisibili nostro Deo videtur : vt non eum à quo inuocetur audiret ; sed eum à quo crederetur , attenderet. *Oculi enim Domini super justos* , si ad justitiam corde credatur. Verum autem nos credere toto corde mentimur , si ab hominibus accipimus honorem. Accipimus enim ab hominibus honorem , si eleemosynas nostras , tuba populo prædicatura præcedat : quas nec per officium ministrandi dexteram cum sinistra communicare concessum est. Accipimus

ab hominibus honorem si ieiunia nostra & abstinentiam ciborum, populi oculis fractior mentis infirmitatis commendet incessus: & fauorem vulgi, tristi vultu aduocatus pallor acquirat: si verò formam lætitiæ vultus erectus lauacris etiam serenatur, si caput ad imaginem festiuitatis inungitur. Sed soli Deo ieiunia commendantes possumus dicere, *Voluntariè sacrificamus tibi Domine.*]

Sunt insuper apud Patres, aliæ quædam rationes diuini instituti in quo excutiendo versamur, quas iuvat non omittere. Zeno Veronensis, serm. de circumcisione, refert indictionem resectionis in ea corporis parte, ad remotionem omnium peccatorum, deriuatorum ex corrupta origine ab Adamo. [Circumcisio ista (inquit Zeno,) non tam salutem pollicetur, quàm locum, caputque criminis monstrat. Adam etenim cum hoc membro illicitum pomum decerpit, sic in genus humanum jus mortis induxit. Necessariò ergo, luxurioso populo Deus hoc signum dedit; vt locum matriculis culpæ cum denotat, etiam alia crimina fugienda cognoscat.]

Eodem reuoluitur elegans S. Cyilli cum Iuliano disputatio l. 10. *sub finem*, vbi roganti quorsum circumcisio? Respondet [Bona sanè & utilis, Amice, si typus esse credatur rei spiritualis. Absurdarum enim, concupiscentiarum & voluptatum, quæ scilicet sunt in humana mente, abiectionem significat: quam per spiritum sanctum in nobis omnibus Christus operatur. Innumeræ enim voluptates, quæ humanam mentem decipiunt, & partim quidem

ferentes ad amorem carnis, partim autem ad vulgares & stultas delicias, ad absurda lucra, ad pompas inutiles, & in summa ad omnia prauarum rerum genera, quæ & ipsa diuina lex prohibuit; Ab his omnibus sancti spiritus liberat gratia mentem inhabitans, & omnem immunditiæ speciem abradens; hæc est Deo gratissima circumcisio. Vnde Propheta Hieremias Iudæorum populis parum scientibus quomodo legitima implenda essent, loquebatur, dicens: *Circumcidimini Deo, & circumcidite duritiam cordis vestri viri Iuda, & qui inhabitatis Hierusalem.* Igitur dubitauerit nullus, quod si quidem quis, omnino à cordis affectionibus liber fuerit, talis rectè Deo potiùs, & non sola carne circumciditur: quod facere nolentes Israëlitas, acriter redarguit vniuersorum Deus, dicens: *Omnes gentes incircuncisa carne, & omnis domus Israël incircuncisa corde suo.* Dixit autem alicubi & per vocem Hieremiæ; *Ad quem loquar, & seclabor, & audiet? Ecce incircuncisa aures eorum, & audire non poterunt.* Insuper & diuinus Stephanus, opprobrians illis crudelitatem & inobedientiam: *Incircuncisi;* (inquit,) *auribus vestris, & cordibus.* Proinde Paulus in lege etuditus, optimè dixit: *circuncisio nihil est, & præputium nihil est, sed observatio mandatorum Dei.*

Apud eundem Cyrillum l. 4. in Ioan. c. 51. hæc habentur in eandem sententiam. [Quoniam præparari, præmundarique omnes oportet, qui Deo coniungi student (*sancti*, ait, *sitis, quia ego sanctus sum,*) propterea purificationis signum, circuncisione carnis priscis hominibus datum fuit. Quod qui-

dem facillè intelligemus, si conditionem considerabimus nostram. Voluptas quædam ante omne peccatum præcurrit, & feruens cupiditas ad delicta solet illicere: quæ ante peccandi actum insidet, & mentis consensum arripit, persuadens facillè hac via veniendum nobis esse quo gliscimus. Quod verum Christi discipulus ostendit, dicens: *Nemo qui tentatur, dicat a Deo se tentari. Neminem enim Deus tentat, sed unusquisque à sua cupiditate distractus atque seductus tentatur. Cupiditas deinde, postquam conceperit parit peccatum: porro consummatio mortem generat.* Vides quomodò ex voluptatis semine delicta producuntur. Hac de causa iussit Deus, illam corporis particulam, in qua, & per quam voluptatis fontes scaturiunt, ferro circuncidi. Vt hoc ænigmatè perdiscamus, nullo nos pacto mundos vnquam futuros, nisi diuini verbi actum, in corde quasi acutam spiritus bipennem retinentes, omnem turpem ex animò cupiditatem, ejiciamus: nec quæ voluptas expetit carnis, quamvis jocundissima videantur, sed sola quæ Deo placent faciamus.] Agit vniuersè S. Cyrillus, de quocunque prauo motu, ex corrupta origine.

Haud difficillè fuerit, huc transferre insignem S. Athanasij disputationem in nuper edita Orat. de Sabatho. Eius hæc est oratio repræsentata compendio in Catena Græca ad c. 2. Lucæ. [Octauo die circuncidi lex iubebat, eratque præceptum hoc inuiolabile, significans omnium post diem septimum regenerationem. Nam circuncisio nihil nisi natiuitatis exuuias denotabat; eamque ob causam,

circumcisionem esse datam arbitror. Ex quo enim audiuit Adam, *Terra es & in terram ibis*; mori eius ac corrumpi corpus cœpit. Exinde corporis quandam partem, & quidem eius procreatricem, mulctare iussi sunt; prædocti totum esse exuendum, ut tanquam quod damnatum erat radentes, saluari possent. Et quemadmodum sacrificia, futurorum erant umbræ; sic & partis circumcisio, totius erat adumbratio. Illud autem in Iesu Naue, clarè scriptura demonstrat. Nam Iesu Naue populum ex edicto Dei in Galgalis circumcidenti, dixit Dominus. *In hodierna die abstuli opprobrium Ægypti.* Si igitur circumcisio, Ægyptiacæ sit ablatio generationis, utique præputium, Ægyptiaci est character habitus, & signum illius generationis. Hoc abstulit Deus, ut non amplius tanquam in Ægypto nati, sed Terræ promissionis (in quam illos Dominus induxit,) filij haberentur. Hinc itaque fit clarum, idcirco datam esse circumcisionem, ut ab Abrahamitis terrenæ generationis opprobrium auferretur, neque amplius obnoxij essemus isti maledicto, *Terra es, & in terram ibis.* Ablatum enim est opprobrium delicti. Hoc autem tunc factum est, in figuram futuri per Christum baptismatis. Tunc enim tanquam in umbra fiebat ex parte: nunc autem, ut ait, Apostolus, totam terrenam exuimus generationem per lauacrum regenerati; ne amplius pro prioris conditione generationis moriamur, sed per eam quâ corpus exuitur, circumcisionem (quæ baptismatis lauacro conficitur,) viuamus. Quemadmodum autem Dominus dixit Iosue: *In hodierna die abstuli*

opprobrium Aegypti a vobis, potiori utique ratione unicuique baptizatorum dici poterit, in hac die abstuli à te terrenæ generationis conuitium, ac mortalis opprobrium corruptionis. Nihil enim circumcisio denotat, præter generationis depositionem. Nam cum, qui d. e. sexta mortuus est, exuimus, & in Dominicâ renouamur, quando antiquus ille exutus, regeneratus est per resurrectionem. Hoc enim Paulus ait in illâ ad Colossenses; *In quo & circumcisi estis circumcisione non manu factâ, in expoliatione corporis peccatorum carnis, in circumcisione Christi, conspuli ei in Baptismo, in quo & resurrexistis.* Nam circumcisio, earum quæ per Baptismum deponuntur exuiarum, figura erat, atque ea fieri iussa in membris iis quibus corpus generatur, ut circumcisi animaduertent, eam vetustatis exuendæ signum esse. Abraham enim postquàm crediderat, recepit circumcisionem, in signum eius quæ per Baptismum conficitur regenerationis. Idcirco adueniente signato, cessauit signum. Vetere enim toto homine exuto per Baptismum, superuacanea erat illa quæ per partem fiebat nota: & sicut Dominica est initialis creaturæ, & cessare facit sabbathum; sic eadem homine regenerato aboleuit circumcisionem. Vtrumque enim octauo perfectum est die, tam creaturæ incohatio, quàm hominis regeneratio. Idcirco octaua dies soluit sabbathum, sed non sabbathum octauam diem. In sabbatho siquidem homo circumcisus est, sed non in sabbatho operabatur circumcisio. Octaua enim dies cùm regenerationis daret initium, finem circumcisioni ac cessationem

intulit.] Breuiculus huius disputationis S. Athanasij, confecisse videtur S. Chrysostomus initio homiliae de occurso Domini.

Subjicienda restat omnium optima ratio, (mea quidem sententia,) cur pars masculini corporis generationi dicata, fuerit à Deo delecta, ut stigmatae circumcisionis notaretur. Attigit eam rationem, & cum aliis minùs idoneis nexuit Pelagius Rom. 2. ad illud, *si igitur praputium*. Egregiè autem exposita est à Ruperto l. 5. in Genes. c. 31. verbis illis [signum fœderis secundum Moysen, & signaculum iustitiæ fidei, secundum Apostolum, circumcisiorem esse, jam supra diximus; quod diffiteri, nec Iudæus, nec Hebionita possit Hæreticus. Constat verò, quod fœdus ipsum, vel fides quæ Abrahæ ad iustitiam reputata est, in promissione seminis exitit, in quo benedicentur omnes gentes. Hoc nempe est quod *credidit Abraham, & reputatum est illi ad iustitiam*. Quæ ergò in parte corporis huiusce fidei signaculum magis congruè daretur, quàm in ea per quam semen ipsum naturaliter trajicitur? Illic utique congruentius signaculum posuit sponsor, & promissi sui debitor Deus, ut & ipse promissionis, & homo expectationis suæ, semper commoneretur. Debitorem namque se fortiter teneri voluit, qui promissi seminis signum, in ipso seminis effusorio, credenti posuit homini. Simulque & illud sciendum, quia sicut Noë fidei suæ, rectè in nubibus, positum est signum dicente Deo. Cum obduxero nubibus cœlum, apparebit arcus meus in nubibus & recordabor fœdets mei, quod pepigi tecum, videlicet prædi-

centi Deo crediderat : quia diluvium aquarum de nubibus inundaturum erat. Sic rectè nihilominus Abrahæ, quia crediderat dicenti Deo, quòd in semine eius benedicerentur omnes gentes ; in loco seminis, id est, in genitili corporis parte signum ejusdem fidei positum est.]

Ex hac doctrina, quæ videtur causam præcipuam continere, cur membrum genitale circumcidi iustum esset Hebræis maribus ad familiam Abrahæ pertinentibus, vnde Christus fons Iustitiæ erat nasciturus, rectè infert idem Rupertus [quanti sacrilegij sit, post aduentum ejusdem seminis, adhuc injicere carni suæ signaculum ejusdem circumcisionis. Népe juxta præscriptam veritatem, circumcisionis susceptio expectandi seminis illius professio est. Quisquis circumciditur, semen quod Abrahæ promissum est, etsi non conscientia, signo tamen illo, venturum, se expectare profitetur. At ille, scilicet Christus, jam venit, jam natus est ; jam illo dato in benedictionem cunctis gentibus, veritas Dei impleta est. Igitur quisquis adhuc circumciditur, venisse negat eum, quem tali signo venturum, se spectare pronunciat, & perinde illum qui jam venit, utique Christum esse denegat. Rectè itaque, & veraciter Apostolus : *Si circumcidamini* (inquit) *Christus vobis nihil proderit.*]

Audiant Abassij, qui referente Godigno l. 1. c. 30. etiam nunc circumciduntur, Christi (ut jactant,) imitatione ; Sed est præpottera imitatio, & falsitate nunc laborans, ideóque respuenda. Alioqui cur æquè, Christi imitatione, non comedunt agnum

Paschalem ? Cur alios plerosque ritus Iudaicos à Christo usurpatos , prætermittunt ? Imitatio sanè aliqua futuræ per Christum redemptionis , erat antiqua circumcisio : nunc autem ea imitatio exoleuit. In quam rem optimè philosophatur Origenes in c. 2. ad Romanos *sub finem* , alloquens in hunc modum Hæreticos , subsannantes indictam olim Patribus circumcisionem. [Fatemini sine dubio , verum esse quod scriptum est in Epistola Petri : *Quia redempti sumus , non corruptibili pretio argenti & auri , sed pretioso sanguine Unigeniti*. Si ergo pretio empti sumus , ut etiam Paulus astipulatur , ab aliquo sine dubio empti sumus , cuius eramus serui : qui & pretium poposcit quod voluit , ut de potestate dimittat , quos tenebat : Tenebat autem nos Diabolus , cui distracti fueramus peccatis nostris. Poposcit ergò pretium nostrum , sanguinem Christi. Verum donec Iesu sanguis daretur , qui tam pretiosus fuit , ut solus pro omnium redemptione sufficeret ; necessarium fuit eos qui instruebantur in lege , vnumquenque pro se , velut ad imitationem quandam futuræ redemptionis , sanguinem suum dare : & propterea nos pro quibus completum est pretium sanguinis Christi , non necesse habemus pro nobis ipsis , pretium , id est , sanguinem circumcisionis offerre.]

Sequitur agendum de persona circumcidenda , quæ est subiectum remotum ac totale , stigmati de quo disputamus. Ex ipsis ergo verbis præcepti de circumcisione lati , constat omnes & solos mares qui de familia Abraham quomodocunque erant ,

altriectos fuisse lege excipiendæ circumcisionis. Perspicuè enim Genes. 17. masculis omnibus ad familiam Abrahæ attinentibus, etiamsi de stirpe Abrahæ non essent, denunciatur mors, si circumcissione carerent. Restringitur præceptum ad mares. Vnde absurdè Strabo l. 17. prodit, Arabas Hebræorum imitatione, fœminas quoque circumcidisse. Non enim Hebræorum imitatione, sed suo errore, ita olim fecere Arabes; observântque etiam Mahumetani, ut lego in Saracenicis c. 20. & ibidem ex Euthymio refertur pag. 59. & à Petro Bellono quoad Persas Mahumetanos firmatur 3. obseru. c. 28. Eundem usum apud Abassinos vigere, scribit Olorius l. 9. histor. Emman. & confirmat Munsterus l. 6. Cosmogr. Ad Cophtos Æthiopum Regi parentes, id restringit Bellonus supra. Ait verò Munsterus Æthiopas allegare pro hoc suo usu, liberum Synodorum Apostolicarum. Non mirum crassam gentem induci in errorem, vel potius in errore foueri per falsos libros; cum Ioannes Pierius Velerianus l. 6. hieroglif. perperam in hac re Straboni subscribens, legem Iudæorum ferte dicat, ut fœminis quoque adhibeatur circumcisio, vel potius excisio. At hoc in vera Hebræorum lege nusquam comparer, sed ex aliquo falso libro depromptum ab eo est, vel gratis confictum. Pluscula de ea fœminarum excisione, quibus referendis consultò abstinéo, videre est apud Lælium Bisciolam t. 1. hor. subsc. lib. 5. c. 14. Cur Ægyptij fœminarum circumcissionem ad quartumdecimum ætatis earum annura differrent, tradit S. Ambrosius l. 2. de Abrah. c. 11.

Præterea circumcisionis præceptum, restringendum esse dicebam ad familiam Abrahamæ, & omnes quomodolibet in ea recensitos : quod addo propter vernaculos & emptitios, nec non alienigenas ad Abrahamæ familiam pertinentes. Hi quippe omnes, ut rectè statuit Origenes in c. 2. ad Rom. & homil. 3. in Genes. lege circumcisionis tenebantur. Ex c. 17. Genes. rectè id confirmat Vasques 3. p. d. 162. c. 3. & 4. Cum autem filij Esau & Ismaelitæ, essent de stirpe Abrahamæ, non videtur dubitandum, quin eos quoque obstringeret lex circumcisionis, contra Cornelium Genes. 17. ad vers. 10. affirmantem solam familiam Abrahamæ è qua Christus erat nasciturus; idest solam domum Iacob, fuisse legi circumcisionis obnoxiam. Ismaelem autem ac Esau, eorumque gentem vniuersam, post separationem à familia illa Abrahamæ vnde Christus erat proditurus, fuisse à lege subeundæ circumcisionis immunes. Verùm vbi lex non distinguit, neque nos distinguere debemus. Lex autem vniuersè ait, semen Abrahamæ post ipsum in generationibus suis, obstringendum esse lege circumcisionis. Perperam igitur legis illius obligatio arctatur ad familiam Iacobi; sed ad omnes planè Abrahamæ posteros est diffundenda. Et ita videtur agnoscere Anastasius Sinaïta q. 28. in script. Ait enim, [Quod si Iudæi sibi placent, & glorientur de circumcissione, discant quòd non solum Abraham fuit circumcissus, sed etiam Ismael serui seruus, vernæque domini & serui empti, & Idumæi, & qui nati sunt ex Cethura. Didicerunt, autem ab Ismaelitis & Ægyptiis, circumcidi. Non

justos ergò facit circumcisio. (Isti enim omnes à scriptura accusantur tanquam impij :) sed fides & virtus quæ ornavit & honestavit Abrahamum]

Obligabat porro ea lex omnes Abrahæ posteros, statim atque octiduum vixerant, nisi gravissima causa dilationem deposceret. Ante octiduum autem nulla erat circumcisionis adhibendæ necessitas, etiam si paruulus periclitaretur de vita. Subueniendum enim ei erat alio remedio quod circa foeminas usurpabatur, & locum habuerat ante indictam circumcissionem. Fusior in hac re est Suares 3. p. t. 3. ad q. 70. artic. 3. Turcæ tamen Circumcisionem differunt ad pubertatem usque, & saltem donec qui circumciditur possit impietatem per seipsum profiteri, vt notat Bellonius l. 3. obseru. c. 28.

Alij qui ex stirpe Abrahæ non erant, vel ad eius familiam nullo modo spectabant, non urgebantur lege circumcisionis; quamvis nonnulli, voluntaria religione; plerique autem superstitione & cæca imitatione Hebræorum, hoc stigmate notarentur; non modò Phœnices & Arabes ad quos extra Abrahæ familiam usum circumcidendi arctat creditus Cyprianus serm. de ratione Circumc. Sed etiam plerique alij, nominatimque Ægyptij, de quibus ita scribit Origenes in c. 2. ad Rom. arguens Ethnicos Iudaicæ circumcisioni obstrepentes, [Apud Ægyptios, qui in superstitionibus vestris & vetustissimi habentur, & eruditissimi; à quibus propè omnes reliqui, ritum sacrorum & cœrimoniarum mutuati sunt; apud quos inquam, nullus aut geometriæ studebat aut Astronomiæ, quæ apud illos præcipua

ducitur nullus certè Astrologjæ, & Geneseos, quæ nihil diuinius putant, secreta rimabatur, nisi circumcissione suscepta Sacerdos apud eos aruspex, aut quorumlibet sacrorum minister; vel ut illi appellant Propheta, omnis circumcissus est. Litteras quoque sacerdotales veterum Ægyptiorum quas Hieroglyphicas appellant nemo discebat, nisi circumcissus. Omnes Hierophantes, omnes vates, omnis cœli (ut putant) infernique mystes, & conscius, apud eos esse non creditur, nisi fuerit circumcissus.]

Vides quid voluerit Philo l. de Circumc. *initio*, cum ait; [Ridetur majorum nostrorum circumcisio, quamuis in non mediocri honore habita, etiam apud gentes alias, præsertim Ægyptiacam, præcellentem hominum tam frequentia, quam sapientia.] Nemo enim apud Ægyptios, nisi circumcissus, admittebatur ad arcanam sapientiam. Eaque ex causa, Pythagoram non religionis studio, sed sciendi cupiditate, circumcissum esse cum Ægyptum adiisset, legere est apud Clementem Alexandrinum l. i. Strom. Neque tamen audiendus est Valesius qui c. 18. de sacra philos. reuocat in dubium, an Hebræi ab Ægyptiis circumcisionem acceperint; vel è contrario Ægyptij, hauserint ab Hebræis circumcisionem. Id quod latè agitât Ghislerius in c. 10. Jerem. ad versum 26. Breuius Hugo Menardus ad Epistolam tributam S. Barnabæ pag. 150. jure concludentes, Ægyptios ab Hebræis ritum circumcidi acceperisse, non è contrario: tamen ita asserunt Origenes l. 5. contra Celsum, & Diodorus l. 1. biblioth. c. 2. & l. 3. c. 3.

De aliis gentibus, circumcisionem quoque cæca imitatione vsurpantibus, sic scribit Origenes in c. 2. ad Rom. *sub finem*. [Verùm si replicetis historias vestras, inuenietis non solum Ægyptiorum sacerdotes & Hierophantes, vsos esse circumcisione, sed & Arabes & Æthiopes, & Phœnices, aliósque quorum studia, gratia hujusce superstitionis nobilius vigent.] Syros & Colchos eundem ritum adhibuisse, testatur Herodotus l. 2. De Samaritanis vix necesse est monere, cùm eorum plerique essent ex Iacobo oriundi: quem etiam *patrem nostrum* vocabat mulier Samaritana. Sed illud apud eos singulare erat, quod odio Religionis Iudaicæ, à quâ ipsi per Ieroboami politicisum ad vitulos descieuerant; si quando aliquos ad superstitionem suam à Iudaismo aggregabant, denuò illos circumcidebant; id quod etiam Iudæi trāsfigientibus ad se Samaritis, præstabant. Audi S. Epiphanium, gente Iudæum, atque adeo hujusmodi rituum optimè conscium l. de ponder. & mensur. [Symmachus quidam Samarita, ex numero sapientium apud ipsos, cùm non reperisset fidem apud propriam gentem, principatus studio ægrotans, & contra propriam tribum indignatus, accedit ad Iudæos, ac fit profelytus, & circumciditur secunda circumcisione. Et ne mireris de hoc Optime Auditor, contingit enim hoc. Qui enim à Iudæis ad Samaritas profugiunt, rursus circumciduntur, similiter & qui à Samiritis ad Iudæos transfugiunt.]

Itaque inter Iudæos quoque, aliqui secunda circumcisione notabantur. Nec defuerunt qui ita

acciperent secundam circumcisionem, de qua Iosue 5. ut ibi refert S. Augustinus q. 6. & iure refellit ibidem Serarius q. 1. Mysticè, eam secundam circumcisionem sic interpretatur Origenes in c. 2. ad Rom. *sub finem*. [I E S V S filius Naue, ex præcepto Domini filios Israël secundò circumcidisse cultris faxeis memoratur. Quod utique quantum ad literam spectat, impossibile factum videtur. Semel in carne præputij circumcisis, quid inuenire possit secunda circumcisio quod auferat ? Iesus verò noster, qui verè post Moysen, filios Israël in terram sanctam fluentem lac & mel, terram repromissionis inducit, euidens est quomodò non semel, sed secundò circumcidat credentium populum. Prima namque est eius circumcisio, qua ab eis vel idolorum cultum, vel commenta philosophicæ persuasionis, execut. Secundà verò vitur circumcisione, cùm ab eis veteris hominis consuetudinem, & passiones, ac vitia carnis abscidit ; & tunc completur quod in Iesu Naue scriptum est, *Hodie abstuli à vobis opprobria Ægypti*. Opprobria namque Ægypti, secum circumfert, si quis in Ecclesia positus, & sub Iesu duce militans, Ægyptios mores, & motus animi barbaros seruet.]

Audiendus etiam Zeno Veron. serm. de Circumc. [I E S V S Naue, Christi imaginem præferbat, qui verus omnium saluator esse cognoscitur, & factis, & nomine : hic enim quia ipse dictus est etiam *petra*, rectè cultellos petrinos fecit (vnde non sine ratione & Simoni, super quem ædificauit Ecclesiam, Petrus nomen disposuit ;) idest, sua doctrinâ

doctrinâ formatos, & Spiritus sancti limâ acuminatos constituit viros Apostolos, omnesque discipulos: quorum salutaria monita canentibus linguis, quasi quibusdam spiritalibus cultris credentium populorum, secundum Moyses dictum, non in damnum hominis præputium carnis, sed in augmentum hominis, præputium facinorosi cordis incidit.]

Mirum est, aliquos eam secundam circumcissionem, accepisse de regressu ad præputium. Fateor, Apostatas à Iudaismo, iterum adduxisse præputium. En quid in eam rem loco proximè annotato, subdat S. Epiphanius. [At hoc adhuc gravius est, quod etiam à circumcissione præputiati fiunt, arte quâdam medicâ, per instrumentum attractorium Spathistrem appellatum, infernam membrorum cuticulam attrahi sinentes suturâque admittentes, & glutinatoriis circundatis præputium rursus superinducunt. Habes & testimonium apud sanctum Apostolum, ubi hæc verba hoc modo dicit, *Circumcissus aliquis vocatus est? ne attrahatur ipsi præputium. In præputio aliquis est? Ne circumcidatur.* Hanc autem prædictionem diabolici inuenti, Esau fratrem Iacob reperisse aiunt, ad abnegationem Dei, & ad deletionem characteris patrum ipsius. Quapropter aiunt Deum dixisse, *Odio habeo ipsum Esau; Iacob verò dilexi.*] Et ab hoc ipso usu cutem reponendi, Iudæos dici recutitos, quasi iterum cute tectos, censuit Batonius t. 1. anno quantum arbitror non satis aptè, cum apertè Persius saty. 5. & Martialis l. 7. epigr. 29. *recutitos* dicat ipsosmet Iudæos, non quorum sacra abnegassent. Apostatas igitur Iudæorum

circumcisionem oblitterasse, artificiosa reuocatione præputij, haud renitens admitto. Sed eam obli-
 rationem esse secundam circumcisionem, non agnos-
 co. Quod verò ea fuerit secunda circumcisio à
 Iosue adhibita, cum tanti viri summa injuria affir-
 mari, ægrè fero. Verè autem quæ respectu talis
 singularis subjecti prima circumcisio erat, dicitur
 eo loco secunda; quia circumcisionis vsus pridem
 in deserto intermissus, resumptus, & ad praxim
 denuò reuocatus est, primo ingressu in terram pro-
 missionis qui ibi describitur. Hunc literalem sen-
 sum alio mystico cumulat S. Hieronimus in c. 2.
 ad Galatas *sub finem*. De utroque circumcisionis
 subjecto, plus satis.

Pergo ad externas huius stigmatiſ causas; quas
 inter, effectiua, vel est principalis, vel instrumen-
 talis. De priore siue de Ministro nihil statutum
 inuenio. Et ex c. 4. Exodi constat, circumcisionem
 potuisse à fœmina conferri. Nec est inuerisimile
 quod affirmat Magalianus in c. 5. Iosue versu 8.
 annot. 7. cum is qui circumcidendus erat, poterat
 sibi ipsi id præstare, non eguisse extrinseco ministro:
 qui tamen ut plurimum interueniebat; non modò
 cum puer erat circumcidendus, qui impos erat id
 præstare; sed etiam cum circumcidebatur adultus.
 Horror enim sic sæuendi in seipsum, suadet, partes
 id exequendi semper fuisse alteri demandatas; præ-
 terquàm quod si ipse homo id circa se tentasset,
 potuisset esse periculum resultus à semiperfecto
 opere, ob acerrimum dolorem à tristis ministerij
 consummatione retrahentem.

De causa instrumentali cujus interuentu fiebat circumcisio, fusè differunt Serarius in c. 5. Iosue q. 8. & 14. Pererius Genes. 17. disp. 6. Magalianus in c. 5. Iosue versu 2. annot. 2. Vasques 3. p. d. 163. c. 3. & Petrus Dalloix in vita S. Iustini c. 22. Mihi verissimum videtur, absolute loquendo, nullum fuisse determinatum instrumentum perficiendi circumcisionem; sed satis fuisse Deo, si hoc signaculum imprimeretur, quocunque tandem adhibito instrumento id fieret. Tantum Iosue 5. expresse mandatum est, vt circumcisio adhibitis cultris lapideis perageretur: quod literæ extimo cortici insistent, accipio de veris cultris lapideis, non autem de acie cultellorum, vt videtur velle Maldonatus in Opere de Sacram. disp. de Circumcis. Cur autem in ea circumcisione, mandatus nominatim sit vsus cultri lapidei; ratio fuit, vt innueretur circumcisionem secundam, hoc est circumcisionem cordium primæ carnali subiectam, efficiendam esse per Petram Christum, à Iosue item præsignatum. Et ita Iustinus in dialo. cum Tryphone, Cyrillus l. 4. in Ioan. c. 51. & Origenes in c. 2. ad Rom. *sub finem*. Extra huiusmodi speciale mandatum, libera fuit cuiusvis instrumenti quod ad manum esset, vsurpacio ad circumcidendum. Nam Genes. 17. vbi ritus circumcisionis præscribitur, nulla sit mentio certi instrumenti. Alicubi autem refertur adhibitus culter perrinus, vt Exodi 4. in circumcisione filij per Sephoram matrem: fortè quia deficiebat gladius, aliudve opportunius instrumentum; & instabat periculum mortis mariti.

Ex quo exemplo, adductus videtur S. Bernardus serm. 1. de Circumcis. vt Christum adhibito petrino gladio circumcisum affirmaret. Subscribit Gulielmus Paris. l. de legibus c. 3. vniuersaliter affirmans, quamuis ante Sephoram, (quæ fortassis præ sola festinatione cultrum lapideum adhibuit,) libera esset cuiusuis instrumenti vsurpatio ad circumcidendum; tamen deinceps ad sua vsque tempora, ita esse obseruatum. Et Deum ipsum Iosue 5. firmasse sua autoritate eum vsum. Cuius decreti diuini causam, repetit ex corruptela maleficorum se ferro incidentium, & maximè in sacris Martis cui ferrum erat addictum apud Idololatrias. Vt igitur Deus ritum illum hac saltem ex parte sibi exosum monstraret, ferrum remouit à prima initiatione cuiusuis Israelitæ in Dei filium. Præterquàm quod culter petrinus, aptè refrebat memoriam aquæ de petraeductæ, & duritiæ cordium non carneorum sed lapideorum. Item Abrahæ, cum quo primùm est initum pactum. De eo enim Isaia 20. dicitur, *attende ad petram vnde excisi estis*. Et verò Deo adhæsit firmissimè, ita vt eius constantia petram referret. Eratque etiam Abraham lapis angularis & fundamentarius, totius structuræ quæ in eo vt in basi diuinitus est occepta. Sic pro asserendo lapidei cultri vsu ad circumcidendum, Gulielmus. Sed perperam. Non enim apparer, vnde præceptum diuinum vsurpandi lapidem ad hunc finem stabiliatur, extra eam circumcisionem quæ à Iosue est celebrata, & ob causam specialem propositam, iussa est fieri adhibito gladio petrino. Extra eum euentum, neque scriptura,

neque Patrum traditio, docet seruatum esse quod vult Gulielmus. Imo.

Aliqui Patres disertè tradunt circumcisionem adhibito ferro esse peractam. Ita Zeno Veron. serm. de Circumcis. Iustinus in dialo. cum Tryphone. S. Augustinus tract. 30. in Ioan. & l. 2. de peccato orig. c. 31. Theodoretus q. 3. in Iosue, & S. Cyrillus l. 4. in Ioan. c. 51. qui id factum ait, quia ferrum est nota seueritatis & pœnæ legem veterem affectantis, non legem gratiæ. Hallucinatus ergo est Gulielmus Parisiensis dicens cultrum lapideum Dei iussu esse adhibitum & Magister in 4. d. 1. cum dixit, cultrum petrinum necessarium ad circumcisionem fuisse, non modò necessitate præcepti, sed etiam medij, ita vt collata absque eo instrumento, esset inutilis ad emundandos à peccato originis, infantes non prius emundatos. Hoc gratis assertum, non gratis, sed merito rejicitur. Quod Turcæ forpicula non cultro aut gladio circumcisionem peragant, vt scribit Petrus B llonius lib. 3. obseru. c. 28. ad rem præsentem non refert.

Restat finalis causa imprimendi stigma circumcisionis. Nam quamuis tractatum jam supra est, quæ fuisset finalis causa imprimendi hoc stigma, tali potius membro quàm alteri: tamen docendum generatim superest, ex quo siue voluerit Deus, hominem hâc notâ impressâ insigniri, cuiunque tandem membro esset imprimenda. Vulgus existimat, circumcisionem mundasse infantes à peccato originali. Id quod nonnulli, ac nominatim Feuardentius ad l. 4. lxxxi c. 30. n. 1. videntur sibi colligere ex Patribus,

affirmantibus idipsum fuisse Hebræis circumcissionem, quod nobis est Baptismus, emundans ab originali peccato. Ita S. Augustinus l. 2. contra literas Petilianæ c. 72. & l. 6. contra Iulian. c. 3. Et sanè malè actum fuisset cum infantibus Hebræorum, si circumcisio non extersisset labem originale. Saltem enim cum nullum remedium fuisset antea adhibitum, V. G. cum paruuli non fuissent expiati eo sacramento quod infantibus applicabatur in lege naturæ; excidissent à salute, si antequàm possent se emundare per suos actus, excessissent è vita. Diuinæ ergo providentiæ fuit, statuere ut circumcisio talibus infantibus proderet ad sanctitatem primam: & quidem independenter à fide & sanctitate ministrorum, ac ipsius etiam synagogæ; alioqui ut ex proportionem ad nostra sacramenta liquet, diuina providentia defecisset in necessariis; nec sufficienter salutem parvulorum consulisset. Cui argumento succubere Salmeron in Prolegom. ad Paulum l. 1. part. 1. Henriques l. 1. summæ c. 5. num. 5. Carthagena disp. 4. de sacram. difficultate unica c. 2. & alij quos hi proferunt. Concesserunt itaque, circumcissionem contulisse gratiam sanctificantem ex opere operato; id est ex vi ipsius impressionis & applicationis passivæ huius stigmatis. Et consequenter fateri debent, hunc esse finem, & quidem præcipuum, cui assequendo susceptio circumcissionis est imperata.

Debet tamen ratum ac fixum esse, circumcissionem per se, & ex fine proprio, institutam non fuisse ut gratiam sanctificantem conferret parvulis, ex sola sua susceptione ut faciunt nostra sacramenta in

subjecto disposito: quamuis aliquando infantes qui ex opere operantis sanctitatem comparare non poterant, acciperent sanctitatem, & à peccato munderentur in circumcisione; non per circumcisionem, sed ex mera Dei liberalitate. Quod circumcisio non esset in eum finem instituta, ut gratiam sanctificantem conferret, ex eo patet, quod esse fertile gratiæ in subjecto capaci, proprium & peculiare est sacramentorum nouæ legis, juxta doctrinam Apostoli, qui sæpè docens nostra sacramenta justificare, regenerare, mundare 1. Cor. 1. Ephes. 5. ad Tit. 3. E contrario de antiquis sacramentis, inter quæ eminet circumcisio, ait ea fuisse egena elementa, & nihil valuisse, nihilque fuisse: reprobati item ob infirmitatem & inutilitatem, non esse nisi iustitias carnis, sanctificantes inquinatos solum ad carnis emundationem. Ita habet 1. Cor. 7. ad Galat. 5. Hebr. 7. 9. 10. Patrum in hanc rem loca, prostant innumera apud Bellarminum l. 2. de sacram. in genere c. 15. Alanum l. de sacram. in genere c. 29. 30. & 39. Coccium tomo 2. l. 5. art. 1. Expressissimè verò præter cæteros id tradit S. Augustinus in Psal. 73. secernens antiqua sacramenta à nouis; quod nostra dent salutem, antiqua promiserint Saluatorem. Idem epistola 19. disertè affirmat vetera Sacramenta non contulisse gratiam, sed tantum fuisse umbras, prænunciantes gratiam quâ sanctificamur. Disertè item q. 25. in Num. negat vetera Sacramenta potuisse mederi peccatis: quod est negare, ea potuisse sanctificare secluso actu dilectionis perfectæ concomitantis. Fusè & optimè idem tradit

Iustinus in dialogo cum Tryphone, nec non Tertulianus l. contra Iudæ. c. 2. & 3. & Irenæus l. 4. c. 30. Ratio denique suffragatur. Nam lex antiqua, umbram tantum habuit futurorum bonorum; nec fuit nisi litera occidens, quia quatenus lex, non subministrabat gratiam per sua Sacramenta: occidebat autem, exhibens mandatum absque suppeditatione virium ad exequendum. Per Moysen ergo, data est lex nuda & gratiæ vacua; Nec feracior gratiæ ex se fuit lex naturæ, siue status lege scripta anterior; in quo nihil item erat præter umbras & imagines admodum rudes & imperfectas. Gratia autem & veritas per I E S U Christum facta est, & vis eam conferendi, solis Sacramentis à Christo institutis conferta.

Tantum expediendus superest nodus propositus ex necessitate iustificationis infantium per circumcisionem. Hoc ita extricabam, ut admitterem, circumcisionem in infante non præpurgato per remedium legis naturæ, habuisse adjunctam gratiæ collationem ex mera Dei liberalitate. Suppono enim infantes Hebræorum potuisse præpurgari, adhibito remedio legis naturæ, quod usus erat circa fœminas infantes, & ante institutam circumcisionem semper in usu fuerat quoad omnes infantes, ut iusto Opusculo exponit Hugo Victorinus. Scio Suatem l. 9. de legibus c. 7. n. 5. existimare, quoad familiam Abrahamæ remedium antea indeterminatum fuisse determinatum, & arctatum ad solam circumcisionem. Sed contrarium est asserendum, ut patet ex paruulorum iustificatione ante octiduum, si mors

ingruisset; vel post octiduum, si non potuisset præscripto tempore circumcidi, neque adhuc posset, & tamen mortis discrimen immineret. Itaque infantes Hebræorum, etiam post institutam circumcisionem, potuisse ante admotam illis circumcisionem purgari, adhibito illis remedio legis naturæ, pono extra dubium.

Si igitur infans non fuisset eo remedio præpuratus, admitto dandam illi fuisse gratiam sanctificantem in circumcisione. Non dico infantes fuisse sanctificatos per circumcisionem; vel circumcisionem contulisse illis gratiam sanctificantem, quæ omnia sonarent efficientiam gratiæ, saltem moralem, à circumcisione alienam. Tantùm igitur dico, in circumcisione ob summam infantis non præpurati necessitatem, collatam esse gratiam ex mera Dei liberalitate. Quod est dicere, vi ipsius antiqui operis sacramentalis operati, (vt loquuntur,) idest exerciti & in subiecto disposito recepti, non fuisse collatam sanctitatem. Sic enim circumcisio semper & ubiuis contulisset sanctitatem: cum tamen in paruulis anteriore remedio purgatis, & in adultis sibi per suos actus subuenite valentibus, circumcisio æquè ac alia antiqua Sacramenta, esset egenum elementum & gratiæ sterile, juxta Apostoli doctrinam. Admitto tamen, subiecto alioqui perituro ob impotentiam sibi subueniendi, & omnis planè alterius remedij experti, collatam fuisse gratiam in usurpatione circumcisionis, ex privilegio diuino, non ipsi circumcisioni concesso, sed paruulis non præpuratis, qui ad illius conditionis positionem mun-

dabantur ex mera Dei liberalitate. Vbi diligenter secernenda est causa gratiam sanctificantem impertiens, à conditione quâ posita conceditur gratia. Id enim habet rationem causæ respectu gratiæ; quo posito vi eius confertur gratia. Id autem habet rationem conditionis, quo posito confertur gratia, sed vi alterius. Deus ergo cum nostra Sacramenta ponuntur, gratiam confert per ea, & vi illorum ut causatum moralium; quia nostra Sacramenta sunt veluti facta Christi meritis ob quæ gratia debetur, cum per Sacramenta applicantur & admoventur subiecto disposito; ita ut ob solam applicationem Sacramenti, veluti grauidi meritis Christi, in passo accommodato debeatur sanctitas. At circumcisio, non sic. Sed tunc quoque cum necessitas summa prouocabat diuinam liberalitatem ad conferendam gratiam in eius susceptione, causa mouens Deum ad gratiam impertiendam, atque ad id moralis causa gratiæ collatæ, non erat circumcisio, quæ Christi meritis intra eam conclusis non dabatur, quandoquidem Christi merita nondum erant exhibita Deo, atque ad id in nullo quasi vase concludi potuerant: sed Deus ad gratiam impertiendam, mouebatur tantum obiectu meritorum Christi secundum se præuiorum, cum nuda circumcisionis conditio à paruuli maioribus ex condito adhibebatur, & paruulus non præpurgatus summâ necessitate laborabat ob periculum æternæ damnationis si inexpressus excederet.

Quæ ergo utilitas circumcisionis, ut Apostolus ipse interrogat? Aut in quem finem per se ac directe

referebatur circumcisio, si verum est, eam per se ac directè non fuisse institutam ad gratiæ sanctificantis collationem & emundationem à peccato? Respondet S. Irenæus l. 4. c. 30. circumcisionem non fuisse datam ut consummatricem justitiæ, sed in signo, ut cognoscibile perseneraret genus Abrahæ. Quem Irenæi locum perspicuè expressit Tertullianus l. contra Iudæos c. 3. affirmans ipse quoque, circumcisionem non esse datam in salutis prærogativam, sed in signum unde dignosci posset Israël, cum adveniret tempus quo demeritis suis in Ierusalem admitti prohiberetur. S. Chrysostomus æquè confirmat, circumcisionem nihil ad salutem animæ proficere potuisse; datam tamen fuisse Iudæis in signum, ne liceret eis commisceri cum gentibus. Ita habet hom. 7. in Epistolam ad Rom. & homil. 27. & 39. & 40. in Genes. Astipulatur Anastasius q. 28. in Scriptur. qui adhibet confirmationem ex eo quod per annos 40. commorationis in deserto, quia aberant gentes cum quibus Hebræi possent commisceri, & haurire impietatem; superuacua visa est circumcisio: quæ tunc tantum resumpta est & in usum reuocata, cum populus ingressu primo in terram promissam, futurus erat propinquus alienigenis. Igitur circumcisio erat duntaxat veluti tessera ad internoscendos Hebræos. D. Hieronimus lib. 1. in Episto. ad Galat. *ferè in fine*, planè subscribit. Ait enim de Abrahamo justificato in præputio. [Qui circumcisionem non ob meritum operum, sed in signum fidei prioris accepit. Quia enim ex semine eius erat Christus oriundus, (in quo

vniversarum gentium fuerat benedictio repromissa; & ab Abraham vsque ad Christum multa erant sæcula transitura ;) providens Deus , ne soboles dilecti Abrahæ , cæteris nationibus miscerentur , & paulatim familia eius fieret incerta , gregem Israëliti-
tium quodam circumcisionis cauterio denotauit , vt viuentes inter Ægyptios , inter Assyrios , Babylo-
nios , atque Chaldæos , hoc signaculo distingueren-
tur. Denique per quadraginta annos in eremo nullus est circumcissus ; soli quippè sine gentis alte-
rius admixtione vivebant , statim vt Iordanis ripam transgressus est populus , & in Palestinæ terram , Iudæum se examen infudit , circumcisio necessaria futuro ex commixtione gentium prouidit errori.]

Horum Patrum doctrina , de circumcisione insti-
tuta in signum , non impugnatur à S. Cyrillo l. 4. in Ioan. c. 51. cum ait , circumcisionem non esse duntaxat institutam in signum. Sensus enim D. Cyrilli est , circumcisionem non esse duntaxat insti-
tutam , vt esset nota corporea grandibus mysticis sensibus vacua , quod Patres illi reuera non intenderunt , cum Apostolus disertè contestetur Rom. 4. circumcisionem fuisse *signaculum iustitiæ fidei*. Hoc est , interprete ibidem Origene , fuisse sigillum quo obsignabatur & concludebatur iustitia communi-
canda per fidem viam Christi in carne venturi ex posteris Abrahæ , hanc corporeâ notâ consignatis , Familia quippè Abrahæ , & per eam vniversitas mortalium , eo stigmate impresso tali familiæ è cuius vna propagine Christus gratiæ autor deriuandus erat , certa fiebat de iustitia & fide per Christum re-

uelanda, de fide in fidem. Quod aliter ab Apostolo dicitur Rom. 3. hanc fuisse circumcisionis utilitatem, quod ea suscepta ab Hebræis, credita sunt eis eloquia Dei. Fuit item circumcisio, signaculum sine sigillum justitiæ fidei respectu Abrahami, qui primus suscepit circumcisionem. Nam justitia fidei ab eo antèrius comparata cum credidit Deo promittenti semen benedictum è corpore emortuo, certa fiebat & veluti legitima declarabatur, ac communiebatur, talis sigilli appositione. Quod autem in Abrahamo, per fidem Christi venturi justitiam adepto valuit; æquè in omnibus eodem modo justificatis, per fidem Christi venturi, locum habuit: cum recipientes hoc stigma, fiebant peculiaris Dei populus, & quasi oves pascuæ eius, quod sonat vox *synagoga* è pecuinis capitibus adunatæ, ut sæpè expendit D. Augustinus. At pecudes cauterio inusto signari, ex usu fuit, juxta illud 3. Georg.

*Continuòque notas, & nomina gentis
Inurunt.*


Peculina ergo & bruta Iudæorum capita, quæ baculo & minis agenda erant, vrgendæque ad officium, congruè hoc stigmate mysteria proposita obsignante, ex diuino instituto sunt notata.

Suspicienda in hac meta est, Dei in nos benignitas, quæ tantò mitiorem nobis prouidit circumcisionem, quantò fructuosiore. Iure Zeno Veronensis serm. de Circumc. hanc Dei in nos bonitatem demiratur, expendens hanc secundam circumcisio-

nem [quæ non die, non nocte, non horâ, non sexu, non ætate, non conditione, non loco, non genere, ad tribuendam homini salutem depellitur; ſed glorioſa ſemper in omnibus inuenitur. Denique prior circumciſio deſecat carnem; ſecunda animi deſecat vitia: Illa ferro, hæc ſpiritu: illa portionem, hæc hominem totum: illa maſculum ſolum, hæc vtrumque ſexum: illa præputium parvæ cutis, hæc præputium totius concupiſcentiæ ſecularis. Illa octauo adſeruit diei, huic deſeruiunt tempora, dies, horæ, vniuerſaque momenta. Illa ante octauum, vel poſt octauum diem, nec ipſi morienti puero ſubuenit; hæc à cunis ipſis infantie, vſque ad ſupremos exitus cuiuſvis ætatis, vtrique generi ſalutare munus impertit: Illa ſanguine gaudet, hæc gratiâ; illa imagine, hæc veritate; illa damno, hæc lucro; illa agit captiua ſub lege, hæc omnibus præſtat in Chriſto bonæ fidei libertatem.] Chryſoſtomus item homil. 40. in Genef. propoſitâ duritiæ circumciſionis antiquæ, ſubdit. [Verùm conſidera Dei miſericordiam, & ineffabilem eius erga nos beneficentiam. Illa enim circumciſio, dolorem habet & laborem. Et nulla alia ex circumciſione fuit vtilitas, quàm hæc ſola, quòd ex hoc ſigno eſſent cognoscibiles & ab aliis gentibus ſequeſtrarentur. Noſtra autem circumciſio, vel baptiſmatis inquam, gratia, medicinam habet citra dolorem, & innumera bona nobis affert, & ſpiritus ſancti gratiâ nos implet, & nullum definitum habet tempus, ſicut illic: ſed licet & in primâ, & in mediâ, & in vltimâ ætate, hanc non manufactam circumciſionem recipere; in quâ

non sustinetur labor , sed peccatorum deponuntur onera , & remissio inuenitur omnium peccatorum quæ per totam vitam gesta sunt]

Hæc est illa toties Apostolo laudata cordis circumcisio , non literâ , sed spiritu , quâ constituitur qui in abscondito Iudæus est. Cordis autem circumcisione , membrorum omnium veluti appendix circumcisionem insinuari , pulchrè prosequitur qui eam mēbrorum omnium circumcisionem sigillatim illustrat Origenes hom. 3. in Genes. Eoque etiam referri potest , longa & egregia disputatio crediti Hieronimi , Epistola de ratione circumcisionis , (habetur Tomo 9.) Eius Epistolæ secunda parte , accuratè docetur , circumcisionem veram contineri recisione à seculo , & omnibus rebus mundanis ; imprimisque cura carnis in desideriis. Sic stigma hoc corporeum transit ad animam , à cuius affectibus amputantur superflua quæque. Cœteroque circumcisio , non erat nisi stigma carnis , quali pecudes quoque notari moris est , ut pulchrè dixit S. Chrysostomus hom. 2. in Epistolam ad Ephes. Repudiandus verò est Scotus in 4. d. 6. q. 9. ad 1. quatenus censuit , circumcisionem impressisse characterem in anima : quod esse proprium Sacramentis nouæ legis , dixit S. Thomas 3. p. q. 63. artic. 1.



CAPVT III.

*De indicta à Deo , auris seruilis
stigmatizatione per
subulam.*



V S S V M diuinum Exodi 21. & Deuter. 15. ferebat , vt Hebræus aut Hebræa, ab ejusdem gentis homine coempti , vbi per sex annos seruissent , anno septimo liberi dimitterentur , nec absque viatico. Quod si exacto eo seruitutis tempore , capti amore heri, nollent abire ; mandabat lex, vt herus hujuscemodi seruum aut seruam , Diis offerret , & ad ostium ac postes applicaret , assumptaque subula , perforaret autem eorum ; deinceps autem essent serui in secula, idest ad annum vsque quinquagesimum, qui erat Iubilæus, & ex lege lata Leuit. 25. regressum ad suos disjecto seruitutis jugo inferebat. Hæc erat stigmatizatio auris diuinitus indicta, & proinde hîc attingenda, primùm ad literam, deinde in sensu mystico atque morali.

Indicitur ergo imprimis , auris , & serui ancillæ, foratio post septennium seruitutis. Fuerunt qui autem ancillæ pertundendam fuisse negarent , si apud herum manere deligeret. Ita Abulensis in c. 15. Deuter. allegans quosdam Rabbinos. Idem tradit

tradit ad illud caput Lotinus versu 17. *in fine*. Sed quantum video, verba Moſis contrarium ferunt. Nam capite illo 15. Deuter. poſtquam præceptum fuit, ſetuum hæere volentem offerendum eſſe diis, & aſſumpta ſubula pertundendas eſſe aures eius, additur; *ancilla quoque ſimiliter facies*. Quid clariuſe Itaque & ſeruus Hebræus, & ancilla ex eadem gente, volens poſt ſeruitutis ſexennium hæere voluntariè apud Dominum, forari ſubulâ autem, addicebantur ſeruituti uſque in ſeculum. Binas aures foratas eſſe, Scriptura non tradit, ſed aurem tantum. Pſalmo quidem 39. Chriſtus alludens ad hunc ritum Iudaicum, ait, Foratas ſiue forſas fuiſſe aures, numero multitudinis. Vbi enim vulgata Hebr. 10. habet, *corpus api aſti mihi*, eadem vulgata pſalmo illo 39. habet *aures perforaſti mihi*. Quod alij expreſſerunt per hæc verba, *aures perforaſti, fodiſti, incidiſti mihi*. Aures inquam, numero multitudinis. Sed ſi eam alluſionem ad hunc erga ſeruos ritum, in eo loco Pſaltis velimus agnoſcere, refragante Pineda in c. 11. Iobi ad verſum. 13. non erit operoſum dicere, numerum multitudinis uſurpari plerumque in Scriptura, cum agitur de re ſingulari. Vt quando latrones dicantur blaſphemiaſſe, cum vnus duntaxat blaſphemauerit malus latro, juxta multorum ſententiam. Similiter ergo, quamuis vnica auris, ſubulæ inſiſtione perfoderetur, dici tamen poteſt, perforſas eſſe aures Chriſto aſſument ſervum. Vtra autis pertundenda eſſet, non liquet ſilente Scriptura; & gratis aliqui dextram determinant. Prædus in c. 16. Ezech. auri perforſæ inſertum circulum tradit. Sed

hoc de suo addit. Nam scriptura silet de ea in aure.

Hæc auris perfossio, facienda erat aduocato Iudice, & ad portam domus herilis per ipsum herum. Adhibebatur Iudex tanquam persona publica, ne seruus à Domino opprimeretur per potentiam aut dolum malum: néve postea, rescissam velle posset professionem suam, cuius veritas per Iudicis præsentiam comprobaretur. Accipio de Iudice, quod in vulgata habetur de seruo Diis sistendo. Est enim in Scriptura frequens, vt Iudices dicantur *Dij*, ob participationem diuinæ potestatis Iudiciariæ, vt Theodoretus philosophatur q. 51. in Exod. Manifestus in eam rem locus, habetur psal. 81. vbi Deus dicitur, sterisse in Synagoga & cœtu Deorum, idest Iudicum, ac de eorum iudiciis ferre sententiam. Additurque, peruersos Iudices qui personas acceperint, vel in causæ discussione volentes cæcutiuerint, tractandos esse à Deo asperitimè: ita vt cum essent euecti ad munus diuinum, & illius muneris participatione *Dij* audirent, tamen ob corruptelam iudiciorum, morituri essent sicut homines, & casuri sicut vnus de Principibus; hoc est sicut Angeli qui non serua-uerunt suum principatum; & casu exitioque æterno sunt inuoluti. En quoribus eo Psalmo, Iudices appellantur *Dij*. Eadémque phrasi Exodi 22. vetantur Hebræi, Diis, hoc est Iudicibus detrahere. Igitur eodem sensu, seruus offerendus erat Diis, idest publico Iudici veritatem rei comprobaturus. Magister tamen Historiæ Scholasticæ suo c. 42. Exodi, & ibidem c. 2. Lippomanus, ac Rupertus l. 3. in Exod. c. 35. affirmant, hos Deos quibus seruus & ancilla

sistendi erant, fuisse sacerdotes: ad quod Rupertus adducit illud, dictum Moyfi à Deo, *constitui te Deum Pharaonis*. Sed quid hoc ad Sacerdotium? Non enim Moyse fuit Pharaonis Sacerdos, sed potius Iudex; ut rectè ea verba interpretatus est S. Augustinus q. 86. in Exodum.

Addebam, herum ipsum perfossionem auris seruilis exequi debuisse, ad limen domus suæ. Scriptura enim ipsimet hero id munus mandat; dicens, *assumes subulam, & perforabis aurem eius in janua domus tue*. Et quanquam quæ per amicum facimus; per nos ipsos fecisse censemur; tamen propriè quod hero committitur, si nihil urgeat, non est quod per sibi suffectum peragere potuisse existimetur. Illud *domus tue*, unde inferri videtur forationem faciendam esse ad limen domus herilis, non habetur in contextu Originali qui nunc extat. Vnde aliqui *januam* accipiunt de porta ciuitatis: alij de ostio tabernaculi, ut S. Gregorius hom. 3. in Ezech. Ego non dubito quin retinenda sit lectio vulgatæ editionis, neglectâ lacunâ quæ in codices Hebraicos alibi non semel vitiatos, potuit irreperere. Ad *januam* ergo domus herilis, loco patente & publico, ne testes desiderarentur, perfodiebatur auris, seruo vel ancillæ. Aio *ad januam*, vel *in janua*. Non ita tamen ut auris transfossio, ad postis vsque transfossionem producenda esset, ut aliqui gratis sunt commenti. Quid si enim ostium fuisset lapideum, vel æreum? Non igitur jubebatur herus, transfossione ab aure serui inceptâ, subulam in postem quoque ostij adigere: sed tantum jubebatur, aurem

seruilem ante domus suæ ostium pertundere ; vt res fieret in propatulo, nec locus postea daretur resultui aut calumniæ.

Sic foratus in aure, seruituti addicebatur in seculum. Græcè apud 70. est *εἰς τὸν αἰῶνα*, quod aliis plerisque locis variè exponitur, vt fusè prosequitur Ribera in c. 5. Micheæ à num. 30. In hac re, juxta S. Hieronimum in c. 1. ad Galat. seculum accipitur de anno quinquagesimo qui erat Iubilæus, & inferebat cuiusvis duræ conditionis exsolutionem. Et hæc expositio, vt communior ita verisimilior videtur. Non desunt tamen, qui seruum libertatis suæ post sexennium seruitutis negligentem, multatum statuunt perpetuâ seruitute, ad finem vsque vitæ prorogandâ. Sicut cum Apostolus dixit, se cum fratris offensione non manducaturum carnes in æternû, sensus est, nunquâ reliquâ vitâ assumpturum carnes in cibum. Qui sensus modi loquendi de quo agimus, non caret probabilitate in re præsentî.

Nunc considerandum est, quò juxta Patres referenda sit foratio & stigmatizatio auris, à Deo præscripta. Ad Patres quippè in hoc puncto esse recurrendum, admonet Rupertus lib. 3. in Exod. c. 35. mutus ipse hac in parte, præter morem. S. Hieronimus lib. 2. in Iouin. obiter attingens hunc Iudaicum ritum, sic habet. [Porro quod omnis Hebræus, æqualiter facit Pascha, & septimo anno liber efficitur ; & in Iobelæo, id est quinquagesimo, vniuersa possessio redit ad dominos ; hoc non de præsentî dicitur, sed de futuro : quia in sex diebus hujus sæculi seruientes, in septimo die vero &

æterno Sabbatho, liberi erimus; si tamen voluerimus esse liberi, dum adhuc seruiamus in seculo; si autem noluerimus; perforabitur nobis auricula in testimonium inobedientiæ; & cum vxore, & liberis nostris, quos prætulimus libertati, idest cum carne, & operibus iugiter seruiemus.] Eadem ferè habet Beda Exodi 21. in primâ expositione. Hebræum enim quem interpretatur *transitorem*, tum demum in septimo anno, idest in æterno Sabbatho liberum fore pronunciat, si voluerit in hac vitâ liber esse, nec ignauè delegerit marcere apud impotentem herum Diabolum, ei adhærens cum vxore & liberis: cum carne inquam, & operibus peccati. Talem enim æternâ seruitute mulctandum statuit, & forandum ei auriculam in pœnam inobedientiæ, quâ Deum ad libertatem vocantem audire noluerit.

Præiuerat Origenes, qui statum seruilem à quo liberari exacto sexennio licebat, accipiens de statu peccati & subjectionis ad legem carnis, addit; tum qui cum turpem illam subjectionem posset excutere per assertoris sui gratiam, noluit tamen libertate oblata potiri, dignum esse qui seruitutem perpetuam experiatur, totâ vitâ gemens sub lege peccati & mortis, notatus infamiâ, & stigmate seruili omnium ignominiosissimo. Iuuat locum ipsum Origenis adscribere ex homil. 10. in Iosue, *sub finem*. [Deprecamur (inquit) vos fratres, verbi Dei legatione fungentes, vt dum potestatem adhuc habemus emendandi, demus operam, & festinemus abijicientes antiquas sordes, & paunos veteres vitiorum, conjungi ac sociari Israeliticæ libertati. Vis

autem videre, Israëlitarum quanta libertas sit ? In lege præcipitur, ne liceat Hebræum puerum, si fortè in seruitutem deuenerit, ampliùs quàm sex annis seruire ; septimo verò anno dimitti eum lex liberum jubet. Tanta apud eos libertatis est cura. Quæ utique si ad spiritalem intelligètiã reuocemus, etiam si Hebræus puer es tu, qui in seruitium decidisti. Puer enim est, qui facilitate animi in seruitium decidit. Quale seruitium ? Scriptura dicit, *Quis autem peccat, seruus est peccati*. In hoc seruitium, non virilis & perfectus animus decidit, sed puerilis & facilis. Igitur etiamsi Hebræus puer es, id est, fidelis, etiam & baptisma in Ecclesia consecutus, & post hoc in peccati seruitium decidisti ; sufficiat tibi sexannis seruitus ; in septimo anno obserua, ne seruias, sed festina ad libertatem tuam. Septenarius numerus legem significat mandatorum. Senarius verò numerus, mundi huius tenet figuram. Donec ergò quæ huius mundi sunt sapias, etiam iis exerceri secundum carnem cogitas, necesse est te seruire peccato. Cum verò ad septenarium numerum, id est ad legis scientiam, ueneris, tunc require libertatem tuam, & redi ad nobilitatem paternam ; ne si permanseris in malis tuis, & perseueraueris in peccatis, defixa in aure nota, velut, qui comonentis te Dei, & ad libertatem pristinam reuocantis uerba non audias, eris peccati seruus in æternum. Tum deinde require abs te, si libenter uelis ex patrefamilias, & nobili viro in hoc mundo seruus effici. Abnuis sine dubio ; quippè cum etiam ex conditione seruili uideamus, quamplurimos ad libertatem festinate ; &

in quantum possunt, cupere etiam diuites fieri, & honoribus vndeunque quæsitis vilitatem genuinæ ignobilitatis obtegere. Si ergò in hac vitâ nemo esse vult seruus, sed quantum fieri potest, & liber esse, & diues, & nobilis cupit, vt non solum sibi sufficiat, sed & aliis largiatur, in illis æternis rebus, ac nullo sine mutandis, indifferenter tolerabimus seruitutem; & parum nobis videtur, si in ligni cætoribus & aquæ gestatoribus deputemur? Propterea ergò dum dies est, operemur quod bonum est, & emendationi nostræ operam demus; vt ex actibus & conuersatione nostrâ, ac moribus, nobilitari mereamur, & digni efficiamur spiritum accipere adoptionis, vt inter Dei potiùs filios habeamur.]


Ad Iudeorum duritiam, & obturatos diuinis sermonibus sensus, perfoliionem hanc auris refert S. Ambrosius serm. 13. in Psal. 118. ad versum 2. Præfatus enim hanc auris forationem per subulam, signum esse non veritatem, & transcendendam esse hanc subulam & aurem, vigore mentis, subjungit. [Iudeo ista dicta sunt, & Christianus audiuit: quia dum aurē suā illa subula pertūdīt, audire non potuit, vulneratam aurem gerens, non legis, sed stultitiæ suæ subula cruentauit aurē suam, illa audiendo quæ spiritaliter reuelantur. Perforauit aurem suam ferro. Maluit enim in ferrum, quàm in verbū credere. Ided seruit, ided liber esse non meruit; ided nec completi tēporis ei gratia suffragatur, quia plenitudinē tēporis non recepit, quo filius Dei missus est ad salutē, & venit ad redemptionem factus sub lege, natus ex virgine, victor mortis, largitor resurrectionis. Manet

ergò vulnus, illi cui Christus non resurrexit. O vulnus quod sarciri non possit, nisi fortè relinquat subulam, & sumat sibi gladium quo Christi nomen non refutet; vel quo corporalia à spiritualibus, ymbra à veritate, distinguat: sumat Dei verbum, gladium bis acutum, & ex illo diuino ore, doceatur mandatum Domini, præscriptum legis agnoscere, quod non temporalis habeat obseruantiam celebratæ, sed salutaria & sempiterna remedia succo gratiæ spiritalis infundat.]

Ex iis qui in bonum sensum auriculæ forationem per subulam accipiunt, S. Gregorius hom. 3. in Ezech. Hebræi serui conditionem duplicem, in lege proposita insinuatam, ad seruorum Dei duplicem vitam accommodat, actiuam scilicet & contemplatiuam. [Hebræus enim *transiens* interpretatur. Et seruus Hebræus emitur, quando vnusquisque qui jam ab hoc seculo mente transit, seruitio omnipotentis domini subditur: Ille etenim verè Deo seruire appetit, qui ab hoc seculo, mente transire didicerit. Sic Moyses transiuit, vt videret visum. Sic David cum videret impium exaltatum & eleuatum super cedros Libani, transiuit, & ecce non erat. Quia iniquorum potentias, esse magnum aliquid fortassè credimus, nisi ad permanens seculum mente transeamus. Seruus verò Hebræus emptus, sex annis seruire præcipitur; ita vt in septimo, liber exeat gratis. Quid enim per senarium numerum, nisi actiuæ vitæ perfectio designatur? Quid per septenarium, nisi contemplatiua exprimitur? Sex ergò annis seruit, & septimo egreditur liber, qui per

actiuam vitam quam perfectè exhibuerit , ad contemplatiuæ vitæ libertatem transit. Et notandum, quod gratis liber egreditur ; quia hi postquam omnia fecerint , dicunt se inutiles seruos , &c. *Quod si dixerit seruus, diligo Dominum meum & uxorem ac liberos, non egrediar liber.* Seruus dominum suum diligit , quando prædicatoris verba sollicitâ mente custodit. Vxorem quoque amans & liberos , liber egredi recusat , quando actiuam vitam, ejusque fructus diligens transire ad contemplatiuam non vult, quia bona se opera habere in ministerij sui seruitute considerans , ad libertatis quietem recusat secedere. Sed offerat eum dominus Diis , & applicetur ad ostium, & postes, & perforet aurem eius subula, vt sit ei seruus in seculum. Is enim qui in actiua disposuit vitam perdurare, à domino Diis offertur, quando à prædicatoris suo, antiquorum patrum dictis imbuitur, qui nobis in via , omnipotentis Domini sacerdotes fuerunt. Atque ad ostium & postes tabernaculi ducitur, vt de ingressu cælestis habitaculi, altius aliquid audiat , & tremendi iudicij diem subtiliter agnoscat , ne per bona opera quæ facit , placere hominibus appetat. Sicque auris eius subula perforatur , dum mens illius , timoris Dei subtilitate percutitur ; vt verbî acumine transfixa , per omne quod agit, nouerit ingressum regni semper attendere, & quasi ab ostio & poste tabernaculi perforatam aurem portare, qui erit seruus in seculo , vt esse post seculum liber possit. In seculo etenim seruus est, qui per actiuam vitam hominibus seruire disposuit, vt post præsens sæculum, ad libertatem veram valeat

peruenire. De qua per Paulum dicitur ; *Quia & ipsa creatura liberabitur à seruitute corruptionis, in libertatem glorie filiorum Dei.* Tunc etenim in nobis vera libertas erit, cum ad gloriam filiorum Dei, adoptio nostra peruenerit.] Excripsit S. Gregorium Glossa interlinearis ad c. illud 21. Exodi.



CAPVT IV.

Stigmata Medica.

DIVINI inter Medicos senis, effatum est l. 7. aphorismo ultimo exaratum. [Quæcunque non sanat medicamentum, ea sanat ferrum : Quæ ferrum non sanat, ea ignis sanat. Quæ ignis non sanat, ea incurabilia putari oportet.] Hoc pronunciato, duplex stigmatum Medicorum genus attingitur ; quod Aristoteles item memorat s. 1. probl. 34. Vnum quod ferro scindente aut pertundente, efficitur ; alterum quod ferro aliòve præsertim metallico igniente peragitur : eoque reducendum est stigma quod absque ferro aut metallo, aliàve materia igniente, sed adhibitis causticis inuritur. Ne hæc tractatio hiatet, breuiter iunxit, stigmata hæc Medica quomodocunque impressa, generatim attingere.

Prioris generis quod incisione peragi aiebam, mentio est apud Aëtium Tetrab. 11. serm. 3. c. 12.

vbi ait, Æthiopus ab ipsa natiuitate, sistendæ, peculiariter eos vexanti vt scribit Volaterranus l. 24. Antropol. noxiæ in oculos defluxioni, solitos paruulorum frontem impresso stigmate notare; idque Græcis dici *periscyphismum*, & formati in figuram literæ Græcicæ Π. triplici sectione; ita tamen vt apices sectionum, ad internas partes propendeant incuruati. Admotum quoque Scythis fuisse stigma ex hoc primo genere, Hippocrates autor est l. de aëre, aquis, & locis. Tractans enim causas sterilitatis Scythas grauantis, quæ quidem erant ex parte marium; obseruat Scytharum plerosque Eunuchos factos, obiuissè muliebria officia, instârque fœminarum omnia fecisse, ac etiam vocem formasse, vocatósque *effæminatos*. Et quamuis rati incolæ id à Deo illis accidisse, colerent & adorarent hos ipsos homines, timentes ne quid tale sibi ipsis inferretur diuinitus; tamen Hippocrates affectus illos & primam sterilitatis Scytharum marium causam, reuocat ad incisionem ab eis fieri solitam, retro aures. Ab assiduâ quippè equitatione magnis ac diuturnis corripuntur articulorum doloribus; nimirum propendentibus semper ex equis, eorum cruribus, vnde plerunque claudicatio, & coxendicis contractio cum inualuerit morbus, cui medicabantur impressione stigmatis prædicti, siue incisione pone vtramque aurem. At ea incisio (vt Hippocrates notat,) sterilitatem inferebat. Venæ enim sunt retro aures, quas si quis secet, sterilitatem ei qui secatur, immittat. Itaque deprehensâ postmodum sterilitate suâ, ditissimi quique & nobilissimi Scytharum; (narr

pauperes quia minùs equitabant, his incommodis minùs erant obnoxij:) putantes incommodum quo se vrgeri videbant, ab irato numine prouenisse; cadebant animis, & palam se euiratos professi, transibant ad mulierum contubernia, induti vestem muliebrem, & foeminarum tractantes opera. Sic de illatâ Scythis sterilitate, ab incisione propositâ, & impresso per eam stigmate, Hippocrates; secus quàm Herodotus in Clio, qui inter Scythas Asiâ vniuersâ fufis Medis potitos, eos duntaxat *εὐράτους*, vel vt Hippocrates loco annotato vocauit, *εὐραδύτης*, idest *euiratos*, dictos voluit qui Aſcalone in Palæstinâ Vranîæ Veneris templum sacrilegè essent depeculati; quod fabulamentum fuisse, vt & reliqua de morbo foemineo, iisdem ac posteris eorû immisso, iactata à mendaciloquo Herodoto; locus ex Hippocrate adductus confirmat; manifestè præferens quo morbo laborarent Scythæ, & ex quâ causâ: hoc est ex stigmate, retro aures, per incisionē impresso. Est similis stigmatis Medici, pro iis qui fluxionibus oculorum tentantur, expressa mentio apud Aristotelem sect. 31. probl. ad q. 5. & qui cum medendi modum posterioribus temporibus improbarunt vt Aërium, imprudentem potiùs modum eam medicationem adhibendi, quàm ipsam simpliciter medicationem improbasse, notat Mercurialis l. 3. var. c. 10. Disertè apud Celsum l. 7. c. 7. nec semel, sed sæpiùs & rursus c. 8. hæc ad curandum stigmatizatio præscribitur.

Aliud stigmatis Medici genus est, quod cauterio adhibito inuritur. Non est hic sermo de cauterio

quale memorat Mæcianus *litem pictoris* ff. de fund. instr. ubi responder, instrumento pictoris legato, cedere legato, ceras, colores, conchas, peniculos, cauteria. Idest interprete Tumeto l. 8. aduers. c. 9. instrumenta quibus olim pictores ceris pingentes, tabularum picturam inurebant. Et l. 29. c. 13. de ejusmodi pictura egisse ait Apuleium Apol. 1. cum meminit operis luto ficti, vel ære infusi, vel lapide incisi, vel cera inusti, vel pigmento illiti: Coloribus enim inustis, & resolutis igni ceris, fiebat ea pictura, dicta idcirco *encaustica*, & homo sic depictus, *encaustes*; sic enim Martialis lib. 4. epigr. 36. fugillans pictorem, qui Phaëtonem semel inustum iterum pingendo combusserat, ait;

*Encaustes Phaëton tabula tibi pictus in hac est:
Quid tibi vis! dipylon qui Phaëtona facis?*

Et Naso 4. Fasto.

*Et picta coloribus vstis
Cælestem matrem concava puppis habet.*

Apud Athenæum l. 5. Callixen. hujusmodi artem vstoriam *κρησπασία* appellat, quia omnicolor cera liquefacta, in strias dum pingerent, infundebatur: ut videre est apud Varronem l. 3. de re rust. c. 17. & Plinium l. 35. c. 11. Et sicut pictura, *encaustica* dicebatur; & ars ipsa sic pingendi *caustica*; sic ferum materiam excavans, *uriculum* aut ut Tinebus apud Plinium legit, *vericulum*, vel ab vrendi effecta

cauterium appellabatur. De hujusmodi cauterio non est hic sermo sed neque de eo cauterio quo olim vsus fuerunt Tyrannum Cyrenensium Nicocratem apponentem portis custodes, qui mortuos quoque dum inferrentur, cauterio scrutarentur. Nec dissimile quod Tertullianus c. 15. Apolog. scriptum reliquit, [Risimus & inter ludicras meridianorum crudelitates, Mercurium mortuos cauterio examinantem.] Ineptissimè aliqui legerunt *canerio*. His dimissis; Agimus de cauterio quo Medici ad medendum stigma inurunt: cuius proinde inusitatio, aptè dicitur stigmatizatio Medica.

Hæc porro multipliciter peragi potest & jam olim peracta est: nimirum vel admotione instrumenti igniti, præsertim metallici; quod vocant *cauterium ætiale*; vel adhibitis causticis, unde existit *cauterium potentiale*. Et in utroque membro, accidentaria subdistinctio multiplex, siue penes formam ac figuram stigmatis, siue penes eius efficientem causam annotatur. Nam penes figuram quidem, existit ea diuersitas quam Ambrosius Patæus lib. 18. cap. 27. expressit, oblongi, rotundi, lati, lunati, circularis, triangularis, quadrangularis, lenticularis, oliuaris, acuti, obtusi, nucleum, ensen, malleum, cultellum, aliudve quippiam referentis. Penes effectricem verò stigmatis causam ignientem, stigma ære, vel argento, aut auro, quod maximè commendat Albucasis lib. 1. de Cauter. c. 1. *in fine*, sed frequentissimè candente ferro inuritur, quale ætate Galeni erat paruum ferrum candens, æreo calamo ad fundum pertuso immis-

sum; perque foramen illud partem curandam adurens. Ferè etiam nunc sola metallica corpora ad hujusmodi usum adhibentur, etiam si olim ex usu fuit, idem præstare adhibitis, plumbo, aqua feruente; fungis ignitis, sulphure, oleo, butyro feruefacto, struthij & aristolochiæ radice, stercore caprino, & viticis ligno, accensis. Quod verò stigma lentius & mitius inuritur, à variis causticis admotis, variè denominari potest penes eam causam extrinsecam, quæ acuratiùs persequi, non est hujus instituti. Exquisitè verò ac diligèter in ea omnia inquiritur, à variis qui commentarios de hoc argumento ediderunt; quos inter eminent Albucasis tract. de Cauteriis, Razes libello de iisdem, Michaël Gauasfetus, tract. de natura Cauterij, Thomas Fienus in Opere ejusdem argumenti quinquepartito Hieronimus Capiuaccius Tract. de rectâ cauterij applicatione. Daniel Sennertus l. 5. institut. Medic. parte 1. sect. 2. c. 9.

Illud potiùs considerandum hoc loco occurrit, sitne hujusmodi stigmati Medici usus nouitius, & antiquis prorsus incompertus, ut Cardanus voluit l. de spir. difficult. an verò jam olim innotuerit hæc ad medendum stigmati impressio. Sed mihi quidem, contrarium videtur debere esse extra dubium; siue agatur de stigmati ex admotione causticorum tantum, de quorum vetusto usu prohibet Plinius ambigere, pleraque hujusmodi caustica jam olim usu recepta ad medicandum recensens; siue agatur de stigmati ex applicatione ignitorum, quæ præsertim visa nonnullis est retentionis inuenti; sed

perperam, cum non modò apud scriptores Medicos mediæ ætatis, sed etiam apud perantiquos, ejusmodi usus sit mentio. Hippocrates sanè qui Medicis audit *diuinus senex*, quia primus scriptis commisisse rei Medicæ doctrinam traditur, horum stigmatum tanquam jam olim ad medendum usurpatorum, meminit frequentissimè, & nominatim l. de morbis internis c. 33. & 37. ubi (ut notauit Amatus l. 5. Centur. 7.) plura signat ægritudinum genera cautèrio persananda, quàm habeat lineas. Latiùs l. de inter. affectibus, quem librum totum vstionibus scaterè obseruat Lælius Bisciola l. 18. subsec. c. 18. Crebra item vstionum ad rem medicam mentio, apud Galenum, locis ibidem à Bisciola notatis, & à Zacuto l. 1. histor. Medicorum Principum histor. 20. post obseruationem 15. Proferit autem in hanc rem Galenus, antiquos complures: & nominatim Platonem Comicum, qui in Cynesia prodidit, Eua-goræ filium quod laterali morbo affectus esset, dedisse se in concionem multipliciter inustum ab Euriphôte. Allos præterea veteres, huiusmodi stigmatum usum ad rem medicam agnouisse, rectè demonstrat Hercules Saxonia l. de de phœnignis sect. 1. in præfatione.

Notantur gentes ac personæ, quibus jam olim, ad medicandum probata maxime sunt eiusmodi stigmata. Herodorus enim lib. 4. antiquissimis temporibus, quosdam Lybiæ populos puerorum quadri-morum venas verticis, aut venas temporales, œsypo ouillo adurere solitos, testatur. Est Oesypum, vel Oesypa, (vtronis enim genere effertur,) pinguitudo succidarum lanarum, juxta illud Nasonis.

Oesypa

*Oesypa quid redolent, quamvis mittantur Athenis,
Demptus ab immunda vellere succus ouis ?*

Erotianus tamen autore est, Hippocratem accepisse *oesypum* pro stercore ouillo, quod sanè vi aliqua vrendi est præditum : & modicè idem præstat succida lana, ejusque pinguitudo lanæ adhuc adhærescens. Quæ causa est, cur Mercurialis l. 2. var. c. 2. potius existimet, operationem illam adurendi Lybicus familiarem, *oesypo* feruente & ignito peractam. Sicut etiam sæpè Hippocrates, præscribit vrendum adhibito lino crudo ; quod non apparet quomodò vsui esse ad vrendum possit, nisi ignescat. Afros curare solitos, verticem ad os vsque adurendo, ita vt squamam remittat, scribit Celsus l. 7. c. 7. *in fine*. In Thuscia & nonnullis Italiae regionibus, antiquum vsum ferre, vt pueris adhuc lactentibus, vel paulo maioribus ; occiput ignito ferro adurant, testatur supra Mercurialis : eo quod censeant præsidium inde parari pueris, aduersus pituitam & puerilem morbum. Idem tanquam alexipharmacum, aduersus omnes cerebri affectus potentissimum omnium, quo erga infantulos recens natos statim à baptismo sæpè sapiùs feliciter vsi sint Neoterici, nominatim aduersus comitalem morbum infantulis in tractu Arelatensi perfamiliarem ; commendari video à Ioanne Taxil. l. 2. de Epilepsia c. 7. & agit de actuali cauterio, quoad infantes validos ; & cùm affectus validus non præbet inducias, ad lentiùs agendum. Non igitur soli Barbari de quibus Trallianus l. 3. c. 26. hujusmodi remedium ad medendum adhibuerunt,

sed alij quoque jam olim, vt citata exempla docent, & addi potest memorata à Plinio horum stigmatum inustio lib. 3. c. 5. & à Theodoro Prisciano l. 2. ad Timoth. c. 2. f. 8. & à Sereno Sammonico, cum agit de podagræ curatione. Qui etiam paulò superius agens de medicatione carbonis, sic habet.

*Horrendus magis est, perimit qui corpora carbo ;
Vrit hic inclusus, vitalia rumpit acerbus :*

*Hunc veteres quondam variis pepulere medelis ,
Tertia namque, Titi simul & centesima Lini ,
Charta docet ferro talem candente dolorem
Exectum.*


Nimis multis monstratum puto, vsum stigmatum medicorum, etiam admoto vrente actuali, fuisse antiquis perspectum; nec satis consideratè Cardanum, ignorantiam veteribus hac in parte affinxisse. Intellegebant nimirum veteres Medici, quanta possit esse ad curandum vel roborandum, stigmatismi huius opportunitas, id quod benè prosequitur Auicenna in Cant. part. 4. Aphor. 32. & Fen. 4. 1. cap. 29. Corpus enim noxiâ humiditate laborans, adhibito huiusmodi remedio quod calore & siccitate præpollet, utrâque illam qualitatē contrahit, ex quibus existit alleviatio, aut curatio per depulsionem humiditatum superuacanearum, & laxitatis carnis adstrictionem, ac indurationem; quæ sunt commoda ab Hippocrate annotata ex adustione Scythiis obuenientia l. de aëre aquis & locis. Ibi descriptâ eius gentis corporû abundantissimâ humiditate, variis ex causis internis & externis quas enumerat; ad cōprobandam eorum supereffluentem humiditatem, addit. [Multos ipsorû, præcipuè qui Nomades sunt, reperias, exustos

humeros ac brachia habentes, manuúmque juncturas, pectora, coxas, & lumbos, nullam sanè aliam ob causam, nisi ob humoris & mollitie naturæ detractionem. Nam neque arcus intendere, neque telum torquere possunt, præ impotentia humiditatis humerorum. Cum autem vruntur, humor ipse à juncturis exoluitur, fiúntque corpora ipsorú validiora, meliùs nutriuntur, & magis redduntur articulorum vsu potentia. Fluida verò fiunt, ac lata primùm, propterea quod fasciis non colligàtur, quemadmodum fieri solet in Ægypto. Deinde quod non animadverunt, quomocunque inter equitandum equis insideant. Postremùm etiam, propter desidiã perpetuam. Masculi enim eorum, antequam potentes fiant equos conscendere, atque in illis vehi, plurimum temporis desident in cutribus, raróque prodeunt vt inambulant, propter exilia ac perpetuas circulationes. Muliebrium autem corporum formæ, ad miraculum vsque, fluxæ existunt.] Tanta cum esset Scytharum humiditas & carnis laxitas; tamen beneficio stigmatismi de quo agimus, congruentem exsiccationem & robur assequebantur. Et quod vniuersè de Scytharum corporibus ait Hippocrates, de quibuscumque vbilibet corporis partibus à capite ad calces vsque, statui potest, vt diligenter prosequitur Fienus l. 4. de Cauteriis à c. 11. Maximè tamen in capite, se prodit stigmatismi huius efficacia. Caput enim verticem corporis occupat, multóque attrahit humores superuacuos: quos deinde refundit, ita vt nulla sit pars inferior quam dejectione superfluarum humiditatum non irriget idque nisi faceret, existe-

rent inde exitiales affectus capitis, retentione humorum illorum procreati, vt benè cōsiderauit Galenus l. 9. de vsu part. & l. 5. de sanit. tuenda, nec non Fernelius l. 5. patholog. cap. 4. Quia ergo per elices & canales à natura cōstitutos, non potest plerunque deijci totus humor attractus, adhibetur stigmatismus de quo agimus; cū ad humoris superflui educationem, tum ad roborationem partis affectæ, quo esse referēdā Medici operam, non minùs quàm ad humōris euacuationem, Galenus optimè admonuit l. 1. de humor. sect. 1. comm. 12.

Sed quàm multæ ab hoc stigmatismo vtilitates existunt, si ritè & ex arte obeatur, tam multiplex imminet à mala eius admotione periculum. Vstionem namque, feruor & calefactio indebita, propriæque temperiei euersio facilè consequitur; nec rarò ei comitatur tam exquisitus dolor, vt inferendæ morti par esse queat. Supperit exemplum ab Hippocrate annotatū lib. 5. Epidem. de Eupolemo; qui coxendice laborans, multis & magnis ea in parte vstionibus adhibitis periit; viribus imbecillibus morbo admodum dejectis tam vehemens remedium non ferentibus. Infigunt hoc monitum Guauascecius l. de natura cauterij c. 15. Mercurialis l. 1. praxeos c. 20. Mercatus l. 1. indic. 16. Zacutus l. 1. histor. Med. Princ. histor. 20. obseru. 15. & seqq. & pereruditè Fienus libro 3. de Cauteriis cap. 1. Considerat enim quasdam stigmatismi hujus minùs prouidè adhibiti noxas, esse per se, quasdam verò esse per accidens: alias vstionem sequi vt talem, aliàs crustam, vlcus, cicatricem; quæ diligentius persequitur,

à nostro autem instituto sunt aliena. Idem Autor eas noxas communes quoque esse cauteriorum potentialium ritè perpendit. Verùm omnes illæ noxæ, improuidum duntaxat vsum hujus stigmatismi consequuntur: Ipse autè si ritè & in tēpore obeatur, non modò noxâ vacat, sed magnis vtilitatibus redundat. Commune id est rebus omnibus quantumuis perfectis, vt malâ vel indebitâ applicatione noceant. Itaque non vsus, sed abusus in vitio ponitur, vt S. Gregorius Nazianzenus animaduertit, orat. 20. num. 19.



CAPVT V.

De sacris noui Testamenti stigmatibus ac primùm de impressis Christo IESV Domino nostro.

MULTA omnino considerari in Christo possunt stigmata, præter morale illud ac mysticum, quo juxta plerosque, dictus est psal. 39. habuisse aures fossas atque pertusas, ad significandam perpetuam Christi erga Deum seruitutem, sub imagine antiquæ perfossionis auris seruilis. In eam quidem Psaltis interpretationem, seuerè agit Bellarminus ibi versu 10. habetur tamen in versione S. Hieronimi: nec abhorret à vi vocis Hebraicæ, vt ibidem aduerterunt Eugubinus ac Lorinus.

Sed dimisso eo mystico stigmate, pleraque sunt realia & physica stigmata, pro nobis à Christo suscepta, quorum consideratio non potest non esse suauissima & fructuosissima. Eiusmodi præsertim

sunt septem ; vt verum comprobetur, quod de sculptura lapidis ab ipso Deo cœlati, dictum est Zachar. 3. *super lapidem unum, septem oculi sunt* : quod ibi D. Hieronimus, de Christi Domini stigmatibus interpretatur. E septem autem illis Christi stigmatibus, duo ante crucem impressa sunt, quinque autem in Cruce. Priora duo sunt, circumcisio & flagellatio atrox, quam ipsemet Christus per Dauidem psalmo 128 confert arationi ; dicens iuxta versionem S. Hieronimi, *supra dorsum meum arauerunt aratores, prolongauerunt sulcum suum*. At corporis aratio, & sulci in eo impressio, non potest esse absque stigmatis illatione. Denique Christus suscepit quinarium vulgatorum stigmatum ; nempe viuens quidem stigmata manuum ac pedum ; mortuus autem, stigma pectoris per lanceæ adactionem transfixi. Attingamus breuiter omnia hæc stigmata, præsertim postrema quæ fidelium pietas, tanto suo bono habet pro nido & asylo, vt postea dicemus cum S. Bernardo serm. 62. in Cant.

De stigmatate circumcisionis, quod Christus octiduanus suscepit, vix aliquid singulare habemus præter finem ex quo circumcisionem admisit. Nam quod aliqui vt singulare proponunt circa causam efficientem, quod Christus à matre sit circumcissus, vel incertum est, vel saltem minimè singulare. Deiparam quidem Filio id officij præstitisse, censet Magalianus in c. 5. Iosue versu 8. annot. 7. Sed vnde id confirmet, non habet. Et quamuis vltro daremus, Deiparam asperum hoc ministerium erga filium exercuisse, tamen non esset cur id singulare

cenferetur ; cum fas eſſet matribus filios circumcidere, vt patet ex facto Sephoræ, quæ vt periculum à marito auerteret, filium ipſamet circumcidit, arrepta petra acuta, vt habetur Exodi 4. Quare dimiſſa cauſa effeçtrice, ſingulare quippiam circa Chriſtum, conſideratione dignum occurrit, in cauſa finali ſub-eundæ circumciſionis.

Eam vulgo, cenſent fuiſſe ſuſceptionem ſimilitudinis carnis peccati, per inuſtionem cauterij peccati, vt loquitur S. Bernardus ſerm. 3. de Circumc. vbi componens Chriſtum pro nobis natum, cum eodem pro nobis circumciſo ; ait multo magis depreſſum eſſe Chriſtum in Circumciſione. [Ipſa die, (inquit de die Natiuitatis vel Incarnationis,) minoratus eſt ab Angelis, & habitu inuentus vt homo : hodiè verò mirabilius aliquid audio. Iam minoratus eſt multò minùs Angelis, qui non ſolùm formam hominis, ſed formam habet peccatoris, & inſigitur velut quodam cauterio latronis. Quid eſt enim circumciſio, niſi ſuperfluitatis & peccati indicium ? In te Domine Ieſu, quid eſt ſuperfluum quod circumcidatur ? Nónne tu verus Deus es de Deo Patre, homo verus ſine omni peccato de Virgine Matre ? Quid facitis circumcidentes eum ? Putatis quia ſuper eum poſſit cadere illa ſententia ; *Maſculis, cujus præputij caro circumciſa non fuerit, peribit anima ipſius de populo ſuo* ? Poſteſt obliuiſci pater filij vteri ſui ? Aut non cognoscet eum, niſi ſignum circumciſionis habuerit ? Imò verò ſi quomodo poſſet non agnoſcere filium in quo ei benè complacuit, ex hoc maximè ſigno

poterat ignorare eum, inuentâ in eo circumcissione, quam peccatoribus ipse prouiderat, ob purgationem vtrique delictorum. Sed quid mirum, si caput pro membris accepit curationem, quam tamen in seipso non habuit necessarium? Nône & in membris nostris, sæpè pro vnius infirmitate, alteri adhibitur curatio? Dolet caput, & in brachio fit coctura: dolent renes, & fit in tibia. Ita hodie pro totius corporis putredine, cauterium quoddam infixum est in capite.] Indidem serm. 1. de eodem festo, *initio*, egregiè infert idem S. Bernardus, insignem nos inter ac Christum disparitatem. Nam Christus [ne vestigium quidem vllum vulneris habens, alligaturam non refugit vulneris. Non sic impij, non sic, non sic agit peruersitas elationis humanæ. Erubescimus vulnerum ligaturam, qui de vulneribus interdum etiam gloriamur. Quem nemo potest arguere de peccato, ipse peccati remedium, & verecundum pariter & austum, sine vlla necessitate suscepit; nec repulit cultrum lapideum, in quo solo vetus illa, quæ raderetur rubigo non fuit. Nos è contra, inuerecundi ad obscœnitatem culpæ, erubescimus agere pœnitentiam: quòd extremæ dementiæ est, malè proni in vulnera, pejus in remedia verecundi. Qui peccatum non fecit, non dedignatus est se peccatorem reputari: Nos & esse volumus, & nolumus æstimari. Itâne sano opus est medicina, & non potius malè habentibus? Imò verò itâne eget medicamine, non æger sed medicus? Quis hominum tantæ sibi non dicam gloriæ, sed vel innocentia conscius, æquanimiter circumcidentis

manum admitteret ? Christus verò patienter , quæ non rapuit exoluit , qui venerat purgationem facere , (non suscipere ,) delictorum.] Pia & fructuosa admodum consideratio , quæ tamen juxta superius disputata c. 2. fundamento infirmo nititur. Neque enim verum est , circumcisionem esse institutam ad extersionem originalis peccati , ut ea consideratio supponit , sed instituta est , ad consignationem familiæ Abrahami , in peculiarem Dei populum , ac in tesseram sordium primæ generationis , novâ per Christum in carne venturum generatione , extergendarum. Ea tamen extersio , non fiebat per circumcisionem : non modò in adultis de quibus id pono extra dubium , sed ne in infantibus quidem ; quia circumcisio , (ne in his quidem ,) eluebat noxam originalem , ex se & vi suæ institutionis , sed quia subiectum non supponebatur præpurgatum aliquâ fidei professione factâ à majoribus circa parvulum. Posito autem quod ea professio tunc primùm fieret per circumcisionem , quæ certè inter Hebræos aliquam fidei professionem continebat , mundabantur parvuli applicatione circumcisionis , non per se , & prout determinatè erat circumcisio ; sed generatim quatenus erat quædam fidei professio , cui tanquam meræ conditioni absque eius causalitate morali , adjungebatur infantis mundatio , ex providentissimâ Dei liberalitate , consulente infanti extremè indigenti , & fortassis alioqui perituro. Itaque quod aliqui fortè astantes cum Christus circumcidebatur , putarent Christum susceptione circumcisionis mundari ab originali labe , & inuri cauterio peccati,

geminâ hallucinatione ſordebat. Nam neque Chriſtus, quippè innocentiffimus, erat capax peccati quod poſſet circumciſione emundari; neque circumciſio reuera præferebat neceſſariò talem emundationem; quia quamvis Chriſtus fuiſſet peccato obnoxius, potuiſſet præpurgatus fuiſſe applicatione alterius alicuius modi, conſertam æquè habentis profeſſionem fidei, in beneficium pueri.

Neque tamen idcirco negamus Chriſto, exercitium eximix omnino humilitatis, in ſuſceptione circumciſionis, quod attigit S. Bernardus ſerm. 3. de Circumciſ. cum dixit. [Ante paucos dies, celebrauimus aduentum eius in carcerem huius mundi; ideſt, diem natalis: hodie verò celebramus, quoddâ catenas & vincula noſtra ſuſcepit. Hodie enim qui peccatum non fecit, vt reos abſolueret, innoxias manus eorum catenis inſeruit: hodie ſub lege factus eſt, qui legem dedit.] Nimirum quiſquis in Abrahæ familiâ circumciſionem poſt Moſem ſuſcipiebat, eo ipſo fiebat obnoxius obſervationi totius legis, vt Apoſtolus Galatas conteſtabatur. Erâtque lex ei pædagogus, ne aberraret ac in exitium rueret. Itaque ſuſceptio circumciſionis, continebat profeſſionem ignorantix, & labilitatis in culpam, quibus laboraret qui circumcidebatur: alioqui quorſum legi ſe ſubjiceret, tanquam pædago & correctori? Hæc autem eſt ſumma proſus depreſſio, & humiliatio longè major quàm vlla alia per totam Chriſti vitam admiſſa. Nam Chriſtum id recipere, quod recipiens, profiteretur ſe & ignorantem & peccati capacem; multo plus eſt dejici, quàm crucem ſubire. Hæc

quippe non fuit vera labes subeuntis crucem, sed eorum qui innoxio crucem intulerunt. At profiteri se obnoxium ignorantiae & peccato, est facere sua, quæ verè sunt teterrima dedecora, secundum prudentem æstimationem.

Pergo ad Christi stigmata flagellis impressa. Quis enim dubitare possit, notas flagellorum hæsisse in Christi corpore, quandoquidem Psalter ex Christi persona testatur, dorsum suum & corpus sanctissimum fuisse exaratum, & sulcis prolongatis diffusum? Confirmatur ex genere flagellorum quo Agnus innocentissimus concisus est. Tradunt enim fuisse flagella taxillata: quibus ferreæ aciculæ compungentes & stigmatizantes adjungebantur. Et addenda est atrocitas flagellationis, à liëtoribus valentissimis, odio Iudæorum inflammatis, impactæ. Non nemo, addit repetitam flagellorum admotionem; semel ad placandos Iudæos, ne Christum ad mortem poscere obfirmarentur: Iterum autem, cum Christus adjudicatus est immunitari eorum. Quæ est quorundam Recentiorum sententia, inde colligentium, quanta fuerit huius flagellationis & stigmatizationis immanitas. Verùm ea sententia de binâ Christi flagellatione, jure à Ribera exploditur in c. 19. Ioannis *sub initium*, quia neque in Patribus, neque in Scriptura, vllum extat geminæ illius flagellationis fundamentum. Neque item peto acerbitatem flagellationis Christi, ex tanto ictuum numero, quantum nonnulli ex muliebribus quibusdam reuelationibus appenderunt; asserentes fuisse Christo infligta ictuum millia quinque, & trecenta septuaginta:

quæ quis dubitaret , stigma duraturum teneræ carni, Christi impressisse , si assertio illius numeri veritate niteretur ? Meritò tamen Ribera refragatur loco allegato ; quia tanta numerositas ictuum , absque idoneo fundamento affirmatur , & Christo haud dubiè mortem intulisset contra mentem Pilati & ministrorum , imò & Iudæorum , à quibus volunt lictores ad eam ictuum multiplicationem fuisse subornatos. Probrosæ enim simul ac crudeli morti, Christum reseruatum volebant. Quamuis autem flagellatio Christi, & vnica fuerit , & citra mortem sæuierit : tamen admodum dura & sæua fuit : vnde sine dubio, in ea tenerrimum Christi corpus, veluti sulcis exaratum est, ac stigmatis impressum. Videtis in hanc rem Toletum in c. 18. Ioan. annot. 23. Suarem t. 2. 3. p. d. 35. f. 2. Gretserum l. 1. de Cruce c. 19. Malonium ad c. 5. Palæoti de sacra sindone.

His stigmatibus per flagella Christo inuictis, succedere stigmata manibus ac pedibus , Christo etiamnum viuenti impressa , per clauifixionem. De hâc enim nemo dubitauit , præter vnum quendam ; haud dubiè cum ea effutiret , hilariorem , è Lutheri caula, Ioannem Vvestphalum , vt ex eo refert Prateolus eo Verbo artic. damnato 17. At quis ignorat , Euangelistam disertè ac conceptis verbis , memorare fixuram clauorum in manibus Christi ? Et perinde erit , si legas *figuram* , vt fert Græcus Codex , suffragantibus Latinis quibusdam exemplaribus, teste Erasmo Ioannis 20. Nam figura clauorum , aliud reuera non est , quàm fixura. Quamuis autem Euāgelista, meminerit solius fixuræ

clauorum in manibus Christi: tamen certa & constans traditio, idem habet de transfixione pedum, vt videre est in Patribus, passionem Christi describentibus, vel locum psalmi 21. de Christo clauis confixo deponentibus, *foderunt manus meas, & pedes meus*. Antiquissimæ item Christi de cruce pendentis imagines, siue pictæ, siue extantes, idem confirmant. Christus ipse Lucæ 24. post resurrectionem ad comprobandam veritatem sui à morte regressus, ostendit discipulis manus & pedes terebratos; vrgens vt visis & attrectatis manibus ac pedibus perfossis, certi fierent illud ipsum corpus quod crucifixum fuerat, resurrexisse. Non sanè ostendisset pedes æquè ac manus, nisi quia tam his, quàm illis confixis, restabant stigmata per clauos impressa, quorum interuentu agnosci posset identitas corporis rediuiui.

Indubitatum ergo esse debet, hæc quatuor stigmata fuisse Christo impressa in crucifixione. Quia verò in rebus adeò sacris, nihil debet minutum aut negligendum videri, aduerto, stigma impressum pedi sinistro, multò patentius grandiusque conspici in sacra sindone Taurinensi, vt videre est apud Palæotum c. 19. de ea. Ex quo idem Autor, coniectat ambos pedes vnico clauo fuisse confixos. Nam vt clauus vnus utrumque pedem terebraret, necesse fuit, pedem sinistrum qui dextro pedi impositus est, perfodi multò potentiùs ob maiorem clauicrassitiem in superiore sui parte. Alij tamen, qui Christum quatuor clauis confixum volunt, vt Toletus in c. 19. Ioan. ad illud, *fecerunt quatuor partes Medina*

3. p. q. 46. art. 11. Ribera in c. 19 Ioan. pag. *mibi* 468. Bellarminus in præfatione ad opus de septem verbis Christi, Abraamus ad Nonnum in Ioan. pag. *mibi* 76. & alij, faciliè dicent fissuram pedis sinistri idcirco cerni grandiore, quia clauus eius, ab immaniore quopiam & truculentiore crucifixo, adactus cum maiore violentia, latiore plagam intulit. Erant enim quatuor qui Christo figendo nauarunt operam, vnde quadripartita vestimentorum diuisio in vtilitatem crucifigentium, vt Toletus loco allegato ratiocinatur.

Aduertere præterea iuuat, cum Malonico ad c. 16. Palæoti, quoad manus, & ad c. 19. quoad pedes, figuram stigmatiæ manibus ac pedibus impressi, esse circularem: vt proinde necessarium fuerit, clauos Christo impactos, non fuisse quadratè pyramidalos, sed rotundè. Ratio tamen proximè adducta circa pedem sinistrum, euincit ob maiorem clauicrassitiem in superiore sui parte, stigma in superiore manuum ac pedum parte semper fuisse latius atque patentius, quàm introrsùm, siue in infimâ parte artuum illorum sacrorum: & quo penitiùs stigma imprimebatur, clauo vlteriùs peruadente, semper stigma impressum fuisse angustius. Non plura in præsentia, de quaternario sacrorum stigmatum impressorum Christo superstiti.

Tantum quod hæc quatuor stigmata fuerint per clauifixionem impressa, cogitandum venit. iisdem quia sola intrinsecè & formaliter meritoria nobis & conciliatiua gratiæ fuerunt; (nam vulnus laterale quia post mortem illatum est, non nisi obiectiuè &

per anticipatam acceptationem nobis profuit ;) optimè quadrare, quod fabulosè ac superstitiosè saltem ex parte, de clauifixione per Dictatorem aut Prætorem, jactabatur apud Romanos. Ritus est de quo ista Liuius l. 7. cum superfusum Tiberim & grassantem pertinaciter pestilentiam retulisset. [Cn. Genurio, L. Emilio Mamercus secundum Coss. cum piaculorum magis conquisitio animos, quàm corpora morbi afficerent, repetitum ex seniorum memoriâ dicitur, pestilentiam quondam clauo ab Dictatore fixo, sedatam. Eâ religione adductus Senatus, Dictatorè clauifigendicausâ, dici iussit, &c. Lex vetusta est, priscis literis verbisque scripta, ut qui Prætor maximus sit, Idibus Septembris clauum pangat. Fixus fuit dextro lateri ædis Iouis Optimi maximi, eâ ex parte quâ Mineruæ templum est. Eum clauum, quia raræ per ea tempora literæ erant, notam numeri annorum fuisse ferunt ; eoque Mineruâ templo dicatam legem, quia numerus à Minerva inuentus sit. Volsiniis quoque clauos indices numeri annorum, fixos in templo Nortie Hetruscæ Deæ comparere, diligens talium monumentorum autor Cincius affirmat. M. Horatius Consul ex lege templum Iouis Optimi Maximi dedicauit, anno post Reges exactos. A Consulibus postea ad Dictatores, quia maius imperium erat solemne clauifigendi translatus est. Intermissò deinde more digna etiam per se visa est res, propter quam Dictator crearetur.] Ibidem lib. 8. [Memoria ex annalibus repetita, in secessionibus quondam plebis, clauum ab Dictatore fixum, alienatâque

discordiâ mentes hominum, eo piaculo compotes
sui fecisse., Dictatorem clauis figendi causâ, creati
placuit.] Liquet clauifixionem in æde sacrâ, auer-
tendæ pestilentix & paci numinis aduocandæ, nec
non conciliandæ dissidentium gratiæ ac etiam
quantum ex narrata templi per Horatium dedica-
tione insinuatürque in lapide de eâ dedi-
catione Romæ nuper inuento apud Iacobum Du-
rantium l. 1. var. c. 5. consecrando cuiuspiam loco,
& denique numerandis annis vsui fuisse; de quo
postremo vsu testis est Festus V. *Clauus annalis*. Et
eundem vsum Petronius in Satyrico expressit cum
describens priscam simplicitatem, dixit.

*At paries circa, palea satiatius inani
Fortuitoque luto, clauos numerabat agrestes.*

Quam sibi loci Petroniani lectionem expilatam
queritur Douza in Præcidan. c. 16. Vel vt Duran-
tius loco allegato mauult legere, causatus transmi-
grationem finalium vocum vtriusque versus.

*Et paries circa palea satiatius agresti
Fortuitoque luto. Clauus numerabat & annos.*

Quo eodem modo eos versus legit & emaculat in
Symbolis Georg. Erhardus. Aiebam, hæc omnia
multò illustrius in Clauifixionem Christi cadere
quam in fixationem clauis per summum Magistratum.
Nulla enim fuit vnquam tam dira tamquam exi-
tiosa pestis, quàm ea cui hac Christi clauifixione
consummante

consummante Redemptoris merita occursum est, ut demonstrare memini tractans titulum Christi *Medici*. Nemo pacem numinis exorauit sicut iste Sacerdos magnus factus reconciliatio in tempore iracundiæ, factus pax nostra, & omnia connectens cum Deo; hominésque antea dissociatissimos fœderans, juxta illud Nazianzeni orat. 42. [In salutis humanæ miraculo, exiguæ cruoris guttæ orbem vniuersum instaurarunt, atque idem quod lacti coagululum hominibus præstiterunt, in vnum nos conjungentes ac cōstringentes.] Consecratio Ecclesiæ in Dei templum ab hoc eodem Pontifice est peracta, & numeratio annorum sacrorum coalescentium ex diebus virtutum quos describit Origenes hom. 10. in Iudic. tota Christo innititur clavis de quibus agimus confixo. Recognoscenda & piè æstimanda sunt talia tantæque bona à stigmatibus Christo viuenti per clauos impressis dimanantia, ne ingrati pereamus.

Eidem autem jam vita functo, impressum est vulnus lateris, ut disertè habet Ioannes c. 19. cujus testimonio nexus Clemens V. cum Concilio Viennensi, ut habetur Clementina vnica de summa Trinit. & fide Cathol. damnauit Petrum Ioannis affirmantem, vulnus lateris fuisse illatum Christo viuenci, quod plenius refellunt Castro V. *Christus*, hæc. 10. & Suarez t. 2. 3. p. d. 41. s. 1. Quanquam Petrum Ioannis nihil asseuerasse, sed deceptum corrupti Codicis Diui Chrysostomi lectione, censuisse posse piè cogitari, Christum viuentem fuisse in pectore transfixum; monstrat Vvadinghus ad annum

1297. num. 44. Est ergo hoc stigma impressum Christo, in termino: hoc est post obitam mortem corporis; tamen quia Christus nondum resurrexerat, status ille ad viam aliquatenus possit pertinere. Et quia post mortem planè cessat meritum, etiam quoad Christum, juxta illud *venit nox quando nemo potest operari*; ideo receptio stigmatis lateralis per se ac in se sumpti, non fuit Christo meritoria, ut rectè statuit Card. Vigerius l. de instrumentis Dom. passio. c. 6. & 7. Tractatus quarti. In quo, receptio hujus stigmatis differt à receptione anteriorum quatuor stigmatum Christo viventi impressorum, quæ fuit receptio meritoria in se ac formaliter. Stigma tamen laterale post mortem impressum, potuit objectivè fundare meritum, formaliter inexistens illi actui quo Christus ante mortem, prævisa hâc lateris sui perfossione, illam acceptavit, priusquàm inferretur, & Deo in litri nostri partem obtulit. Certatur porro sententiarum varietate inter DD. utri lateri impressum sit hujusmodi stigma. Nam quod ab Amœno (imo à Prudentio, quidquid ferat protrita inscriptio Dittochæi,) Christus dicitur traiectus per utrumque latus; vel mendum est, ita ut loco illorum verborum, *traiectus per utrumque latus*, legendum sit, *traiectus dextrumque latus*: Vel certè exponendum est de perfossione unius lateris adeò profundâ; ut perfossio ad cor usque, atque adeò etiam aliquatenus ad sinistrum latus peruasit: quamvis extrinsecus, non nisi unum latus fuerit perfossum ictu lanceæ. Hoc ergo unum latus, quodnam fuerit, variant sententiæ.

Incertain rem esse pronunciat Gretserus l. 1. de Cruce c. 34. & videtur annuere. Suares t. 2. 3. p. d. 41. f. 1. inclinans tamen in sententiam quæ latus sinistrum foratum censet ; eo quod id sit latus Adami, è quo Eva censetur formata. Frequentes autem Patres, affirmant educationem Eux de latere Adami, fuisse typum educationis Ecclesiæ ex perfosso Christi latere ut videre est apud S. Auctorem serm. de passione Dom. S. Augustinum l. 2. de symbo. c. 6. Rupertum l. 2. de operibus Spiritus Sancti cap. 19. & alios multos quos Malonius loco proxime notando adducit pag. 380. At alij, affirmant Christi pectus perfossum fuisse in dextro latere. Ita Palæotus ad c. 20. libri de sacrâ sindone, & ibi Malonius Torniellus anno Christi 34. Collius l. 4. de sang. Christi disp. 6. c. 2. ac etiam Gretserus in Paralipomenis ad illum librum primum de Cruce c. 35. post Cabasilam in Expositione Liturgiæ c. 8. & Angelonum 3. Reg. 6. Estque pro hac sententiâ argumentum optimum, quod dicitur ex sacrâ sindone Taurinensi in quâ vulnus lateris cernitur in sinistrâ parte sindonis, atque adedò oportuit, in obuerso Christi corpore vulnus lateris fuisse in dextrâ pectoris parte. Vnde D. Augustinus 15. Ciuit. c. 26. Beda in Collectaneis & l. 2. allegoricæ expositionis in Esdram c. 7. Rupertus ad l. 3. Regum c. 10. & alij, accipiunt de vulnere lateris Christi, quod habetur apud Ezechielem c. 47. de ostio in latere dextro unde aquæ plurimæ redundarent. Eandem sententiam de perfosso dextro Christi latere, certam habet Lucas Tudenſis l. 2. contra

Albigenses c. 11. & confirmat ex recentibus tunic S. Francisci stigmatibus, ad imitationem stigmatum Christi impressis; in quibus affirmat, quod pectori impressum est, cerni in dextro latere. Quid quod Iudæi Berytenses, ut est apud Athanasium juniorem, Christi effigiem vulnerarunt in dextro latere? Ibidein nimirum vulneratum audierant pectus Christi.

Hoc Christi stigma fuisse admodum profundum & amplum, constat ex sindone Taurinensi. Item ex ferro Lanceæ quod Romæ monstratur, obtusum quidem, sed tamen valdè latum, ut testatur Rutilius Benzoni disp. 2. de fuga q. 3. inde colligens, rectè Christum cum de vulneribus manuum ac pedum dixisset, *Infer digitum tuum huc*, ob vulneris partibus illi infligti exiguitatem; de pectore, cujus erat longè amplior fissura dixisse, *affer manus tuas, & mitte in latus meum*. Significans aded amplam fuisse lateris pertusionem, ut manum immissam posset capere. Obseruauit idipsum Ioannes Lanspergius homil. 44. de passio. Dom. & alij ad eum locum Ioannis 20. Neque verò vrgendum in contrarium est, quod Apocal. 1. alludendo ad Christum in latere vulneratum dicatur; *Videbit eum omnis oculus, & qui eum pupugerunt*. Nam potest etiam esse punctio lata & ampla.

Immensa sunt, quæ in huius sacrosancti stigmatis lateralis decus & gloriam prostant apud Patres, è quibus pauca libare operæ pretium videtur. S. Ambrosius fragrantissimè in hanc rem disserit serm. 3. in psal. 118. ad versum 1. tractans illud, *Nardus Cypri, consobrinus meus mihi, in vineis Engaddi*.

[Si locum quærimus (inquit ,) regionis cujusdam , quæ in Iudæâ est , locus sic dicitur , in quo opobalsamum gignitur . Si interpretationem , *tentatio* Latine significatur . In illis ergò vineis , lignum est , quod si quis compungat , vnguentum emittit , hic fructus est ligni . Si non incidatur lignum , non ita fragrat & redolet : cum autem* compunctum fuerit artificis manu , tunc lachrymam distillat : sicut & Christus in illo tentationis ligno crucifixus , illachrymabat populum , ut peccata nostra dilueret , & de visceribus misericordiæ suæ , fundebat vnguentum , dicens : *Pater dimitte illis , quia nesciunt quid faciunt* . Tunc ergo in ligno compunctus est lanceâ , & exiuit de eo sanguis & aqua , omni vnguento suavior , accepta Deo hostia , per totum mundum odorem sanctificationis effundens : & quasi balsamum ex arbore , sic virtus exibat è corpore . Vnde ait : *Sentio virtutem exisse de me* . Inde opobalsamum expressius dicitur , eò quòd compunctione ligni , balsamum per cauer-
nam punctiōis erumpit . Compunctus igitur Iesus , odorem remissionis peccatorum & redemptionis effudit . Nam & contrictus erat , Verbum cum esset , homo factus : & pauper factus , cum diues esset , ut nos illius inopiâ ditaremur . Potens erat , & despicendum se præbuit , ita ut Herodes sperneret eum , & illuderet ei . Terram mouebat , & hærebat in ligno : cælum obducebat tenebris ; mundum crucifigebat , & crucifixus erat : inclinabat caput , & exhibat verbum : exinanitus erat , & replebat omnia . Descendit Deus , ascendit homo : Verbum caro factum est , ut caro sibi Verbi solium in Dei dextera vindi-

caret. Vulnus inflictum erat, & fluebat vnguentum. Scarabæus audiebatur, & Deus agnoscebatur.]

Et in psalmum 37. exponens illud Davidis *curuatus sum usque in finem*, præmissâ expositione de fine poenitentiae, aliam subdit de Christo, his verbis. [Ut ampliùs & mysticè intelligas, usque ad Christum, qui finis est legis, qui se passus est lapidari, passus est corpus suum mortuum vulnerari: Sed nullum foetorem poenitentiae, sed odorem gratiae vulnera illa redolebant. Denique non tabes mortis de vulnere eius, sicut hominum coeterorum; sed fons vitae scaturiuit aeternae, ut scriptura nos edocet, dicens; *Et saliet aqua cum delectatione de fontibus Salvatoris*. Exiliuit ergò de vulnere aqua, ut nos biberemus salutem. Bibent omnes peccatores terrae, ut peccata deponant.] Supponit his locis S. Ambrosius Christum similem esse arbori balsamum fundenti interveniente punctione aut fissurâ. Quod S. Macarius hom. 17. *initio* insinuat, agens de ligno vitae & plantâ coelesti fundente oleum exultationis quo inunguntur Christiani ut Reges evadant. Verum est, Christum prout Verbum Dei, esse fragrantiam Patris, & odorem notitiae eius, ut S. Cyrillus differit l. ad Reginas ex 2. Cor. 2. & ad illud *sicut odor agri pleni*. Tamen in suâ humanitate fuit verum balsami lignum, effundens oleum regium quo omnes inungimur, eaque effusio maximè facta est intervenientu fissurae per vulnera & transfixionem ut affirmabat S. Ambrosius.

Idem de sacris vulneribus ac stigmatibus, Christo inflictis agens, l. 2. de Spiritu sancto c. 5. [Flos

Mariæ Christus, qui bonum odorem fidei toto sparsus orbe, virginali ex utero germinauit, sicut ipse dixit : *Ego flos campi & lilium conuallium*. Flos odorem suum succisus reseruat, & contritus accumulat, nec auulsus amittit. Ita & Dominus Iesus, in illo patibulo crucis, neq̃ contritus emarcuit, nec auulsus euauit; sed illâ lanceæ punctione succisus, facto speciosior fusi coloris cruore vernauit; mori ipse nescius, & mortuis æternæ vitæ munus exhalans.]

S. Chrysostomus in psal. 14. *initio*; Dauidem inducit ita affantem, Deum. [Tabernaculum tuum regale in mundo, tanquam in agro, videq̃ Ecclesiam. Sed quoniam magno pretio acquisiuiſti tabernaculum; pretiosum enim tuum dedisti sanguinem, & accepisti tabernaculum & aperto latere, quod est theca eius, quod est reconditum marsupium diuinitatis, arca sanctificationis, & lancea tanquam clauē in arcam injecta; injecta autem non ut qui te improbè gereres, sed ut qui concederes ac permitteres; dedisti pretium ex paterno thesauro.] Et homil. de Adæ animatione. [Dominus Immisit somnum in Adam, & tunc latus accepit. Ergo quoniam ex eo latere, transgressionis occasio futura erat, & mulier ipsi Adam mortem inuexit, Saluator noster volens plagæ mederi, lateri latus opponit, & in cruce latus lanceæ obijcit, ut vnde manarat vulnus, inde salus oriretur. *Exiuit sanguis, & aqua*; Intellige mysterium, honora dispensatorem, specta miraculum. Nam quia illi Adam posteaquàm sopitus est, latus derrickum fuit, (non enim à vigilante latus ademit;) Saluatori item haud vigilanti, latus traiectum, sed

post somnū corporis, latus militi dedit.]

Isidorus Pelusiota l. 1. episto. 168. considerans Christum dixisse se vitem, vt qui pectus humectantem ac voluptate afficientem prædicationem præbuerit ; obseruat, eam ob rem, in Scripturâ veram diuinæ cognitionis doctrinam, *vinum* appellari. [Hoc, in poculo quoque, Sapientia bibendum porrigit : per poculum nimirum, Domini latus intelligens, ex quo nobis vitæ iucunditas & oblectatio profluxit.] Itaque ex latere Domini perfosso, sapientiam, & lætitiā cordis haurimus, velut ex poculo, vinum lætificans cor. Hauserunt ex hoc poculo, ad inebriationem vsque, Sancti Martyres. Hinc reditum ad cælum prompsere. Nam quod Billius in D. Isidoro vertit, *prædicationem pectus humectantem*, quia legisse in Græco videtur τὸ νότον, vertendum potius fuerat, *reditum conciliantem*, nimirum in patriam è quâ exulamus. Græcè enim superiores Codices habent τὸ νότισμον κήρυγμα, quod propriè sonat regressum, vt Conradus ad eam Isidori Epistolam confirmat ex Homero.

Insignis locus D. Augustini de hoc vulnere laterali, habetur l. de tempore Barbarico c. 7. & 8. vbi hæc præter cætera. [Si Petrus antequàm Christus pro omnibus crucifigeretur, regni cælorum clauēs accepit : quâ illuc introiuit latro ille jam non reus, nisi per latus quod aperuit Iudæus ? Et nunc veniant omnes quicumque amant paradysum, locum quietis, locum securitatis, locum perpetuæ felicitatis, locum in quo non pertimescas Barbarum, in quo nullum patiaris aduersarium, nullum habebis inimicum.

Venite omnes, intrate omnes; est quā possitis intrare, patet latus. Ostendit enim ille latro, quod debeant omnes intrare, neminem suo exemplo docuit desperari. *Contendite*, ait Dominus, *intrare per angustam portam*. Quid angustius illo foramine, quod vnus ē militibus percutiendo latus Crucifixi, aperuit? & tamen per has angustias, penē jam totus mundus intrauit. Venite & vos Iudæi, vocat vos quem crucifixistis filius Dei: contendite intrare per angustam portam; per hanc enim introiuerunt patres vestri. Illi qui vt crucifigeretur clamauerunt, qui in ligno suspensum viderunt, qui irriserunt, qui caput agitrauerunt, per istas tamen angustias introiuerunt. Non enim inaniter clamabat ille pendens in cruce; *Pater ignosce illis quia nesciunt quid faciunt*. Per has ergo, (vt dixi,) angustias, per angustam portam lateris Christi, ingressus est latro mutatus, poenitens Iudæus, conuersus omnis Paganus, & ab eo exiit foras malus hæreticus Arrianus.]

Idem S. Augustinus Tract. 120. in Ioan. tractans illud *vnus militum lancea latus eius aperuit*. [Vigilanti verbo (inquit) Euangelista vsus est, vt non diceret, *latus eius percussit*, aut *vulnerauit*, aut quid aliud, sed *aperuit*: vt illic quodammodò vitæ ostium panderetur, vnde Sacramenta Ecclesiæ manauerunt, sine quibus ad vitam, quæ vera vita est, non intratur. Ille sanguis, in remissionem fusus est peccatorum: aqua illa, salutare temperat poculum. Hæc & lauacrum præstat & potum. Hoc prænunciat, quod Noë in latere arcæ ostium facere iussus est, quā intrarent animalia, quæ non erant diluuii peritura,

quibus præfigurabatur Ecclesia. Propter hoc, prima mulier facta est de latere viri dormientis, & appellata est vita matérque viuorum. Magnum quippè significauit bonum, ante magnum præuaricationis malum. Hic secundus Adam inclinato capite in cruce dormiuit, vt inde formaretur ei conjux, quod de latere dormientis effluxit. O mors vnde mortui reuiuiscunt ! Quid isto sanguine mundius ? Quid vuluere isto salubrius ?]

Rata habet hæc omnia, sæpè alibi idem D. Augustinus, & nominatim quoad ostium arcæ vulneri lateris aptatum, perpulchrè disserit 15. Ciuit. c. 26. rursusque l. 12. contra Faust. c. 39. vbi incurrens in eam arcæ Noëticiæ ad Christum accommodationem, refert, Philonem Hebræorum disertissimum, & liberaliter eruditissimum, quem ait aliter voluisse interpretari arcam ; nimirum de corpore humano: Et cætera quidem vtcunque accommodasse. [At vbi ventum est ad ostium, quod in arcæ latere factum est, omnis humani ingenij conjectura defecit. Vt tamen aliquid diceret, inferiores corporis partes, per quas vrina & fimus egeruntur, illo ostio significari, ausus est credere, ausus & dicere, ausus & scribere. Non mirum, si ostio non inuento, sic errauit. Quod si ad Christum transisset, ablato velamine, Sacramenta Ecclesiæ manantia ex latere hominis illius inuenisset. Nam quia prædictum est ; *Erunt duo in carne vna*, propterea in arcâ, quædam ibi ad Christum, quædam verò ad Ecclesiam referuntur, quod totum Christus est.] Mirum sic pronunciaſſe de propositâ Philonis interpretatione S. Augustinum,

cum à D. Ambrosio, cuius S. Augustinus & studiosissimus & reuerentissimus fuit, expressa de more sit ex Philone. Et jure sanè sugillatum esse à S. Augustino Philonem, non eo inficias. Tamen præ S. Ambrosij reuerentiâ, haud dubiè S. Augustinus Philonis lapsum dissimulasset, si eius vestigiis insistentem S. Ambrosium meminisset legere.

Prosper p. 1. de promiss. c. 7. de eodem laterali stigmate per arcæ ostium prædelineato, sic scribit. [Sextâ feriâ suspensus in cruce, nostrum omne pretium ex suo latere, tanquam per ostium arcæ, pretiosum sanguinem fudit. Ex quo columba Ecclesia, tanto sanguine dotata processit. Propter quod & coruus hæreticus, exiens; humani cadaveris cupiditate naufragus, ad arcam Ecclesiam redire noluit. De quo intus posita, munda animantia, clamant; *Ex nobis exiit, sed non erat ex nobis: nam si ex nobis esset, mansisset utique nobiscum.*]

S. Auitus Episto. 3. [Permanebat ut inflictum fuerat Medicum vulnus, & hiulcum transpuncti lateris aditum, felici indicio vitalis plaga seruabat.] Idem S. Auitus serm. de pass. Dom. prout refertur à Floro in Collectaneis Epistolæ ad Ephesios, agens de transfixo Christi latere, sic habet. [Quod non fuit necessarium fieri pro exitio, pro Sacramento perfectum est. Unus namque de militibus, arrepto missili (ut sermonem ipsum ponam,) latus eius aperuit. Ergo non rupit, non transfodit, non jugulauit ad ultimum, sed (inquit) *aperuit*; ut patentis plagæ portam vitalem, non tam vestigium vulneris, quàm salutis esse intelligamus ingressum. Nam &

arcam illam cuius claustro tutus Noë, tumentes
 seculi fluctus, mortemque bacchantem, impunè
 solus cunctis pereuntibus enatauit, ostium quo vel
 ad salutem ingressus, vel regressus ad lucem est, in
 latere legimus habuisse. Agnosco igitur & hodie
 in Domino, qui surgit per Crucem in requiem
 suam, ipse & arca, idest caro sanctificationis suæ;
 agnosco inquam in latere arcæ istius, aditum no-
 strum. Videamus primùm quid inde procedit;
 aduertamus postea, quomodò ibi Christianus in-
 troiit. Patefacto ergo latere Domini, processit vber-
 tim manantibus riuus, aqua vel sanguis. Quid admi-
 rabilius tali facto? Quid lucidius indicio? Quid
 mysterio plenius? Certum est quidem quod doluit
 Christus, quod interiit certum, sed seruat in eo
 dignitatem suam, etiam veritas mortis. Quæ con-
 ditio vnquam humani corporis, habuit aquæ vel
 sanguinis fluxum? Esto, quod tamen vix consue-
 tudinis ratione permittitur, vt continuerit cruorem
 suum caro defuncta, vbi latuit viuentis aquæ fon-
 ticulus, in corpore morientis? Vnde procedit duplex
 riuus arentem mundum fecundaturus, purus laticis,
 pretiosus cruoris? Vnde sancti fluminis vnda
 prorumpit, sola restinguendis gehennæ satisfactura
 vapribus? Ecce videtis de latere Adam nostri,
 conjugem suam strui. Ecce sponsam viéturæ, dum
 moritur, præparari: Ecce dormienti præripi, quod
 lætificet vigilaturum. Omnis autem Ecclesia, duo
 sunt genera hominum. Vnum est quod fidei morte,
 aliud quod sublimi passione saluatur. Vnum quod
 pro Christo occubuit, aliud quod Christo vixit.

Nos ergo excipiamus aquam de latere Domini, Martyres sanguinem. Illos pretiosa sanguinis purpura vestiat, nos niuea baptismatis vnda respergat.] Illud, *quod doluit certum*; non est accipiendum de dolore ex hâc lateris apertione, sed de dolore ex cruciatibus anterioribus. Sicut etiam *fonticulus in corpore morientis*, non est intelligendus de eruptione aquæ ex Christo nondum mortuo, sed tantum moriente. Intelligendus ergo est de aqua morienti inexistente, etiamsi erumpente, tantum cum apertum est latus post Christi mortem, juxta definitionem Clementis V. in Concilio Viennensi.

Petr. Dam. serm. 2. de Exalt. S. Crucis, confers latus Christi cum petra dante aquas, [Accedit (inquit,) virga ad silicem & haurienda populis aqua producit: Adhibetur Crux Christo, & omnium corda credentium gratia sancti Spiritus irrigantur. Hic est lapis, de quo per Zachariam dicitur; *Super lapidem.* (inquit,) *unum, septem oculi sunt.* Quod videlicet Sacramentum, & ipse Moyses, per spiritum non ignorasse cognoscitur, si ejusdem subtiliter verba pensantur: *Aperi*, inquit, *Domine thesaurum tuum, fontem aquæ viæ; ut satiati, cesset murmuratio eorum.* Neque enim tam magnificis, atque diuinis verbis elementum describeret ex cauernis videlicet terræ profluum ac deinceps in successum cuniculos egerendum. Nunquid enim dignum fuit, viles aquas, *Dei* appellare *thesauros*? Sed Dei thesaurum, illum proculdubio nominat, de quo Apostolus dicit; *Quia in pectore Iesu, sunt omnes thesauri sapientiæ, & scientiæ absconditi.* Fontem etiam aquæ viæ, illum per-

hibet, de quo dicitur; *Qui biberit aquam, quam ego dabo ei, fiet in eo fons aquæ salientis in vitam æternam.*]

Obiter sed pulchrè de hoc fonte vitæ proficisso, & inde manante pretio nostræ redemptionis, Philippus Abbas in vita S. Amandi c. 6.

¶ Rupertus libro 3. in libros Regum c. 10. agens de ostio templi quod erat in latere medio, sic habet. [Quod est ostium lateris medi] , per quod introitur in tabulatum primum, ut ascendatur in medium, & à medio in tertium? Ostium lateris templi, vulnus est in latere lanceato Dominici corporis, præter quod non est aditus, non est ostium, vel janua quâ intret quis, ut in quouis ordine coram Deo stare possit. Nam ex illo latere cum lanceâ percussum esset, sanguis & aqua profluxit; quo Sacramento deletum est peccatum mundi, in quo & baptizati sumus dicente Apostolo, quia *quicumque baptizati sumus in Christo Iesu, in morte ipsius baptizati sumus.* Ergò vnum est ostium, vnum baptisma, per quod introitur in illud Dei templum; quod cum admissus fueris, tunc demum ascendere licet, vel à primo ad medium, vel à medio ad tertium, prout delectauerit quemcunque ascensus virtutum, vel celsitudo meritorum.] De hoc orbis baptismo, ex aquâ è latere Christi perfosso elicitâ, copiosè & egregiè idem Rupertus l. 2. de operibus Spir. sancti c. 13. & c. 19. & lib. 3. c. 4. & 8. ac 11. & 12. Hócque esse testimonium quod tria perhibent in terra, spiritum scilicet à Christo emissum, & aquam, ac sanguinem ex eius latere profusa, insigniter prosequitur, his postremis capitibus. Illo autem c. 19. libri secundi,

proportionem inter Euam ex Adami latere fabricatam & Ecclesiam ex Christi latere perfolloeductam, pulcherrimè docet. Denique ex hoc vulnere omnium mœrorum nostrorum depulsio manare potest vt illi contigit Nouitio Cisterciensi apud Cæsarium l. 4. c. 80.

Communiter hoc laterale Christi stigma, cum aliis quæ manibus ac pedibus impressa præmisimus, celebrant immensis præconiis Patres, & vt eò confugiamus hortari solent. Videtur enim Christus, hæc foramina petræ vltro admisisse, vt haberent piæ animæ, asylum in necessitatibus, ac per fugium in tribulatione. Optimè id tradit Guerricus serm. 4. in Ramis palmar. [Non ad ipsum tantum, (inquit,) sed in ipsum fuge, in foramina petræ ingredi, in fossâ humo abscondere, in ipsis manibus foratis, in fosso latere te ipsum absconde. Vulnus enim in latere Christi, quid nisi ostium in latere arcæ, saluandis à facie diluuij? Illud tamen figura, istud autem veritas: vbi non modò seruatur vita mortalis, sed recuperatur immortalis. Ideò quippè latus suum pius & misericors aperuit, vt cruor te vulneris viuificet, calor corporis te refocillet; spiritus cordis, quali patienti & libero meatu aspiceret. Ibi tutò latebis, donec transeat iniquitas; ibi nequaquam algabis, eò quod in visceribus Christi non frigescat charitas; ibi deliciis afflues; ibi gaudiis superefflues: vel tunc demùm cum à vitâ capitis, tua & omnium membrorum corporis eius, absorpta fuerit mortalitas.]

Præiuerat, qui mellitissimè in hoc argumento.

versatus aliquoties est S. Bernardus serm. 1. de Nariu. Dom. fontes quinque Saluatoris è quibus hauriantur aquæ in gaudio, accommodat his quinque Christi vulneribus, quorum fontium quatuor, respondere ait, quatuor vulneribus quæ Christus superstes excepit sacris artubus; quintum fontem qui est fons vitæ, respondere ait vulneri laterali quem Christus jam mortuus sustinuit. Nam etiam nos de fonte vitæ non nisi post mortem potamur. Egrediè serm. 61. in Cant. vbi præmissâ expositione primâ, quam vocat lusum literalem, adducit secundam cui insistit, his verbis. [Alius hunc locum ita exoluit, foramina petræ vulnera Christi interpretans. Rectè omnino. Nam petra Christus. Bona foramina, quæ fidem astruunt resurrectionis, & Christi diuinitatis. *Dominus meus*, inquit, & *Deus meus*. Vnde hoc reportatum oraculum, nisi ex foraminibus petræ? In his passer inuenit sibi domum, & turtur nidum, vbi reponat pullos suos. In his se columba tutatur, & circumuolitantem intrepida intuetur accipitrem. Et idedò ait: *Columba mea in foraminibus petra*. Vox columbæ. *In petra exaltauit me*. Et item. *Statuit*, (inquit,) *supra petram pedes meos*. Vir sapiens ædificat domum suam supra petram, quòd ibi nec ventorum formidet injurias, nec inundationem. Quid non boni in petrâ? In petrâ exaltatus, in petrâ securus, in petrâ firmiter sto. Securus ab hoste, fortis à casu, & hoc quoniam exaltatus à terrâ. Anceps est enim & caducum, terrenum omne. Conuersatio nostra in cœlis est, & nec cadere, nec dejici formidamus. In cœlis

petra,

petra, in illâ firmitas atque securitas est. Petra
refugium herinaciis. Et reuera ubi tuta; firmâque
infirmis securitas & requies, nisi in vulneribus
Saluatoris? Tantò illic securior habito, quantò ille
potentior est ad saluandum. Fremit mundus, premit
corpus, Diabolus insidiatur, non cado: fundatus
enim sum supra firmam petram. Peccaui peccatum
grande, turbatur conscientia, sed non perturbabitur,
quoniam vulnerum Domini recordabor. Nempe
vulneratus est propter iniquitates nostras. Quid tam
ad mortem, quod non Christi morte saluetur? Si
ergò in mentem venerit tam potens tamque efficax
medicamentum, nullâ jam possum morbi maligni-
tate terreri. Et idèd liquet, errasse illum, qui ait;
Major est iniquitas mea, quàm ut veniam merear.
Nisi quòd non erat de membris Christi, nec perti-
nebat ad eum de Christi merito, vt suum præsume-
ret, suum diceret quod illius esset, tanquam reum
capitis membrum. Ego verò fidenter quod ex me
mihi deest, usurpo mihi ex visceribus Domini, quo-
niam misericordiâ affluunt, nec desunt foramina
per quæ effluant. Foderunt manus eius & pedes,
latúsque lanceâ forauerunt: & per has rimas, licet
mihi sugere mel de petrâ, oleúmque de saxo duris-
simo; id est, gustare & videre quoniam suavis est
Dominus. Cogitabat cogitationes pacis, & ego
nesciebam. Quis enim cognouit sensum Domini,
aut quis consiliarius eius fuit? At clavis referans;
clauus penetrans, factus est mihi, vt videam volun-
tatem Domini. Quidni videam per foramen? Cla-
mat clauus, clamat vulnus, quod verè Deus sit in

Christo mundum reconcilians sibi. Ferrum pertransiit animam eius, & appropinquauit cor illius; vt non jam non sciat compati infirmitatibus meis. Patet arcanum cordis per foramina corporis, patet magnū illud pietatis Sacramentum, parent viscera misericordiæ Dei nostri in quibus visitauit nos oriens ex alto. Quidni viscera per vulnera pateant? In quo enim clariùs, quā in vulneribus tuis eluxisset, quodd tu domine suauis & mitis, & multæ misericordiæ? Majorem enim miserationē nemo habet, quā vt animam suam ponat quis pro addictis morti & dānatis. Meum proinde meritū, misratio Domini.]

Rursus ibidem inferiùs. [Et in me quidem operit multitudinem peccatorum, in te autem Domine quid nisi pietatis thesauros, diuitias bonitatis? Hæ in foraminibus petræ, repositæ mihi. Quā magna multitudo dulcedinis tuæ in illis, operatæ quidem, sed in hīs qui pereunt. Vt quid enim sanctum detur canibus, vel margaritæ porcis? Nobis autem reuelauit Deus per spiritum suum: etiam & apertis foraminibus introduxit in sancta; quanta in his multitudo dulcedinis, plenitudo gratiæ, perfectioque virtutum! Ibo mihi ad illa sic referta cellaria, atque ad monitionem Prophetæ, relinquam ciuitates, & habitabo in petrâ, ero quasi columba nidificans in summo ore foraminis, vt cum Moyse positus in foramine petræ, transeunte Domino, merear saltem posteriora eius prospicere.]

Tandem ad calcem sermonis, fortitudinem Martyrum ex hac inhabitatione intra petram fissam, manasse demonstrat; posteriora columbæ in pallore

auri, exponens his verbis : [Ergo & posteriora ipsius in pallore auri, quæ fuscum non erubuit crucis, visionem passionis non horruit, liuorem vulnerum non refugit. Et jam complacet sibi in illis, & optat nouissima sua fore horum similia. Idcirco denique audit; *Columba mea in foraminibus petre*, quod in Christi vulneribus tota deuotione versetur, & jugi meditatione demoretur in illis. Inde Martyrij tolerantia, inde illi magna fiducia apud Deum altissimum. Non est quod vereatur martyr exanguem liuidamque leuare ad eum faciem, cujus liuore sanatus est, gloriosam repræsentare similitudinem mortis eius, utique in pallore auri. Quid vereatur, cui etiam à Domino dicitur; *Ostende mihi faciem tuam*? Ad quid? Vt mihi videtur, se magis ostendere vult. Ita est, videri vult, non videre. Quid enim ille non vider? Non est ei opus ut quis se ostendat, à quo nihil non videtur, nec si se abscondat. Vult ergo videri; vult benignus dux, deuoti militis vultum & oculos, in sua sustolli vulnera, ut illius ex hoc animum erigat & exemplo sui, reddat ad tolerandum fortiorem. Enim verò non sentiet sua, dum illius vulnera intuebitur. Stat Martyr tripudians & triumphans, toto licet lacero corpore: & cimante latera ferro, non modò fortiter, sed & alacriter, sacrum è carne suâ circumspicit ebullire cruorem. Vbi ergo tunc anima Martyris? Nempè in toto, nempè in petrâ, nempè in visceribus Iesu, vulneribus nimirum patentibus ad introcundum. Si in suis esset visceribus scrutans ea, ferrum profectò sentiret, dolorem non ferret,

succumberet & negaret. Nunc autem in petrà habitans, quid mirum si in modum petràe duruerit? Sed neque hoc mirum, si exul à corpore, dolores non sentiat corporis. Neque hoc facit stupor, sed amor. Submittitur enim sensus, non amittitur. Nec deest dolor, sed superatur, sed contemnitur. Ergò ex petrà, Martyris fortitudo; inde planè potens ad bibendum calicem Domini.

Non absterreat tam multis jam in hanc sententiam ex S. Bernardo recitatis, quominus ex serm. 62. continenter sequenti, libem nonnulla. Ibi petram interpretatus arcana diuinæ voluntatis, quæ non omnium est rimari; cauernam verò maceriæ, exempla sanctorum, addit. [Si cui ne hoc quidem possibile sit, huic sanè proponet Iesum, & hunc crucifixum: ut & ipse absque suo labore habitet in foraminibus petràe, in quibus non laborauit. Iudæi in his laborauerunt, & ipse in labores infidelium introibit, ut sit fidelis. Nec verendum quòd patiatur repulsam, qui & vocatur, ut intret. *Ingrederere, (inquit,) in petram, abscondere in fossa humo à facie timoris Domini, & à gloria maiestatis eius.* Infimæ adhuc & inertis animæ, (quæ juxta quod in Evangelio quidam de semetipso confitetur, fodere non valer, mendicare erubescit,) fossa ostenditur humus, ubi lateat donec conualeseat & proficiat, ut possit & ipsa per se cauare sibi foramina in petrà, per quæ intret ad interiora verbi, animi utique vigore & puritate. Et si intelleximus fossam humum, illam quæ ait; *Foderunt manus meas & pedes meos*: non erit ambigendum de sanitate in eâ citiùs adipiscendâ

animæ vulneratæ, quæ in eâ demorabitur. Quid enim tam efficax ad curanda conscientiaæ vulnera, nec non ad purgandam mentis aciem, quàm Christi vulnerum sedula meditatio? Verùm donec purgata & sanata perfectè fuerit, non video qualiter illi aptari possit quod dicitur, *Ostende mihi faciem tuam sonet vox tua in auribus meis*. Quomodò denique faciem suam ostendere audeat, vel leuare vocem suam, cui & latere indicitur? *Abcondere*, inquit, *in fossâ humo*. Quare? Quia non est pulchra facie, nec digna quæ videatur. Non erit digna videri, quandiu non erit videre idonea. Cùm autem per inhabitationem fossæ huius, in sanando oculo interiori tantum profecerit, ut reuelatâ facie speculari gloriam Dei & ipsa possit: tunc demum quæ videbit, fiducialiter iam loquetur, voce & facie placens.] Berengosius Abbas l. 1. de laude & Inventionem S. Crucis c. 1. argumenta Deitatis Christi attingens. [Sed & hoc (inquit,) diuinitati non minus debet adtribuari, quod ipsa passionis suæ dies, ad horam videbatur obtenebrari, in quâ pro redimendâ generis humani substantiâ, passus est cruce, clavis, & lanceâ. Hæc quippè sacrosancta salutis humanæ sunt stigmata, quibus nobis verus Isaac, cœlestis medicinæ oleum deferebat ac stigmata, quando sicut aries inter vepres peccatorum, crucis cornibus hærens; sanare dignatus est omne caput languidum, & omne cor mœrens. Hæc sunt illa stigmata, quibus in ara crucis summus Sacerdos, genus humanum in vno homine voluit liberare per totum, quando sacrificio singulari & gratiâ communi in vno cōsuluit

omnibus, & in omnibus vni. Hæc etiam illa stigmata, quibus Dei filius inæstimabile nobis paternæ dilectionis ostendit signum, quando peccata nostra pertulit in corpore suo super lignum, ut antiquus hostis in se ipso eò actoris atro eius inuidiæ tormento cruciaretur, quò eodem ligno, quo vicerat vinceretur.]

Petrus Damiani Opusc. 50. c. 2. tractans illam Sponsi inuitationem, *columba mea in foraminibus petra*, sic habet præter cætera. [Si juxta Apostolum, petra Christus est; foramina petrae, vulnera sunt Redemptoris, quæ profectò, non casu quinque sunt: lanceæ scilicet, & clavorum: sed quia nos fueramus quinque sensuum vulneribus sauciati, per has quinque plagas saluti sumus perpetuæ restituti. Istæ siquidem portæ erant, per quas die Sabbathi Propheta, ne inferrentur onera grauia, prohibebat. In his igitur foraminibus, Dei columba consistit: quia sancta quælibet anima, totam propriæ salutis spem, in sui Redemptoris passione constituit. Ibi velut ab accipitris incurso defenditur: quia à cunctis malignorum spirituum insidiis custoditur. Ibi planè nidificat, quia illic foetus bonorum operum coaceruat. De hac petrâ per Psalmistam dicitur: *Montes excelsi cernis, petra refugium herinaciis.*]

Videt lector in testimoniis proximè adductis, suspicere non semel Patres, nostram sanitatem ex Christi vulneribus deriuatam. Deus enim in eo semper mirabilis, quod è malis eruit bona, & ex summis malis summa bona, (quod esse insigne diuinæ providentiæ argumentū affirmat Clemēs Alexandrinus

l. 1. Strom. pag. mibi 359.) in eo admirabilior apparet, quod è malis ipsis eruit bona immediatè illis opposita: quod D. Augustinus egregiè expendit l. 1. de doctr. Christ. c. 14. & serm. 19. de sanctis ac tract. 27. in Ioan. *ad finem*, & serm. 110. de tempo. c. 5. Eà ergo plenissimâ sapientiæ potestate, è quinque vulneribus suis per summam nequitiam inflictis Christus eruit nostram sanitatem. Quò Petrus Valerianus l. 47. *sub finem*, rectè retulit pentalpha Antiochi cognomento *Soteris*, qui cum aduersus Galatas bello decertaturus esset, visus sibi est per quietem, videre Alexandrum, mandantem vt militibus telleram daret *ὕψιστον*: cuius dicti Hieroglyphicum antiquum, erat triangulus triplex alternatim iunctus, ex quinque paribus lineis sese inuicem in puncto contingentibus contextus. Eum Antiochus, & vexillis imponi, & omnibus militaribus indumentis assui mandauit, additis per angulorum interualla singulis literis vocis *ὕψιστος*, vt docent qui passim habentur nummi Antiochi; sicque eximiam victoriam de Galatis est adeptus, vt scribit Lucianus dialogo. de prolapsione inter salutandum. Qui præmiserat, inuentum id fuisse Pythagoræorum, qui pentagrammo illo & quinquelineari figura, vti solebant ad ejusdè professionis homines, & *sanitas* ab iisdem appellabatur. Antiochi haud dubiè imitatione, dum staret Imperium Constantinopolitanum, ordo qui sub Magistro peditum merebatur titulo *propugnatorum*, cœruleam patmam præferebat, purpureo margine, viridi autem vmbilico intra huiusmodi pentagrammum contento. Hoc igitur salutis & sanitatis

antiquum Hieroglyphicum (cui nihil commune esse volo cum Pentagono Paracelsi , exscripto à Godelmanno l. 1. de Magia c. 8. num. 51) Pierius non malè ad quinque Christi vulnera sanitatis nostræ veram causam accommodat. Patefactis enim manibus quæ deorsum à lateribus porrigantur , & modicè diuaticatis pedibus , quatuor existent puncta æquidistantia , & quintum in ipso pectore : à quibus punctis ductæ lineæ quinque numero æquales omnes , quæ altera alterius punctis se contingant , efficiant pentagrammum. Duæ nimirum à pectore ad vtrumque pedem occurrent lineæ ; item aliæ duæ in modum ferè chiasmi decussatæ à manu dextra ad pedem lætuum , & à læna manu ad pedem dextrum ; quintâ ab alterutrâ manu ad alteram , vnde pentalpha quod quærebat , ut in subjectâ figurâ apud autorem prædictum cernere licet.

Hoc pentalpha præferentes , contestamur Christum esse autorem salutis , & animarum nostrarum ab innumeris ægitudinibus quibus premebantur liberatorem. Vicissimque Deum commonemus , desponsæ nobis per Christum salutis , quam negare non possit , prolato diplomate in Christi carne notis purpureis exarato , & quinque signaculis sacrorum eius vulnerum obsignato. Quod si signaculum vnicum circumcisionis , in carne inquinatâ filiorum Abrahamæ , valuit ad commonendum Deum fœderis sui , ne redemptorem & Medicum animarum ex eo semine dare prætermitteret , ut se daturum receperat : quanto magis misericordiæ memor erit , ostentato chitographo suo , tot communito sigillis ? Elegans

est Ruperti ratio cinatio l. 12. de victor. verbi Dei c. ultimo, quam haud frustra adscribam. [Dicimus (inquit,) cum Apostolo , & dicentis Apostoli sensum intelligimus , quia pater Abraham accepit , & posteris suis tradidit signum circumcisionis , signaculum iustitiæ fidei. Crediderat enim, vt fidelis, Deo dicenti ; *In semine tuo benedicentur omnes gentes*, cum non haberet filium, jamque esset senex ipse, & vxor eius anus & sterilis. Magnæ rei testimonium, magnum illa circumcisio erat fidei signaculum , & magnæ iustitiæ palmam, ipsi & posteris eius declamabat ante Deum , suæ promissionis commonefaciens eum , ne vnquam offensus vndelibet, subterfugeret dare semen , in quo benedicerentur omnes gentes , dum signaculum illius promissi commonitorium videret, fidelémque ac veracem ipsum esse, diceret. Ecce autem plura hîc signacula , signacula iustitiæ ac fidei , scilicet plagæ quinque , quas pro conditione salutis humanæ iste vir obediens suscepit , vir iustus & fidelis. Pro conditione , inquam, salutis humanæ , quia profectò talem conditionem propositam sibi , Propheta non nesciebat dicens. *Si posuerit pro peccato animam suam , videbit semen longæuum, & voluntas Domini in manu eius dirigetur. Pro eo quod laborauit anima eius, videbit & saturabitur. In scientia sua iustificabit ipse iustus seruus meus multos, & iniquitates eorum ipse portabit.* Nónne igitur nobis posteris eius , jure palmam justificationis & salutis, siue saluationis justa diuinitas concedit, cum videat non vnum tantum signaculum, aut signaculi iustitiæ vulnus , vt fuit vulnus circumcisionis, sed

quinque vulnera iusti vapulantis, quicquid quinque sensibus suis nostra caro deliquit. Nam signacula hæc iustitiæ, vel fidei, nos in baptismo suauiter suscepimus, quæ ipse pœnaliter suscepit : & sicut cum vnius signaculi, idest, circumcisionis testimonio, expectabatur ad redimendos homines venturus; ita nunc à nobis cum quinque plagarum, idest, crucis frontibus nostris impressæ signaculo, expectatur, ad iudicandum viuos & mortuos rediturus.]


Multò plura agnoscit sigilla Rupertus munientia bullam imputribilem liberationis nostræ (vt loquar cum Arnaldo Tract. 1. de septem verbis Dom.) quàm agnouerit creditus Cyprianus serm. de passio. dom. qui plagam lateralem pro sigillo firmante chartam indulgentiæ nobis concessæ proponit. Videtur tamen Ruperto accedere Gaufridus Vindocinensis l. 1. episto. 7. admittens manus quoque Christi, atque adedò etiam pedes, chartam libertatis nostræ & salutis obsignasse sigillis.

His pridem conscriptis atque recognitis, incidi in Opus Bartholomæi Amici de sacris Christi plagis, quo per tres libros piè & fructuosè de his sacris stigmatibus meditandi viam aperit. Eum adeat, si cui jejuniior hæc in parte videatur ista tractatio, de fructu ex nidulatione in his petræ foraminibus. Ego abeo si Christum his stigmatibus notatum & quinque confixum plagis, fuisse reipsa dixerim quod Ausonij Poetæ ingenioso commento *amor confixus & cruci conclauatus*. Reuera enim prodidit se Christus in horum stigmatum subitione Amorem nostrum. Ex quo vicissim Saluianus l. 4. de prouid.

egregiè infert cujusmodi magnæ amoris nostri in his stigmatibus exhibeatur. Amor sanè Christum sic confixit, & frigidissimus sit qui sic amantem redamare saltem nolit. Amor Christum redegit in hunc statum. Id quod ex Christi ipsius personâ non ineleganter expressit Marcus Antonius Natta.

*Huc me felici descendere jussit Olympo
Hic me non vno vulnere fixit amor.
Fecit amor, caput ut spinarum scinderet orbis,
Pectus ut hauriret lancea, fecit amor.
Solus amor de me potuit perferre triumphum:
Ille pedes clavis fixit, & ille manus.
Si cupis ergo animi mihi signa rependere grati;
Dilige: Pro tantis sat mihi solus amor.*

Benè quod amorem de Deo triumphantem agnoscit. An respexit ad illud à Lactantio recitatum de Ioue juxta Ethnicos per amorem catenato & in triumphum abducto? Sed hoc illi fabulosè. Nobis verus Deus ex amore intra Virginis vterum conceptus, inter homines pauperis specie diuersatus, in Cruce clavis confixus, & ut Diabolum carnemque, ac seculum triumpharet, triumphatus. O charitatem! ô amorem gratiam! exclamat jure Bernardus.



CAPVT VI.

De stigmatibus B. Pauli.

ROFESSVS Apostolus ad Galat. 6. nullam sibi esse gloriandi, præterquàm in Christo, materiam, subtexit; *De cætero nemo mihi molestus sit: Ego enim stigmata Domini IESV, in corpore meo porto.* Quæ, & cuiusmodi sint hæc stigmata, considerandum est. Nimis enim generatim Iacobus Gretserus l. 1. de Cruce c. 40. ait hæc stigmata aliud non fuisse, quàm notas & symbola Christi crucifixi, cuius seruus erat Apostolus. Proferamus ergo aliquid distinctius.

Fuerunt qui S. Paulo tribuerent stigmata Christi, qualia postea accepit S. Franciscus, ut refert Molanus l. 3. de picturis c. 43. Sed hoc cum nullo idoneo fundamento dicitur, nec ut idem Autor conjectat, aliâ fortassis de causâ excogitatum, quàm ne decus factorum Christi stigmatum, esset B. Franciscus singulare. Sanè verba prolata ex c. 6. ad Galat. non cogunt stigmata de quibus agimus in S. Paulo agnoscere, ut benè monuit S. Antoninus p. 3. hist. tit. 24. c. 1. §. 3. alioqui æquè dicendum esset, S. Paulum fuisse crucifixum; cum ipse quoque ibidem, se crucifixum pronunciet. Aliud genus

verorum stigmatum in Apostolo, conjicit Gaspar Sancius in c. 44. Esaïæ num. 14. & fauet Cornelius Ezech. 9. ad vers. 4. nimirum quod in corpore inuritur impresso ferro, qualia erant stigmata militum, Imperatoris nomine notatorum. Sic enim Apostolus, ferro inustum in corpore suo nomen IESU, præferre potuit. Fateor præferre potuisse, sed quod reipsa prætulerit, vnde habetur? Alia ergo stigmatum Apostoli, expositio quærenda est.

Excludenda autem in primis videtur illorum sententia, qui stigmata Christi ab Apostolo in corpore suo portata, accipiunt de solis angustiis internis atque mœroribus, quos beata illius anima, immensis molibus excepit. *Portari enim in corpore*, innuit aliquid materiale, & extra animam. Ac ne ipsi quidem labores corpore excepti sed nullam relinquentes certam notam impressam, satis aptè exprimi possunt, nomine stigmatum ab Apostolo in corpore suo portatorum. Nam tamen S. Paulus in tot itineribus quæ pedes confecerat, & in tam indefesso concionandi ac scribendi labore, corpus attriuerat; tamen nemo inde dixerit stigmata ab aliquo in corpore suo portari, quod talibus actionibus corpus attenuauerit. Earum siquidem actionum vi, malè afficitur corpus vniuersum indistinctè. At stigmata, certis tantum partibus impressas notas sonant, vt apertè fert protita notio vocabuli.

Itaque non video, vnde S. Augustinus in calce expositionis Epistolæ ad Galatas, hauserit eam stigmatum notionem, quâ perpeffio quælibet ob culpam irrogata, vocatur *stigma*. Tractans enim

locum propositum, *De cætero nemo mihi molestus sit;*
 [Non vult (inquit,) per turbulentes contentiones
 tædium sibi fieri, de re, quantum satis erat, expositâ,
 & in epistolâ, quam ad Romanos scripsit, & hâc
 ipsâ. *Ego enim stigmata Domini Iesu Christi in cor-*
pore meo porto : idest, habeo alios conflictus & cer-
 tamina cum carne meâ, quæ in persecutionibus quas
 patior, mecum dimicant. Stigmata enim dicuntur,
 notæ quædam pœnarum seruilium : vt si quis, verbi
 gratiâ, seruus in compedibus fuerit propter noxam;
 i. leſt, propter culpam, vel huiusmodi aliquid passus
 fuerit, stigmata habere dicatur : & ideò in iure
 manumissionis, inferioris est ordinis. Nunc ergò
 Apostolus stigmata voluit appellare, quasi notas
 pœnarum ex persecutionibus, quas patiebatur.
 Propter culpam enim persecutionis, quâ persecutus
 erat Ecclesias Christi, hæc sibi retribui cognouerat.
 Sicut ab ipso Domino dictum est Ananiæ, cum
 idem illum Ananias tâquam persecutorem Christia-
 norum formidaret. *Ego illi ostendam,* inquit, *quâ*
oportet eum pati pro nomine meo. Veruntamen
 propter remissionem peccatorum in quâ baptizatus
 erat, omnes illæ tribulationes non ei valebant ad
 perniciem, sed ad coronam victoriæ proficiebant.]
 Non video (vt dixi,) vnde hæc stigmatis notio sit
 petita. Quis enim dixerit iniusta esse seruo stigmata,
 si tantum sit coniectus in carcerem ? Præterquàm
 quod Apostolus loco allegato, nulla sua peccata
 commemorat quibus suas vexationes attribuat; quæ
 tamen est notio stigmatibus Apostoli subiecta à
 S. Augustino. Neque tamen dissimulare velim,

videri Nyssenum eidem notioni suffragari hom. 12. in Cant. cum agens de Sponsæ plagis, ait ; [Paulus ipse hujusmodi plagis notatus verberò, exultans ob hæc vulnera, inquit : *Stigmata Christi meo in corpore circumfero*. Quibus verbis indicare voluit imbecillitatem in omni malo suam, per quam Christi vis in virtute perficitur.]

Occurrit alia eorundem Pauli stigmatum expositio, quæ videtur crediti Anselmi in c. 6. ad Galat. satis genuina, necdum tamen explens animum. Possit igitur quis existimare, Apostolum verbis propositis nihil aliud significare voluisse, quàm se profiteri servum Christi. At servorum proprium erat, notas aliquas inustas gestare, vnde *inscripti & literati* dicebantur. Eàmque ob causam, qui se alterius servum profiteri velit, non incommodè id præstiterit, si se inscriptum & stigmatibus eum præferentibus notatum dixerit, allusione factâ ad usum antiquum, tamen si jam abierit in desuetudinem. Affine est quod notabam in Opere de Martyrio p. 3. c. 6. n. 8. de nominibus quibusdam in Scripturâ usurpatis, etiam si procedente tempore, notio non quadret cortici vocis cui initio subjecta fuerat. Sic vox *Eunuchi*, quæ primò euiratis tantùm quadra-
bat, & idcirco ad designandos gynæceorum & regiarum ularum excubitores usurpabatur : postea extensa est ad significandos quoscumque eodem munere distentos, etiam si viros, & conjugio illigatos, ut videre est Genes. 39. Similiter quæ olim *excelsa* dicebantur, à situ in montibus, non desierunt *excelsa* appellari à primo usu, quamvis postea

Judaizantibus illi passim obstrepentibus, ac quærentibus, Mosine an Christi partiarius ac servus esset, reponere; Deinceps nemo tale quippiam à me exquirat. Plagæ enim quarum notæ corpori meo impressæ visuntur, satis superque testatum faciunt, cui adhæream; Christo nimirum in cuius gratiam inustus sum tot vibicibus, relictis ex trinâ virgarum perpeffione, & quinquies repetitâ vndequadraginta plagarum impactatione. Quis enim dubitet, vibices & cicatrices, corpori Apostoli ex tot & tam acerbis flagellationibus inhæsisse? Ostentabat ergo Apostolus suas illas pro Christo notas, in signum addictæ Christo servitutis; quia ut benè perpendit Caetanus ad Galat.6. vibices benè respondent stigmatibus, in servorum corpore ex ferro inusto impressis: atque adeò benè exhibent professam servitutem: & qui tales notas pro Christo excepit, non minùs illis gloriari potest, quàm soleant probati milites gloriari apud Reges seculi, ostentatis vestigiis vulnerum in eorum gratiam exceptorum, etiamsi jam non hiantium & obduktorum. Sic M. Manlius Capitolinus apud Livium lib.6. prodiit in forum, ostentans vulnera in Reipublicæ gratiam excepta. Et ut profanis exemplis in re sacra addensandis abstineam, S. Theodorus Studita, ut Michael eiusdem Studij Monachus in eius Actis prodidit, notas corporis sui ab impiis Iconomachis irrogatas, ostentabat in Domino, veluti triumphales coronas. Idem ergo de vibicibus relictis ex plagis toties exceptis, fecit Apostolus verbis allegatis. In quam interpretationem, dicebam consentire plerosque antiquorum,

sed ferè adjungendo vibicibus & cicatricibus residuis ex plagarum impactione, tribulationes & præsuras omnis generis, quarum ipse Apostolus 2. Cor. 11. catalogum texit, eâ eloquentiæ majestate, vt S. Augustino admirationem mouerit l. 4. de doctr. Christ. c. 7. Atque ita vibices & cicatrices plagarum pro Christo irrogatarum, non essent nisi inadæquatè & ex parte, stigmata quæ Apostolus portari abs se in corpore suo profitebatur. Sed verius videtur, ea Pauli stigmata prædictis vibicibus & cicatricibus adæquatè contineri, vt ex antedictis constare potest.

s ✠ s

CAPVT VII.

*Stigmata S S. Martyrum, & priscorum
in causâ fidei Confessorum.*

NEMINEM latet, quàm multis Sanctorum, pro Christi nomine impressa sint stigmata, siue per atroces flagellationes, siue per corporis insulatione ab ungulis, similibusve instrumentis, aut per admotas illis ferreas subulas aut forcipes, vel exaratas candenti ferro facies, aliâsve partes seruilî more notatas; ac denique per clauifixionem in cruce quæ mors plerisque olim seruis propria, multis S S. Martyribus est irrogata.

Nam vt benè monuit Laurentius Pignorius l. de seruis pag. 15. omnia quæ prisci Christiani dura & indigna patiebantur, à seruorum cruciatibus in illos trahebantur. At seruos stigmati inuri solitos, indeque *stigmatias* dictos variis item modis transfixos notius est quàm vt moneri oporteat. Consideranda ergo veniunt stigmata sacris Christi Pugilibus impressa modis prædictis. De quibus hæc sunt Sancti Ephrem verba orat. in omnes SS. Martyres. [Terga in lororum dederunt sectiones, & in varias fibrarum atque medullarum concisiones. Ideoque impij Tyrannorum ministri, quod sanguinarij & parricidæ essent, arreptos sanctos flagris diuellebant, vnguibus autem latera acriter dilacerabant, postea plumbatis dorsa ipsorum, atroci animo crudeliter contundebant: pectoris verò iuncturam acutis veruculis, infrementes atque rugientes, trulentarum ferarum instar, diffindebant, & eorum axillis globos ignitos admouentes, magna eos crudelitate adurebant. Crura ac femora cum nervis, ensibus præcidebant, venarum autem fistulas culttris discindebant, & membrum vel vnum sine tormento atque supplicio non relinquebant.] Satin' stigmatum ex tam multiplici perfossione corporum sanctorum? Sed dicamus nonnulla distinctius.

Ac primùm quod dixi de notis ex diritate flagellationum atrocium, glossa non eget: præsertim si recolantur certa quædam flagella, quorum quotidianus erat vsus in Christianorum cruciatibus. Differit de huiusmodi & aliis cruciatorijs instrumentis, Galonius iusto opere, & variis occasionibus

Baronius in Notis ad Romanas Săctorum Tabulas, in quibus sæpè occurrit mentio scorpionum, & plumbatarum, aliarumque virgarum quibus dirè flagellati erant Christi Pugiles. Et scorpiones quidem, cum de cruciatibus agitur, alij sunt ab iis quorum mentio est circa agrotum terminos, juxta illud Siculi Flacci de condit. agrot. [Congeries lapidum pro terminis obseruant, & *scorpiones* appellant.] Vtique quia prohibent vltiore progressionem. Quamuis autem plerique SS. Martyrum sint lapidibus obruti, tamen alius fuit cruciatus eorum qui scorpionibus diuexati dicuntur. Audi de hoc cruciatu S. Isidorum l. 5. Orig. c. 27. [Virga si est nodosa vel aculeata, *scorpio* recentissimo nomine vocatur, quia arcuato vulnere in corpus infigitur.] Quomodo *recentissimo nomine*, cum 3. Reg. 12. mentio sit hujusmodi flagellorum, in illà populi per fatuum Regem allocutione, *Pater meus cecidit vos flagellis, ego autem cadam vos scorpionibus* ? Prado Ezech. 2. in eundem sensum accipit illud. *Fili hominis, cum scorpionibus habitas.* Sed liquere puto, hunc locum, de scorpione animali, non de flagello esse intelligendum. Legendum ergo potiùs videtur apud Isidorum vt in quibusdam Codicibus habetur, *rectissimo*, idest appositissimo nomine. Vt vt verò sit de *scorpionum* nomine, quoad rem ipsam virgæ quibus scorpionis nomen inditum est, multò ante S. Isidorum adhibitæ sunt ad cruciandum, éstque genus flagelli quale S. Isidorus describebat, donatum *scorpionis* nomine, à figurâ quâ refert caudam scorpionis animalis, obliquo & inflexo ictu feriètem,

ut ait Plinius l. 11. c. 27. Quod exprimens ex Plinio, ut alia pleraque, Tertullianus ferè initio scorpici. [Vnus (inquit,) omnium violentiæ gestus de caudâ nocere : quæ cauda erit quodcunque de postremo propagatur & verberat. Proinde scorpj series illa nodorum, venenata intrinsecus venula subtilis arcuato impetu insurgens, hamatile spiculum in summo tormenti ratione restringens. Vnde & bellicam machinam retractu tela vegetantem, de scordio nominant. Id spiculum & fistula est, patula tenuitate in vulnus, & virus quâ figit, effundit.] Plinius l. 7. c. 56. teli militaris meminit à Cretensibus excogitati, quod *scorpionem* item dixerunt. Hinc flagelli de quo agimus, forma & vis ad stigmatis impressionem, perspicua esse potest. Videbis insuper Malonium ad c. 18. Paleoti de sacra sindone n. 8. & Aldrouandum l. 5. de insectis c. 11.

Æquè infligebantur corpori, & stigma imprimebant virgæ palmeæ, quibus sævitur esse in Catholicos Alexandrinos, scribit S. Athanasius in Apologiâ de fugâ suâ. Et videntur hæ ipsæ fuisse virgæ, quibus Vandalos grassatos esse in Catholicos, scribit his verbis Victor Vticensis lib. 1. de persecut. Vandal. [Iubet (Geisericus,) in modum serarum fustes robustos veluti palmaros cum stirpibus fieri, qui quatientibus tergis, non solum ossa confringerent, sed etiam terebrantes aculei intrinsecus remanerent.] Caue his palmatis fustibus correptos censeas, qui interdum palmatis cruciati referuntur. Est enim *palmata* aliud genus supplicij, quod Petrus

Dāniani Epistolā ad Petrum Monachum, exponit de violentā manus ad terram allisione. Batonius autem anno 1055. accipit de subjectione manus ad impactam ferulam. Quæ duo supplicia, longè differunt à flagellatione per virgas palmeas. Et longè etiam ab eo supplicio differt, verberatio per impactationem palmarum in genas, quæ nullum, vel breuè diffuens stigma imprimit. Inde Blesensis serm. 3. & 18. *expalmarum*, & serm. 24. *palmarum* dixit, cum qui sic verberatur. Nos hīc eam duntaxat flagellationem è palmeis virgis attendimus, quibus cæsi corpus conscindebatur, & stigma stabile imprimebatur. Conscissum dixi flagellatum asperius, imitatione Poëtæ, cuius illa sunt Ode 4. Epodon.

*Sectus flagellis hic triumviralibus,
Præconis ad fastidium.*

Agit de Mæna, seruilibus verberibus publicè affecto, præcone super ipsam flagellationem, causam poenæ iterante, ut fusiùs prosequitur Petrus Faber l. 2. semestr. c. 6. Ea ergo conscissio, stigma imprimebat minimè quānidum, nisi si interdum raro miraculo ut est in Actis S. Erasmi Episcopi & Martyris, euanescebant diuino miraculo omnia stigmata & notæ omnes atque vibices è quantāuis diritate flagellorum. Ex naturā rei tamen, ex huiusmodi carnificinā & conscissione imprimebatur stigma.

Perspicuum est, idem fecisse cauterem, quem *stridulum* dixit Prudentius in Romano, conferens febrem æstuosam, cum ignibus qui admovebantur

Martyrum & Confessor. stigmata. 151

Martyribus, *Credas* (inquit) *cremari stridulis cauteribus* Et erant profectò valdè striduli ; cum per se ex ignitione, tum ex adjunctâ salitrâ aspergine , vel aruinæ fusæ luperjectione. Audi Prudentium in Vincentio.

*Subter crepante aspergine ,
Scimillat excussus salis ;
Punctisque feruens stridulis ,
Sparsim per artus figitur.
Aruina post hinc igneum ,
Impressa cauterem lauis :
Vis unde roris fumidi
In membra sensim liquitur.*

Imprimebat ergo stigma cauter impressus , cumulantibus dolorem feruentibus illis asperginibus, exquisitè cruciantibus. Idem præstabat vngula corpus sulcans. Describit hoc cruciantis instrumenti genus, Malonius ad c. 18. Palæoti de sacrâ sindone n. 8. existimâtque fuisse instrumentum tortorium è duobus ferreis vectibus compactum, qui internentu ferrei clauī mediani, constringi ac dilatari poterant, non secus ac forcipes. Carnifex ergo utroque hujuscemodi vngulæ manubrio prehensio manibus , & dentatam partem apertam membrīs admouens stringebat, sicque interceptam carnem dirè conscerpebat. Videri potest fauere S. Ephrem in laudat. S S. Martyr. memorans ferratarum vngularum dentes. Verùm hæc descriptio cadit reuera in forcipes , quo nomine Baronius ad Rom. Martyrologium 26. Iunij meritò donat instrumentum tortorium in

Basilicâ Vaticanâ asseruatum, cui Antonius Galonius l. de Cruciatis Martyrum cap. 5. & Daniel Malonius nomen *Vngula* tribuunt, vterque secutus vulgi vsum, in eius nominis aptatione ad illud instrumentum. Sed habet hîc locum, quod in alio argumento fusè monstrans Bellonus l. 1. obseru. c. 2. ostendens quàm sint fallaces vulgi nomenclationes. Perperam igitur instrumentum de quo agimus, vulgo *vngula* vocatur. Cum tamen non sit *vngulæ* stringere & intercipere carnem ad modum forcipis, sed sulcare, aut radere, vel effodere. Quemadmodum enim feræ quædam alites, quibus *vngues* sunt adunci, bino vel terno sulco exarant & effodiunt faciem, aliudve membrum cui imprimunt *vngues*: ita fuscina bisulca & in summo inunca, ducta violenter per corpus, exarabat illud sulco duplici, & à similitudine *vngujs* auium rapacium impacto *vngue* sæuientium, *vngula* denominabatur, & effodere, eradere, sulcare corpus, non stringere dicebatur. Appendo pauca testimonia. S. Cyprianus episto. ad Donatum. [Hasta illhic, & gladius, & carnifex præsto est: *vngula* effodiens latera & deradens.] Et l. de lapsis: [Sed cum durissimi Iudicis recrudescere sæuitiâ, jam fatigatum, nunc flagella scinderent, nunc contunderent fustes, nunc eculeus extenderet, nunc *vngula* effoderet.] Similiter Tertullianus c. 12. & 30. Apolog. *vngulis* deradi ac fodi dixit latéra Christianorum. S. Hieronimus ep. 49. [Cum litidas carnes *vngula* cruenta pulsaret, & sulcaris lateribus dolor quæreretur veritatem.] Synesius episto. 44. [Spatalum illum minimè delicias

agere oportebit : sed & vincietur, & suspendetur, & latera fodietur. Mirifici enim ad conuincendam simulationem sunt carnifices, & ungues quidam ab illis excogitati sunt eâdem vi præditi, quâ scientiarum ratiocinationes ac syllogismi. Vnde quicquid præualentibus iis elicitum fuerit, id ipsum certissima veritas est.] S. Augustinus episto. 158. [Quando tantorum scelerum confessionem, non extendente equuleo, non sulcantibus ungulis eruiisti.] Prudentius in hymno de S. Vincentio.

*Ridebat hæc miles Dei,
Manus cruentas increpans,
Quod fixa non profundius
Intraret artus ungula,*

Et hymno de S. Romano.

*Amor corona penè præuenit trucem
Licetoris artem, sponte nudas offerens
Costas bisulcis execandas ungulis.*

Rursus ibidem inferius.

*Scindunt utrumque milites, eterrimi,
Mucrone hiulco pensilis latus viri
Sulcant per artus longa tractim vulnera
Obliqua rectis, recta transuersis secant.
Et jam reiectis pectus albet ossibus.*

Et inferius.

*Non ungularum tanta vis latus fodit,
Mucrone quanta dira pullat pleuresis.*

Tandem in Hippolito.

*Ungula fixa canis costarum cratibus,
Altos tundere secessus & lacerare jecur.*

Ex his ergo testimoniis satis liquere videtur, notionem quam ungulis subjecimus, esse genuinam, & verè per eas fuisse impressum stigma.

Multa in eiusdem notionis confirmationem adducunt Goroſtedus ad l. *ſi virgis*, C. de emendat. ſeruor. & Iacobus Durantius lib. 1. variar. c. 15. qui eodem referunt quod ibi Conſtantine edicit, reum cenſendum homicidij herum, ſi dilaniauerit pœnis publicis ſerui corpus, feratunguibuſlatera perſecando. Quod enim hic locus non pertineat ad eos qui damnabantur ad beſtias, inſinuatur ex laterum perſeetione quæ ungularum ferrearum eſt propria. Paſſim enim latera diuexari ungulis dicebantur, & perſecari vel effodi, aut deradi, cum ij qui damnabantur ad beſtias, quâ impetuſ ferebat & truculentia ferarum primùm impeterentur, tum vniuerſo corpore lacerarentur. Dicebantur autem ungulæ ferreæ, *ungues ferarum*, vel vt alibi legitur, *veſtigia ferarum* quia *ungula* ferrum erat in ferarum veſtigium & ungues compactum, quo qui cruciabantur, mulcati unguibuſ dicuntur ab Ammiano lib. 14. Ab hâc deraſione laterum ungulas dictas

esse Prudentio rasilis scopulos, ait supra Durantius, qui de iisdem scopulis egisse censet Tertullianum l. de anima c. 33. ubi inter horrendorum criminum supplicia, numerat patibula, viuicomburia, culleos, vncos, scopulos. Ægrè tamen adducor ut credam, Tertullianum scopulos dixisse vngulas, cum possit faciliè accipi de coniectione in marinos scopulos. De quibus etiam locutus videtur Prudentius cum in S. Eulaliæ hymno, inducit piam Virginem, increpantem Ethnicos, quod perderent præcipites animas, & malè prodiga corda sui, sternerent rasilibus scopulis, Omnipatrem negantes Deum. Si tamen adjuncta paterentur, non incongruè qui vexabatur vngulis, diceretur vexatus *rasilibus scopulis*, quia vngulæ radebant & veluti scopebant corpus cruciarij: ita ut sermo esset non de scopulis genere masculino, sed fœminino. A scopis enim *scopulas* diminutivam vocem ducere, nihil prohiberet. De vngulis, pro instituto, satis.

Idem porro erant cum vngulis *fidicula*, aliquoties in Actis S. S. Martyrum ac Martyrologiis memoratæ. Sic dictæ quasi *fodicula* aut *findicula* quod utrumque præstant vngulæ. Quamvis enim aliter de fidiculis statuunt Turnebus lib. 4. aduers. c. 3. & Sigonius l. 3. de Iudic. c. 18. Lipsius ad Senecam l. 3. de ira c. 3. ac Petrus Alloix ad vitam S. Irenæi c. 5. tamen assentior S. Isidoro, cuius illa sunt l. 5. Orig. c. 27. [*Vngula* dictæ, quod effodiant. Hæc & *fidicula* quia iis rei in equuleo torquentur, ut fides inueniatur.] Ex hoc Isidori loco & ex veteri Glossario firmat nostram sententiam Durantius l. 1.

var. c. 15. Prudentius apertè videtur astipulari, hymno de S. Romano sic inducens loquentem Asclepiadem Iudicem.

*Vertat istum carnifex
In os loquentis, inque maxillas manum,
Sulcòsque acutos, & fidiculas transferat,
Verbositate ut rumpatur locus.*

Nec ita multò pòst, quas dixerat *fidiculas*, vocat *ungulas*. Ait enim de caraxatis, siue carassatis, aut exaratis genis.

*Implet iubentis dicta licetor improbus;
Caraxat ambas ungulis scribentibus
Genas:*

Fateor Suetonium in Tiberio, aliter videri sumpsisse *fidiculas* nec non Valerium Maximum lib. 3. titulo de patientiâ cum de Theodoro. Sed quæ S S. Martyribus admotæ sunt, non aliud fuere quàm *ungulæ*. Et ita latè Galonius l. de Cruciatibus Martyr. c. 3.

Ferræ subulæ quarum postea memini, stigma quoque apertè infigebant. Est earum mentio in Actis S. Benigni Divionensium Apostoli 1. Nouemb. vbi asseritur Imperatorem iussisse pedes eius grandi saxo perforato immitti adhilito ad confectionem plumbo liquefacto, digitis autem manuum eius præcepisse infigi in longum calentes subulas acutissimas, atque ita factum esse. Sed & Tarinchæ fudes ferræ erant, de quibus carni Martyrum infixis

mentio est in Actis S. Quintini. Veru adacto transfixos aliquos meminit Sozo. l. 5. c. 8. Affine est & æquè stigma imprimit supplicium graphij, cuius meminit Seneca lib. 1. de Clem. c. 14. & Sucto. in Caio c. 28. Nam graphium, siue pennarius culter corpori infixus, manifestè imprimebat notam excarnificantem vt S. Cassiano contigit à pueris quos erudierat. Et Marco Arethufio ab aliis pueris. Haud aliter Martyres stigmatizabat terebratio, quam passa est S. Fausta 12. Cal. Octobris, & idem insinuat in Actis SS. Virginum Fidei, Spei, & Charitatis. Possit huc quoque referri *stimuleum*, sic dictum supplicium quo fodiebantur Martyres non secus ac boues ab agricolis. Mentio est huiusmodi cruciatus in Actis S. Iosephi Martyris, vbi dicitur persecutores obelisco longæ arundini alligato, Sanctum supugisse. Prudentius quoque hymno de S. Hippolito.

Illaque infestis perfodiunt stimulis.

Nec dubium quin aliquando impactio stimuli imprimeret stigma; nimirum cum erat eius penitior adaectio, vel repetitio frequentior, juxta illud apud Comicum in Mostellar. act. 1. sce. 1. [O carnificium cribrum quod credo fore, ita te forabunt patibulatim per vias stimulis.] Et in Menoch. act 5. scena 5. continuatio stimuli fodientis intentatur per dies triginta. Quis neget tam diuturna stimuli impactione impressum stigma?

Quæ apertissimè stigma imprimebat SS. Martyribus, erat poena *inscriptionis*, quâ egregios Christi

Pugiles Theodorum ac Theophanem fratres, in odium Christi diuexauit Theophilus Iconomachus, renouans pœnam à Constantino Magno abolitam, eo rescripto ad Ecumelium quod legitur in Cod. Theodosiano l. 2. de pœnis. Ob eam namque aboliti jam supplicij renouationem, ea pœna in Actis prædictorum Sanctorum apud Metaphrastem 26. Decemb. vocatur *notum inuentum*. Refruntur ibi duodecim Iambi, in facie Sanctorum prædictorum impresso ferro candente scripti, quorum Latine hæc erat sententia.

*Cunctis ad urbem eam audire volentibus,
Stetere ubi verbi Dei casti pedes,
Terrarum orbis, ut per id queat consistere,
Apparuerunt isti honorando in loco,
Erroris impij mala vasa & reprobæ.
Cum multa fecissent ibi perturpia,
Graniæque, quod deesset eis recta fides,
Illinc abacti sunt sicut Apostata:
Confugientes autem ad urbem imperij
Stultitiam haud reliquerunt nefariam.
Quare notati & inscripti ut malefici,
Damnantur, exigunturque improbi iterum.*

Sed quos impius ille sic afflixit, simul & dehonestauit, solatus æquè est ac veneratus S. Methodius, è sepulchro in quod inclusus erat viuis; transmissis ad pios fratres per fidum internuncium his Iambis, quos refert Cedrenus in Theophilo.

*Quorum libris scripta sunt in cœlestibus
Nomina, piaque frontes compunctæ notis;
Hos qui sepultus ante funus est suum
Vinctos salutat, & ipse vinculis grauis.*

Renouauit Satan hunc cruciatum in Christianos Iapones anno 1614. crucem ferro candenti inurendo frontibus eorum, id quod pictæ imagines docent. Agendum rursus de hoc stigmatismo sect. 2.

Ed autem interdum prorupit sæuitia, vt jam inscripti, secundâ inscriptione diuexarentur. Quo pertinet illud Pontij in actis S. Cypriani. [Quis tot Confessores, frontium notatarum secundâ inscriptione signatos, & ad exemplum Martyrij superstites reseruatos, incendijs tubæ cœlestis animaret?] Malè ibi Lippomanus, ad marginem adhibuit secundæ illius inscriptionis expositionem, de impressione characteris per confirmationem, supra cum characterem qui baptismo imprimitur. Malè quadrat Pontio hæc expositio; cum characteres Sacramentorum inscribantur inuisibiliter: Pontius autem ageret de iteratâ inscriptione corporeâ atque visibili, qualem subiisse referuntur S. S. proximè laudati Theodorus & Theophanes, quadrado post primam inscriptionem. Intentante enim nouam inscriptionem in ipsismet oculis truculento Præfecto, nisi fidem Catholicam ejurarent, ventum est ad secundam vultus inscriptionem, quæ ad noctem vsque est prorogata. Digna verò est, quæ celte insculpatur in marmore, vel aureis literis exa-

retur in argento, egregia contestatio prædictorum sanctorum, Præfectum & astantes sic alloquentium, post hanc secundam inscriptionem. [Sciatis, Cherubin quæ has viderunt litteras, esse cessura & flammeam rhompheam, versis tergis, concessuram nobis ingressum in paradysum, vt quæ sit reueritura nostros vultus, pro communi Domino tam ignominiosè insculptos. Hoc enim à vobis solis factum est à seculo : & est hoc nouum inuentum, & reddidistis omnes benignos & clementes, qui aduersus diuinum nostrum dogma insanierunt. In facie autem Christi, omninò agnoscemini, & vobis exhibebuntur legendæ hæ literæ. Ipse enim dixit; *Quaecunque fecistis uni horum minimorum, mihi fecistis.*] Nec id singulare fuit in hoc stigmatismo; nam alibi quoque ea iteratio supplicij stigma inurentis, in vſu fuit. Sic Prudentius hymno de S. Cassiano.

*Pungere puncta libet, sulcisque intexere sulcos;
Flexas catenis impedire virgulas.*

Et hymno de S. Romano.

*Illum recentes per cicatricum vias,
Denuò exarabant, quaque acutum traxerant
Paulo ante ferrum; mox recrudescentibus
Plagis, apertas persequabantur notas.*

Si cui lubeat, cicatricem ex truncato membro relictam stigma dicere, habebit in variis S S. Confessorum Actis, illustria huiusmodi stigmatum monumenta.

monimenta. Eunapius in *Ædesio* de sacris reliquiis per Christianos Monachos circumlatis agens, ait eos quos vocamus Martyres *cicatrices scelerum & nequitia vestigia corporibus prætulisse*. Sed præsertim dignissima memoratu est in eo genere, narratio quæ est apud Gregorium Presbyterum in Oratione de rebus Nicænæ Synodi, & in Menæis 23. Decemb. nec non apud Theodoretum l. 1. histor. c. 11. [Erant quidem ex ipsis (ait supra Gregorius, describens S S. Confessores ad Synodum euocatos,) qui gratiis ornati erant Apostolicis : alij autem Christi stigmata circumferentes, in suis corporibus. Ex quibus vt lectores habeant maiorem de sanctis certitudinem & animæ utilitatem, aliquot adjiciam. Sanctus itaque Iacobus præsul Nisibenorum, multos quidem liberauit à morbis, & de eo etiam fertur testimonium, quodd suscitavit mortuos. Et Neocæsareæ Euphratesiæ Episcopus Sanctus Paulus, genitalia membra igne amisit, Liciprij insanix effectus ludibrium. Et Paphnutius Ægyptius vir signifer, & plures alij ex sanctis ; Alij quidem orbatii sunt oculis ; Alijs incisi sunt juncturarum, crurum, & brachiorum nervi ; Aliis verò mutilati sunt pedes, & manus loreis vinculis.] Rursus inferiùs post descriptam Constantini allocutionem ad Patres in calce Concilij, hæc subdit de eodem Constantino. [Cùm hæc dixisset, & quæ sunt his similia; & aliis quidem vidisset effossos esse oculos, aliis autem gravi cruciatu obtorpuisse manus, alios verò esse incurvatos nervorum convulsione, alios demùm excisis sibi genitalibus strenuè decertasse : & cùm

didicisset, quod cum in persecutionibus pro Christo, in periculo confessionis se fortiter gessissent, impositorum sibi suppliciorum conseruarent eas quæ videntur, reliquias, adorauit athletarum cicatrices, membrorum amplexus est torpores, affectis membris, quandoque membra sui corporis, aliquando autem purpuram applicans Imperatoriam, eis se credens sanctificari. Quinetiam effossis oculis, suorum oculorum admouebat pupillas, sustinens, ut illinc illuminaretur eius mentis oculus.]

Nominatim verò de S. Confessore Paphnutio, cui Maximinus dextrum effoderat oculum, & sinistra manus neruos in cubito præciderat, refertur; Constantinum insigni honore eum affecisse, nec vnquam potuisse satiari exosculatione oculi effossi. Ita habetur in Oratione Historica de rebus Synodi Nicænæ quæ est apud Metaphrastem 10. Iulij. De Paulo item Neocæsariensi, multis pro Christi causâ notis insigni; (gerebat enim virgarum labes, & manus ferro ambustas;) proditur, Constantinum Magnum viri illius sanctissimi manus sic violatas, manibus suis prehensas, suis ipsum oculis, & cæteris corporis partibus religiosè imposuisse, tãto sensu pietatis, quantum illæ eius voces sunt testatæ. [Has manus propter Christum emortuas & immotas, exosculando nunquam satior.] Solemne id semper fuit Christianis, figere oscula cruciatis Sanctorum membris. Vnde illud Prudentij hymno de S. Vincentio.

*Coire toto ex oppido
Turbam fidelem cerneret ;
Mollire prasultum totum
Siccare cruda vulnera.
Ille ungularum duplices
Sulcos pererrat osculis ;
Hic purpurantem corporis
Gaudet cruorem lambere.*

Restat clauifixio ; quam in crucifixione proprie dicta habere locum, S. Augustinus in psal. 68. acutè notauit. Iuxta quem vocis rigorem, quotquot sancti leguntur crucifixi, stigmata hujus loci propria, excepisse dicendi essent. V. G. Decem mille Martyres, quos Romanæ tabulæ 22. Iunij crucifixos produnt in monte Ararath. & S. Sixtus Pàpa teste Prudentio, hymno de S. Laurentio, & plerique sancti impietati ac rabie posteriorum Iudæorum crucifixi in Christi similitudinem, vt rabida pectora eo spectaculo exsatiarent. Syllabum sanctorum Crucifixorum confecit Cornelius ad Galat. 2. versu 19. Sed obsetuandi nominatim sunt, qui capitibus deorsum versis confixi crucibus leguntur ; cuiusmodi aliquos refert Eusebius l. 8. histor. c. 8. & 24. Et priore loco disertè meminit clauorum, quibus confixi crucibus fuerant, ne quis tricaret, & crucifixionem latè accipiat, pro actione in crucem absque clauifixione, quâ ratione non esset locus stigmatibus. Sed (vt dixi,) disertè Eusebius, in quibusdam adhibitos clauos testatur : & de S. Andrea cruci suæ

confixo idem habet S. Athanasius Orat. de S. Andrea, affirmans, eum clavis suis attestatum esse clavis Christi, & morte in cruce mortem Christi prædicasse. Non refrico hîc controuersiam alibi agitatam, cum in S. Latronis crucifixionem inquirerem c. 2. n. 8. & 9. an omnes cruciarij, quod aliqui ibi adducti affirmabant, clavis adhibitis figerentur in cruce; an nonnulli solâ ad Crucem alligatione, citra clauifixionem plecterentur. Verisimile enim videtur, vtrumque modum agendi in Crucem, fuisse aliquando vsurpatum, sejunctim ab alio: Sicut etiam aliquando, vterque conjunctim adhibebatur. Idest aliqui solâ clauifixione absque alligatione per funes, alij solâ per funes alligatione, vt hodie in Iaponia accedente interdum strangulatione cruciabantur, nullis clavis quibus cruci configerentur adhibitis. In quibusdam, & alligatio ad Crucem per funes, & clauifixio vsurpabatur. Cum ergo interueniebat clauifixio, imprimebantur sacris Martyribus stigmata huius loci propria, & sanctos illos Pugiles Christo in carne sua similiter confixo configurantia. Neque verò clauifixio tantum adhibita est cum Martyres cruci configebantur, sed etiam aliquando vsurpata est per se (vt sic dicam) idest infixis intra corpus clavis absque ligni vllius interuentu. Sic enim S. Fausta de qua Romanæ tabulæ 12. Cal. Octob. cum Eulasio Idolorum prius Sacerdore, passa, dicitur. [Capite terebrata, & clavis toto corpore confixa fuisse.] Basiliscum quoque Martyrem sanctissimum sub Maximiano ignitis clavis confixum iussu esse impelli per viam du-

centem ad Comanos habet Menologium 11. Cal. Iunij quod etiam de S. Antimo habet Nicephorus l. 7. c. 6. Victorinus item ac Fuscianus Martyres transfixi sunt tempora igneis clavis vt eorum Acta à Mombrizio t. 1. edita referunt.



CAPVT VIII.

Stigmata pia voluntaria.



VÆ hæcenus adduximus stigmata, fuere inuoluntaria : id est ab impiis extrinsecus per vim illata. Nunc addenda sunt quædam vltronea stigmata, cum in bello Ecclesiæ, tum pacatis jam rebus suscepta.

Ac primùm Procopius in c. 44. Esaiæ, ad illud, *iste dicet Domini ego sum, & ille vocabit in nomine Iacob, & hic scribet manu sua Domino*, ita scribit in rem præsentem. [Sæuiente persecutionis tempore, Ethnicos multos, sanctorum hominum appellationes sibi arripere vidimus. Se enim Iacobum alius, alius item Israël, alij etiam Ieremiam, & Isaiam, & Daniele nuncupabant : quibus assumptis appellationibus, alacri & forti animo ad Martyria accedebant. Quod autem *manu* dixit ; ideo forsitan adiecit, quod Christi nomen permulti, vel crucis signum, in palmis aut brachiis inuri sibi curarent.] Nimirum sicut olim profani milites signabantur in

manu aut brachio, vt infra sect. 2. referemus: ita milites Christi meliori dicto Sacramento, similibus notis Deo autorari meritò gaudebant.

Ex hoc Christianorum quorundam vsu in illis turbinibus ab Ethnicis animaduerso, videtur mansisse rumor inter Ethnicos sparsus, quod Christiani omnes, notam haberent impressam qua se inuicem agnoscerent, & ab aliis discernere. Audi Cæciliū apud Minutium in Octauio, varias aduersus nomen Christianum querelas proponentem. [Vt fecundius nequiora proueniunt, serpentibus in dies perditis moribus, per vniuersum orbem sacraria ista teterrima impiæ coitionis adulescunt. Eruenda prorsus hæc & execranda consensio. Se notis & insignibus noscunt, & amant mutuo penè antequàm nouerint.] Ac ne has occultas notas, quarum vsus erat in tantoperè sobolescente multitudine internoscendâ, interpretere tesseras seu signa, quali à S. Cecilia accepto, Valerianus inuenit S. Urbanum; addendum est quod habet Octauius, resumens hoc argumentum de notis tantæ multitudini ad se internoscendum vsuatiis. [Quod in dies (inquit,) nostri numerus augetur, non est crimen erroris, sed testimonium laudis. Nam in pulchro genere viuendi, & perstat & perseuerat suus, & accrescit alienus. Sic nos denique non notaculo corporis, vt putatis sed innocentie ac modestie signo, facile dignoscimus.] En *notaculo corporis* discretos, vt Ethnici putabant, ab aliis Christianos; quod haud dubiè ex aliquorum Christianorum pio vsu, promote, de omnibus Christianis jactatum est. Quod

autem huiusmodi vsus non esset vniuersalis Christianorum, Octavius notas corporeas visus est in Christianis non admittere, & potiores virtutum notas Christianis ad se inuicem dignoscendum ascribere. Nisi si fortassis rumor ille de corporeis notaculis, iactatus est inter Gentiles, ex prauâ intellectione characteris, siue baptismalis siue confirmatiui, quem proinde rumorem, simplici inficiatione diuere maluerit, quàm secretum illud euulgando projicere margaritas ante porcos. Inaudisse porro aliquid Ethnicos de Christiano characterе Sacramentali, monstrant illa Origenis de Celso lib. 6. [Celsus ex diagrammate illo. (Ophianorum,) nonnulla sibi exponit quæ nec audita cuiquam sunt, & de eo præcipuè quod apud nos signaculum dicitur, aliena quædam producit, & mutuas voces imponit, perinde ac Pater qui signaculum ingerit vocitetur: qui verò hoc obsignatur, filius nuncupetur, & rogatus illud respondeat, Vinctus sum vñctione candidaligni vitæ: quæ sanè nec ab ipsis hæreticis dicta accepimus.] Vbi obscure & veluti per nebulam, mentio fit susceptoris ac suscepti de sacro fonte, aut confirmatione; Nec non signaculi Confirmationis & Baptismi. Quæ cum sint signacula spiritualia, non sunt admiscenda cum notaculis corporeis, nisi si externa vñctio vocetur *inscriptio*, aut *notaculum*, quod video fecisse Prudentium, cum admonet Christianum in hymno ante somnum, vt meminerit se Chrismate innotatum. Et in Psycomachiâ, in pugnâ luxuriæ & sobrietatis, cum stomachatur quod Christianus molliem sectetur.

*Post inscripta oleo frontis signacula, per quæ
Vnguentum Regale datum est, & Chrisma perenne.*

Sed nos hîc talem inscriptionem atque notaculum, ob defectum impressionis stigmatis, non moramur hoc loco.

In pace Christianâ, passim Christianos sic inuisse, impresso manibus Christi nomine, censeat Sancier in c. 44. Isaïæ n. 15. existimans id voluisse Esaïam, verbis illis: *hic scribes manu sua Domino*, id quod etiam de mente Esaïæ, tradit ibi Adamus. An eodem spectare dixerimus, quod ait S. Chrysostomus in demonstratione quod Christus sit Deus, celebrans Christum ex Crucis splendore per orbem totum? [Omnes eâ se signant, inscribendo in nobilissimum membrum nostrum.] Vbi illud *omnes*, pro *benè multis*, ac pro generibus singulorum videri possit dictum; & *signatio* pro *inscriptione*, quæ subnectitur. At quamvis signatio, & de transeunte Crucis formatione Christianis vsuaria dici possit, & de signatione per impressam crucem; certè inscriptio, magis propriè dicitur de impressione, quàm de ductu manus in formam crucis, citra omnem notæ duraturæ exarationem. Et hanc videri posse Chrysostomi mentem, confirmari potest ex eo quod mox ibidem subdit; crucem sicut in hominibus, ita in corporibus brutis malè affectis, esse conspicuam. Atqui vsus antiquus Christianorum ferebat, pecudes quoque notâ Crucis reipsa illis innuistâ præmu-

nire, aduersus lucem aliâve mala, vt habetur ex carmine seueti Endeleichi Christiani Poetæ S. Paulino laudari Epistola 9. *in fine*, de quo etiam Baronius anno 376. Eo carmine quod *de mortibus eorum* inscribitur, mirante pastore Ethnico, & sodalem Christianum interrogante vnde pestis in omnes grassata greges, Christianorum caulæ pepercisset, responsum tulit in hæc verba.

*Hoc signum (crucis) mediis frontibus additum,
Cunctarum pecudum certa salus fuit.*

Vnde argumentum petens alter pastor, ad immunitatem à lue sibi ipsi exorandam, ita mox ibidem rogat.

*Et me consiliis jungite prosperis,
Nam cur addubitem, quin homini quoque,
Signum prodest idem, perpete seculo
Quo vis morbida vincitur?*

Vides quàm non abs re, ex dicto S. Chrysostomi de inscriptis & consignatis cruce realiter impressâ pecudibus, de simili inscriptione hominum accipi posse eius verba eodem loco, censuerim? Turcas sanè à Christianis edoctos vt Paulus Diaconus l. 17. prodidit, & ex eo Baronius anno 591. num. 1. Cruce fronti inustâ, immunitatem à peste adeptos, compertum est. Verba Pauli aut Theophanis, de Baræ militibus à Narsete Byzantium transmissis, hæc sunt. [Quotquot Turci erant, ad Imperatorem Byzantium misit. Sanè cùm Turci signum haberent

in fronte ex cruce, interrogabantur ab Imperatore, quonam modo hoc signum in fronte portarent. Ac verò Turci, asserebant ante multos annos pestilentiam factam in Turcia, & quosdam Christianorum hoc adinuenisse, & hinc salutem in patriâ factam.] Consignati haud dubiè simili modo fuerant Christiani illi, quorum exemplo Turci frôtes suas Cruce inusserunt. Hodièque in Africâ progenies illa veterum Christianorum separatim à Mauris degentium in montibus, quam Lusitani ad illas oras commeari soliti, vocant *Alarues*, idest *Afros genuitos*, crucem brachio impressam ostentant pro tesserâ Christianis, cuius cœtera prorsus sunt rudes. Argumento, id esse potest, vnde Turcæ didicerint Crucem sibi inurere.

Generis alterius luem per iniusta stigmata ab aliis deuitatam lego. Nam Abbatem Ammonium describit Palladius cap. 12. Laus, cum aliis plerisque dotibus clarum, tum nominatim studio castimoniarum: quod hoc, (ut vocat,) miraculo patefecit. [Nunquam turpis voluptatis carunculae suae resurrectio eius corpus inuasit, sed ferrum candens suis membris adinonebat, addo ut esset totus ulcerosus.] Hæc admotio ferri candentis ad carnis frœnationem, monstrat Ammonium quidem non caruisse titillationibus carnis, quicquid ionent in contrarium priora verba adducta: ita tamen eis obstitisse impressione illâ stigmatum in corpore suo, ut non succumberet. Non me latet, hunc Ammonium de Origenisimo notari Tomo 5. Annal. Eccles. Fuisse tamen sanctimoniarum fama, in vitâ & post mortem cœ-

leberimum, liquet. S. Athanasio fuisse conjunctissimum & cum eo Romam profectum, Socrates autor est l. 4. c. 18. De eiusdem necessitudine cum S. Chrysostomo, disertè meminit Georgius Alexandrinus in vitâ S. Chrysostomi, vbi etiam de Ammonij dono prophetiæ, & miraculis post mortem. Ac proinde errores quorum insimulatur, videntur, non fuisse formales hæreses, sed tantum materiales, quibus Sancti quoque interdum sordent. Haud abs re igitur, stigmata Ammonij, piorum stigmatibus accensuimus.

Ad alterius modi stigmata sibi imprimenda, ple-
risque injecta est voluntas, studio flagrantissimo
eiusdem virtutis. Leguntur enim aliqui se truncasse
aliquo membro in eum finem. Sic S. Eta & sociæ,
vt castitatem in tuto ponerent, se denasarunt, & la-
bro item superiori ad dentes vsque priuauerunt, ne
Danis Ethnicis Angliam dirè populantibus, ludi-
brio esset earum Deo addicta virginitas, vt ad an-
num 870. scribit Baronius. Nobilem item sui tem-
poris Virginem, nasum sibi abscidisse; ne nubere
contra votum adigeretur, Galfridus apud Tilman-
num autor est in allegoriis veteris Testam. ad c. 18.
Esaïæ. Odam Virginem sanctissimam, scribit Phi-
lippus Abbas Bonæ-spei, in eius Actis, *gladiali fa-
ciem suam signasse cauterio*. Cum enim à patre per
vim conjugio esset illiganda; arrepto gladio, nares
sibi obliquo vulnere abscidit. Quod Philippus Ab-
bas confert cum facto S. Agnetis, quæ de se dixit
[posui signum in faciem meam, vt nullum præter
Christum, amatorem admittam.] Innuens, Sanctam

quoque Agnetem, aliquo tali gladiali cauterio faciem suam signasse. De B. Lucia Virgine Ord. Prædicatorum, scribunt Conradus Zittardus, Iacobus de Vitriaco, & ex eis Radenus p. 3. Virid. SS. c. 3. n. 9. cum à petulco quodam, pulchritudine oculorum eius capto, molestiam pateretur circa castitatem; expunxisse sibi oculos, & in disco ad pro-
cum transmisisse. Quod non aduertentes pictores, nec aliam B. Luciam quàm Siculam, Syracusis sub Diocletiano passam habentes perspectam; B. Luciam Syracusanam, immensam locorum ac temporum capedine ab hac Lucia Dominicanam disjunctam, adscripserunt quod reuera est Luciam posterioris. Et quantum fuit qui dubitaret, an effossio oculorum huius Luciam Monialis, mysticè tantum accipienda sit, ut videre est apud Bzouium anno 1198. num. 16. Tamen nihil esse in eam narratione quod incredibile videri merito debeat, liquet ex geminam istam narrationem quæ habetur apud Moschum c. 96. Limonarij, de sanctimoniali quæ oculos similiter sibi exculpfit, ut materiam impuri amoris subduceret adolescenti, quem eo facto adduxit ut in Monachum probatissimum euaderet. Id quod æquè Lucia Dominicana proco suo præstitisse dicitur. Et idem similiter præstitit minore suo incommodo, alia sacra Virgo, quæ amasium pulchritudine comæ eius captum, reuocauit ad bonam frugem, abrasam prorsus, & ad eum transmissam comam quæ tantos in eius pectore ignes succendebat, ut scribit. Isido. Pelus. l. 2. epist. 53. Alia exempla deformati vultus, perfossione aut truncatione aliquam, studio tuendæ castitatis,

suppeditabit Spinellus Tract. de Virginibus nu. 46.

Miramur verò Christianas & Religiosas Virgines, cœlesti perfusas lumine, stigmati voluntariis faciem dehonestasse studio castitatis, cum idipsum inter Ethnicos fecerit Spurina? Ipse enim est, ut ex Valerio constat l. 4. tit. *de verecundia*, quem tacito nomine Mamertinus sub initium panegyrici Iuliani, à sauciato vultu, amore tuendæ pudicitiae celebrat. Celebravit item Tullius. Imo S. Ambrosius sub finem exhortationis ad Virgines, cum S. Sotere illum componit, & stigmata eius collaudat. Increpans enim pulchritudinis supra justum studiosas Virgines sacras, addit. [At non Soteris ut domesticum piæ parentis proferamus exemplum. Habemus enim nos Sacerdotes, nostram nobilitatem, præfecturis & consulatibus præferendam. Habemus inquam, fidei dignitates quæ perire non norunt. At non, ut dixi, Soteris vultus sui curam gerebat, quæ cum esset decora facie valdè, & nobilis virgo majorum prosapia, Consulatus & præfecturas parentum, sacrâ posthabuit fide: & immolare iussa non acquieuit. Quam persecutor immanis palmis cœdi præcipit, ut tenera virgo dolori cederet, aut pudori. At illa ubi audiuit hanc vocem, vultum aperuit, soli invelata atque intacta Martyrio: & volens injuriæ occurrit, vultum offerens, ut ibi Martyrij fieret sacrificium, ubi solet esse tentamentum pudoris. Gaudebat enim, dispendio pulchritudinis periculum integritatis auferri. Sed illi, potuerunt quidem vultum eius vulnere vibicibus exarare; faciem tamen virtutis eius, & gratiam de-

coris interui, nequaquam exarare potuerunt. Hetruscum iuuenem veteres fabulæ ferunt, cum propter admirandam oris proprii pulchritudinem, in amorem accenderet fœminas, stigmatibus inarasse vultum suum, ne qua eum adamare posset. Videro vtrum castus fuerit illius animus, affectus tamen non innocens, propter quem in se ipse animaduerteteret. Ille tamen sola excepit vulnera, ne noceret: hæc triumphales retulit martyrij cicatrices, vt imaginem Dei quam acceperat, reseruaret.]


Non improbat S. Ambrosius, stigmata quæ in S. Sotere & in Sputina laudauit, cum negat alibi, virtutis loco ponendum esse, culpam ferro compescere; idest admoto ferro tutelam pudicitiae parare. Agit enim contra tertium genus hominum, vt Alexander Seuerus referente Lampridio nominabat: qui scilicet juxta Herodotum in Vraniâ, cum de Hermotimo, & juxta Lactantium l. 1. Instit. c. 21. atque Lucianum in Eunuchio Dialogo nec viri sunt, nec fœminæ. Eunuchos dico, siue Semiramidis inuento, vt voluit Ammianus lib. 14. siue Persarum vt Claudianus l. 1. in Eutrop. memorat, virilitate defectâ tutelam castimoniae captantes; casto prorsus & absurdo consilio, vt monstro l. 3. de virtut. num. 130. Valesij enim Hæretici, latè à S. Epiphanio reiecti hæc. 88. (non obscurè autem collaudari ab Origene l. de singularit. Clerico. n. 107. & à Sexto Pythagoræo sub nomine Sixti Papæ venditato à Ruffino sententia 265.) studio tuendæ castitatis, viro se priuabant. Sicut Democritus referente Tertulliano c. 46. Apolog. eâdem ex causâ, se eluci-

ficauit, effodiens sibi oculos. Hunc igitur duntaxat ferri vsum ad castitatis tuitionem, improbat S. Ambrosius eo alio loco quem indicabam, hoc est libro de Viduis *sub finem*: minimè tamen improbens, impressa vel ferro stigmata in eum finem, cum peculiaris coelestis afflatus eo impellit; vt sanè impulit Christianas illas Viragines, sacro stigmatismo quem retuli dehonestatas.

Non est prætereundus in hoc syllabo insignis seruus Dei Henricus Suso; Eum aliquando coelesti amore flagrantem arrepto ferreo graphio pectus sibi pertudisse inscripto in illud sacrosancto I E S V nomine, habent eius Acta. Nec ita multò post templum ingressus ad Christi confixi imaginem orans poposcit, vt quod ipse sibi in externo pectore efformauerat monimentum, penitiùs inculpere in corde dignatetur. Pauci exacti erant dies, cum residens in cellâ effulgere è pectore suo lucem vberriamam deprehendit. Causamque scrutatus auream crucem vnionibus pretiosissimis distinctam Sanctissimo I E S V nomine inscriptam pectori suo inesse reperit, & micabat ea crux splendidiùs ac fortiùs quo sollicitiùs pius vir de eâ operiendâ satagebat. Idem crucem palmarem clauis triginta transfixam, nudis humeris dia noctuque per octennium appressit ingenti cum sensu doloris. Et vt Christi stigmatum pleniùs particeps fieret, anno postremo ad triginta clauos septem acus adiecit quarum in carnem nudam adactione excrucietur, mirabili in seipsum scruendi ingenio. Affine aliquatenus est stigma voluntarium quod ab aliquo eiusdem Ordinis

alumno ex Nurimbergensi cœnobio inustum sibi-
metipsi, refert qui eum nouit Ioannes Nider l. 1.
formicarij c. 10. Præter cœtera namque religiosæ
sæuitiæ instrumenta quæ Nider recenset, vsurpabat
assiduè ex collo pendentem & nudæ carni applica-
tam [torquem ferream appensis de eadem minerâ
campanellarum nodis.] Hoc erat generosè sibi
imprimere pia stigmata & vt obduci ac obliterari
nequirent, accuratè providere.

Mirandum magis ausam Virgunculam sacram
præ amore Sacrorum Christi stigmatum idem ten-
tare. Florebat in Cartusianarum Virginum Parthe-
none cui nomen *Permagine* sub annum Christi 1305.
piissima Virgo Beatrix quæ ardentissimo amore in
Christi Domini vulnera ferebatur. Itaque vt in se
aliquatenus exprimeret quod in Christo cruci con-
fixo tam cupidè meditabatur tamque assiduè reuo-
luebat, duos clauos ferreos furtim corripiciens, vtram-
que manum adhibito malleo amplissima plaga
transfixit, celans sub longioribus manicis absconsa
vulnera: quæ ne fortè obducerentur, singulis sextis
feriis renouabat impressis denuò ac infixis clauis.
Placuisse Deo candorem quo hæc alioqui labis non
pura peragebantur, monstrauit euentus. Immen-
sis enim suauitatibus diuinitus perfundebatur & cons-
picuo Christi objectu frequenter donabatur: Incer-
tis verò & occultis sapientiæ Dei sibi manifestatis
admirationem sui concitauit eximiam.



CAPVT IX.

Stigmata S. Hieronimi.



Et gestæ historia describenda primùm est ex ipso S. Hieronimo, tum de ea pronuntiabimus; quia non defuit qui obstreperet.

Scribens igitur ad Eustochium S. Hieronimus episto. 22. dehortatur Sacram illam Virginem, à tunc vigente abusione, dandi operam profanæ literaturæ, ac studiis politioribus, præsertim justo flagrantius, incumbendi. Et vt efficacius euincat quod intendit, proponit, quàm malè sibi juniori cecidisset æstus ille erga studia profana, & humaniores quas dicunt literas. [Nec tibi (inquit,) diserta multùm velis videri, aut Lyrici festiua carminis metro ludere. Non delumbem matronarum saliuam delicata sceteris, quæ nunc strictis dentibus, nunc labiis dissolutis, balbutientium linguam in dimidiata verba moderantur, rusticum putantes omne quod nascitur. Adcò illis adulterium, etiam linguæ placet. *Quæ enim communicatio luci ad tenebras? Qui consensus Christo cum Belial? Quid facit cum psalterio, Horatius? cum Euangeliiis, Maro? cum Apostolis, Cicero? Nõne scandalizatur frater, si te viderit in idolio recumbentem? Et licet omnia munda mundis, & nihil rejiciendum, quod cum gratiarum*

actione percipitur ; tamen simul bibere non debemus calicem Christi, & calicem dæmoniorum. Referam tibi meæ infelicitatis historiam. Cùm ante annos plurimos, domo, parentibus, sorore, cognatis, &, quod his difficilius est, consuetudine lautioris cibi, propter cælorum me regna castrassem; & Hierosolymam militaturus pergerem ; bibliothecâ, quam mihi Romæ summo studio ac labore confeceram, carere omnino non poteram. Itaque miser ego, lecturus Tullium, jejunabam. Post nocturnum crebras vigilias, post lachrymas, quas mihi præteritorum recordatio peccatorum ex imis visceribus eruebat, Plautus sumebatur in manus. Si quando in memetipsum reuersus, Prophetas legere cœpissem ; sermo horrebat incultus : & quia lumen cæcis oculis non videbam, non oculorum putabam culpam esse, sed solis. Dum ita me antiquus serpens illuderet, in mediâ fermè quadragesimâ, medullis infusa febris, corpus inuasit exhaustum, & sine vlla requie, quod dictu quoque incredibile sit, sic infelicia membra depasta est, ut ossibus vix hærerem. Interim parantur exequiæ ; & vitalis animæ calor, toto frigefcente jam corpore, in solo tantum repente pectusculo palpitabat : cùm subitò raptus in spiritu, ad tribunal Iudicis pertrahor : vbi tantum luminis, & tantum erat ex circumstantium claritate fulgoris, ut projectus in terram, sursum aspicere non aude-rem. Interrogatus de conditione, Christianum me esse respondi. Et ille qui præsidebat ; mentiris, ait ; Ciceronianus es, non Christianus. Vbi enim thesaurus tuus, ibi & cor tuum. Illicò obmutui,

& inter verbera (nam cædi me iusserat,) conscientia magis igne torquebar, illum mecum versiculum reputans; *In inferno autem quis confitebitur tibi?* Clamare autem cœpi, & ejulans dicere: *Miserere mei Domine, misere e me*. Hæc vox inter flagella resonabat. Tandem ad præsidentis genua prouoluti qui astabant, precabantur ut veniam tribueret adolescentiæ, & errori locum pœnitentiæ commodaret; exacturus deinde cruciatum, si Gentilium litterarum libros aliquando legissem. Ego qui in tanto constrictus articulo, vellem etiam majora promittere, dejerare cœpi. & nomen eius obtestans dicere: Domine si vnquam habuerō codices sæculares, si legero, te negavi. In hæc Sacramenti verba dimissus, reuertor ad superos; & mirantibus cunctis oculos aperio, tanto lachrymarum imbre perfusus, ut etiam incredulis fidem facerem ex dolore. Nec verò spor ille fuerat, aut vana somnia, quibus sæpè deludimur. Testis est tribunal illud, ante quod jacui: testis iudicium triste, quod timui. Ita mihi nunquam in talem incidere quæstionem. Luentes fateor habuisse me scapulas, plagas sensisse post somnum; & tanto dehinc studio diuina legisse, quanto non ante mortalia legerem.]


Eu hinc notas corpori S. Hieronimi impressas, & durantes plagarum vibices, atque ad id stigmata: quæ quamuis impressa dormienti, ac per visum increpito, fuerunt tamen verè impressa, ut soluto sopore fuit manifestum. Itaque non licet affirmare rem hinc non esse verè gestam, sed fuisse merum imaginationis ludibrium per somnum, ut contendunt

Erasmus in eam Hieronimi Epistolam, & Laurentius Valla l. 4. Elegant. in præfatione ; nec absque apparente ipsius S. Hieronimi suffragio. Nam in 2. contra Ruffinum libro, cum vrgeretur ex hac narratione, vocat eam *somnium* ac *deliramentum* ; negatque se fuisse perjurum, tametsi promisso illi in somnis emisso, non steteret. Quod secundum iterat in Apologia *post medium*. Nihilominus sensus D. Hieronimi in citatâ epistolâ, expressior est, quàm vt liceat ad somnia & dormientis deliramenta, rem hanc referre. Nec quod Ruffino inde ipsum vrgenti respondet, eleuat fidem narrationis. Sensus enim duntaxat est mirari se quod adedò anxie & exactè disquireret in rem gestam per somnum, & quæ veluti ægri somnium & febrientis deliramentum haberi possit apud plerosque, ita solitos pronunciare de quibusuis gestis per somnum : quamuis istud reuera & non merè imaginariè contigisset, vt verba Epistolæ adductæ perspicuè ferunt, agnoscuntque Ruffinus in Inuestiua, Rupertus lib. 12. in Math. D. Bonauentura serm. 19. in Hexaëmeron, Lupus de Oliueto in Regulâ Monachorum à Martino V. approbatâ cap. de orat. & meditatione. Serarius in Prolegom. Bibliacis c. 28. quæst. 8. ad 6. Neque verò nouum est, vt alicui per somnum, nonnulla interuentu Dei & Angelorum physicè accidant, quæ postea discussso somno, vera fuisse deprehendantur. Cum ergo hîc habeamus testem omni exceptione maiorem, in Epistolâ quæ in dubium vocari non potest, referentem quæ suomet ipse corpore excepit, quid tricabimur adhibere narranti fidem

Non me latent posticæ Erasmi sannæ. Is prolatâ hâc S. Hieronimi narratione, dixit S. Hieronimum immeritò vapulasse, idcirco quod Ciceronianus esset. Quasi diceret, somnium à D. Hieronimo obtrusum esse, pro vera narratione : cum nullum fuerit iustum & idoneum fundamentum, stigmatizandi S. Hieronimum, eâ ex causâ quod Ciceronianus esset : quandoquidem eius oratio præ Tulliana est plena scabritiei, abestque plurimum à nitore & cultu styli Ciceroniani. Ita quidem Lucianus Atheus Bataius. Sic enim Lutherus Erasmus nominabat, referente Cochlæo in historia de Actis & scriptis Lutheri anno 1526. Sed impudenter omnino & prorsus indignè, Erasmus in S. Hieronimum, jocos & contemptionem effundere est aggressus. Nam juxta hunc samnionem, vel Deus injustè fecisset plectendo innoxium ; vel impingenda esset mentitio S. Hieronimo, narranti gesta circa se esse diuinitùs, quæ reuera contigissent nunquam. Vt verò missam faciam styli Ciceroniani & Hieronymiani contentionem, haud grauatè concedo, scriptiones S. Hieronimi quas habemus, à Tullianæ dictionis vere & florulentia abesse. Falsum tamen assumit Erasmus, existimans S. Hieronimum idcirco vapulasse, & excepisse stigmata, quod Tullianæ dictionis nitorem ac cultum exprimeret. Reuera enim idcirco flagellatus est ac stigmatizatus, quod Tullio & Plauto ultra conuenientem mensuram esset addictus. Idque est, quod per visum audiuit *Ciceronianus es* : non autem quod in suis scriptionibus, Tulliano cultu ac nitore renideret.

Quidni enim possit quis vehementius affici, erga Tullij alteriusve scriptoris lectionem; tametsi de excolendo similiter stylo, cogitationem non suscipiat? Ea porro nimia addictio Tullio & Plauto, aliisque profanis scriptoribus evoluendis, vitiosa reuera erat, in homine qui jam à seculo secesserat, cuiusmodi tunc erat S. Hieronimus. Sunt enim singulis institutis & ætatibus, sua studia accommodata. Et quod in aliquo ratione status labe vacat & arri-det; in alio ratione oppositi vitæ generis, meritissimò sordet ac displicet. Qua de re plenius in Opere de iusta confixione librorum parte 1. Erotem 11. Facessant ergo impiæ sannæ ludionis Bataui, aduersus S. Hieronimum ejusque stigmata.

Affinem narrationem suppeditat Eusebius 5. histor. c. ultimo, & Nicephorus l. 4. c. 21. De Natalio quondam Confessore qui persuasus ab Artemonis sectatoribus, ut inter eos Episcopum ageret grandi quæstu proposito, cum à Victore Romano Pontifice idcirco excommunicatus, non cederet veritati; & à Deo per visum aliquoties admonitus obduresceret in suscepta apud Ecclesiæ rebelles dignitate, ad extremum per noctem à sanctis Angelis, flagris egregiè concisus, manè ostentatis Zephyrino Victoris successoris, & vniuersæ plebi Catholicæ plagatum vibicibus, exorauit restitutionem in Ecclesiam.



CAPVT X.

Stigmata S. Huberti.

NON dicuntur hæc stigmata S. Huberti, quod ipsemet ea suo corpore exceperit, sed quod inuocato S. Huberti nomine inferantur, ad conciliandum curationis beneficium quibusdam corpore malè affectis, præsertim rabiosis aut inessis à Satana.

Instrumentum quo huiusmodi stigma imprimi-
tur, passim vocant clauem S. Huberti, nomine ducto
ab impressione & quasi obsignatione, quod erat
olim alterum munus annuli signatorij cum ad clau-
dendum adhibebatur vt eruditè monstrat Lipsius
ad 2. Annal. Taciti, & Georgius Longus tractatione
de annulis signatoriis c. 11. nec non Aloysius No-
uarinus in Electis sacris tit. de sigillo spirituali.
Quia ergo sigilla olim eo quod ad claudendum
adhiberentur, donabantur non rarò nomine *clauis*,
idcirco, id quoque instrumentum quod veluti ad
obsignandum imprimitur parti læsæ, nomine *clauis*
est insignitum, vt philosophatur Ioannes Roberti in
Norationibus ad partem secundam Actorum S.
Huberti c. 3. Quamquam commodiùs fortassis re-
peteretur ea denominatio, ex eo quod vt eiusdem
sancti viri Acta habent parte 1. c. 3. cum is ad al-
tate Principis Apostolorum inauguratus esset Episcopus

copus à Sergio Papa, [Cum ibidem Missam celebraret, apparuit ei B. Petrus Apostolus tradens ei clauem quasi auream in manu gestandam, in potestatem ligandi ac soluendi, & lunaticis furiosisque sanitatem conferendi. Clavis autem ipsa, usque hodie seruatur in Ecclesia B. Petri, Leodij.] Ex eo itaque quod potestas & gratia S. Huberto gratis data ad sanationes, symbolo clavis expressa fuisset, opportunè instrumentum ad ejusdem gratiæ expromptionem accommodatum, nomine *clavis* donatum videtur, tamen si nequaquam formam clavis præfert, sed alicubi formam annuli aut Crucis, alibi aliam.

Quæ Andaini celeberrimo Arduennensis Syluæ cœnobio adhibetur & à Ioanne Roberti q.9. Hubertina *in fine*, subjectâ eius imagine est expressa, ferum est teres atque rotundum, longè aliâ formâ quam clavis. Crassities illi, qualis cycni calamo, longitudo ferè quadripalmaris. Ad vnum extremum, cornu venatorium est duorum digitorum amplitudine, cum suis habenis omnia è ferro. Alterum extremum exacutum, inseritur manubrio ligneo ad faciliorem innoxiamque tractationem. Quod dixi cornu, igni candefactum, religiosè inuocato B. Huberto & eius potestate veluti interpellatâ, imprimitur vulneri hominis alteriusve animalis ab alio animali rabie percito sauciati, si quidem vulnus pateat: si autem non pateat, fronti imprimitur. Dein fronti incisæ frustillum è sacrâ stolâ B. Huberto à Deiparâ transmissâ decerptum immittitur, cute resectâ adoperiendum, ibique perpetuò includendum.

Et cum tot & tanti à tanto tempore accurrant , & segmenta illius stolæ pro singulis carpantur ; inconsumpta tamen semper ad hanc diem perseverat, miraculo sanè insigni, sed non incredibili, vt postea monstrabo. Meminerunt stolæ illius Acta S. Huberti parte 1. c. 3. & ex serico albo, atque auro contextam exhibent. Sic igitur multi Sacro hoc stigmate sanantur interpellato B. Huberto & præscriptis obseruationibus non neglectis qui à rabido animali virus hauserunt, aut eam virulentiam primi conceperunt. Quamquam idem beneficium per ateooccupationem obtinent, quibus stigma inuritur priusquàm virus hauriant. Fiunt enim qui sic notantur, innoxij, etiam si à rabidis animalibus mordeantur.

Trajecti, clauis S. Huberti, est alterius formæ. Est enim formata in Crucis modum. Sic enim lego in Epistolâ Nicolai Crüesen Prioris Patrum S. Augustini in Trajectensi cœnobio, ad Abbatem Andanensem. [Sacra frequenter in honorem gloriosi S. Huberti peruntur, & celebrantur. Plures ex infirmitatibus variis, maximè à febribus ardentibus liberantur. Nonnunquam animalia infirma, & à canibus læsa, adducuntur ; & clauis S. Huberti in modum Crucis factâ, & pane benedicto in honorem gloriosi Sæcti adhibito, juxta fidelium deuotionem curantur.] En igitur S. Huberti, clauem, ad modum Crucis.

Singularis est forma eius clauis S. Huberti, quam Nonucillerij adhiberi proditum est. Clauis est stipite ferreo, ei ferè gemina quod ad stipitem attinet

quam superius, vñ Andaini esse præmisimus. Sed extrema istius, sunt longè alia. Nam excluso cornu quod in illa exhibuimus, hæc tribus ante extremum digitis, sinuato in circulum ferro instruitur. Crux decussatim ex eodem ferro per medium circulum, diametro trium ferè digitorum longum, producitur. Quatuor Crucis bracchia, à centro obliquè, non ad cuspidem aut capulum, sed ad orbis sinum diffunduntur. Supra orbem ac crucem in ipso prorsus extremo, procurrat cuspis duorum circiter hordei granorum magnitudine, quæ cuiusnam sit materiæ, quantumvis varij varia conjecerint, nullus certò videtur assecutus. Ea cuspis in ignem injicitur, prorsusque candefacta vulnèri animalis demorsi ac læsi admouetur, protinùsque virus, spumæ instar cuspidi candenti circumponitur, & cuspidè denuò in ignem coniecta absumitur. Quod autem est obseruatu dignissimum, cum cuspidis illius exile corpusculum, à pluribus jam seculis prunis candentibus immittatur, nulla præter ferri & chalybis ac huiusmodi aliarum materialium morem, detrimenta excipit; sed aduersùs vehementissimùm & edacissimùm elementum, integra prorsus ac imminuta perdurat.

Hæc sunt quæ dicuntur S. Huberti stigmata, quorum jure hoc loco, inter religiosa stigmata meminimus, quia ex munere diuinitùs concessio S. Antistiti Huberto inuruntur, eodem Beato Antistite ritè inuocato; numine benignè suffragante, & acceptam sibi esse sancti sui interpellationem tam multis miraculis prodente. Quod enim ex præmissis liquet, varia horum stigmata adjuncta, sunt

miraculi plenissima. Vt inconsumptio stolæ, cujus fragmenta (vt retuli ,) jam à tot seculis ad vsum curationum frequentissimè decerpuntur , & tamen perstat inconsumpta. Firmitas item cuspidis supra memoratæ, aduersùs ignis vehementiam, non vacat miraculo. Nam quilibet chalybs, aut ferrum, etiamsi decuplo majus, vi ignis jampridem exesum atque absumptum esset, si res naturæ finibus concluderetur. Curationes denique morborum alioqui insanabilium, non possunt non transgredi naturæ fines, & ad aliam causam reuocari, quàm ad numinis beneficentiam, sic se exerentem supra naturæ vires.

Et illa quidem anteriora miracula, ex quibus abundè horum stigmatum sanctitas innotescit, facillimè defenduntur, & certa præstantur. Nam stolæ inconsumptio, quantumvis ex ea subinde aliquid carpatur, multis aliis indubitatis exemplis firmari potest. Omitto indeficientem farinæ hydriam, & olei lecythum ex Eliæ denunciatione, de qua 3. Reg. 17. Geminumque est olei ab Elisæo multiplicati miraculum, nec non paucorum panum è quibus centum viri comederunt, nec eos tamen consumpserunt, vt 4. Reg. 4 proditum est. Nota est in sacris Euangeliiis panum per Christi manum benedictorum inconsumptio, quantumvis è quinque panibus quinque millia hominum pasta & satiata essent, & è septem panibus quatuor hominum millibus superfuisset cibatio vt Matth. 16. memoratur. Crucis Christi lignum, narrante S. Paulino epistola 11. vim viuam tenens in materia insensata, cum innumeris penè quotidie hominum votis commo-

daretur, detrimenta non sentiebat, imputribili virtute & indetribili soliditate. Apud eundem S. Paulinum episto. illâ 11. & apud Sulpitium l. 2. histor. anno Christi 315. narratur de terrâ extremum à Christo calcatâ : quæ cum jugiter à fidelibus sublegeretur, eadem ramen, & perinde ac si contacta non fuisset permanebat. Quod item apud Surium 27. Decemb. habet narratio de mannâ è S. Ioannis Evangelistæ sepulchro nec non de cineribus Amstelredamensibus, coniectâ in ignem diuinâ Eucharistiâ contactis narratio apud Molanum in Natalibus SS. Belgij 16. Martij. Innumera alia exempla prostant in Sanctorum Actis & Christianâ historiâ, multarum rerum diuino munere inconsumptarum, quantumuis aliquid inde ad vsum fidei subtraheretur. Quidni ergo idem in stolâ S. Huberti accidere potuerit, beati illius Antistitis meritis?

Multò frequentius est, vt perstiterint in igne illæsa Sanctorum meritis varia corpora : atque aded quod de cuspide clavis S. Huberti intra ignes diutissimè intemerata referebam, manet à calumniâ immune. Apud Theodorum lectorem l. 2. Collectan. & Nicephorum l. 15. c. 23. nec non Cedrenum in *Anastasio*, suborâ inter duos Episcopos quorum vnus Arianus alter Catholicus erat, contentione; Orthodoxus pyram ingentem vehementissimè succensam subiit : & inde cum Ariano sermonem de fide protrahens, hæsit illæsus ad longum tempus; intactis etiam vestibus. Idem ex simili causâ cum Hæretico Seueriano certans Ephræmius Patriarcha Antiochenus, aggressus est exequi; ta-

metli ignem subire impeditus, duntaxat suam stolam in eum coniecit quæ lignis planè consumptis sublata est prorsus integra, & nullo ignis indicio notata. Rem stuporis refertissimam describit Moschus c. 36. Limonarij. Annuli ex conjectu in ignem planè candentis, à Catholico prorsus illæso collectio, & diutissima in manu asseruatio, describitur à Gregorio Turonensi l. de glor. Confess. c. 14. & affine est exemplum quod recitat l. de gloria Martyr. c. 18. Augustissimum Eucharistiæ Sacramentum, Amstelredami ab ægro cum phlegmatibus ejectum, missumque in ignem, anno 1345. ne candorem quidem exuuiarum panis amisit, ut Molanus in Natal. SS. Belgij scriptis prodidit 16. Martij. De libello S. Dominici in ignibus prorsus inuiolato, videndus Theodoricus ab Apoldia in sancti viri Actis c. 6. Ludo operam, accumulans exempla in re protritâ. Si quem plurium hujusmodi narrationum desiderium tenet, Rosuedium adeat, qui omnino multas collegit l. de fide hæret. seru. c. 12. Quibus perpensis, non poterit mirum videri, quod de clauis Hubertinae cuspide toties in igne candefactâ, semper tamen illæsâ, referebam.

Quamuis autem duo illa quæ prius proponebam miracula, adjunctorum impressionis stigmatis S. Huberti, faciliè propugnentur ad modum prædictum: Tamen curatio morborum consequens stigmatis inustionem, videtur obnoxia calumniæ, spectatis nonnullis quæ variis locis varia obseruari iubentur ab eo qui S. Huberti meritis post exceptum eius signa curationem expectat. V. G. Andaini iubetur

sacram Eucharistiam nouem deinceps diebus accipere, interimque solus dormire; idque vel in linteis recens lotis, vel non depositis vestibus. Vetatur item caput fontibus fluuijsve acclinare ad bibendum, & iubetur solus bibere, vel aquam puram vel vinum album, admistâ aquâ, aut heluolum quod passim *Claretum* appellatur. Interdicitur ei esu carnis ex animali infra anniculum, itémque esu ouorum nisi sint durata, & piscium præterquam squamatorum, ac denique cuiusvis edulij calentis, sed frigidum esse oportet, quicquid assumit in cibum. Vetatur totos quadraginta dies à vulneris inflictione, caput pectere. Hæc Andaini seruari ferunt. Alibi alia præscribuntur, non minùs obnoxia calumniæ. Nam Flinis in Belgio, qui ad S. Huberti memoriam curandus est, accipit imprimis clauum nouum, qui S. Huberti reliquiarum contactu sanctificationem hauserit. Eo clauo, nouem deinceps diebus, tantillum sanguinis è vulnere morsu rabidi animalis illato, prolicitur: & post nonum diem, clauus eò abjicitur, vbi à nemine reperiri queat. Illis verò solemnibus nouem diebus, qui curandus est, vetatur indusium lodicésue mutare, & pectinem vel speculum adhibere, itémque porcinam carnem edere, & de cuiusvis animalis capite degustare, vel panem nisi die vno antiquiorem, aut pisces non squamatos, porros, allia, cepas, & quicquid grauem creat anhelitum. Iubetur solus è suo sibi vasculo bibere, & solus cubitare. NonVvellerij nouendiali illo curationis, præscribitur agro recitatio Orationis Dominicæ, & salutationis Angelicæ; sed ita vt


primo die nouies eam recitationem expleat, secundo octies, tertio septies, & sic deniceps: numero quot diebus minuto. Atreij, qui curandus est, iubetur totos quadraginta dies, locum ubi sint capræ, defugere: & caprinâ carne, lacte, caseo, studiosè abstinere. Hæc omnia nonnihil difficultatis ingerunt circa curationem interuentu stigmatum aut cæsurae interpellato B. Huberto factam. Redolent enim superstitionem.

Probauit diligentia in his ab omni labe purgandis Ioannes Roberti q. 9. Hubertinâ; eaque imprimi profert, quæ à Renato Benedicto altero de S. S. volumine traduntur in vita S. Marculphi, cujus meritis Renatus curationem à scrophularum ægritudine tribuit, variis obseruationibus præscriptis, quæ in eas quas curatio per S. Hubertum exorata deposcit, ferè recurrunt. Nam scrophulis laborantes, nouem dies ad S. Marculphi corpus, certo ritu exigere necesse est, nominatimque seruâtâ à quibusdam cibis abstinencia, ut ab alliis, pisces, carne bubulâ, anguillâ; quorum etiam quædam, per totam deinceps vitam non sunt attingenda. Sunt hæc (ut dixi,) iis quæ in curatione per S. Hubertum expetitâ præscribuntur, propè gemina. Nihilominus quia hoc est duntaxat clauum clauo tradere, & de similibus obseruationibus ad sanitatem à S. Marculpho exorandam præscriptis, posset esse par controuersia, non videtur expleri Lectorû animus, & omnis scrupulus superstitosæ notæ, jure his obseruationibus utrobique præscriptis inflictae, reuelli. Itaque idem Autor totâ q. 9. citatâ, multus est in comprobando

figillatim, nitote obseruationum illarum omnium, earumque elongatione à superstitione : præstâtque illi non incommodè, circa obseruationem nouenarij numeri ; quem in tribus sacris obeundis citra labem vsurpari, monstrare memini in Heteroclitis spiritualibus lib. 1. sect. 2. puncto 2. n. 16. Non incommodè quoque assumit, etiam si curatio per S. Huberti stigma miraculo obtineatur, posse tamen voluntate Dei creaturam suam velut honestantis, adjungi ad miraculi causationem, ad motiones rerum naturalium. Sic enim aquæ pessimæ & steriles 4. Reg. 2. sanatæ sunt, & fœcunditate donatæ, immisso sale. Colocynthides item, farinæ in ollam immissione, liberatæ sunt nativâ malignitate, ex 4. Reg. 4. non quod defuerit miraculum, & effectus in farinæ vim nativam sit referendus omnino, quo pacto molliendus est Vallesius c. 36. Hieroph. sed quod placuerit Deo, vti naturæ ministerio in iis quoque, quæ operatur supra naturam : & nominarim in curatione miraculosâ morborum ; quod docet exemplum Tobia Senioris, cuius cœci oculi, felle piscis liti, sanantur miraculo : & exemplum Naaman leprosi septies in Iordane lauare iussi, ad exorandam miraculo curationem : nec non exemplum Regis Ezechia, positâ super vlcus eius massâ ficorum ab Isaia, persanati. Potuit ergo similiter Deus, in curatione per S. Huberti merita ægris concedendâ, similem corporearum rerum adhibitionem admittere, etiam si curatio ipsa miraculosum quid esset, nec illarum rerum naturalium nudâ admotione præstanda foret : imo vix vllis merè naturalibus

libus remediis speranda esset, vt experimenta faciunt testatissimum.

Valeant ista, quoad magnam partem obseruationum iis præscriptarum, qui beneficio stigmatis S. Huberti plenam sanitatem captant. Secluso tamen omni præiudicio, fortassis nihil est quod adigat, ad omnes illas obseruationes immunes à materialis superstitionis notâ præstandas. Nequè enim vbiquis sunt statæ, aut eædem; sed variis locis variæ; & potuit accidere, vt alicubi pari accuratatione non excuterentur & aliqua adhiberentur, quibus prætermiſſis, negotium purius nec infructuosius perageretur. Neque si illis adhibitis, optatus effectus subjungitur, argumentum idoneum est, puritatis omnimodæ atque nitoris illimis, omnium obseruationum adhibitatum: quia Deus in corda hominum intentus plusquàm in facta, potuit rependere optatum effectum, piæ simplicitati intermiscientium aliquid reipsa supersticiosum, materialiter (vt sic dicam,) non formaliter. Constat sæpè orationes incongruentissimas, Deo piam simplicitatem remunerante & vocum corticem negligente, esse auditas, & oprato effectū donatas. Idem ergo pro obseruationibus aliquibus piis, si fortè à materialis superstitionis illuie expurgari satis non possent, perfugium reliquum esset. Nihil tamen præiudico.



CAPVT XI.

Stigmata S. Francisci.

MINVS sollicitus sum pro eâ S. Francisci stigmatizatione per crucem rubram in dextro humero, quæ facta in eo proditor priusquam baptizaretur; cum ab Angelo specie peregrini aduentante exceptus sinu, & amplexu est honestatus, vt ex multis Autoribus recitat Saluator Vitalis in Floreto Aluernino Lilio. 1. ratione 4. pag. mihi 132. Tamen si enim non sollicito fidem illius narrationis, quæ S. Bonauenturam præterit; habemus tamen in S. Francisco, longè illustriora stigmata, in quæ paulò diligentius inquirendum sequitur; duobus quæ apud aliquos malè feriatos nunc in controuersiam vocantur, ritè discussis atque firmatis. Primum spectat existentiam & veritatem stigmatum S. Francisci. Alterum rationem & formam eorundem stigmatum.

Circa primum punctum, Theodorus Beza in c. 6. ad Galat. tractans illud Apostoli, *Ego stigmata Domini IESV, in corpore meo porto*, obiter infigit genuinum S. Francisco, dicens. [Vocat igitur (Apostolus) stigmata, non horrendi illius stigmatici idoli, seu vera seu fictitia vulnera: nihil enim interest, quanquam fictitia esse satis constet; sed ea quæ commemorat 2. Corinth. 11.] Hæc spurcus Beza

omnibus terris notis iniustus, cui S. Franciscus est *idolum stigmaticum horrendum*; eius verò vulnera, *figmenta*. Si percontete Bezam, vnde habeat hæc esse fictitia vulnera, deque eorum figmento satis constare; nihil habebit quod alleget; non auctoritatem; non rationem; non indecentiam, multò minùs impossibilitatem. Itaque satis constat hæc esse fictitia vulnera; quia id sibi fingit Beza: cuius impietatis ac petulantia in vitum sanctissimum, hæres ex asse euasit Philippus Mornæus in retro Opere quod inscripsit *Mysterium iniquitatis* pag. 345. Narrationem hanc de S. Francisci stigmatibus *fabulosum portentum* appellat Balæus Scriptorum omnium vt miserrimus; ita & impudentissimus in Catalogo Scriptorum Angliæ in Appendice ad num. 37. Centuriæ tertiæ. Extra apertè hæreticos ac impios, Pomponatius l. de Incantat. c. 6. in *propositione Octauij dubij*, hæret aniceps, an S. Franciscus sacris hisce stigmatibus sit insignitus. Nuperimè quoque, fortia quædam ingenia sub nomine Catholico occultentia indignam Ecclesiæ filiis caprositatem, sacris B. Francisci stigmatibus obstrepuerunt, vt refero in Antemurali ad historiam S. Ioannis Benedicti. Præiuerat his omnibus quidam F. Euehardus Ord. Prædicatorum, quem Gregorius 9. in rescripto dato anno 1237. testatur Opantinæ in Moravia pro concione dixisse, quæ de S. Francisci stigmatibus jactabantur, commenta esse quæstuariorum, cum reuera nihil tale fuisset in S. Francisci corpore,

Contrarium piis Catholicis est vsquequaque cer-

tum, ita vt sine horrenda temeritate reuocari in dubium nequeat. Nam ita explicatissimè tradiderunt, & contradicentes multandos decreuerunt Gregorius 9. dicto rescripto dato Viterbij anno 1237. affirmans veritatem factorum S. Francisci stigmatum, à se esse comprobata, per testes omni exceptione majores. In alio item diplomate ibidem Viterbij conscripto 2. Cal. Aprilis Pontificatus sui anno 11. præfatus merita S. Fracisci adeò fuisse perspicua, vt neminem fidelium laterent, addit. [Veruntamen grande ac singulare miraculum quo ipsum Sanctorum splendor & gloria Dominus I E S V S Christus mirabiliter decorauit, Vniuersitati vestræ tenore præsentium non indignè duximus exprimendum: Videlicet, quod idem Sanctus cum adhuc spatium præsentis vitæ percurreret, & postquam illud feliciter consummauit, manibus, latere, ac pedibus, specie stigmatum diuinitus exitit insignitus: quo ad nostram & Fratrum nostrorum deducto notitiam, & cum cæteris eiusdem miraculis per testes fide dignissimos probato solemniter, ex ipso specialem causam habuimus quod Confessorem eundem de dictorum Fratrum & omnium Prælatorum consilio qui tunc apud Sedem Apostolicam existerant, Sanctorum Catalogo duximus adscribendum. Igitur cum id ab vniuersis fidelibus & vobis præcipuè, credi firmiter cupiamus, deuotiones vestras rogamus & hortamur in Domino I E S V Christo, in remissionem vestrorum peccatorum injungendo, quatenus ab assertione contrarij, aures de cætero penitus auertentes, Confessorem eundem apud Do-

minum, pia vobis reddatis veneratione propitium.} Sic ille ad vniuersos Christi fideles per Teutonium constitutos. Idem in alio diplomate cuius initium est *Seraphim volabant juxta prophetiam*, interminatur anathema oblocutoribus, hæc sacra stigmata carpentibus. Explicatiùs etiam, eiusdem Gregorij tunc domesticis obsequiis addictus, & ipsi S. Francisco familiaritate coniunctus Alexander 4. constitutione edita anno 1255. cuius exordium est *Benigna operatio* multa prælocutus de S. Francisci virtutibus & prærogatiuis ac miraculis; per Gregorium 9. solemnissimis inquisitionibus, (sic enim loquitur,) ritè debitéque comprobatis, subdit quæ inter sit audire ad huius prodigij introspectionem [signanter (inquit,) vobis ante oculos proponere volumus, recolenda: frequentius, & vehementius admiranda illa satis iucunda dominicæ passionis insignia, quæ in eiusdem Sancti corpore, dum adhuc vitali spiritu foueretur, manus cœlestis operationis impressit. Viderunt namque oculi fideliter intuentes, & certissimi contrectantium digiti palpauerunt, quod in manibus eius & pedibus, expressâ vndique similitudine clauorum, de subiecto propriæ carnis excreuit, vel de materiâ nouæ creationis accreuit. Quæ equidem idem Sanctus, studiosè ab oculis hominum quorum refugiebat gloriam, dum viueret, abscondebat. Inuenta est patentiùs in ipsius defuncti corpore non inflicta humanitùs, nec facta plaga vulneris lateralis, quasi aliquod instar lateris Saluatoris, quod redemptionis & regenerationis humanæ in Redemptore nostro protulit Sacramentum. Quæ

quidem plaga, sicut quosdam ex Fratribus sibi familiariter adhærentibus latere non potuit, propter defluxum humoris, diu antea viruerat in viuento.] Ita Alexander Pontifex, sibi comperta referens.

Sed & Lucas Tudensis Episcopus, qui altero vel tertio à S. Francisci obitu anno scribebat l. 2. contra Albigenfes c. 11. S. Francisco immensum pangens præconium, eius stigmatibus egregiè attestatur; & ex eis, nonnulla improbata placita de latere Christi vulnerato, & numero clauorum refellit. Iuuerit eius plagulam attexere. [Illud (inquit,) Beatissimi Patris Francisci, cuius humilitate & simplicitate sanctissimâ, Deus nostris temporibus mundi contriuit superbiam, & scientiam reprobauit, qui stigmata I E S V Christi in suo gestauit corpore, specialiùs ad fulciendum testimonium veritatis in medium profetamus, &c. Enimverò vt in eius sacra reperitur legendâ, & multorum Religiosorum, Clericorum, Laicorum, & secularium qui manibus contrectare meruerunt, vel corporeis oculis ante quinquennium aspexerunt, pium perhibet testimonium; in manibus & pedibus B. Francisci, quatuor apparuerunt signa clauorum; in Christi milite, demonstrantia perfectam de luctamine mundi victoriam, & sui Regis I E S V Christi sequelam.] Alia multa ibidem in hanc rem habet, ad formam potiùs stigmatum spectantia.

F. Elias qui S. Francisco successit, literis ad Ministrum Franciæ datis anno 1226. statim à S. Francisci obitu sic scribit. [Non diu ante mortem; Frater, & Pater noster apparuit crucifixus, quinque

plagas, quæ verè sunt stigmata Christi, portans in corpore suo. Nam manus eius & pedes, quasi puncturas clauorum habuerunt ex utrâque parte confixas, referuantes cicatrices, & clauorum nigredinem ostendentes; latus verò eius lanceatum apparuit, & sæpè sanguinem euapotauit.]

S. Bonauentura, domesticus quidem testis, tamè omni exceptione major, ea profert pro veritate stigmatum S. Francisci, quibus ineluctabiliter firmentur. Ita enim habet c. 13. vitæ. [B. Francisci stigmata, viderunt dum viueret, fratres plurimi, qui licet essent propter sanctitatem præcipuam, viri per omnia fide digni, tamen ad omne dubium amouendum, sic esse, ac se vidisse tactis sacrosanctis, iuramento firmarunt. Viderunt etiam ex familiaritate quam cum viro sancto habebant, aliqui Cardinales, laudes sacrorum stigmatum prosis, & hymnis, & antiphonis, quas ad ipsius ediderunt honorem, veraciter inferentes; qui tam verbo quàm scripto, perhibuerunt testimonium veritati. Summus etiam Pontifex Dominus Alexander, cum populo prædicaret, coram multis fratribus & meipso, affirmauit; se, dum sanctus viueret, stigmata illa sacra, suis oculis conspexisse. Viderunt in morte plusquàm quinquaginta fratres, virgòque Dei deuotissima Clara cum cæteris sororibus suis, & seculares innumeri, ex quibus (quemadmodum suo loco dicitur,) quamplurimi & osculati sunt ex deuotionis affectu, & contrectauerunt manibus ad testimonij firmitatem.]

Quid quod longè antè quàm S. Franciscus factis

stigmatibus insigniretur, ac etiam prius, quàm ordinem Minorum constitueret; & ut aliqui volunt, antequàm haussisset hunc aërem, sacris stigmatibus impressis insignitus, ac habitum Minorum indutus, Veneriis in æde S. Marci exhibitus est à pictore, ductu Ioachimi Abbatis, ut scribitur in Menologio Cisterciensi 20. Augusti, ubi autor Ioachimum facit Cisterciensem. Curatij Abbatem, quamvis Trithemius faciat Benedictinum & Abbatem Florensem, qualis etiam agnoscitur ab Innocentio 3. cap. *damnamus* de summa Trinit. & fide Catholica. Et quamvis eo capite *damnamus*, salvo honore personæ, imptobantur quæ Ioachimus scripserat contra Petrum Lombardum; tamen non videtur negandum, quin Ioachimus & vir admodum pius, & spiritu prophetico donatus in plerisque fuerit, ut agnoscit Gulielmus Paris. l. de legibus c. 111. & Arnoldus Vvion in ligno vitæ lib. 5. c. 86. ac Bivarius in Appendice ad Fl. Dextrum. Quod ergo Ioachimus, spiritu prophetico S. Franciscum nondum tunc orbi agnitum, nec stigmatis notatum, pingi curaverit cum stigmatibus, argumentum est non leve, pro factorum eius stigmatum veritate.

Refert quoque Baptista Mantuanus, in Apologia pro Carmelitanis, F. Angelum sui Ordinis Martyrem, spiritu prophetico illustrem, cum Romæ incidisset in B. Franciscum, à quo ad pedes accidente audiuit futurum suum Martyrium, vicissim ei reposuisse: *Beatus tu Francisce, qui Christi stigmatibus es decorandus*. Affuisse huic colloquio B. Dominicum firmat idem Mantuanus, addens non habere F. F.

Minores pro B. Francisci stigmatibus, testimonium aliud magis idoneum. Mihi sufficit dicere, esse testimonium apprimè idoneum & efficax.

Cui hæc satis superque ad horum stigmatum assertionem stabiliendam non fuerint, eadem ceruicofitate & duritiâ animi, plura repudiabit. Itaque abstinence cumulatione plurium, quæ legere licet apud Leonardum Cocquæum in Antimornæo, in antidoto contra progressum quinquagesimum, ac etiam apud Vvadinghum t. 1. Annal. Minor. anno 1224. à numero 15. & apud Arturum à Monasterio, in Martyrologio Franciscanorum ad 17. Septemb. Itaque haud abs re Leo X. in Bulla quæ dicitur *unionis*, dixit S. Franciscum esse alterum Angelum, ascendentem ab ortu solis, habentem signum Dei viui. Et præiuerat S. Bonau. in prologo Legendæ Majoris, alique longo agmine adducti in Floreto Aluernino Fratris Saluatoris Vitalis Hyacintho 4. Quod autem hunc sensum loci Apocalypscos, EymERICUS 2. p. Director. q. 11. damnare videtur hæreseos, floccifaciendum est; cum saltem in sensu accommodatitio locus ille, post tot Doctores Catholicos, ipsūque Pontificem, ad eum modum accipi possit.

Nunc forma sacrorum B. Francisci stigmatum, attingenda est, iis additis ad jam prolata ex Alexandro quarto oculato teste, quæ habet S. Bonauentura in vitâ S. Francisci c. 13. Narratâ enim visione Christi, specie Seraphini B. Francisco objecti, subdit S. Bonauentura. [Disparens igitur visio, mirabilem in corde ipsius reliquit ardorem: sed & in carne

non minùs mirabilem signorum impressit effigiem. Statim namque, in manibus eius & pedibus, apparere cœperunt signa clauorum ; quemadmodum paulò antè, in effigie illâ viri crucifixi conspexerat. Manus enim & pedes in ipso medio clauis confixæ videbantur , clauorum capitibus in interiori parte manuum , & superiori pedum apparentibus, & eorum acuminibus existentibus ex aduerso. Erantque clauorum capita in manibus & pedibus rotunda & nigra. Ipsa verò acumina , oblonga, retorta, & quasi reperiussa, quæ de ipsâ carne surgentia, carnem reliquam excedebant. Dextrum quoque latus quasi lancea transfixum , rubrâ cicatrice obdutum erat, quod sæpè sanguinem sacrum effundens, tunicam & femoralia respergebat.] Affinia ante S. Bonaventuram scripserat, eiusdem cum S. Francisco temporis Scriptor , Lucas Tudensis l. 2. contra Albigenes c. 11. Rursus verò idem S. Bonaventura ibidem c. 15. [Cernebantur quidem in membris illis felicibus , clauis ex eius carne virtute diuinâ mirificè fabricati ; sicque carni eidem innati, quòd dum à parte quâlibet premetentur , protinùs quasi nerui continui & duri , ad partem appositam resultabant. Inuenta quoque fuit patentius, in ipsius corpore non inflicta humanitùs, neque facta plaga vulneris lateralis, instar vulnerati lateris Saluatoris, quod redemptionis & regenerationis humanæ in ipso Redemptore nostro protulit Sacramentum. Erat autem similitudo clauorum , nigra quasi ferrum ; vulnus autem lateris rubeum , & ad orbicularitatem quandam , carnis concisione redu-

ctum ; rosa quædam pulcherrima videbatur.]

Neque illud circa formam stigmatum S. Francisci prætereundum videtur , quod à S. Antonino scriptum memini 3. p. chron. tit. 24. c. 7. §. 9. inter carneos illos aut nerveos clauos & carnem, quotidie præterquam sextâ feriâ , apposita fuisse linteola, ad sistendum & combibendum manantem assidue sanguinem, ac leniendum viri Sancti cruciatum. Tradunt idipsum varij Scriptores Ordinis minorum appensi à Vvadingho anno 1224. num. 17. malè refragantibus Baltazare Corderio in additamentis ad Catenam Græcorum Ioan. 20. & Vincentio Iustiniانو Antistio libello de Imag. B. Catharinæ Senensis §. 8. quorum ille existimat S. Francisci stigmata fuisse tantùm cicatrices obductas , non fissuras, quales in Christo confixo fuerunt. Hic verò pictorum licentiæ tribuit, quod exhibeant in S. Francisco, quasi excauata foramina. Et vterque labitur ; cùm ex omnibus adductis constet , stigmata S. Francisci, similia fuisse stigmatibus Christi confixi ; ita vt clauis carnei aut nervei , intra cavitatem manuum ac pedum, ab illis clavis discontinuam, reperirentur. Tolerabilius est , quod idem Iustinianus tradit , ex manibus ac pedibus nunquam fluxisse sanguinem. Hoc dico esse tolerabilius ; quia quamuis graues plerique DD. memorati, contrarium affirmant ; tamen Alexander 4. & F. Elias S. Francisci successor , ac S. Bonauentura , nunquam meminerunt sanguinis aliunde in B. Francisco stillantis , quàm è plagâ lateris. Nihil tamen muto, cùm hoc argumentum sit tantùm ab autoritate negatiuâ paucorum.

Pergo ad causam efficientem stigmatum S. Francisci, in quâ variatum est sententiis. Michaël Montanus l. 1. speciminum c. 21. refert fuisse qui dicerent, S. Francisci stigmata, obtigisse illi ex validâ imaginatione. Idipsum Monspelij non ita pridem docuit Medicus cœteroqui non imperitus rubricarum Galeni, sed ex eo Medicorum genere, quibus si Deus est, decernitur colendus, sin minùs, prætereundus. Sanè hic ipse *Saporta* (id viro nomen,) non erubuit chartis illinere luculentam blasphemiam, de Lazaro non defuncto, sed tantùm lethargico; quod fuit mentitionem Christo ipsi impingere, qui Lazarum fuisse mortuum, est contestatus. Sed sic habent ingenia Synagogæ libertinorum. Et justo Dei judicio, haud ita multò post lethargo oppressus obiit, qui illustrissimum Christi miraculum, lethargico symptomate quod Christus discusserit, obscuratum voluit, ut retuli in Prato spirit. §.

Meliore haud dubiè mente, idem de causâ stigmatum S. Francisci, pronunciauit Franciscus Petrarca. Meliorem in isto mentem agnosco, quia lib. 2. de vitâ solitar. c. 11. vocat stigmata S. Francisci, *stupendum insigne sacrorum stigmatum*. Scribit etiam Vvadinghus anno 1224. n. 20. penes se esse Manuscriptum præconium metricum stigmatum S. Francisci ab eodem Petrarcha exaratum. Hic tamen tantus laudum S. Francisci & stigmatum eius buccinator libro 8. Epistolarum senilium in tertiâ quæ est ad Thomam de Garbo Medicum Florentinum, agens de viribus imaginationis, aut (ut ipse loquitur,) *opinionis*. [Profectò (inquit) Francisci

stigmata, hinc principium habuere, Christi mortem tam jugi & validâ meditatione complexi vt cùm eam in se jamdudum animo transfulisset, & cruci affixus ipse sibi suo cum Domino videretur, tandem ab animo in corpus veram rei effigiem, pia transferret opinio.] Pomponatius item l. de Incantat. c. 6. ad. 8. fatetur stigmata S. Francisci, posse ad vim naturalem imaginationis reuocari, & ita esse affirmandum, nisi Ecclesia aliud statuat.

Hæc tamen imaginatio, prorsus friuola est & exhibilanda. Nam quamuis verum est, imaginatione nonnulla interdum per sympathiam effici in nobis, quæ à temperie pendent; eaque etiam ex causa fœtus maternâ aluo conclusus, qui matri intimus est, & vnum quid cum eâ facit, variè plerunque afficiatur, & notis corporeis imaginante matre consignetur: Tamen fixo sapientum omnium consensu, & manifestâ ratione, prohibemur cum quibusdam erronibus adedè delirare, vt imaginationi adscribamus effectus planè extraordinarios; cuiusmodi sunt tempestates & pluias profusas ciere, fascinare, sanare, loco dimouere, & huiusmodi alia præstare, quæ per imaginationem effici, nonnulli malè feriat effutiuerunt, jure explosi à Delrio l. 1. Magic. c. 3. q. 3. & à Condrincho l. 2. de morbis veneficis c. 1. Similia adducam contra blaterones illos, qui notas maleficorum Satanicas, ad imaginationem referunt, cum sagarum patrono Vviero. Multò magis ergo prohibemur, stigmata S. Francisci, opus adedè excelsum ac stupendum, in vires naturales imaginationis referre. Et multi sanè, contentissimè & feruentissi-

mè sacra Christi vulnera sunt meditati, quibus tamen stigmata qualia S. Franciscus habuit, minimè obtigerunt. Quod si reuera S. Franciscus, stigmata ab imaginatione validâ passionis Christi habuisset, certè Deiparam, & S. Ioannem, ac B. Magdalenam, quibus vulnera Christi è propinquo spectare, & validè imaginari datum est, insigniri similibus stigmatibus oportuisset.

Extra omnè igitur dubium statuamus; stigmata S. Francisci fuisse opus Dei supra naturam. Quamquam controuerri potest, fuerintne hæc stigmata immediatum Dei opus; an verò iussu ac decreto Dei per Angelum quempiam sint impressa, juxta modum agendi diuinum, adhibendi Angelos tanquam administratorios Spiritus; ad ea quæ per illos effici possunt; etiam si plerunque, quia operantur in personâ Dei, aut Christi, dicatur Christus aut Deus, talia operatus. Hanc autem sacrorum stigmatum impressionem, in B. Francisco factam; non excedere vim Angelicam, motu locali & actiuorum idoneorum applicatione ad passiuam operantem, pono ut perspicuum. Itaque Angelum Michaellem S. Francisco stigmata impressisse, affirmat Blasius Viegas in c. 12. Apocal. comment. i. sect. 18. n. 8. Tunc enim cum S. Franciscus stigmata excepit, fuerat cultui S. Michaelis impensè addictus, ejusque quadragesimam piè obiuerat. Verisimile ergo est, S. Michaellem in persona Crucifixi; & ipsius Christi nomine, apparuisse S. Francisco, & illi impressisse sacra stigmata. In contrarium vrget Lucas Vadinghus t. 1. annal. Minor. anno 1224. n. 16. officium

Ecclesiasticum de S. Francisci stigmatibus, quo disertè asseritur, Christum stigmata impressisse S. Francisco. Urget item ipsiusmet S. Francisci reuelationem, qui prodidit Christum sibi stigmata benedictis suis manibus impressisse, primùm manibus, tum pedibus, ac denique lateri. De eâ reuelatione latè Pisanus l. 3. conformit. parte 2. fructu 3. & benè multi apud Saluatorem Vitalem in Floreto Aluernino rosa 33.

Cœterùm vltro concedo, piè asseri Christum ipsum immediatè suismet manibus, S. Franciscum signis hisce redemptionis nostræ honestasse. Pro neutra tamen parte, stat liquida veritas. Nam Deus in Officio Ecclesiastico dicitur dedisse legem Moyssi: & tamen Apostolus, docet legem *ordinatam*, idest *traditam* esse per Angelos. Et sexcenta occurrunt alia, in quibus Angelus in personâ Dei pleraque obit, quæ Deo tribuuntur, quamuis immediatam causam physicam effectricem habeant Angelum. Potuit ergo in hoc item negotio, Angelus stigmata imprimere B. Francisco: & tamen dici Christum ea impressisse, quia Angelus nomine Christi & in eius personâ operabatur. Vtrumvis dixeris, nihil de factorum huiusmodi stigmatum venerabilitate, nihil de terrestribus huius Seraphini gloriâ decedit.

Finem impressorùm S. Francisco sacrorum stigmatum, piæ commentationi fidelium à Deo permis- sum, assignare liceret multiplicem. Nimirum ve hoc esset pignus exquisitæ similitudinis, quam vir hic sanctissimus cum Christo cruci confixo viuens habuit. Item vt hoc veluti sigillo, obfignetur ad

fidem omnibus faciendam, quàm magna sint erga sanctos suos opera Domini, exquisita in omnes voluntates eius. Ecclesia in Oratione diei qua horum factorum stigmatum impressionem recolit, cum assignat impressionis illius finem, ut frigescente mundo, corda mortalium diuini amoris igne inflammarentur. Quam causam pulchrè attigit in Staurosticho Franciscus Picus. Describit enim Christum & Satanam, contrariis studiis circa genus humanum actos. Et illum quidem conantem coelestes ardores excitare; hunc verò de iisdem restinguendis satagentem. Tum subdit.

Placuit concire fideles,
Sapiùs atque magis, quo frixit inertia mundi.
Propterea Affixus nimio calefactus amore
Retulit effossis flammantia stigmata membris,
Franciscus: pauper terris, ditissimus aula
Principis atherij, perrari signifer Agni.

Quàm porrò Christus hâc benignitate sanctum suum mirificauerit; quò inquam decora S. Francisci per stigmatum Christi impressionem sint prouecta, nemo satis explicet. Ego adscribere vnius & alterius recentiorum Poetarum pium sensum contentus, cœtera sacris cogitationibus benè etga coelitem Sanctissimum affectorum, permittam. Franciscus Benciùs Societatis I E S V, patronum suum his vocibus metricè est affatus, ut est apud Bosium 15. de signis c. 3.

Sancte


*Sancte Patrum spirans Christi expirantis imago ,
 Tempore quam nullo deleat vlla dies.
 Quas etenim fers ipse manus, fers ipse, pedesque,
 Has tulit ille manus, hos tulit ille pedes.
 Nec minus & teli transfixum cuspide pectus
 Quale tibi patulo pectore vulnus hiat.
 Cuncta estis similes ; Illum qui forte verentur
 Reddere, te similem cur imitentur habent.*

Scitè quoque piè Horatius Turfellinus adductus
 ab Antonio Posseuino Tract. de Poësi c. 18.

*Exue Franciscum tunica , laceròque cucullo ,
 Qui Franciscus erat , jam tibi Christus erit.
 Francisci exuviis si quâ licet , indue Christum ;
 Iam Franciscus erit , qui modò Christus erat.
 Quid cœlestis amor non audea ? Fingis amantes
 Arte nouâ , effigies ut sit amantis , amans.*

Hæc tamen non eò pertinent , ut cum aliquibus
 ineptiamus , asserentes B. Franciscum receptis stig-
 matibus tam similem Christo euasisse, ut si vterque
 Deiparæ occurrisset , vix ac ne vix quidè m primo
 aspectu fuisset ab eâ internoscendus. Ita ex vulgari-
 bus quibusdam (ut ait,) Poëtis, refert Vincentius
 Iustinianus Antistius in disputatione pro imagini-
 bus B. Catharinæ Senensis §. 10. Et addit aliam
 non minùs insulsam hyperbolem, cuiusdam alterius
 improvidi buccinatoris laudum S. Francisci , quem
 asseruisse ait , tantam esse similitudinem corporis

Christi & corporis S. Francisci stigmatibus insigniti , vt nisi lumen gloriæ auertisset errorem, anima S. Francisci cœlum subiens , insinuatura se fuisset in Christi corpus , rata esse corpus suum , ob summam vtriusque similitudinem. Nugæ , nugæ , ne plus addam. Non fuit timendus error ille , in tantâ adhuc vtriusque corporis dissimilitudine , & quidem vnius viuentis ac dotibus gloriæ cumulati in cœlo ; alterius (quod S. Francisci animam non latebat ,) expectantis in tumulto beatam spem & aduentum gloriæ magni Dei , qui suscitabit mortua corpora nostra. Itaque sobriè sapiendum est , & ita celebrandus omni elogio superior S. Franciscus , vt tamen ineminerimus , honorem Sanctorum iudicium diligere.



CAPVT XII.

Stigmata B. Catharinæ Senensis.

HORVM stigmatum assertio , nititur suffragatione Raymundi Capuani , viri sanctitate & doctrinâ præstantis , qui Diuæ Catharinæ , pro conscientiæ arbitrio , & in spiritali vitâ moderatore , diu fuit. Refert ergo Raymundus , B. Catharinam cum Pisis esset , & ante Christi de cruce pendentis imaginem precaretur , sumptâ communionem ab ipso Raymundo ,

raptam in extasim; ubi ad se reuersa est, aduocato ad se eidem Raymundo, dixisse. [Noueris, quod ego stigmata Domini mei I E S U, in corpore meo porto.] Interroganti autem Raymundo, quomodo id factum esset, respondit Virgo. [Dominum meum vidi Crucifixum, super me magno lumine descendentem. Propter quod ex impetu mentis volentis suo Creatori occurrere, corpusculum coactum est sese erigere. Tunc ex cicatricibus sacratissimorum suorum quinque vulnery, vidi radios sanguineos in me descendere; qui ad manus, pedes, ac latus, mei tendebant corpusculi. Aduertens mysterium, continuo exclamaui. Ah Domine Deus meus, non appareant cicatrices in corpore meo exterius. Sufficit mihi eas interiùs habere. Adhuc me loquente, antequàm dicti radij peruenissent, colorem sanguineum mutauerunt in splendidum; & in formâ puræ lucis ad quinque loca corporis mei, scilicet manus, pedes, & cor ad latus sinistrum peruenerunt.] Interrogantè rursus Raymundo, & Virginem sciscitante, an aliquo dolore in locis illis cruciaretur; respondit post grandè suspirium pia Virgo. [Tanta est dolor quem in omnibus quinque locis, ac præsertim circa cor perpetior, vt nisi Deus nouum miraculum efficeret, jampridem è vitâ abiissem.] Itaque stigmata B. Catharinæ, aliorum obtutibus planè imperuia fuerunt, vt juxta votum suum cruciatibus Christi participaret, absque discrimine fumi vanitatis.

Quod autem non modicè firmat veritatem stigmatum huius Diuæ; Senenses etiamnum, religiosè

asseruant simulachrum illud Christi de cruce pendens, ante quod B. Catharina precabatur, cum est inusta stigmatibus: & vexillum ejusdem imagine decorum cui sacra stigmata sunt appicta, in publicis supplicationibus circumferunt. Ibidem Senis in templo S. Dominici cui à *Campo regio* nomen, habetur imago B. Catharinæ stigmatibus insignitæ, astante Pio 2. Romano Pontifice Senis oriundo, qui Virginem digito monstrans, his eam versibus affatur.

*Quem latet virtus facinûsque clarum,
Quo nequit dici sanctius per orbem,
Vulnerum formam miserata Christi
Expressis ipsa.*

Idem Pontifex, in alio huius civis suæ elogio metrico, sic canit.

*Pane refecta sacro, cœlesti pane salutis
Illa Crucem memori portans sub pectore semper
Stigmata passa fuit, dictu mirabile Christi.*

Astipulantur iisdem B. Catharinæ stigmatibus, Antonius à Pegna, Ioannes Micon, Vincentius Iustinianus Antistius, omnes Ordinis Prædicatorum, libris de hoc argumento conscriptis; nec non Ambrosius Lancelotus Catharinus cognomento *Politius*, in notis ad opus Raymundi Capuani de vita B. Catharinæ, Thomas Truxillo sermone de eâ, Nicolaus Manerbius in vitâ eiusdem, Ioannes Pinus

in illustrium fœminarum Catalogo, Constantius Felix in Ephemeride historicâ, Robertus de Licio Ord. Minor. Episcopus Aquinas serm. de hac S. Virgine, Alphonsus Villegas parte 2. historiæ sanctorum, Francisquinus Vicecomes serm. in Parascœue, Gulielmus Pepin Ebroicensis Ord. Prædic. Oratione de B. Catharinâ, qui diuinum quoque suffragium pro hac veritate profert, ex infelici & repentino obitu, variorum qui aduersus hæc sacra stigmata oblatrant: quos inter vnum memorat, cum ad declamitandum aduersus hæc stigmata procederet, priusquam suggestum iniret, fulmine obrutum esse. Duos item iuvenes refert, Lutetiæ cum imaginem B. Catharinæ in D. Eustachij. templo prostantem, erasis stigmatibus dehonestassent, ante quam diei illi nox succederet, in Sequanâ amne, diuino iudicio extinctos esse. Alios in eadem stigmata verbis petulantibus bacchatos, priusquam annus euolueretur, infelicitè à virâ excessisse, confirmat idem Pepinus, eâ quam retuli oratione, habitâ anno 1529. Ioannes item Micon laudato Opusculo de imagine B. Catharinæ ad Sângenesium Cartusianum anno 1552. conscripto, testatur, Lutetiæ anno 1514. Monachum quendam stigmatum B. Catharinæ allatratorem ac erasorem, malè periisse, adedò manifestâ Dei ultione, vt continuò Regius Senatus seuerè interdicendum censuerit, quâcunque sacrorum illorum stigmatum violatione. Nuper denique in Breviario Romano, cum Sacræ huius Virginis festiuus cultus sub ritu Officij semiduplicis præscriptus esset, in lectionibus secundi No-

sturni, mentio est facta, factorum huiusmodi stigmatum.

Adversus adeò testatam stigmatum B. Catharinæ veritatem, insurrexere nonnulli; ut Frater Samuel à Cassinis, cuius Opusculum hoc titulo prænotatum, refertur à Ioanne Neuizano l. 1. Sylvæ Nuptialis num. 166. [Quod non est possibile, aliquam mulierem, licet sanctissimam, recipere stigmata, prout habuit S. Franciscus.] Sed iste profectò non sapiebat. Quæ enim vel umbra repugnantia adduci potest, quominus idem cœlestis fautor qui B. Franciscum stigmatis Christi insigniuit, præcipiam foemina, Dei benignitate obtingat? Apud Deum, ex Apostolo ad Gal. 3. non est masculus aut foemina. Apagè ergo solidam exerrationem, iura diuinæ beneficentiæ & potentiæ minuentem, dum extimescit ne violentur iura S. Francisci: & quod in eo tanquam singulare prædicatur, commune cum aliis fiat. Neque tamen assertionem stigmatum B. Catharinæ, decus quod re vera fuit S. Francisco singulare eum ea communicatur. Nemo enim affirmat, B. Catharinam fuisse insignitam stigmatibus conspicuis sanguine manantibus, & clavos peruecos aut carneos manibus ac pedibus immisos habuisse, quales in S. Francisco supra descripsimus. Vnde S. Antonius 3. p. Chronic. tit. 24. c. 1. §. 3. hoc recenset tanquam singulare S. Francisci decus, nemini Sanctorum concessum; quamvis fateatur referri de quibusdam deuotis personis, quod absque corporali impressione vulnerum, magnum dolorem quasi vulnerum, senserint in manibus, & pedibus,

ac latere. Quod an cum plerisque narrationibus c. sequenti referendis consentiat, viderint alij. Nunc satis esto, stigmata quibus insignitam B. Catharinam docent, qui pro eis sobriè satagunt, longè alterius fuisse rationis, quàm stigmata impressa S. Francisco, atque adeò vniuersam Fratris illius Samuelis arietationem contra B. Catharinæ stigmata, cassam concidere.

Apparentius aliqui aduersus ea, intenter decreta quorundam Pontificum, vt Sixti quarti, & Innocentij Octauj. Nam Sixtus anno 1475. in Bullâ cuius initium est, *licet dum militans*, sub anathemate vetuit, vllius cœlitis imaginem præterquam S. Francisci, pingi appositis stigmatibus: & quotquot ad eam diem sic depictæ essent, intentato similiter anathemate, vt intra annum eraderentur, mandauit. Item multandos anathemate sanxit, quotquot scriberent, aut pro concione affirmarent, decus illud factorum stigmatum, alteri cuiuspiam Diuorum, aut Diuarum cum S. Francisco fuisse commune. Postmodum quidem idem Sixtus, in rescripto ad Leonardum de Perusio Generalem Prædicat. pœnas omnes priori diplomati adhibitas, irritas fecit anno 1478. decretum tamen ante latum, mansit incolume. Alio item decreto Innocentius 8. anno 1490. dato ad Ioachimum Turrianum Generalem Prædicatorum, sub anathemate vetuit, ne deinceps stigmata B. Catharinæ appingerentur. Quid quod Generale Capitulum Ord. Prædicatorum Perusiæ habitum, maturo & longo habito consilio, (sic enim Patres illi testantur,) sub gra-

uissimis censuris ac pœnis interdixerunt , *Ne de cætero S. Catharina cum stigmatibus depingatur ; nève de eius stigmatibus fiat verbum, aut sermo, vel prædicatione , ad tollendam omnem scandali occasionem.* Quam Patrum illorum obedientiam , valdè commendat Sixtus I V. ex cuius rescripto allegato , prædictum Capituli Dominicanorum decretum descripsi. Videntur igitur conclamata B. Catharinæ sacra stigmata ; quandoquidem & iudicio Ecclesiæ proscribuntur , & autoritate domesticorum eiusdem Diocesis , quorum maximè interfuit pro hâc eius prærogatiuâ satagere.

Hunc nodum , quoad Pontificum dicta circa hoc negotium pugnantia, Melchior Canus l. 5. de locis c. 5. pag. mihi 320 ita expediuit, vt in aduersarios, ac in ipsos etiam Pontifices difficultatem retorserit. Dixit enim , stigmata B. Catharinæ quæ Sixtus 4. ex Ordine Minorum assumptus rejecit , ab alio Pontifice esse comprobata. Haud dubiè à Pio 2. Senensi , atque adedò ciue B. Catharinæ , vt supra vidimus. Post Canum quoque , Clemens 8. anno 1599. edito hâc de re diplomate, Franciscanos in B. Catharinæ stigmata malè animatos , repressisse narratur. Nam diploma eâ de re datum, in vulgaribus Bullarum Pontificiarum collectionibus non compareret. Videri igitur possunt, Pontifices in hâc causâ collisi : Atque adedò etiam si vnus aut alter Pontifex, stigmata B. Catharinæ abrogauerit , salua manent hujus Diocesis jura, ob assertionem aliorum Pontificum, quos in re facti & ad fidem non pertinente, inuicem fuisse contrarios , nihil vetat.

Nihilominus hanc expeditionem nodi propositi, probare non possum; nec ut puto satis consulitur causæ pro quâ inducitur ea Pontificum collisio, sic retorquendo argumentum: cùm omnium Catholicorum inter sit, prospicere Pontificum Ecclesiæ Rectorum honori, ac ne eorum alter in alterum incurrere videatur, anniti. Quâ ex causâ, hoc est quia minus consulit honori summorum Antistitum, displicet quoque responsio Vincentij Iustiniani, ad decreta Sixti quarti & Innocentij octavi. Nam §. 5. 6. & 8. affirmat illa decreta euiguisse, & omnes antiquatæ alicuius legis causas, circa ea decreta locum habere. Nec aliter §. 8. statuit de Patrum suorum statuto Perusino: Mihi quod ad Pontifices attinet, dicendum potius videtur, displicuisse tantum illis plenas scandali concertationes: nec alia vetuisse appingi stigmata huic Diuæ, quàm quæ cum veritate pugnarent; hoc est patentia & cruenta, qualia in S. Francisco fuerunt, non in Sanctâ Catharinâ, ut præmissimus.

Non videtur dissimulanda alia objectio, quæ aduersus veritatem stigmatum Diuæ Catharinæ, pugnare videtur. Constat enim, hæc stigmata agnosci ab omnibus tanquam expressam effigiem stigmatum Christi in artubus ac pectore. Atqui latus Christi lanceâ confixum, fuit latus dextrum ut supra c. 4. monstratum est, & in eodem latere plagam quintam excepit S. Franciscus, ut supra quoque est annotatum. Quomodò igitur stigma laterale Diuæ Catharinæ, in sinistro latere fuisse dicitur, ut supra ex Raymundo Capuano adduxi? Non

valet quidem hæc argumentatio contra sacram sindonem Taurinensem, quam esse verè sindonem Euangelicam, inficiati sunt sectarij, eo nixi fundamento, quod cum Christus lanceam in dextro latere exceperit, sindon tamen quæ nunc asservatur, exhibet perfossionem à lanceâ in sinistro Christi latere. Refert hoc sectariorum argumentum Molanius ad caput 20. Palæoti de sacrâ sindone n. 2. & meritò explodit, quia sacra sindon corpori Christi superposita, Christi effigiem exceperit, situ obuerso; ad instar speculi ea exhibens à sinistris, quæ in Christi corpore erant à dextris. At quoad stigma laterale B. Catharinæ, quia directè à Christo impressum est in similitudinem & expressionem sui vulneris lateralis, demptâ conspicuitate externâ, argumentum vrgeri videtur, & probare debuissè eam plagam imprimi dextro lateri, vt factum est in S. Francisco. Sed quis legem Deo ponet., & modum definiet expromendi erga sanctos suos fauorem suum? Si igitur statuamus, placuisse Deo stigma laterale in B. Catharinâ ex parte sinistrâ reperiri, vt antistropha lateri sinistro viri, è quo plerique contendunt decerptam esse costam fabricatam à Deo in mulierem, quis dicet Deo cur ita facis? Addi potest, vulnera seu stigmata in B. Catharinâ, non fuisse exterius conspicua. Cruciatum autem ex stigmate eius laterali, idcirco perceptum potius fuisse versus partem sinistram; quia illi insidet cor, ad quod vsque peruenit vulnus, lanceæ adactione Christo infligendum; vt affirmat cum plerisque aliis Malonius ad c. 20. citatum. Itaque quamuis in Christo, & S. Fran-

cisco, stigma laterale quia erat exterius conspicuum, cerni debuit in latere dextro, quia inde infixa est Christo lancea: Tamen in S. Catharinâ quæ externa stigmatis impressione caruit, stigma internum & cruciatus ei respondens ibi locum habuit, ubi desiit lanceæ in Christi corpus adactio; & ubi maxime viguisset dolor si Christus fuisset, superstes, hoc est in parte sinistra circa cor, aut etiam in ipso corde, de sententia grauium Doctorum.

Ex stigmatibus quibus B. Catharinam insignitam admisimus, eximia eius decora & præcellentes apud Christum prærogatiuæ, abundè patent. Hîsque permotus nuperus Poeta, nomine ipsius Diuæ Christum alloquens, dixit,

*Parce hominum superûmque Pater, tibi turpia miles,
Nobiliora mihi, vulnera fecit amor.*

Qui versiculi quantumcumque Vincentius Iustinianus libello de imaginibus S. Catharinæ §. 10. reclamation, non modò impietate vacant, sed etiam omni labe. Sensus enim est, vulnera seu stigmata B. Catharinæ, ab ipso Christo beneuolentissimè impressa, non sordere penes causam efficientem impiam, & penes motuum inferendi, nempe virulentum odium; penes quæ capita, sordere & turpia esse videri possunt Christi stigmata, à trucibus Brutiis malignissimè impressa: quamuis ex parte subiecti seu corporis Christi, essent vndecunque sanctissima. Itaque sugillare ea carmina, & notare

impietatis, quod fecit Iustinianus, est quærere nōdum in scirpo.

In calce huius capitis placet annotare, renovatum esse fauorem Sanctæ Catharinæ collatum, proximis annis in corpore Mariæ ab Incarnatione, vt in eius rebus gestis scribit locuples testis Andreas Duuallins cap. 7. ex relatione iurata P. Petri Cottoni, qui eidem Moniali fuerat à Confessionibus. Non erant ea stigmata conspicua exterius; sed interiùs tantum inferebant cruciatum, quantum ex perfossis reipsa artubus, & vulnerato latere, extare potuisset. Caput etiam, cruciatu vehementissimo veluti transfixum, laborabat. Neque hos dolores pia mulier vniformiter tolerauit quotidie, sed feria 6. & Sabbatho, & per totam quadragenam sacram, discruciabatur ad modum prædictum; ita vt quamuis nihil esset oculis peruium in corpore sic labbrante, quod de stigmatum impressione fidem faceret; interiùs tamen scuiret dolor acutissimus. Qui est ille ipse modus, quo B. Catharinæ impressa fuisse stigmata, proditum est.



CAPVT XIII.

*Quibus aliis , stigmata Christi impressa
diuinitus prodantur , per
Satyram.*



RÆTER SS. Franciscum & Cathari-
nam, de quibus proximè, varij eximio &
planè singulari Dei fauore, produntur
notati quinario stigmatum Christi Do-
mini; quos hîc in vnum veluti fascem congerere,
operæ-preterium videtur. Subnectemus verò eos, qui
ex parte duntaxat potiti sùnt eo diuino fauore, puta
in pedibus tantùm, aut duntaxat in latere.

Extraordinario prorsus prodigio, Christi stigmata
in puerulo demonstrata, refert his verbis Petrus
Bizarus in Epitome mirabilium Europæ pag. 302.
[Lintzij, dum ibi à Carolo Austrio conuentus
celebrabatur, cuidam rustico natus est infans, in
quo nihil sanè desiderabatur. Vixit dies quatuor-
decim, & triduo ante obitum, sudauit; atque ita
sudans extinctus est. In mortuo infante, statim
cœperunt apparere stigmata, in manibus, pedibus,
& latere; sicut Christi vulnera pinguntur. In capite
etiam, ex ipso cranio, nata est corona spinea. Cæsar
cum hoc audiret, misit quosdam ex suis, qui hoc
prodigium contemplati, cum de totâ re plenius

edocerent, tēque ita se prorsus habere, intellexit.]

Anonymus Minorita, Nozerethi apud Sequanos quiescens, stigmatibus Christi Domini insignitus refertur in Martyrologio Franciscano 12. Julij. Autor tamen illius Operis 17. Septemb. §. 12. quasi retexens quæ retulerat priore loco, negat quod de illo Minorita refertur, accipiendum esse de stigmatibus corporalibus & visibilibus, sed tantum admittit, Fratrem illum dolorem aliquem in illis partibus interdum sensisse; & idcirco dictum esse habere stigmata. Sicut B. Catharina Senensis (hoc enim exemplo utitur,) dicta est insignita stigmatibus, quia dolorem in illis partibus sentiebat, citra ullam impressionem externi signi. Sed hoc reuera est euertere secundo loco, quod primum de stigmatibus prædicti Minoritæ, dictum fuerat. Nam cum eius res adedò obscuræ sint, ut ne nomen quidem ad posterum sit transmissum; quis scire potuit dolorem ab eo fuisse perceptum in talibus partibus, si nullum stigma post mortem deprehensum est in eius corpore? Itaque simpliciter admitto, quod simpliciter ab hoc Autore dictum est priore loco. Neque idcirco (quod ipse timuit,) deteritur decus S. Francisci, etiamsi alius quispiam, cœlesti favore stigmata diuinitus acceperit: Præsertim quia nemo alius fortassis, stigmata sanguine assidue manantia vel saltem cum clavis carneis aut nerueis accepit, præter S. Franciscum.

Elisabetha de Spalbeck Monialis Cisterciensis, cujus est in Menologio Cisterciensi perhonorificamentio 19. Octobris, excepit diuinitus sacra

stigmata : quod cum fusè in eius vitâ à Philippo Claræ-Vallis conscriptâ referatur , adducam pauca ista duntaxat , ex Ludouico Blosio in Monili spiritali c. 2. [Sanctissima Virgo Elizabeth de Spalbeck , ingenti deuotione quotidie passionem Dominicam recolere consueuerat. Vnde & Christus, stigmata quinque vulnerum suorum, manibus ac pedibus & lateri eius, verissimè impressit : adedò vt ex ipsis , tanquam è recentibus plagis copiosus sanguis plerumque efflueret, præsertim feriis sextis. Quæ quidem Virgo purissima , septies quotidie ita rapiebatur in Deum, vt nullus sensus, nullus motus, nullus flatus, in eâ appareret : totum enim corpusculum illius , prorsus obrigescebat ; nec vlla pars eiusdem sacri corporis tunc moueri poterat , quin totum corpus moueretur.] Hinc Blosius , ad imitandam hanc Sanctam Virginem hortatur in recolendâ Christi passione , cuius assidua recogitatio tantos in eâ Virgine effectus operabatur. Notat verò Arnoldus de Raïsse, in Auctario ad Molanum 19. Nouembris , piæ huius Virginis stigmata adedò fuisse similia Christi stigmatibus , vt stigmata & fissuræ manuum ac pedum , rotunditatem clauorum quibus Christus confixus est , vulnus verò laterale, oblongam lanceæ cuspidem , exquisitè repræsentarent.

De B. Lidauinâ , ita scribit Ioannes Brugmanus l. 3. vitæ eius c. 3. aliàs parte 2. c. 8. Christus in formâ speciosissimi pueruli , & in lectulo illò se reponens blandissimè Virginem aspiciebat. Mox verò in perfectum mutatus virum, instar Crucifixi,

totus rubicundus, & sanguinolentus apparuit, coronatus spineâ coronâ, & colore affectus, quo solent mortui. In eum ergo intuens Virgo planè vigil, merè obstupuit, commixtîmque & gaudio & mœrore affecta est. Cùm autem in lucem mens illius absorpta esset, Christus lumen pariter & ardorem diffundens, in medio immensi luminis, Virginis corpusculo, quinque vulnerum suorum signa luculenter impressit, impressâque reliquit. Cernens autem Virgo, ea tam aperta vulnera homines latere non posse, timens concursum & applausum hominum, orauit Dominum, ita dicens: Maneat, obsecro Domine, hoc dignationis tuæ Sacramentum, inter me & te. Sufficit enim mihi gratia tua. Mirares. Confestim cutis textit vulnera illa, sed dolor atque liuor, perpetuò permanfit. His ità gestis, vidit Beatissimam Virginem arma passionis Christi, quæ ferebant Angeli, reuerenter ex illorum manibus accipere; eique deosculanda exhibere, ac deinde auferri ab oculis suis. Sentiens autem Lyduiua se sensibilibiter confixam, respexit ad pedes lectuli sui, viditque illic crucem stantem eâ magnitudine, quâ sunt illæ, quæ ad morituros deferuntur: simul etiam paruulum ab eâ pendentem, & ex eius vulneribus profluentem sanguinem. Eo spectaculo liquefacta anima eius, ait ad Dominum: Gratias tibi ago, Domine, qui me indignam ancillam tuam, sic visitare dignatus es.]

B. Ida de Louanio Ordinis Cisterciensis, cuius ab ipsa infantia vitam piissimam, varij scripserunt, annotati in Menologio Cisterciensi 13. Aprilis, præter

præter cæteras cœlestes prærogatiuas, factis Christi stigmatibus est insignita, vt his verbis scribit Ioannes Gilemannus parte 2. Hagiologij SS. Brabantiae c. 6. [Et quoniam, vt jam diximus, totam in memoria Dominicæ passionis, summam intentionis & considerationis suæ locauerat, ad quam tanquam ad præcipuum & singulare præsidium, in omni necessitatis articulo, meditationis & affectionis aciem dirigebat, volens pius misericordiarum Dominus, electæ suæ vicissitudine gratissimæ retributionis occurrere, suæque mysteria passionis, ad sibi compatiendum nouo quodam & satis inusitato rerum ordine viciniùs commendare, sanctorum vulnerum suorum stigmata manibus, pedibus, nec non & lateri Sanctæ Virginis, his diebus impressit; & quæ dudum in cruce pro totius mundi redemptione Saluator noster Iesus Christus ex clauorum confixione sustinuit, horum venerabili sponsæ suæ, gratissima monumenta, non tam in memoriâ retinenda, quàm in suo corpore præferenda, iucundo satis & insigni miraculo commendauit. Siquidem in locis manuum ac pedum, illis scilicet, vbi manus, pedesue Dominici arcebantur, quasi circuli quidam diuersi coloris, representationes quædam stigmatum intrinsecùs simul & extrinsecùs excreuerunt; quæ patuorum instar vulnerum, illarum partiùm totam superficiem occupantes, miraculosum valde de se, cunctis ad quorum peruenerunt notitiam & aspectum, eo tempore spectaculum præbuerunt. Quid enim miraculosius, aut quid iucundius excogitari, vel humanis valet aspectibus præsentari,

quàm hoc ? Lateris etiam aperturam tam hianteram & patulam aliquo tempore , loco quo Christi latus transfossus extiterat , hæc Christi passionis æmulatrix & socia , persensisse dicitur , quòd in eodem ad instar oblongi vulneris, itinere patefacto ad hepar usque progrediens halitus per ipsa corporis intestina laberetur. Quo nimirum loco , tam anxiam & acerbam doloris, & passionis sustinuit punctionem, ut ex propinquis quidam, eius dolori compatientes, indumenta quibus operiebatur , ad nudam usque carnem extraherent, & ad ejusdem leuigationem doloris, ab omni vestimentorum obstaculo , non sine pœnali tamen molestia , totam lateris superficiem expeditent. Nullius enim rei materialis, attactum in eo loco , sine graui læsione sustinuit. Manus etiam & pedes in locis prædictis, tam vehementis læsionis angustia premebatur , ut vel leuiter his locis , aut digitum supponere , vel rem aliquam corporalem, absque dolore grauissimo non valuisset aliquomodo contrectare. Capitis quoque circumferentiam ex omni parte tam vehemens læsio comprimebat ; ut nihil minùs quàm spineam coronam portare videretur, quæ sanctissimæ passionis tempore, pungendo simul & cruentando , caput Dominicum ambiebat.]

B. Gertrudis Oostensis , Delphis Batavorum, inter Beghinæ insigni sanctitate claruit , & ab Autore Fasciculi temporum anno 1344. celebratur. De ea supplementum Surij 6. Ianuarij c.6. sic scribit. [Erat in Delphenfi Beghinagio etiam Lielta illa, cuius suprà meminimus, virgo Deo deuota. Ea plena Spiritu Sancto, prædixit Gertrudi , anno elapso

fore, vt vulnera Christi, eius manibus, pedibus, & lateri imprimerentur. Sed illa verè humilis, tantâ se gratiâ indignam censens, sic respondit: Vnde hoc mihi, vt tanto Dei munere afficiat? Agnosco me magnam peccatricem, & omni virtute vacuam. Itaque oro te, soror mea, nè eiusmodi sermonibus occupes os tuum, & aures meas. Sum jam tot affecta Dei beneficiis, vt ei nunquàm possim pro dignitate gratias agere. At tamen anno euoluto, nocte Parasceues aduentante, cùm se Gertrudis in cubiculo suo coram Crucifixi imagine, corde attentissimo prostrauisset, & proluxius orans, immensam illam Christi charitatem cogitaret, quâ voluit propter nos crudelissimum terribimùmque Crucis perferte supplicium: totisque viribus eum laudaret, eique gratias ageret; mirificâ animi deuotione & pietate perfusa: singulari eâque stupendâ gratiâ, in manibus, & pedibus, & latere, sibi sensit vulnerrum Christi notas siue stigmata impressa. A diuina igitur contemplatione ad se reuersa, inclamauit voce magna Dieuueram beghinam. Veni, & vide, inquires, quantam gratiam præstitit Deus mihi indignæ; non meritis meis, sed abundanti benignitate sua. Aduolat Dieuuera, videt & obstupescit, Deum laudat, & prædicat. Neque solum illa nocte, sed etiam clara jam die, atque deinceps diebus non paucis, vt minimum vsque ad Ascensionem Domini, ex illis vulneribus profluxit sanguis gratissimi coloris, idque quotidie septies ad singulas horas Canonicas. Eum verò sanguinem, excepit Gertrudis linteolis, in eum vsum ab ipsa præparatis. Non potuit autem tam

insigne miraculum latere diù. Itaque non solum Delphenses, sed & vicini circunquaque aduolârunt, rei visendæ valdè cupidi. Verum id Gertrudi molestum fuit, quòd illi hominum concursus, nimium impedirent eam à spiritualibus exercitiis & piis meditationibus, quibus rapiebatur in Deum, & mentis excessum patiebatur. Sciens igitur omni homini necessarium esse timorem Dei, & nisi contineat se quisque in timore Dei, citò subuersum iri domum illius, domum, (inquit,) conscientiæ; idque vel à carne propriâ, vel à mundo, vel à Satana: simulque reformidans, ne forte placeret sibi, & hoc ipso, Deo jam displiceret: nec non animaduertens turbas ipsam visitantium, medium quoddam inter Deum & ipsam efficere, sic Dominum deprecata est. Si placet tibi, bone Iesu, oro vt hæc vulnenum stigmata aboleantur in corpore meo, nè forte separet à te, si incipiam indè placere mihi, aut aliis inimici insidiis appetar. Exaudiuit verò eam Dominus, ita vt sanguis quidem ex vulneribus non manaret, sed tamen vulnenum notæ remanerent vsque ad supremum eius vitæ diem. At verò postea circa cor, ex omni parte magnos sensit dolores. Cogebatur enim jam carere suauitate illâ, quam senserat cum sanguis ex eius vulneribus efflueret. Magno igitur cœpit ardere desiderio, illa vulnera recuperandi; prorupitque in ejusmodi voces: O si mihi dulcissimus sponsus meus Iesus Christus, velit restituere vulnera sua. O si contingat mihi, cruenta eius vulnera visibiliter ferre in corpore meo, non rogabo, vt ea tollat à me. Mallem enim in sublimi

loco ab omnibus conspicienda reponi, vt cuncti ea vulnera cernerent, & præpotentem Deum collaudarent. Acceperat autem hæc vulnera Gertrudis, anno millesimo trecentesimo quadragesimo.]

B. Christina, non illa cognomento mirabilis à Thoma Cantipratano celebrata, quæ viuebat anno 1224. sed alia Dyonisij Cartusiani æqualis, ab eodem Dyonisio Cartusiano refertur insignita sacris Christi stigmatibus, vt videre apud eum est sermone quodam de Euchar.

B. Helena Hungarica Ordinis Prædicatorum, S. Margaretae, filiae Regis Hungariae Magistra, impressione Sacrorum Christi stigmatum est illustrata diuinitus, teste Leandro, ac Felice Castelfranco.

B. Stephanía Soncinas, Sacra Christi stigmata diuino munere in corpore suo portauit, vt scribit Seraphinus Caualli, Magister Generalis Ordinis Prædicatorum, iusto de eâ Opusculo.

B. Osanna Mantuana, Sacris Christi stigmatibus, insuperque carneâ coronâ spineam Christi coronam referente, donata diuinitus proditur à Francisco de Syluestris Ferrariensi Ordinis Prædicatorum Magistro Generali, Interprete Summæ S. Thomæ contra Gentes, & à Hieronimo Montoliuetano, eiusdem æui.

B. Lucia Narniensis, quæ obiit anno 1546. & Ferrariæ elato sacro eius corpore, in veneratione habetur, stigmata Christi accepit tempore Alexandri sexti : quem in eam rem diligentissimè inquire iussisse, seque acta tunc perscripta Romæ vidisse, testatur Thomas Bosius l. 15. de signis c. 3. Eius in

extasim actæ stigmata, attentè contemplatos fuerunt, Cardinalem Ferrariensem, & Herculem Estensem Ferrariæ Ducem; ac profluentem è stigmatibus sanguinem collegisse, eumque absque tæbe esse asseruatum. Quod verò mirabile admodum fuit, pia hæc Virgo, iusto sed arcano Dei consilio, stetit ingloria, deficientibus eam stigmatibus atque miraculis quibus ante abundarat: vt proinde tanquam amens aut falsaria, vel etiam venefica, sermonibus omnium proscinderetur: Tamen sex circiter ante obitum mensibus, reuixit in eâ donum miraculorum, & stigmata obsoleta reuenerunt; inque eo statu obiit sanctissimè. Meminit quoque huius stigmatismi longè ante obitum huius Virginis, Trithemius in Chron. Spanheimensi sub annum 1500.


B. Ioanna à Cruce, Tertij Ordinis S. Francisci, vt scribit in eius historiâ Antonius Daga cap. 16. iam quadragenaria anno 1524. feriâ Sextâ in parasceuâ, orans protensis brachiis, signata est redemptionis nostræ signis: erantque ea stigmata rotunda, magnitudine nummi quem Hispani vocant *real*. roseo colore, vnde odor suauissimus afflabatur. Dolorem inde percipiebat pia mulier omnino magnum; ita vt pedibus nequireret incedere, absque ingenti cruciatu, sed minimè continuo, vt neque stigmata perpetua erant. Sed cum ab eâ die, ad diem vsque Ascensionis Domini, perstitissent stigmata, non fuere tamen conspicua, nec dolorem infegebant, nisi diebus Veneris ac Sabbathi, ad matutinam vsque horam Dominicæ, quâ cessabat cruciatus, & stigmatum externa conspicuitas euanesce-

bat. Tandem verò longâ Christi fatigatione, exorauit B. Ioanna, vt notæ illæ stigmatum, ne vanam gloriam alerent, prorsus obliterarentur. Et ita factum est in die Ascensionis Dominicæ; stigmatum doloribus in alios acerbiores, nec vulgi favoribus & humanis plausibus obnoxios, commutatis.

Ioanna Rodriguès, ex conjugatâ primùm Terefianis Virginibus adscripta, tum Clarissa, Christi sacra stigmata excepisse nuper proditur, grauib. omnino testimoniis. Est penes me eius rei historia, descripta à R. P. Chrysostomo Gaufridi, Ordinis S. Francisci de Obseruantia Strictioris Instituti, quam in angustum huius syllabi cogere non placet, quod digna sit quæ justo opere expassa legatur, eius calamo exarata.

Plenam quinarij stigmatum Christi expressionem, per pauca de multis exempla, hætenus monstraui-
mus. Nunc attingenda strictim sunt nonnulla exempla, eorum quibus diuinus ille fauor, non nisi ex parte obtigit. Sic enim Cantipratanus lib. 1. Apum c. 25. n. 7. de puellâ sui temporis habet. [Noui secretius in Brabantia partibus, prærogatiuæ sanctitatis puellam, de quâ per veridicos Fratres Ordinis Prædicatorum manifestè probatum est, quod per assiduam meditationem passionis & vulnerum Christi, in latere eius vulnus ingens per plures annos apparuerit; & de ipso vulnere sanguis ferè continuè in magnâ quantitate profluxerit. Cuius quoque sanguinis particulam, ad euentiam tanti miraculi, vidimus, diu in vitreo vase reseruatam, nec coloris mutasse speciem, nec odoris.]

Quod ait hoc vulnus apparuisse per assiduam vulnorum Christi meditationem, non est accipiendum de exortu physico vulneris illius lateralis à meditatione vulnorum Christi, sed de exortu meritorio. Digna quippè fuit ea Virgo, cui ob affectum erga Christi vulnera, hoc passionis Christi monimentum rependeretur diuinitus. Thomas Bonchirus Ordinis Minorum, Anglus, scribit Ioanni Grayo Scoto, ejusdem Ordinis alumno, qui pro fide Catholicâ cæsus obiit, sacra stigmata in pedibus tantum fuisse concessa. Mariam ab Aiosrin Toleranâ, solâ plagâ laterali in sinistro latere fuisse insignitam, autor est Alfonsus Villegas Tomo 3. florilegij Sanctorum, & Gratianus à Berlangâ, Reginæ Catholicæ Isabellæ à Sacello. Eustochium virgo, referente Alano Copo dialo. 3. c. 29. sub mammillâ tantum, fuit insignitâ. In vicinia ante annos viginti, Paternis Cauarum oppido, Mastrona S. Francisci Tertiaria, Sanctorum operum & omnium virtutum fœmina, post mortem piissimè obitam, cum ad sepulturam à piis sororibus ablueretur, deprehensa est stigma habere in regione cordis: quod aduocati Medici ac Chirurgi, vires naturæ transcendere, pronunciauerunt. Apparebant in eo vno stigmate, quinque Christi vulnera, ita disposita, vt medium occuparet quasi rosa vernans coloris purpurascens; quatuor verò alia ad medium cicatricum, in oblongo quadrangulo efformata visceren-



CAPVT XIV.

*Cautiones circa cœlestes fauores
proximè propósitos.*

VIA in medio laqueorum ambulamus, & juxta parcemiam, virtutum fores, vitiorum aditui sunt continentes; ut nihil facilius sit, dum adiri virtutes putantur, vitia adiri: juaat hoc loco; geminam cautionem huic negotio pernecessariam adhibere, ad informationem duplicis generis personarum: Nempe & earum quibus hi fauores obtingunt, & earum quæ talia aliis diuinitus obtingere audiunt, Vtrisque enim, aliquid in hoc negotio est cauendum.

Et priores quidem, infixum maximè habeant necesse est, Apostoli monitum nunquam satis commendatum, Satanam transfigurare plerumque se in Angelum lucis. Quod oraculum, egregiè illustrat Nicolaus Remigius l. 1. dæmonolatriæ toto c. 9. quanquam vix necessaria est illustratio, in tam frequenti experimento illius veritatis, & suppositæ quæ neminem latere potest, Diaboli calliditate atque potentiâ, veteratoriis artibus mistâ, ut S. Fulgentius Epistolâ 3. Probam docet, Quia ergo cibus Satanæ electus est, idcirco personis spiritualibus quas diuini fauores cumulant, cauendum stu-

diõe est, ne circumueniantur à Satana; & iis vitæ spiritualis discriminibus subiaceant, quæ Cassianus collat. 23. c. 9. & S. Gregorius 1. Moral. c. 38. annotarunt: ac nominatim ne deludantur in re de quâ agimus, circa quam tam multis constat impositum. Dum enim ambulant in magnis & mirabilibus super se, affectantes eminere, & captantes apud mortales fumum gloriæ oculos obcœcantem, iusto Dei iudicio permittuntur hostili ludibrio: & qui putabant se Christi stigmati honestatos, deprehenduntur veteratoris antiqui artificio implanati. Testes mulieres duæ Olissiponenses, mutuam sibi testimonium perhibentes, quas in hos Satanæ casses incidisse scribit Vincentius Iustinianus Opusc. de imag. B. Catharinæ Senensis c. 9. Ex eâ regione fœminam scribit Horosco l. 1. de falsa prophet. c. 24. & Torreblanca l. 1. Dæmonologiæ c. 29. n. 7. miræ in speciem sanctimonix, sub annum 1546. fictis miraculis ac revelationibus implanatam, & ab ipso quoque Præsule inter sanctas annumeratam, cum adhuc superstes esset; quinarium plagarum Christi finxisse, & idcirco pro alterâ D. Catharinâ Senensi habitam: donec tempus, cuius filia est veritas, stropham detexit.

Testis illa quoque, Bononiensis Monialis, cui quinarium stigmatum Christi artificio Satanæ obtigit anno 1553. & caput sanguine plerunque manans, spinis confixum apparuit, ut scribit qui aderat Petrus Ribadeneira l. 2. de Tribunal. c. 15. confirmans, breui deprehensum esse Satanæ in vniuersa hâc mangoniâ, artificium. Magdalenæ de la Crux

implanationem, non Corduba modò, vbi res contigit, sed vniuersus Christianus orbis audiuit. Quamquam autem Cassiodorus Remius Maioli Continuator, qui eam Tragœdiam fusè descripsit t. 2. collo. 3. illusionis circa stigmata non meminit; vt neque Simancas in Cathol. Institut. titulo 21. numero 24. tamen eorum quoque meminit qui tunc vivebat Petrus Ribadencira l. 2. de tribul. c. 15. & fusè Vvierus l. 6. de præstigiis c. item 6. De mulierculâ quæ Ludouico Granatensi viro per omnia summo imposuisse in hoc genere deprehensa est, delusa à Satana anno 1586. res est vulgatior, quàm vt hîc refricanda sit. Insinuatur autem à Didaco in Vitâ Ludouici Granat. c. 13. Similia multa addensat Petrus Salazar Ord. Minorum in Chronico Pro-
uinciæ Castellæ l. 1. c. 21.

Hæc igitur ludibria per Satanam infelicibus illudentem diuino permisso euenientia, ferè contingunt ob arrogantiam eorum quibus sic illuditur. Nam si veræ & solidæ humilitatis saburra firmarentur, facillè possent illucēte Deo omnes Satanae fraudes reterege ac declinare. Sicut videmus varios sanctos quibus Satan præstigiis suis ac spectris inani-
bus imponere tentabat, euasisse incolumes & indemnes, beneficio humilitatis, quâ extraordinariis fauoribus cœlestibus indignos se prædicabant, priusquàm de eorum origine liquidò constaret: vt habetur ex S. Bonauentura l. de profectu religios. c. 19. Tantùm abest, vt prærogatiuas illas cœlestes, vel captarent, vel ad aucupandam vaporem hominum gloriam prædicarent. Eadem in hoc genere

commendat Ioannes Nider l. 3. Formicarij c. 11. recitans implanationem cuiusdam inclusæ quæ tempore Concilij Constantiensis in Galliæ oppido Cellis post multos (vt fama erat) raptus & omnino miras extases, certâ quâdam die quæ distinctè signabatur, quinque vulnerum Christi stigmata in manibus, pedibusque, & latere exceptura diuinitus jactabatur: Sed Deus superbiam confudit, & pro captatâ gloriâ contemptionem apud innumeros qui in eum finem conuenerant miseræ mulierculæ eiusque fautoribus & patronis refudit.

Qui ergo diuinum hoc munus adeptum se putat, si tutus esse vult, & Diaboli pedicas vbiuis tensas declinare, muniat se humilitate, juxta cœleste oraculum B. Antonio datum, apud Dorotheum doct. 2. Non ambiat aut capter huiusmodi gratiam gratis datam, quâ longè vtilior subiecto suo est, & nulli prorsus obnoxia discrimini, quantulacumque sanctificantis gratiæ portio. Ne confidat sibi, nec suo iudicio innitatur, sed majorum ductui per humilem demissionem animi se conformet: quam subjectionem, exosam habet qui est Rex super omnes filios superbiæ; ideoque refugit amplectentes humilitatem. Id quod tanquam fundamentarium monitum statuunt, qui disputant de discretione Spirituum.

Ad ipsum verò apicem exosi Deo meteorismi, (sic enim Christi verbum Lucæ 12. aduersus se tollentes in sublime, accipit Turrianus ad c. 94. sancti Diadochi:) ad ipsum inquam verticem fauitatis, superbiam semper comitantis, juxta doctrinam S. Chrysostomi homil. de superbiâ & despera-

riane, pertigisse dicendus esset, qui huiusmodi celeste stigmatum Christi munus, artificiosè ementeretur. Quod tentauit impostor quidam, damnatus in Concilio Oxoniensi anno 1222. præside Stephano de Longthona, siue de Langtono Archiepiscopo Cantuariensi, illo ipso, cui sectio Bibliorum in capita qualia nunc habemus, accepta refertur. Nam olim Sacra Biblia capitulis breuissimis secabantur, ita ut in solo D. Marci Euangelio 225. capitula numerarentur, ut prodit Marianus Victorius in Indice Hieronimi V. *Capitulum*. Hic ergo Stephanus, impostorem in Concilio damnauit, de quo varij recensent varia scelerum monstra. Nam Ranulphus l. 7. c. 34. ait eum iactasse, se Christum Regem esse. Vvalsinghanus in hypodigm. Neustr. ait fuisse Rusticum, cui socius factus sit Diaconus Apostata. At Matthæus Vvestmonasteriensis in Chronico anno 1222. socium quidem Hermaphroditum esse ait, qui impostori de quo dicere cœperam fauerit, & errorum disseminandorum coadiutor extiterit. Impostorem autem testatur, latus sibi pedesque ac manus, forasse in speciem quinque vulnerum primariorum Christi passi. Vtrumque sceleris conuictum, & publicè noxam fassum, iudicio Ecclesiæ punitum esse. Punitionem stigmatici, Vvalsinghanus ait fuisse, ut perpetuò immutaretur, id est ut intra quatuor parietes conclusus, vitam exigeret vniuersam: Diaconum verò (forte ob apostasiam & alia retriōra,) gradu Ecclesiastico motum, & seculari potestati permissum flammis ultatricibus esse consumptum. Ranulphus, stigmaticum cruci affixum tradit,


& habuiſſe eiſdem ſurfuris Mariam prodiſ. Hic exitus infelicis ſtigmatiæ, ſacra Chriſti ſtigmata ementiri. Idem tentafſe Camerini in Biceno mulierculam oneratam peccatis, & dementatam à neſcio quo Bambalione, manus ſibi ac pedes forafſe ad cœleſtis prærogatiuæ ſibi collatæ famam colligendam, ſcribit Petrus Ribadeneira l. 2. de tribul. c. 15. addens ſtropham denique fuiſſe detectam ſub annum 1553. & mulierculam quidem autoritate publica mulctatam eſſe; autorem verò impoſturæ, dum ad exprimendam veritatem in equuleo torqueretur, obiſſe in tormentis. Nolim videri paucorum veſanum conſilium totius Ordinis injuriam & labem interpretari, ſi prudens preſſero quod habet Appendix ſupplementi Chronicorum Iacobi Bergomatis l. 17. ad annum 1509. his verbis. [Bernæ Monachi quidam infelicitè comburuntur, quod ex quodam fraterculo quem Nouitium vocant, Diuum quendam ſibi conſinxifſe viderentur, ad Franciſcanorum imitationem. Eum enim miſeris modis vulnerarunt, vt ſtigmatibus inſignitus appareret.] Surius in Commentariis rerum in Orbe geſtarum ad annum 1509. hanc ſtropham recensens, ſimplicem Fratrem laicum ait fuiſſe, quo ad falſa miracula & commentitias viſiones cudendas & alia religioſis indigna contra nitorem Deiparæ diſſeminanda abuſi erant quatuor illa, quos iudicium Lauſanenſis Antiftitis, viuicomburio addixit. Quid dicemus? Etiam in vinea (juxta Nazianzeni parœmiam rubus naſcitur: nec plurimis omni ſanctitatis ac pietatis laude illuſtribus, fraudi eſſe poteſt noxa pau-

corum. De cautione priore satis.

Posterior cautio eos spectat, qui cœlestes hos fauores aliis collatos accipiunt. Hos imprimis non esse adedò credulos oportet, vt illicò bibula aure excipiant omne quod jactatur in hoc genere, præsertim circa mulierculas, quæ imposturæ, ob cordis inopiam, faciliùs patent. Est verò etiam hæc cautio, eidem sexui molliori maximè necessaria; ob iudicij namque imbecillitatem, & cordis leuitatem, credendi facilitare laborant, & faciliùs etiam implanantur. Ipse sanè Spiritus Sanctus, citam credulitatem leuitati cordis adscribit Prouerb. 19. Non est quidem adedò obdurandum pectus, vt nihil prorsus velit admittere narratum in hoc genere, etiam quod æuo nostro accidisse feratur. Deus quippè, etiam nunc adest Ecclesiæ suæ, habétque in ea sub modio variis locis, personas nirentissimas, quibus cum pignora beneuolentiæ suæ & sanctimonix argumenta, cœlestes hosce fauores communicare haud indignè potest, si ita ferat eius beneplacitum. Itaque non est putandum, cœlum nostrum vsquequaque æneum esse, nec posse in aliquas æui huius personas, depluere cœlestia munera, qualia in anteriores sanctos defluxere. Remouendum igitur est robur & æs triplex, quod nonnullorum pectoribus insedit, ad respuenda omnia hujusmodi charismata, tanquam ab his seculorum finibus aliena. Fortiùs etiam repellenda sunt ea fortia ingenia, quibus fortitudo censetur, inficiari anteriores vllos sanctos (ne sancto quidem Francisco dempto,) insignitos esse sacris stigmatibus. Proh brutam & brutam

fortitudinem, imo verissimam debilitatem ingenij, inficiantis Solem ipsum de meridie lucere: Repello hanc nouitiam pumilorum ingeniorum de granditate Senecionum more sibi blandientium, in Antemurali ad historiam S. Ioannis Benedicti. Omnia igitur hæc extrema, studiosè sunt declinanda. Tamen alterum quoque extremum nimix in credendo facilitatis, cauendum est in hoc negotio; & quidem sollicitius, cum ex hoc extremo, grande omnino immineat discrimen. Qui enim citò, & omnia quæ pia & ex Deo videntur, credere adducuntur nec morosè nec attentè ac cautè probant Spiritus si ex Deo sunt, juxta Apostoli monitum, facillimè impingunt, & hallucinationum alienarum participes fiunt, bibentes de calice erroris qui est calix Dæmoniorum, ac propinatâ alteri per Satanam falsitatè, improuidè inebriantur.

Mediâ igitur viâ, itur tutissimè; si nimirum neque omnibus in hoc genere temetè in vulgus sparsis fides citò adhibeatur, neque ad omnia credenda quæ nostrâ quoque ætate in hoc negotio vulgari contigerit, obdurescamus; sed tardè ac lentè habeatur fides talibus narrationibus; admittantur tamen, cum ex regulis prudentiæ videbuntur non aspernandæ.



CAPVT XV.

Stigmata piorum Moralia.



E GIMVS haftenus , de stigmatibus
physicis ac realibus viatorum : & circa
stigmata ementita quæ veris aduersan-
tur , cautiones congruas suggessimus.
Nunc vt vndecunque plena sit tractatio, de morali-
bus piorum stigmatibus , pauca sunt subji-
cienda. Sicut enim impij apud Eucherium hom. 10. de
Pasch. circumferunt peccatorum notas quibus mo-
raliter inuruntur , ita & pij , moralibus notis per
bonos actus impressis , coram Deo & Angelis
honestantur.

Agnouit hæc mystica piorum stigmata S. Maca-
rius homil. 12. agens de cauterio quo hîc signantur
& inuruntur oues Christi. Agnouit item ea stigma-
ta piorum Petrus Blesensis serm. 36. *sub finem.*
Tractans enim inscriptionem quam Episcopus Ec-
clesiam consecrans iubetur facere , & præfatus eam
inscriptionem mysticè in cordis tabulis & in pau-
mento templi animati esse faciendam ; subdit.
[Hæc etiam inscriptio , facta est in corporibus
vestris. Stigmata enim Domini Iesu portatis in
corpore vestro. Characteris enim insigne vobis
impressum est , quo de facili , ordinis vestri distin-
ctio , etiam visibus pater. Tonsura enim capitis,

vestium vilitas & mundities, ciborum arida sobrietas, metus, incessus, gestus, & habitus compositus, & cætera in hunc modum, inscriptiones sunt vobis impressæ, & signa Dei vestri; vt dicere possitis, *Posuit signum in faciem meam, vt nullum præter eum amatorem admittam.* Hæc autem signa sunt, ab angulo corporis in angulum, id est, à capite vsque ad pedes, vt nulla enormitas à planta pedis vsque ad verticem, in vobis habere locum videatur; vel ab initio professionis vestræ, vsque in finem vitæ: quia citra veritatem sacrificij est, caudam hostiæ non offerre.]

Benè ista & commodè. Meliùs tamen & commodiùs philosophari videbimur, si statuamus, piam quamcunque sed maximè religiosam personam, referre Christum crucifixum, juxta doctrinam Abbatis Pinusij apud Cassianum l. 4. de instit. c. 34. & 35. benè ex professionis Monasticæ ritibus illustratam à Ruperto lib. 4. in regulam S. Benedicti à c. 9. Egregiè item in eam rem Petrus Blesensis serm. 9. *sub finem* vbi contemplatiuos, (sic enim appellat Religiosos,) esse Christo cruci confixo maximè affines, ita demonstrat, declarans mysteria Cerei, manibus gestati in die Hypapantes. [Ponitur exemplum gestantibus, maximè verò contemplatiuo. Proponitur exemplum patientiæ vsque ad mortem, mortem autem crucis. Non erat Iesus missus nisi ad oues, quæ perierant domus Israël. Eleuatus ergò Iesus in crucem, cum coram starent filij Israël, & dicerent, *Descendat nunc de cruce & credimus ei;* Audiens de facili se posse implere, ad quod venerat,

quare non descendit? Quare Domine Iesu per facilem descensum de cruce, non intravit plenitudo Iudæorum; ut sine eorum cæcitate, plenitudo gentium intraret? Aliquid est, etsi nos lateat. Quare non audisti eos? Aliquid est clausum. Sed tu Domine aperi nobis, ut & vos similiter faciatis. Vos, inquam, viri contemplationis, cruci affixi estis cum Domino, quia vultis ire post eum; Tollitis crucem vestram, supple, obedientiæ, & pœnitentiæ; ut dicat quisque, en colligo duo ligna, ex quibus scilicet, compaginatur crux nostra. Audeo ego, & dico. In districtiori cruce pendet vir contemplativus, quam Christus: quia & diuturnior, & in pluribus coërens eum. Conferamus crucem Christi, & crucem contemplativum, liquidum fiet, quod dicimus. Christi membra sic clavis confixa sunt, ut officiis suis uti non valerent, lingua tamen libera à crucifixione, loquebatur. Orauit enim ibidem pro crucifixoribus. In manibus Patris commendavit spiritum suum. Vir autem contemplativus, sic omnia membra sua clavis obedientiæ arctavit, ut nec etiam lingua loqui valeat. Sed etiam in necessariis manus innuens mutæ subueniat sorori. Quid itaque in hac cruce nobis faciendum? Vtique quod Christus fecit in sua. Moriendum est in ea, quia Christus mortuus est in sua. Si perstrepat mundus, si Dæmones, si caro propria, & dicat, Descende de cruce juvenis es, circa senium ascendere poteris. Dic ei: nihil certius morte, nihil incertius hora mortis. Vigilabo & stabo in cruce, donec inclinato capite tradam spiritum.]

Potest ergo Religiosus quisque de se dicere cum Apostolo, *Christo confixus sum Cruci*. Hoc Cæsarius l. 8. exemplor. c. 19. sic enucleat, cum in illud Apostoli incidisset, *qui autem sunt Christi, carnem suam crucifixerunt*. [Qui sunt Christi ? Qui cum Apostolo dicere possunt, Christo confixi sumus Cruci, Carnem suam crucifixerunt, id est Cruci affixerunt, cum vitiis operum & concupiscentiis desideriorum pugnantes. Nec ponuntur illi duo genitiui plurales, (*operum, & desideriorum,*) instrumentaliter, sed passivè: eo quod per virtutes, in carnis maceratione mortificentur. Tres clavi quibus corpus Monachi, cruci debet esse affixum, tres sunt virtutes, per quas teste Hieronimo martyres efficiuntur, scilicet obedientia, patientia, humilitas. Manum Monachi dexteram, configat obedientia sine inurmuratione: sinistram, patientia sine simulatione. Clavum obedientiæ, impellat amor supernæ libertatis; clavum patientiæ, timor pœnæ gehennalis. Pedes illius, vera humilitas configat; ut non solum Prælati, sed & fratribus, se propter Christum subjiciat, ut dicere possit cum Psalmista; *Humiliatus sum usquequaque Domine*. Et in alio loco. *Imposuisti homines super capita nostra*. Duo pedes, duplex est superbia, mentis scilicet & corporis. Et licet superbia caput sit omnium vitiorum, non tamen incongruè per pedes qui infimæ sunt partes corporis, quandoque designatur. Quod enim valdè odimus & despiciamus, hoc pedibus conculcamus. Vnde Iosue, filiis Israël ut colla Regum calcarent, præcepit.]

Ex hac doctrina perspicuè sequitur, Religiosum.


quemcunque, esse moraliter stigmatibus Christi Domini insignitum : Nam si Christo confixus est Cruci, seu ut Græca distinctiùs ferunt, *concrucifixus*; iisdem profectò clavis tenebratur quibus Christus, atque aded eadem sacra stigmata sortitur, & easdem passionis Domini notas. Vnde meritò Asceticæ vitæ Magistri, nihil studiosiùs infigunt Religiosis quibus ad omnem perfectionem stimulos admovent, quàm ut recogitent quibus se votorum quasi clavis, cum Christo cruce suffixerint : atque aded quæ sacra stigmata præferre debeant, si id reuera sint quod profitentur. Debent enim Christi clauos in corpus suum & animam adigere, nihil asperum in Dei obsequio refugere, & Crucis statum, atque aded *Crucifixi* stigmata, vndecunque præferre. [Hæc stigmata (inquit Petrus Damiani ad Nepotem suum l. 6. epist. 22.) corpus tuum vndique, sicut Apostolus de se testatur, inurant. *Ego* (inquit,) *stigmata I E S U, in corpore meo porto.* Frange jejuniis corpus, propriis voluntatibus abstine, alienæ te iussionis imperio promptissima deuotione subterne, procacis linguæ petulantias modesta silentij censura cohibeat, jocosæ sermonis lenocinia non erumpant; illices carnalium passionum motus, districtæ continentie rigor elidat; ut qui nunc Christo sponte commoretis, quanto grauior Crux eius in tua conuersatione conspicitur, tanto tibi plenior resurrectionis eius gloria cumuletur.] Sunt igitur Religiosi cum Christo crucifixi, & eius stigmatibus notati; quod ad quàm magnum eorum deus pertineat, egregiè de more demonstrat Hieroni-

inus Platus l. 2. de bono status Relig. c. 11.

Et quia multi sunt in seculo veste tenus seculares, reipsa autem Religiosi; sicut è contrario multi sunt veste tenus Religiosi, qui reipsa versantur in seculo: idcirco sicut hoc decus stigmatum Christi moralium, nonnullis externa specie Religiosis est abrogandum; ita non paucis habitu secularibus, est concedendum. Nam Religiosum veste tenus, non esse reuera Religiosum, ac proinde esse huius stigmatismi expertem, pulchrè tradit Richardus Victorinus l. de Incarn. verbi c. 3. & habetur etiam ex S. Bernardo homil. 3. super Missus est, *ad finem* ac ex Saluiano libro 4. ad Eccles. *sub medianm.* E contrario S. Martinus adhuc miles, jam erat vita Monachus, ut loquitur Sulpitius in eius vita c. 1. & Nebridius sub habitu alterius, alteri militabat, ait Hieronimus scribens ad Saluinam; hoc est sub habitu seculari, erat reipsa Religiosus. Quod aliter de Exuperantio dicit Episto. 35. [Sub paludamento & habitu militari, agit opera Prophetarum; & exteriorem hominem aliud promittentem, vincit interiori homine qui formatus est ad imaginem Creatoris.] Hæc igitur causa est, cur dixerim, sicut plerique veste tenus Religiosi, carent his Christi stigmatibus moralibus, ita plerosque veste tenus seculares, præferre stigmata Christi mystica, Christo confixos cruci. Tota sanè vita Christiani, eo digni nomine, & ad Euangelij rubricam opera sua dirigentis, crux est, iudice D. Augustino serm. 32. de sanctis. In ea Cruce, timore Domini juxta votum Davidis, Christianus tanquam clavis configitur; & Christo per stigmata Sacra configuratur.

Reducitur ad stigmata clauifixione morali impressa, illud aliud stigma, quod Ezech. 9. super piorum frontes notandum decernitur. Sic enim ibi loquitur Deus. *Signa Tau, super frontes virorum gentium abominationes terra.* Quod signum *Tau*, de cruce accipiunt varij Patres quos retuli in libello de hieroglyphicis S. Antonio appictis §. 11. & multos item in eam rem laudant Alcazar in c. 7. Apocal. Notatione 3. & Pradus ad c. 9. Ezech. ac Hermannus Hugo de Script. c. 22. Et quia Ioannes eo c. 7. Apocalypsis, referens Angelum de signandis seruis Dei in frontibus admonentem, iure censetur ad eum locum Ezechielis allusisse; rectè conjicitur, signum quod ibi frontibus seruorum Dei imprimendum decernitur, fuisse signum T. siue Crucem. Quod eam nuperus Interpres ibi, signum impressum frontibus, accipit de gratia qua sancti signantur ut dicitur 2 Cor. 1. & Ephes. 1. & 4. nec respondet cum allusione ad locum Ezechielis, quem ipse fatur ad signum quod diximus pertinere; nec quadrat loco Ioannis, in quo Angelus communi opera signandos abs se ac sociis, seruos Dei, profitetur: cum tamen gratiam & gloriam det Dominus, non autem Angelus quantumuis sublimis, ac eminens. Signantur ergo serui Dei, & apud Ezechielem, & apud Ioannem, signo crucis ut rectè Amphilochius in calce homiliæ de Hypapante, quod dicebam reduci ad stigmata clauifixionis; quia crux fronti impressa, aliud notare non potest, quàm hominem sic notatum, esse mundo Crucifixum; ac Christi crucifixi, non seruum modò, sed & æmulum. Quod

attigit Rupertus l. 12. de victor. verbi Dei c. 19.
vocans crucem frontibus nostris impressam signa-
culum quinque Christi plagarum.



CAPVT XVI.

De stigmatibus in patria.

AD plenam & vndecunque absolutam de Sacris
stigmatibus tractationem, videndum restat, an
huiusmodi stigmata, locum sint habitura in patria.
Hactenus enim, de Sacris viatorum duntaxat stig-
matibus est disputatum. Duo ergo de stigmatibus,
in corporibus beatorum quæri posse video. Primum
est, an stigmata hîc impressa, retineantur in redi-
uiuis corporibus beatorum; an verò cum reliquis
infirmatibus oblitterentur. Alterum est, an quod
sonare videntur quædam Scripturæ, noua aliqua
stigmata corporibus rediuiuis beatorum sint impri-
menda, quibus caruerint in via.

Ad priorem difficultatem, quæ est de stigmati-
bus Sacris per tempus viæ, impressis corporibus
Beatorum; siue agatur de Sacris notis antiquis, vt
circumcisione, siue de sacris stigmatibus purorum
hominum nouæ legis, idem pronunciandum est
quod de stigmatibus corporis Christi rediuiuis.
Nam cum Christi corpus rediuiuum, sit causa Idea-
lis omnium corporum beatorum, vt ex multis Scrip-

turis monstrat Suares t. 2. 3. p. d. 50. sect. 5. meritò (nisi sicubi vrgebit peculiaris aliqua ratio ,) quod de stigmatibus corporis Christi rediuiui statuemus, ad stigmata cœterorum corporum beatorum similiter hîc affecta, erit extendendum. Agnouimus autem in Christo supetiùs varia stigmata, quæ excepit viator : nimirum stigma circumcisionis, flagellorum atrocium notas, & fixuras clauorum, ac lanceæ.

Quoad stigma circumcisionis, an fuerit in corpore Christi rediuiuo, controuersia esse potest; inde decidenda, an Christus in resurrectione caruerit præputio. Si enim præputio instructus resurrexit, abfuit stigma circumcisionis, vt notum est. An ergo Christus cum præputio resurrexerit, ambiguit est Origenes, quem adducit Eusebius in Apologia t. 9. Hieronimi *pag. mihi* 329. Sed Christum resurrexisse præputiatum, affirmat Titus Bostrenus in c. 2. Lucæ. Et idem habet satis communis sententia, apud Suarem t. 2. 3. p. d. 47. s. 1. à qua non recessit Collius l. 5. de sanguine Christi disp. 1. c. 5. ad 5. Exponit enim se disp. 7. c. 2. Et meritò. Nam debita integritas corporis Christi resurgentis, postulauit vt præputio non careret : quod facillè fuit Deo præstare, restituendo Christo eam partem corporis, vel certè supplendo illam de nouo.

Loquor sub disjunctione, propter multas narrationes, de superstitie nunc quoque, in terris Christi præputio : vt videre est apud Toletum Lucæ 2. annot. 31. & apud Odonem Giffæum in historia Aniciensi l. 1. c. 17. vbi signantur varia loca eo

thesauro gloriantia. Si ergo narrationes illas de quibus Innocentius 3. lib. 4. de mysteriis dubitat, admittamus : facile erit asserere, vel Christi præputium quod infanti abscissum est, reproductum vi diuina Christo esse redonatum : vel quod verisimilius est, ex noua materia, aut ex aliquibus partibus è Christi corpore resolutis, fuisse efformatum, & Christi corpori rediuiuo adjunctum nouum præputium. Neque enim censendum est, eam noui præputij conserctionem, pugnare cum identitate corporis; quæ moraliter salua manet, dummodò principales corporis partes sint eadem, tantùmque fiat mutatio in vna aliqua exili particula, cuiusmodi est præputium infantis. Quid quod præputium quod Christo infanti resectum est, ineptum fuisset, vt aptaretur corpori Christi iuuenili, quale fuit cum resurrexit ? Ob augmentum enim factum in parte è qua decisum est præputium, necessarium fuisset eam particulam cumulari accessu quantitatis, quæ illi reliquo viræ progressu per nutritionem aduenisset : alioqui non potuisset coaptari membro jam grandiori, è quo defecta fuerat cum medium esset. Igitur etiamsi illudmet præputium quod Circumcisione recisum est, restitueretur Christo rediuiuo ; admittendus tamen in eo esset accessus nouæ alicuius materiæ, qui æquè pugnaret cum identitate corporis resurgentis, ac appositio noui præputij.

Verius igitur videtur, non præputium quod hîc Christus infans habuerat fuisse eidem rediuiuo reconcinatum, posito quod idem supersit in terris;

sed nouum planè præputium fuisse Christo conser-
tum diuinitùs. Alia tamen est ratio cœterorum
corporum beatorum, quibus hîc per circumcisio-
nem resectum fuerit præputium. His enim idem
numero præputium, necessaria ad coaptationem
quantitate cumulatam, restituendum fore, censen-
dum est. De his quippè non est vlla ratio quæ-
rendi, an præputium illis ex alia materia concin-
netur, sicut fuit ratio dubitandi circa Christum,
ob narrationes de superstitie plerisque locis eius
præputio. Resumpto autem præputio, non est
quod de stigmate, aut de cicatrice residua ex ante-
riore sectione sinus solliciti; sed omnes huiusmodi
notæ, censendæ sunt obliterari, nec perseverare in
corporibus beatorum: cum aliquam potiùs defor-
mationem, à corporis beati dignitate abhorrentem
redoleant. Et idem dicendum est de stigmate auris
subula foratæ, si quæ talia corpora resurgant ad
gloriam, & donentur in cœlo beatitate.

Fuere præterea in mortali Christi corpore, ac
etiam in plurimorum sanctorum corporibus, stig-
mata flagellorum atrocium, perseverantia in eis
vsque ad mortem. Ineptè enim quoad Christum
creditus Anselmus l. de passione Dom. cap. 16.
affirmavit, Christi corpus ante resurrectionem,
fuisse planè liberum hisce stigmatibus ac cicatrici-
bus. Vnde inducit Deiparam sic loquentem. [Filius
meus ad consolationem meam & discipulorum,
glorificatus fuit ibi coram nobis: ita quod nulla
plaga aut liuor, in corpore suo apparuit, præter
quinque vulnorum cicatrices, quas reseruaturus est

vsque ad diem iudicij ; & adeò sanus apparuit in corpore , ac si nunquam passus fuisset. De quo ego & discipuli immensam consolationem recipimus.]

Hoc Dyonisius Richelius Tract. de passione Dom. artic. 14. in longa disquisitione ineptiarum libelli prædicti ; nec apertè improbat , nec apertè admittit. Exploditur autem (quamvis justo mollius,) à Molano l. 4. de imag. c. 12. Supposito igitur quod liuores & cicatrices è flagellis, in demortuo Christi corpore hæserint ; addendum est, corpus Christi gloriosum ea stigmata præferre, absque vlla indecentia , imo cum multa gloria & venustate.

*Quale manus addunt ebori decus , aut ubi fuluo ,
Argentum Pariúsve lapis , circumdatur auro.*

Res hæc perspèctior fiet, ex dicendis circa punctum sequens. Hinc verò efficitur , similia sanctorum stigmata non oblitterata ante mortem, comparitura in eorum corporibus rediuiuis , cum illo speciali & eximio decore , qui merito sanctorum respondeat.

Primaria Christi stigmata , sunt quatuor illa per quæ veluti per tubos, pretium redemptionis nostræ è manibus pedibúsqve foraris profluxit ; nec non quintum in latere perfosso post Christi obitum, vnde juxta Patres manarunt Sacramenta , in sensu quem latè vestigat Sayrus Tract. de Sacram. in genere , & Malonius ad c. 20. Palæoti de sacra sindone num. 9. Hæc stigmata fuisse in Christi

corpore rediuuio, negauit Calvinus, quem latè rejicit Fenardentius in Appendice ad Castrum V. *Christus* hæresi 12. Multa etiam ad eam vulnèrum in Christo rediuuio perseuerantiam confirmandam, habent Suares t. 2. 3. p. d. 47. sect. 2. & Malonius ad c. 16. libri prædicti q. 1. & 2. Statuendum ergo est tanquam ex fide certum, stigmata quinque prædicta, hæsisse in glorioso Christi corpore. Ita enim apertè habetur de manuum laterisque stigmatibus Ioan. 20. nec obscurè idem insinuat Lucæ 24. de stigmatibus pedum. Traditio item Ecclesiastica perspicuè suffragatur, ex qua passim videmus, Christi corpus jam gloriosum exhibiti cum eo plagarum quinario. Idem docent Patres; siue tractantes dicta Loca Euangeliorum, vt Chrysologus serm. 76. & 81. Siue per alias occasiones, ac nominatim agentes de aduentu Christi ad generale iudicium: in quo aiunt, mirè suffundendos Iudæos, aspicientes in eum quem confixerunt, iuxta Zachariam c. 12. Insigniter id tradunt Hippolitus orat. de mundi consummat. Chrysostomus hom. 77. in Matth. & homil. 1. de Cruce & latrone. Augustinus l. 2. de symbo. c. 8. Creditus Cyprianus in calce Tractatus de baptismo Christi. Cæsarius homil. 23. & Euchetius in calce homiliæ quartæ ad Monachos; quem hinc fructuosissimè mores informantem, iuuat adducere. [Cogitemus (inquit) illius Iudicis incessanter aduentum, qui utinam sic nos paratos inueniat, quomodo nemo potest dubitare quòd veniat. Quod si requiras, quomodò veniat? illo utique corpore, quod pro

nostra salute susceptum, pro nostris criminibus addictum, pro nostra absolutione damnatum, & pro nostrorum vulnerum medicina, lanceâ, clauis-
 que confixum est. Prima enim erit in reos intolera-
 randa sententia, reuerendum præsentia cicatricum.
 Quid igitur illo tempore facturi sumus, quando
 contra illos, crucifixi Domini linores, notæ pecca-
 torum nostrorum, ac maculæ libidinum proferen-
 tur? Aut quo putas vultu, respicit redemptio
 nostra perditionem nostram? Tanto grauiora erunt
 humana delicta, quanto maiora se ostenderunt di-
 uina beneficia. Verendum est autem, ne illam
 vocem resurrectionis, preciosa Christi vestigia pro-
 testantem, etiam iudicio suo ad vasa iniquitatis
 prolaturus, atque dicturus sit; *Infer digitum tuum
 huc, & vide manus meas, & affer manum tuam, &
 mitte in latus meum*; & agnosce quæ pro te, & à te,
 impietas humana pertulerim. Illa utique clauorum
 signa bonis salutaria, malis terribilia, quæ usque
 ad diem iudicii non delentur, sine dubio objicienda
 seruantur: & quid post hæc sequitur, nisi illud in-
 terpositum inter viuos ac mortuos expauescendum
 chaos, vastumque discrimen, exclusæ à natura vi-
 uentium tenebræ exteriores, dura separatio à dulci
 intuitu Sanctorum, & à societate fidelium? &
 è contrario inter lachrymabiles gemitus, planctus-
 que lugentium, collegium triste miserorum & à
 beata patria æternum teterrimæ noctis exilium?
 Quàm lugubre erit homini, Deum videre & per-
 dere, & ante pretij sui perire conspectum? Et idè
 Charissimi, ista dum tempus est cogitantes, ita

indefesso studio laboremus, vt quod nobis contulic
iudicatus, integrum in nobis inueniat iudicaturus.]

Quare perseuerantia sacrorum quinque stigma-
tum in glorioso Christi corpore, rata esto, non mo-
dò quoad tempus quo Christus post resurrectionem
hæsit in terris, vel tantum quoad tempus decurren-
dum vsque ad finem mundi; sed etiam per totam
æternitatem. Ita enim disertè tradunt S. Ambro-
sius lib. 10. in Lucam & S. Augustinus 22. Ciuit.
cap. 19. & 20. & alij, qui agnoscunt hæc vulnera
esse monumenta æterna, & perpetua Christi de ho-
stibus trophea. Bellè omnino Rupertus l. 12. de
victor. verbi Dei c. 28 has esse æternas voces vi-
ctoriarum Christi, his verbis docet. [Vir iste,
numquid est ille de quo Sapientia dicit, *Vir obediens
loquetur victorias*? Denique & si sunt vel fuerunt
viri multi, obedientiæ filij, iste vnus vir, vnus &
singularis, cui non fuit, nec est, nec erit alius similis,
aut obediens in re simili, vel pari: hic solus in eo
vir obediens est, quòd nullum omnino habens pec-
catum, humiliavit seipsum per voluntatem Patris
propter peccata aliorum, & vsque ad mortem se hu-
miliauit, mortem autem crucis. Proinde decet eum
jam obedientem virum, loqui victorias, & ecce lo-
quitur eas in locutione incessabili, locutione sem-
piterna. Cuiusmodi est locutio illa? Profectò valdè
clara, valdè sonora, quia ipsa est demonstratio pla-
garum suarum, quas in ipsa suscepit obedientia.
Quinque plagæ eius, quasi quinque linguæ sunt.
Plagarum suarum cicatrices, idcirco in corpore suo
retinuit & reseruauit, vt victorias suas semper lo-

quatur, illis quasi linguis. Cui loquitur? Reuera primum Deo Patri, deinde Angelis & hominibus, sanctis omnibus, electis omnibus. Vider Pater Deus, & pulchris victoriarum testimoniis delectatur. Vident Angeli, & ad laudem & gloriam exultantur. Vident homines redempti, & in gratiarum actiones, irremissibiliter extenduntur.]

Perseuerabunt ergo ultra iudicii diem, & per totam æternitatem, sacra quinque stigmata in glorioso Christi corpore: & quod Cæsarius homilia 23. ait, clauorum signa non esse delenda vsque ad diem iudicii, non est accipiendum de Sacrorum horum stigmatum obliteratione post iudicium, sed de permanentia illhuc vsque, absque exclusione vltioris durationis. Sicut cum dicitur, *non cognoscebat eam donec peperit*, non est sensus; Deiparam post Christi puerperium fuisse cognitam, juxta Heluidij blasphemum spurciloquium: sed sensus est, quod Deipara vsque ad partum Virgo fuisset, quamuis vltius quoque, id est semper omnino, fuerit Virgo. Sicut etiam cum Christus dixit, se vsque ad seculi consummationem cum suis futurum; non est sensus, quod tunc sit eos deserturus vt rectè notauit S. Basilus hom. de humana Christi generat. Et de coruo nunquam postea regresso, dicitur Genes. 8. *non reuertebatur, donec siccarentur aqua super terram.* Psalmo item 109. dicit dominus domino, vt sedeat ad dexteram, donec inimici pedibus eius substernantur; tametsi hostibus jam substratis, continuaturus sit sessionem ad Patris dexteram. Quæ exempla ad illustrationem huius modi

modi loquendi, profert Theodorus Metochita in Historiæ Romanæ Breuiculo pag. 9. Idem ergo deber esse sensus Cæsarij, cum dixit, signa clauorum vsque ad diem Iudicij non esse delenda è rediuiuo Christi corpore, quæ verè in eo perseveratuta sunt in æternum. Nimirum vt raciocinatur S. Thomas 3. p. q. 54. artic. 4. ad 3. post S. Gregorium 14. moral. c. 31. Christi corpus, per resurrectionem statutum super petram immobilem, transgressum est Lunam: quæ ab Ocello l. de vniuerso, scitè dicitur *Isthmus mortalitatis & immortalitatis, nec non mutationum ac vicissitudinum, & prorsus immota stabilitatis.* Quare eundem semper statum retinebit, & illa quinque primaria vulnera quæ habuit hærens cum Apostolis post resurrectionem, ultra omnia seculorum volumina conseruabit. Itaque non sunt adæquatæ rationes quædam à nonnullis Patribus adductæ, cur Christus cum stigmatibus resurrexerit. Vt ratio quam creditus Cyprianus serm. de baptismo Christi; & creditus Anselmus Hebr. 9. petunt ex efficaci interpellatione pro nobis, ostentatis Patri Filij. vulneribus, quæ interpellatio cessabit post mundi clausulam. Item non erit post mundi metam necessaria erectio fidei ac spei mortalium, cui seruitum hâc vulnerum reseruatione, volunt S. Ambrosius l. 10. in Lucam, & Eucherius homil. 10. de Paschate Verbis illis. [Præfert piissimus liberator per vulnerum signa, celebranda redemptionis insignia. Præfert clauorum confixione corpus insertum, & lanceæ illusione confossum. Quid hoc est? Expoliata est fragilitas, exinanita mortalitas,

ſola in cicatricibus permanent reuerendæ teſtimonia paſſionis. Nimirum illud ſolum reſurrectio, vnde erat credenda non abſtulit. Oſtendit ergo manus & latus, ne ſubitò non eadem caro crederetur reſurrexiſſe quæ paſſa eſt; ne cauſam ipſam gloriæ obſcuraret fortaſſè lux gloriæ, ne ſplendor reſurrectionis fidem obduceret veritatis. Oſtendit eis manus & latus vt qui paulo ante in tuo Deum corpore inſpexeras, nūc in Dei lumine ſuum corpus agnoſceres; vt tantum de ſpe caperes gaudium, quantum de nouitate miraculum.] Erit qui aduerſus quamcunque horum ſtigmatum patentium & hiantium perſeuerantiam, vrgeat neceſſariam in Chriſto continuitatem partium, præſertimque venarum, arteriarum, atque neruorum; cui continuitati obest vulnerum hiantium perſeuerantia, cum non exiguo incommodo continentiaſque ſanguinis, & ſpirituum ad motum & organicarum partium fomentum neceſſariorum. Verum non eſt quod ratiuncula humanæ, diuino imperio auſint obſtrepere. Non obſtante enim exigua illa vacuitate, corpus non deſinit eſſe moraliter continuum, & tale appellari: nec idcirco incommodatur tranſuectioni ſanguinis & ſpirituum; quia foramina orbicularia (cujuſmodi iſta erant,) non tollunt continuitatem circelli carnei circumjacentis, & circumpoſitarum arteriarum, venarumque, & neruorum. Vnde illa diſcontinuitas quam admittimus, probè cohæret cum vſu debito partium organicarum. Poſſet quidem aliquis ingenioſè commentari, loca vulnerum fuiſſe planè continua; ſed

Christum doribus gloriæ videntem, fecisse ea peruia
 digitis ac manibus Apostolorum contrectantium
 partes item opplentes foramina per clanos & lan-
 ceam caufata; fecisse inuisibiles, impedito effluxu
 specierum visibilium ab illis partibus: quod vtrum-
 que subest arbitrio beati rediuiui, & multo magis
 erat in Christi jam gloriosi potestate. Hæc tamen
 commentatio, plus ingenij habet quàm soliditatis:
 Est enim contra pelluciditatem narrationis Evan-
 gelicæ: quæ omnino fert, vt stigmata corporis
 Christi rediuiui palpata à S. Thoma, non sint meræ
 notæ anteriorum vulnèrum, aut eorum jam obdu-
 ctorum cicatrices; sed verè sint patentia & aperta
 vulnèra, in quæ posset inferri digitus, & mitti ma-
 nus. Vnde Chrysologus serm. 76. vocat *clauorum*
foramina. Et S. Leo serm. 1. de Ascens. c. 3. vocat
manentia in manibus & pedibus Crucis signa, ac seruata
clauorum & lanceæ vestigia. Rupertus l. 12. de vi-
 ctor. verbi Dei c. 28. & 29. nunc appellat *plagas*;
 nunc *vulnera iusti*, *vapulantis quicquid sensibus suis*
caro nostra deliquit. Vnde quod capite illo 28. vo-
 cat *cicatrices*, id quod etiam facit Eucherius homil.
 10. de Paschi. non est accipiendum de cicatricibus
 propriè dictis; siue de notis post vulnus curatum &
 obductum; sed omnino accipiendum est de vulnè-
 ribus hiantibus & apertis, vt fert vox *plagarum*;
 quâ vterque ille Autor vtitur iisdem locis. Simili-
 ter cicatrices nominat, quas tamen apertas statuit
 his verbis S. Augustinus (si tamen ipse) serm. 138.
 de tempo. [Vtitur pij & fortissimi Regis officio;
 dum cicatrices quas pro salute populi sui excepit,

ostendit. Aspicite Pharisei vacuum monumentum, & impietatis vestrae cognoscite sacrilegium. Clauos quos fixeratis agnoscimus, & quem occidistis, adoramus. Videte quem compunxistis: Poterat fixuras clauorum Dominus resurrectione sua componere; sed idem reseruantur, ut qui hoc sacrilegium commiserant, videant & confundantur.] En cicatrices in rediuiuo Christi corpore agnoscit, & tamen fixuras non compositas, idest non obductas admittit. Non est igitur audiendus Collius qui l. 5. de sanguine Christi disp. 7. c. 1. aliter de Christi vulneribus post resurrectionem philosophatur, quam haecenus fecerimus.

Quod circa primarias quinque Christi plagas constitutum haecenus est, extendi posse ad plagas & stigmata SS. Martyrum, negat Euthymius Lucae 24. statuens esse solius Christi proprium, habere in statu gloriae vulnerum cicatrices, idest vulnera perfossa, qualia habuerat in statu mortali. Et videtur idem velle Eucherius hom. 10. de Pasch. *ad finem*. Ait enim, [Reparandum me in corpore meo, & circundandum me pelle mea, credo quidem sermonibus annunciantis; sed plus credo cicatricibus resurgentis, quas quidem in resurrectione Domini, ad confirmandam vniuersitatis fidem, speciales fuisse manifestum est, ut per testes crucifixi corporis plagas, definitissime nouerimus, omnes sub reparationis die animas, ad corpus proprium reuersuras. In nostra vero resurrectione, nulla alius remanebunt indicia laesurae, nulla penitus apparebunt vestigia vlceris, aut debilitatis in carne,

vitam non inueniantur in corde.] En nullas læ-
suras, nulla penitus vestigia illatorum hîc vulnorum,
in corporibus beatorum admittit. Idem tribuit
Soto Suares t. 2. 3. p. d. 47. f. 2. Quanquam Soto
in 4. d. 44. q. vnica art. 3. tantum ait, membrum
vulneratum, in resurrectione rutilaturum immenso
splendore, vt rectè asserunt Cartusianus in 4. d. 49.
q. 8. & Iosephus Angles q. de beatitud. in fine, &
preiuerat Cæsarius l. 12. exemplor c. 50. Imo præi-
uerant Patres, vt Ambrosius l. 10. in Luc. & Au-
gust. 22. Ciuit. c. 19. & 20. nec repugnat S. Cyril-
lus 12. in Ioan. c. 58. qui tantum intendit negare,
defectum aliquem aut probum inde exoriturum:
quæ fortassis etiam est mens Eucherij loco allega-
to. Ea autem specialis gloria partis hîc vulneratæ,
quam solam inducit Soto, non pugnat cum vacui-
tate in membro perfollo: Vnde qui eam specialem
gloriam membri malè vexati admittit, non excludit
eius stigmata. Neque huiusmodi stigmata vacua &
hiantia, pugnant cum verâ resurrectione, dummodò
non sint eiusmodi vt vitam excludant, quemadmo-
dum accidit in capitis resectione, vel in corporis
intercisione vitam remouente, quali multatus est
S. Iacobus Intercisus.

Stigmata igitur aperta, cuiusmodi sunt transfixo-
rum, dummodò non sint naturaliter impossibi-
lia cum resurrectione & virâ, sed possint coherere
cum naturali permanentiâ animæ in corpore; (esto
effectiuè mortem essent illatuta intra breue ali-
quod tempus,) perstabunt in Martyrum corpori-
bus gloriosis, quicquid dicat Euthymins, vt

probaui in Tractatione de Martyrio p. 2. c. 6. n. 33. annuuntque Malonius ad c. 16. Palæoti de sacrâ sindone q. 1. & Pineda in c. 19. Iobi versu 26. n. 5. & Perrus Reginaldetus in speculo finalis retributionis parte 2. §. de primâ gloriâ corporis, qui argumentantur ex debitâ conformatione corporum SS. Martyrum rediuuorum & gloriosorum, cum corpore Christi glorioso. Nam corpus Christi est metrum & exemplar corporum omnium beatorum; estque dignum ac iustum, vt corpora eidem complantata in similitudinem mortis eius, assimilentur eidem in statu resurrectionis & gloriæ. Vnde non benè Euthymius, volebat hanc stigmatum perseverantiam in corpore glorioso, esse speciale Christi corporis decus, negatum gloriosis corporibus Sanctorum. Quod autem de SS. Martyribus dixi, extendendum est ad stigmata SS. Confessorum ac Virginum, quæ illis ad mortem vsque inhæserint. Nominatim verò de permanentiâ stigmatum S. Francisci in patriâ, latè differit Saluator Vitalis in calce Florenti Aluernini.

Posterior difficultas initio proposita, nempe sintne aliqua stigmata corporibus beatorum imprimenda in cœlo, fundatur in quibusdam Scripturis, asserentibus, electos habituros nomen Christi & nomen Patris eius scriptum in frontibus suis. Ita habetur de 144. millibus Apocal. 14. & eiusdem libri c. 7. Angelus ascendens ab ortu Solis habens signum Dei viui, signandos monet seruos Dei in frontibus eorum; quod ad statum beatitudinis pertinere, inde haberi videtur, quod post consumma-

tam signi impressionem, obuersata dicitur Ioanni turba magna, amictorum stolis albis, ex omnibus gentibus, & tribubus, populisque & linguis, stantium ante thronum, & in conspectu Agni, palmas manibus præferentium. Itaque videntur in cælo imprimenda electis noua stigmata, gloriæ & decoris refertissima, quibus in Dei populum consignentur. Hæc stigmata, aliqui asseruerunt esse crucem frontibus electorum imprimendam in cælo: Ita aliqui apud Salmeronem in c. 24. Matth. tomo 3. parte 3. tract. 40. nec improbat Cornelius in c. 9 Ezech. ad versum 5. *in fine*. Non video tamen sufficiens fundamentum inuehendi noua stigmata; beatorum corporibus in cælo impressa. Nam loca Apocalypsis allegata, iuxta optimos quosque Interpretes, pertinent ad mysticum stigmatismum quo iusti serui Dei, fiunt immunes à plagis ibidem recensitis, quibus liquet non fore in cælo locum.



SECTIO II.

STIGMATISMVS HVMANUS, profanus.



TRIPlici stigmatismo proposito, primum hactenus, executi sumus. Nunc progredimur ad secundum, quo profana stigmata ab hominibus impressa continentur. Hæc verò distribui possunt, in nobilia & ignobilia. *Nobilia* dicimus quæ probri expertia, vel etiam cum honore usurpata. *Ignobilia* verò, quorum impressio non caret dedecore secundum humanam æstimationem: quibus adjungemus, quæ *lugubria* & *superstitiosa* nuncupabimus. Non est autem visum, de stigmatizandi ratione artificiosâ, aliquid generatim præmittere, quia de subiecto siue parte notatâ, & notandi instrumento, ac modo notandi vario, nec non de obliteratione stigmatis impressi, vix aliquid statui vniuersè potest, omnibus humanis stigmatismis commune. In singulis autem, quæ ad ea capita pertinent, commodius attingemus.



CAPVT I.

Stigmata nobilia.

HÆC stigmata, tripertitò diuidi possunt. Nimirum primò in ea signa corpori impressa, quæ apud varias gentes fuerunt indicia nobilitatis. Secundò, in stigmata militum, quæ jure reponuntur inter nobilia: quia militia apud omnes gentes, nobile quid semper est habita, & vnus è primariis fontibus nobilitatis politicæ, vt videre est apud Tiraquellum in Opere de nobilit. cap. 8. Tertiò in stigmata eximiiis aliquibus artificibus impressa, in argumentum insignis peritiæ ad aliquod eximium artificium, vnde claritas atque nobilitas. Ex horum stigmatum, citra probum, imò cum laude & nobilitate impressorum declaratione, liquebit quanta sit varietas humanorum iudiciorum; dum quod alicubi seruale est, & probrosum, vt infra de stigmatibus monstrabimus, alibi vel probro ac dedecore caret, vel etiam tessera est nobilitatis; & quod vno loco indecorum est, alibi ingenuum est ac gloriosum. Sic nobis honorificum est aperire capita; cum apud Sinas, non nisi capitis damnatis sit proprium. Alicubi dextra honoratior est, alibi sinistra.

In primo ordine, numerantur notæ Thracum. Ita nominatim de eis Herodotus l. 5. sed quoad

fœminas duntaxat. Ait enim nobilis fœminæ
 insigne fuisse, habere faciem stigmati compunctam;
 quæ autem ignobiles erant purâ facie fuisse, &
 nullis notis impressis deformatâ. Æquè fœmina-
 rum Thracum in facie notatarum ad ingenuitatis &
 nobilitatis significationem, meminit Dio Prusæus
 orat. 14. Ut non videam quomodò Plutarchus l. de
 serâ numinis vindictâ, Thracias fœminas viris fuisse
 exosas dicat, ob disceptum Orpheum; & idcirco
 compunctas fuisse notis in facie. An quæ Orpheum
 discepserunt nobiles erant, indèque primum ex
 odio inductum, ut tales notarentur stigmati, quod
 postea restinctis licet odiis, versum est in usum, &
 pro argumento nobilitatis in muliere habitum?
 Quæ de stigmatibus in Thraciis mulieribus ad no-
 bilitatem spectantibus dicta sunt, Artemidorus l. 1.
 Onirocrit. extendit ad paruulos Thracum; quos in
 facie, & aliis corporis partibus, stigmata prætulisse
 testatur. Apud Tullium 3. Offic. mentio est Thre-
 ciarum notarum, cum agit de Alexandro Pheræo,
 quem ait ex epulis in cubiculum venientem, ad
 uxorem Theben; barbarum, & eum quidem (ut
 scriptum est) compunctum notis Thraciis, districto
 gladio anteire iussisse. Subdit verò. [O miserum,
 qui fideliorem & barbarum & stigmaticum putaret,
 quàm conjugem.] Hæc Tullij verba Nonius Mar-
 cellus ad seruilem compunctionem refert V. *Stig-
 matia*. c. 1. num. 104. & idem habet ad eum locum
 Tullij, Beruleius, ex Alciato l. 1. parerg. c. 26. &
 Alexandro Neapol. l. 5. genial. c. 18. Rectè tamen
 censuisse videtur Franciscus Connanus l. 2. Com-

mentar. Iuris ciuilis num. 4. tamenſi Tullius de eo quem Alexander præmittebat ad conjugem , contemptim meminere : tamen reuera fuiſſe ſtipatorem eo loco nobilem , nec è force domesticorum , ſed aulicum : ac proinde ſtigmata quæ præferebat , ad ſignificandam nobilitatem pertinuiſſe.

Annumerat Thracibus Gelonos , Vibius Sequeſter. Ait enim. [Geloni Thraciæ populi , picti corporis parte.] Sed vt notauit Turnebus l. 29. Aduerſar. c. 26. vel locus eſt mendoſus , & expungenda eſt vox *Thracia* : vel fallitur Vibius. Gelonos enim , Scythiæ populos eſſe , conſtat ex Heròdoto l. 4. & ex Philone l. de temul. cum de Tarando animali. Geloni igitur quamuis non Thraces , tamen æquè ac Thraces , argumentum nobilitatis habebant ſtigmata , vt inſinuat Claudianus l. 1. in Ruſſin. cum ait,

Membræque qui ferro gaudet pinx'iſſe Gelonus.

Optimè , membra ferro pinxiſſe dixit. Imprimebant enim Geloni ſtigma , immiſſo corpori ferro , tum ſuperfundeabant picturam , vt notauit Seruius 2. Georg. ad illud ,

Eoàſque domos Arabum , pictòſque Gelonos.

Vbi & Gelonos , & Agathyrſos qui item *picti* appellantur 4. *Æneid* : cenſet Seruius ſic dictos , à figuris ad ſignum nobilitatis corpori inuſtis , interuentu ferri , quæ inducto colore expreſſiores fierent.

Ea cum differentia, (vt Mela l. 2. c. 1. & Solinus c. 20. affirmant,) quod quantò quis nobilior haberi vellet, tantò protensiore notâ tingeretur, vt esset indicium humilitatis minùs tingi. Non benè quispian apud Solinum legit *propensiore nota*. Nec idonea est correctio eius qui legendum censuit *posiore nota*; sed genuina lectio est, *protensiore nota*. Quod ergo Geloni, & his collimitantes Agathyrsi, cæruleo picti colore stigmatibus affuso, *pictorum* denominationem à stigmatibus colore inductis retulerint, rectè positum est. Nec benè Seruius ad 4. *Æneidos*, pictos Agathyrsos non à stigmatibus affuso colore expressionibus, vt 2. Georg. dixerat, sed à comis Cyaneis denominatos affirmat. Hoc non admitto si excludantur stigmata picta. Vtraque verò in Agathyrsis jungit Ammianus lib. 31. [Gelonis (inquit,) Agathyrsi collimirant, interstincti colore cæruleo, corpora simul & crines.] Et eodem modo repudiandus erit Festus Auicenus in orbis terræ descriptione, si Agathyrsorum picturam ad sagum restringat cum ait, *Præcinctique, sagis semper pictis, Agathyrsi*. Verè enim non sagis tantum sed etiam corporibus pingebantur. Glâsto factam à Gelonis eam stigmatum infectionem, aliqui referunt. Quod excutiam mox circa Britannos. Agit haud dubiè de his populis sub nomine Dacorum & Sarmatarum Plinius l. 22. c. 1. cum ait. [Equidem & formæ gratiâ ritusque perpetui, in corporibus suis, aliquas exterarum gentium vti herbis quibusdam, aduerto animum. Illinunt certè aliis, aliæ faciem, in populis Barbarorum fœminæ,

marésque etiam apud Dacos & Sarmatas, corpora sua inscribunt.] Gelonus enim apud Stephanum, vrbs est Sarmatiæ, à Gelono Herculis filio ædificata. Notam à Gelonis & Agathyrsis ac Sarmatis corpori impressam, fuisse serpentem, est qui inde eruat, quod juxta Hærodotum l. 4. Hercules in Hyliâ regione tres liberos suscepit, vnde populi prædicti sint prognati; Agathyrsim, Gelonum, Scytham; omnes ex eâdem matre, quæ humanæ simul ac serpentinæ esset naturæ juxta fabulas de Gigantibus anguipedibus, cæterà hominibus. Inde igitur factum volunt, & ad testandam generis nobilitatem, quam & Hercules pater & serpentinis pedibus diuinum quid olim innuentibus mater præferret, eam notam hi populi iniustam corporibus voluerint. Benè ista, si alicubi haberetur pictos serpentibus fuisse hos populos. Mihi igitur sat esto, asserere populos illos certas notas impressisse vultibus, graphio aut ferro adhibito, tum infectionem ex succo herbaceo cuius Plinius meminit, fuisse superadditam. Nimirum causticis sulcis infundebatur succus coloratus, vt Zonaras 3. Annal. monstrat, agens de SS. Theophane ac Theodoro, Theophili Imperatoris Iconoclastæ crudelitate inscriptis. Factum id imitatione pictorum, qui per artem causticam siue vstoriam, quam Callixen. apud Athenæum l. 5. vocat *χρησμεσίαν* ceram omnicolore liquefactam in strias infundunt inter pingendum; quod picturæ genus nec sole, nec sale, nec vento in navibus corrumpi, scribit ad Martialem Raderus l. 4. epigr. 36. Meminit huius pictorum artificij Plinius

l. 35. c. 11. & Varro l. 3. de re rusticâ c. 17. Turnebus 8. Aduers. c. 9. & l. 24. c. 17. & lib. 29. c. 13. Huius artis imitatione, ut multus succus coloratus in partibus corporis persolis combiberetur, satagebant prædictæ gentes, *pictæ* idcirco denominatæ.

Britones, siue Britannos, in signum nobilitatis eodem modo stigmata excepisse, Tertullianus tradit l. de vel. virg. c. 10. ubi inter ea quæ varios fecere illustres, numerat pennas Garamantum, crotalos Barbarorum, cicadas Atheniensium, cirtos Germanorum, stigmata Britonum. Neque stigmati infectio ab affuso colore deerat. [Regionem (inquit de Britannia Solinus c. 25. *in fine*,) partim tenent Barbari, quibus per artifices plagarum figuras, jam inde à pueris variæ animalium effigies incorporantur; inscriptisque visceribus, hominis incremento, pigmenti notæ crescunt. Neque quicquam magis patientiæ loco nationes feræ ducunt, quàm ut per memores cicatrices, plurimum fuci artus bibant.] Hinc Oppianus l. 1. Cyneg. v. 469 vocat Britannos *αιολονώτες terga pictos*. Verùm Herodianus multò diffusiora facit Britonum stigmata l. 3. dicens. [Britanni, ipsa notant corpora picturâ variâ, & omnifariam formis animalium; quocirca nec induuntur quidem; videlicet picturam corporis ne adoperiant.] Plinius item l. 22. c. 1. [Simile plantagini glastum in Gallia vocatur, quo Britannorum conjuges nurusque, toto corpore oblitæ, quibusdam in Sacris nudæ incedunt, Æthiopum colorem imitantes.] Est enim cæruleus color nigrans, saturæ, & ut dicunt obscurus, ex Philandro ad l. 7. Vitruuij

c. 10. Nisi malis esse proportionem duntaxat infectionis ascititiæ & natiui coloris Æthiopum. Ut scilicet quemadmodum Æthiopes toto corpore præferunt nigrum colorem, ita illæ præferant cæruleum qui glasto efficitur, ut ex Cæsare habetur l. 5. de bello Gallico, verbis illis. [Omnes se Britanni, glasto inficiunt quod cæruleum efficit colorem, atque hoc horribiliore sunt in pugna aspectu.] Petr. Victorius l. 19. var. lection. c. 3. legendum voluit *luteo*, expunctâ voce *glasto*. Fulvius verò Ursinus ad dictum Cæsaris locum num. 115. vocem *glasto*, nusquam penitus inueniri testatur, sed irreposuisse ex corrupto Plinij loco existimans, monet alicubi legi *ultrò se inficiunt* ut etiam apud Melam lib. 3. cum de hæc corporum infectione agit: Alibi autem legi *vitro*. Vnde anceps hæret, quam veram lectionem retineat: quamvis expungendum esse illud *glasto*, ponat extra dubium. Sed nihil mutandum videtur. Nam quod ea vox alibi apud Latinos Scriptores non legatur, mirum non est: cum sit vox Gallis vernacula; leui apud posteros obliuione (ut sit) *Gualdum* sine *Guadum* appellatur; aut *pastellum* teste Tiraquello ad l. 3. connub. Glossæ 1. parte 3. n. 11. Philander quoque ad 7 Vitruuij c. 10. tamen si vocem *glasti* suppositio- nis suspectam habet, eo quod in plerisque MM. S. S. Codicibus desideretur apud Cæsarem & Plinium: tamen ait suo tempore, Isarrin satiuam, cui olim *Glasto* nomen, *guesdam* nonnullis appellatam, aliis *pastellum*. Esse porro herbam, etsi insignibus vitore cauliculis notatam, succo tamen inficientem cæruleo, quam trusatilibus molis premant ad herbaceæ

saniei exclusionem ; deinde exuctam digerant ; & post tinctos pannos caruleam illam feruentibus cortinis exemptam siccant pictorum vsibus, Indum vocantes. Inficiebantur igitur eo suo Glasto ; vel Gualdo, Britanni & vicini populi. Vnde Propertius *Belgium colorem* dixit. Nam l. 2. eleg. 19. succensens Cynthiæ suæ, cum dixisset ;

*Nunc etiam infectos demens imitere Britannos ;
Ludis & externo tincta colore caput.*

Hoc est faciem, quæ utique in capite ; ac etiam comas, subdit.

*Ut natura dedit, sic omnis recta figura.
Turpis Romano Belgicus ore color.*

Sed quod vsus à Britannis primùm manasset, inde maximè in Britannis celebrata apud Scriptores hæc pictura. Sic Martialis in Apophoretis

Barbara depictis veni biscauda Britannis.

Et lib. 11. Epigr. 54.

*Claudia caruleis cum sit Ruffina Britannis
Edita, cur Latia pectora plebis habet ?*

Aliis quibusdam populis, vsurpata olim proditit stigmatizatio corporum, ut Mossynis in Themiscyrâ regione, apud Plinium lib. 6. c. 4. Affirmat enim eos notis

eos notis signare corpora : quod de his notis impressis nec euanidis, est accipiendum. Syros omnes, in ceruice aut vola manus stigmata habuisse, Lucianus testatur l. de Syria Dea *in fine*. Sed hæ Syrorum notæ, ad stigmata superstitiosa sunt referenda, vt infra dicam. In Ptolemæi Ægyptiorum Regis corpore, impressas liliorum ac tympanorum notas, memorat Plutarchus l. de amici & adul. discrimine. Et videtur eodem modo accipienda pictura illa corporum, cuius est in Ptolemæi pompâ mentio apud Athenæum libro. 5. cum de quadraginta Satyris, conchylio aut minio, aut aliis coloribus corpora depictis. Ad nobilitatem quoque suam testandam, Libyes, vt se à Troianis oriundos comprobarent, inutebant stigmati corpora, teste Herodoto lib. 4. vnde colligitur, Troianis quoque vsuaria fuisse corporum stigmata. Parthos per omnia quæque sua membra forata, inserere grana pteriosa Tertullianus testatur l. de cultu femina. c. 10. Nihil in Indiarum Occiduarum historiis frequentius occurrit, huiusmodi notis & perfossionibus corporum, superadditâ infectione per colores appositos. Vsq̃ue hodie, quosdam Insulanos ad Insulas fortunatas degentes & Arabas, & Saracenos, habere pectora & brachia inustis notis inscripta, tradit Oleaster in c. 19. Leuit. ad illud *neque figuras aliquas, aut stigmata facietis vobis* : observans, vocem Hebræam, significare scripturam profundè canatam & cauterio inustam. Fuisseque id nobilium proprium, intelligitur ex Hebræâ voce *Koahb* virum insignem & honoratum, & quibusdam notis insignitum, atque notabi-

lem significante. Vnde Babylonniis, quorum sub eo nomine meminit Ezechiel. c. 23. versu 23. mos erat, viros principes notis in carne impressis insignire.

Plerisque gentibus jam olim, ac nominatim. Orientalibus Indis, Persis, Atheniensibus, nota nobilitatis erat stigma in aure, ad appendendum aurum vel gemmam. Ita de Indis Curtius & Arrianus, vterque l. 8. de gestis Alexandri. Posterior sic habet. [In aures Indi gestant ex ebore, qui locupletiores sunt tantum. Neque enim vulgò, id genus ornamenti ferunt.] De Atheniensibus Apuleius l. de dogmate Platonis, cuius illa sunt verba. [Qui aurum tantum reliquit, quantum puer nobilitatis insigne in auricula gestavit.] De Persis, vnam hanc esse omnium sententiam, quod nobilitatis insigne habuerint fossas aures, ait Tiraquellus ad calcem libri de Nobilit. & ex Diodoro Siculo l. 6. ac Xenophonte l. 3. expedit. docet Brissonus l. 2. de regno Persar. pag. mihi 320. Arabas similiter aures forasse in signum nobilitatis scribit S. Isidorus l. 19. Orig. Vnde illud Gnitionis apud Petronium. [Pertunde aures, ut imitemur Arabes.] Ad quem locum Georgius Erhardus in Symbolis, Dionem Cassium ex lib. 88. adducit, cum de Macrino Mauro. Tertullianus de cultu foemin. c. 10. Parthis idem tribuit, verbis illis. [Scrupsulosa Deus auribus vulnera intulit; & tanti habuit vexationem operis sui & cruciatus infantiae tunc primum dolentis, ut ex illis ad ferrum nati corporis cicatricibus, grana nescio quæ penderent; quæ plenè Parthi per omnia

quæque sua, bullarum vice inserunt.] Insinuat, eos non auribus tantum pertulis, sed & aliis membris; pendentia grana ostentasse. Toto denique Oriente, inaurium vsus ingenuis ac nobilibus jam olim frequens fuit. In quam rem nonnulla retulit Serarius in c. 8. libri Iudicum quæst. 14. & multa ex sacris literis coaceruauit Martinus à Roa Tomo 2. singularium lib. 1. cap. 7. Plinij item verba sunt in eam rem expressissima, l. 11. c. 32. cum agit de auribus. [Non aliâ (inquit) parte, fœminis majus impendium, quàm in lapillis. In Oriente quidem, & viris aurum gestare auribus, decus existimatur.] Quod *de impendio* ait, pertinet ad præciosissimas gemmas, quas mulieribus Romanis, ex quo externus hic cultus ad eas peruasit, auribus appendere, studium ardentissimum fuit. Horatius lib. 2. Saty. 3.

*Filius Æsopi detractam ex aure Metella,
Scilicet ut decies solidum exsorberet aceto,
Diluit insignem baccam.*

Iuuenalis Saty. 6.

*Nil non permittit mulier sibi, turpe putat nil,
Cum virides gemmas collo circumdedit, & cum
Auribus extensis magnos commisit elenchos.*

Hanc profusionem sæpè exagitat Seneca, nominatimque l. de vitâ beatâ c. 17. conlaturorem philosophiæ inducit dicentem. [Quare vxor tua, locupletis domus censum auribus gerit ?] Et l. 7. de benefic.

c. 9. [Video vniones , non singulos singulis auribus comparatos : jam enim exercitatæ aures oneri ferendo sunt. Iunguntur inter se , & insuper alij binis superponuntur. Non satis muliebris infania viros subiecerat , nisi bina ac terna patrimonia , auribus singulis perpendissent ,] Et l. de remediis fortuit. qui è variis Senecæ plagulis est contextus , admonetur de connubio cogitans , vt benè institutam ducat , nec maternis inquinatam vitiis , aut cuius auribus bina vtrunque patrimonia dependeant. Tertullianus l. de hab. mulieb. c. 9. Senecam imitatus , ita conclamat in immundum hunc mundum. [Breuissimis oculis , patrimonium grande profertur. Vno lino , decies sestertium inseritur. Saltus & insulas , tenera ceruix fert. Graciles aurium cures , Kalendarium expendunt.] Tertullianum expressit de more S. Cyprianus l. de bono pudicit. Inaurium item pretia , ad quæ ardent & insaniant studia matronarum , auersatur S. Hieronimus Episto. 8. Foratæ igitur aures , aut vt Plautus in Pænulo dixit , *annulatæ* , nota erant nobilitatis : ideóque à mulierculis , ad gradus sui ostentationem , ac etiam ad conciliationem pulchritudinis , tanto studio captabantur. Puellis jam ab infantiâ , binas aures forari solitas , maribus solam dextram , scribit S. Isido. l. 19. orig. c. . Aliter tamen habet Macrobius l. 7. c. 3. referens scomma Tullij in Octauium , qui orante Cicerone , negauerat se audisse quæ is dixerat. Ille respondit. Certè solebas benè foratas habere aures : alludens ad genus Octauij , qui Lybis oriundus dicebatur , vbi forare aures ex vsu erat.

Xenophon item apud Laërtium, Apollonidi objicit, quod perforatis esset auribus. Iuuenalis præterea Saty. 1. idem videtur admittere, cum ait;

*Cur timeam dubitèmvæ, locum descendere, quamvis
Natus ad Euphratē: molli quod in aure fenestra
Arguerint.*

En fenestra plurali numero, in aure molli, idest in utraque aure. Tandem S. Matrona, cuius acta retulit Metaphrastes 8. Nou. cū ementito sexu & habitu, in virorum cœnobio, sub nomine *Babyle* coop-rata esset, & Barnabas nuperus ex scenâ monachus, animaduersâ ambatum aurium eius foratione yris insolitâ; miraretur eius inter viros commorationem: responsum tulit, præ magnâ matris & educatricis beneuolentiâ in ipsam, utraq; aures pertusas fuisse; ad aureorum ornamentorum confertionem; ex aurium foraminibus. Ex quo liquet, etiam viris aliquando binas aures fuisse foratas, sed veluti præter communem usum, qui vnicam in virō pertundi aurem ferebat. Ut propterea singuli amici & cognati, lobo rediuuio, vnicam in aurem donarint, ut habetur in calce historię Iobi. Et Gedeon Iudic. 8. qui immensi pretij in aures aureas ex prædâ de Ismaëlitis coaceruauit, vnicam à singulis in aurem petiit, ut cum Ariâ ex textu Hebraico obseruat Serrarius ibi q. 8.

Ex dictis itaque liquet, stigma aurium vnius aut plurium, pro vario usu regionis, fuisse numeratum inter stigmata nobilitatem prodentia; quamvis

teuera vanitatem potius & stultam carnis vexationem prodat. Plinius sanè in præfatione libri 12. simplicitatem primam demiratus, quâ arbores sylvarumque, alimentum homini & vestem, congruamque mollitudinem suppeditabant, subdit. [Quò magis ac magis admirari subit, ab iis principiis, cædi montes in marmora, vestes ad seras peri, vnionem in rubri maris profundo, smaragdum in imâ tellure quæri. Ad hoc excogitata sunt aurium vulnera. Nimirum quoniam parum erat collo crinibusque gestari, nisi infoderentur etiam corpori.] Nostri fortius ac iustius in hæc Christianarum aurium de-honestamenta conclamant. Clemens Alexandrinus l. 3. pædago. c. 11. *sub initium*. [Prohibet Verbum ne auriculas faucientes, vim naturæ afferentes. Cur non enim itidem narem: Vt illud etiam impleatur: quod dictum est, *quemadmodum in auris in aure suis, ita improba fœmina pulchritudo*. In summâ enim si quis auro ornati existimet, is est auro inferior. Qui autem est auro inferior, is non est eius Dominus. Se autem Lydio ramento minùs esse honestum & inferiorem fateri, quomodò non est absurdissimum?]

Tertullianus l. de habitu mulieb. c. 6. [Sed & lapillos istos, qui cum auro superbiam jungunt, quid aliud interpreter, quàm lapillos & calculos, ejusdem terræ minutalia? nec tamen aut fundamentis demandandis, aut parietibus moliendis, aut fastigiis sustinendis, aut tectis densandis necessaria? Solum hunc mulierum stuporem ædificare nouerunt; quia tardè teruntur, vt niteant; & subdolè

substruuntur, vt floreat; & anxie forantur, vt pendeant; & auro lenocinium mutuū præstant.]
Diceret alluisse ad illud Silij. l. 12.

*Quale micat, semperque nouum est, quod Tiberis auro
Pascit ebur, vel qui miro candoris honore
Lucet in aure lapis, rubris aduectus ab oris.*

S. Cyprianus l. de discipl. & habitu Virg. in eandem vanitatem forandi aures, sic concitatur [An voluit Deus vulnera, quibus innocens adhuc infantia, & mali sæcularis ignara crucietur, vt postea de aurium cicatricibus & cavernis, preciosa grana dependeant, & si non suo pondere mercium quantitate?]

S. Ambrosius l. de Nabuch c. 5. [Delectantur & compedibus mulieres, dummodò auro ligentur. Non putant onera esse si pretiosa sint, non putant vincula esse si in his thesauri coruscent. Delectant & vulnera, vt aurum auribus inferatur & margaritæ dependeant. Habent & gemmæ pondera sua.]

Prudentius in Hamartigenia, inter ea quæ sexus malè fortis agit, cui pectore in arcto, mens fragilis, facili vitiorum fluctuat æstu, numerat

*Colla vel ignitis sincera incingere fertis,
Auribus aut grauidis virides suspendere baccas.*

Alcimus Auitus ad Fuscina Sororem de consolatione castitatis, laudans eius incultu simplicitatem;

*Ergo ubi vitalis fouit te lymphæ lanacri,
 Atque suum peperit celestis gratia pignus;
 Non tibi geminato pesuere monilia collo,
 Nec te contexit sparsæ quæ fulgurat auro
 Vestis ductilibus concludens fila talentis:
 Nec te sindonium his cœli muricis ostrum
 Induit, aut rutilo perlucens purpura cocco;
 Mælia vel tactu quæ mittunt vellera Seres.
 Nec tibi transfossis fixerunt auribus aurum,
 Quæ compensarent pendentes vulnera bacca;
 Dum pretiosa granant, sed saxeæ pondera malas.*

Sed plus satis de hoc fœmineo stigmatismo, ad
 mares indignè progresso, ut propterea Tertullianus
 c. 4. Apolog. Achillem, etiam aurium foratu effœ-
 minatum, quod illi tunc apud Sigæum statua serua-
 bat, ludibrio habeat.

An aliquibus, affectata quoque nobilitatis ma-
 nifestatio & cultus ex narium stigmate, agita-
 tum nuper memini. Referebat siquidem D. Ludouicus
 à Vento, vir omnium virtutum, auditum abs se
 Ecclesiastem, cui id præferri visum, eo loco Prouer-
 biorum; *Circulus aureus in naribus suis, mulier pul-
 chra & fatua*. Nares enim suas, à muliere pulchrâ
 & fatuâ pertusas, & circulo aureo decoratas, inter-
 pretabatur. Sed hoc est in gradu superlatiuo inepti-
 re: Cum ibi *nares suis*, sint nares porcinae; quas
 ineptus ille Orator, in nares muliebres, per sum-
 mam insulsiatam transformabat. Sensus autem
 sapientis est, mulierem pulchram & fatuam, non

secus dehonestare suam pulchritudinem, iniquatione peccatorum; quàm amica luto sus, circulum aureum, si naribus eius circumponatur. Mox enim nares in lutum demittens, conspurcabit circulum. S. Gregorius 30. Moral. c. 1. mysticè ad hæresim accomodat. Cassianus coll. 14. c. 16. ad sapientiam improuidam. Sed genuinus sensus, est quem dixi.

Sunt verò qui magnæ insulfitatis damnent, eam stigmati in naribus impressionem, ad ostentationem nobilitatis, vel pulchritudinis conciliationem. Sic Pineda in c. 42. Iob ad v. 9. n. 11. tractans in aurem Iobo datam post infelicitatem, persuaderi non potest adhibitum esse monile naso perfosso, quem ad mucis extersionem sæpiùs contrectari, & expeditum ac liberum esse, oporteat. Et idcirco obseruat, vulgatum Interpretem vbi Hebræa Isaïæ 3. habent, *monilia nasi*; transtulisse per periphrasim, *gemmas in fronte pendentes*, vt significaret, quomoddò ea monilia *circa nasum* dicerentur. Notat etiam, Ezech. 16. vbi Hebræa habent *super nasum*, vulgatum vertisse *in aurem super os*; vbi *inauris* non potest referri ad aures, quarum ornamentum statim distinguitur; sed pertinet ad nasum, ante quem appensum erat ornamentum, in fronte fixum. Verba S. Hieronimi in eum locum Ezechielis, sunt huic loco percommoda. [Verbum (inquit,) Hebraicum *Nezen*, excepto Symmacho, qui interpretatus est *in ipsis super nasum*, omnes *inaures* transtulerunt; non quod *inaures* ponantur in naribus, quæ ex eo quod de auribus pendeant *inaures* vocantur: sed

quod circulus in similitudinem factus inaurium, eodem vocabulo nuncupetur : & vsque hodie, inter cætera ornamenta mulierum, Solent aurei circuli in os ex fronte pendere, & imminere naribus.] Ratam habent hanc Hieronimi expositionem Prædus & Sancius ibi.

Nihilominus stigma narium, & ipsius carnis imæ, vel etiam cartilaginis mediæ nasum efformantis, terebrationem ad monile infigendum alicubi inualuisse, negari non licet. Idque Oleaster Genes. 35. à fœminis Orientalibus vsurpatum tradit, non secus de extremo naso perfosso, suspendentibus monilia, quàm passim ab aliis suspenderetur ex auribus. Et quia hoc ornamentum nasi, erat circulus instar annuli vel inaurium, propterea aliquando dicitur *circulus poni in naribus*. Aliàs verò in aures naso aptari dicuntur, juxta Hebræum contextum. Theodoretus quidem Ezech. 16. hunc circulum hand aliter infixum censuit naso fœmineo, quàm inseri soleat bubalis aut juuencis, quibus non aliter quam equo frænum apponitur, ut circumducantur.

Ad quod alludens Deus Isaïæ 37. dixit Sennacheribò, *ponam circulum in naribus tuis*. Quâ ratione hoc ornamentum adhiberetur naso, citra stigma & pertusionem ullam, siue carnis, siue cartilaginis. Et ex hoc antiquo more, manavit ad Africanas puellas ex Hebræorum gente, vsus gestandi ad nasum circulos aureos, & quasi Lunulas, eâdem ratione naso applicitas, quâ perispicilia in naso collocantur. Hoc ramen modo nasum ornandi non excluso, foratum quoque alicubi esse nasum ad orna-

tum, & citra probrum, rectè affirmat Martinus à Roa t. 2. singular. l. 1. c. 7. asserens viſos abs ſe Æthiopas, foratâ naſi cartilagine, ad monilia appendenda. De plerisque regionibus vltra Oceanum apertis, idem notavit Sancius Ezech. 16. ad verſ. 12. Ibi enim ex parium mediâ cartilagine, gemmeum aliquid ad os vſque dependens, & labiis ac dentibus alludens, geſtate ex vſu eſt. Ticoric Regem Mexicanorum, in ſuâ inauguratione ſolemni, ſtigma in naribus excepiſſe ad inſignem Smaragdum inde appendendam, ſcribit Ioſephus à Coſta l. 7. hiſtor. c. 17. De Peruanis idem produnt qui eorum inſtituta mandarunt literis. Hæc verò non tam inſana gloriatio, quàm juſta excruciatio cenſeri debet. Quid enim vel magis moleſtum, vel magis incommodum; ſiue ad loquelæ efformationem, ſiue ad cerebri neceſſariam expurgationem, excogitari potuit, quàm huiusmodi ornamentum cum naſi terebratione?

Moleſtius etiam & incommodius, cum ad cibi ſumptionem, tum ad efformationem vocis, ac ſputorum dejectionem, agnoſci debet genus ornamentum labiis infixi, quale in fœminis Æthiopum verſus Arabiam ſitorum, memorat his verbis Diodorus Siculus l. 4. c. 1. [Armant vſque ad certam ætatem fœminas; quibus vt plurimum moris eſt, æreum circulum in labiis ferre.] Non ait *ad labia*, ſed *in labiis*, quod infixionem ſonat. Ac ne gratis cõſicta ea verborum Diodori interpretatio videatur, præterquàm quod illam apertè præfert cortex verborum; habemus geminum exemplum in Braſilis, de

quibus in hunc modum scribit Maffæus l. 2. histor.
[Aëneâ ipsi cute, atro insuper succo pomi *Genipapi*,
totum subinde corpus inficiunt. Præterea insertos
habent jam inde à prima ætate, deliciarum causa;
quidam inferiore duntaxat labro, quidam etiam
facie totâ, prælongos nullius pretij lapillos, tetro
sanè spectaculo.]

Aliud genus stigmatis nobilis & probro vacan-
tis, proponebam, stigma militare, cuius meminere
Aëtius Medicus l. 8. c. 12. & Vegetius l. 2. c. 5. &
l. 1. c. 8. ad quæ loca Stenechius item Gabriel
Naudæus syntagmate de studio militari lib. 1.
pag. 43. nec non Lipsius l. 1. de milit. Rom. dialo. 9.
adducens D. Augustinum epist. 1. & Chrysostomum
hom. 3. in 2. Cor. Addo locum perelegantem ex
eodem Augustino l. 2. contra Parmenia. c. 13.
Agens enim de non repetendo baptismo illicitè ad-
ministrato, adhibet hanc ex milite similitudinem,
qui si insignitus illicitè fuerit, manet tamen notatus.
[Neque vlllo modo per deuotum militem, quod à
priuatis vsurpatum est, signum Regale violabitur.
Si enim aliqui, furtim & extraordinariè, non in
monetis publicis, aurum vel argentum, sed æs per-
cutiendo signauerint, cum fuerit deprehensum;
nónne illis punitis, aut indulgentiâ liberatis, cogni-
tum Regale signum, thesauris Regalibus cogetur in-
ferri? Aut si quisquam est, siue desertor, siue qui
nunquam omnino militauit, qui notâ militari Pri-
uatum aliquem signet, nónne ubi fuerit deprehen-
sus, ille signatus pro desertore punietur; & eò
grauius, quò probari potuerit, nunquam omninò

se militasse, simul secum punito, si eum prodiderit, audacissimo signatore? Aut si fortè illum militiæ characterem in corpore suo, non militans pauidus exhorruerit, & ad clementiam Imperatoris confugerit, ac prece fusâ, & impetratâ jam veniâ, militare cœperit, numquid homine liberato atque correcto, character ille repetitur, ac non potius agnitus approbatur? An fortè minùs hærent Sacramenta Christiana, quàm corporalis hæc nota?]

Eodem argumento utitur S. Cyrillus l. 6. de ador. cum ait : [Militem qui clypeum abjecerit, ac de prælio fugerit, secundis insigniri characteribus non oportet, sed puniri.] Retulit eum morem signandi milites, S. Gregorius l. 2. Episto. 61. & 64. referens hanc Mauritiij Augusti legem, [Ut nulli qui in manu signatus est, conuerti liceat.] [Ecce (inquit S. Gregorius, apertâ voce dicitur, ut ei qui semel in terrenâ militiâ signatus fuerit, nisi aut expletâ militiâ, aut pro debilitate corporis repulsus, Domino nostro IESU Christo militare non liceat.] Ex verbis legis adductæ, liquet manum fuisse inscriptam. Sicut hodièque milites Abyssinorum Imperatoris, cui nomen *Presteianni*, brachium inurantur, admoto ferro candenti, & impresso Crucis signo. Romanis militibus, quæ nota in manu imprimeretur, conjectura ducitur à Lipsio proximè laudato, ex Epistola i. Diui Augustini, insinuantis, inscriptum manui Tyronis, nomen Imperatoris. Idem habent Turnebus l. 24. Aduers. c. 12. & Valtrinus l. 2. de re milit. c. 7. Disertè verò idipsum tradit S. Ambrosius Orat. de

obitu Valentin. verbis illis. [Charactere Domini inscribuntur seruuli : Et nomine Imperatoris, signantur milites.] Ex his liquet, quam insulse Lucas de Penna ad l. 3. C. de Fabric. allegato Archidiacono in c. *quod quidam* l. q. 1. asseruerit, stigma militare de quo hactenus egimus, fuisse cingulum. Merito hoc explodit Petrinus Bellinus in Opere de bello parte 1. titulo 6. n. 4. addens, ne ipsum quidem Accursium, qui truculentus Latinitatis lahius esse solet, adeo scdè in hâc parte esse hallucinatum.


Fabricensium stigmata, ad imitationem militarium stigmatum imprimebantur, vt constat ex Arcadij & Honorij Imperatorum decreto, quod extat his verbis l. 3. C. de Fabric. [Stigmata, hoc est notæ publicæ, Fabricensium brachiis, ad imitationem Tyronum infligantur ; vt hoc saltem modo, possint latitantes agnosci.] Dicebantur *Fabricenses*, periti fabricandorum armorum ; quibus proinde solis, fas erat arma fabricare. Nam sicut non erat omnium, arma portare ; sic neque erat omnium arma cudere, sed peritorum duntaxat artificum, vt edicitur Authent. *de Armit.* Præcellentes ergo in eo opificij genere, vocabantur *Fabricenses* ; quos vt extaret peritorum ab imperitis discrimen, nec periti subducerent se labori, signari placuit ad eum modum.

Aquarij, siue Hydrophylaces, iubentur stigmati impressis signari l. penult. C. *de aqueductu*, vbi ita edicitur. [Aquarios singulis manibus, nomine pietatis nostræ impresso, signari decernimus, vt

huiusmodi annotatione, manifesti sint omnibus.] Erant hi aquarij, custodes aquarum, longè distincti ab aliis item dictis *aquariis*, aquam ad balnea conuehientibus, qui impudicis mulieribus sæpè fœdorum commerciorum internuncij erant, vnde illud Iuuenalis Saty. 6.

Veniet conductus Aquarius.

Pessimè audiunt Festo. V. *Aquarioli*; cùm tamen munus eorum, quod erat importandi aquam ad lauandum vel potandum, esset absque labe. Sed Aquarij qui signari stigmate impresso jubebantur, custodiæ aquarum erant addicti, & longè discrepabant ab his aliis Festo proscissis Aquariis.



CAPVT II.

Stigmata seruilia.



SERVORVM inustio erat olim per familiaris, vt propterea passim audirent *literati*, & *inscripti*, ac *stigmatia*; & nota pro seruitute vsurparentur, vt apud Senecam videre est l. de tranquillit. animi c. 11. Ea nota dicebatur *ἑγκλημα*: sicut qui ita notati erant, vocabantur *ἑγκλειστοι* vt videre est apud Athenæum sub finem libri tertij, cum de Cniso Ixco claudio, notis

compuncto & inulto. Ipsum instrumentum quo stigma imprimebatur, Palladius & Hippocratio vocant *καυτήρα*; Lucianus & Plutarchus *καυτήριον*. Quanquam aliqui, cum impressio stigmatis à Domino impotente fiebat, adhibitum volunt graphium. Meminit enim Galenus l. de dignosc. & cur. animi morbis c. 4. famulos à Dominis effrenibus calcibus appetitos, graphiis compunctos, oculis stylo & calamo immisso priuatos, gladióque percussos: Ancillas quoque Minorum morfu cruentatas. Defectu ferri, alteriúsve instrumenti signatorij, adhibitus interdum ad hunc vsu titio sopitus, idest extinctus, vt Ascylto factum apud Petronium. Quanquam ea non tam inultio stigmatis, & caustica impressio fuit, quàm tinctio & pictura fuliginosa, facta sopitionibus idest *sopitis titionibus*, duabus vocibus in vnam conflatis, vt alibi non semel: quod benè monuit sublatâ aliarum cotruptarum lectionum varietate, Fernandus à Corduba in Didascalia multiplici cap. 23. At nos his de seruili inscriptione stigmaticâ agimus, non de sublitione jocosa.

Subiectum partiale, huius inscriptionis, multiplex erat, sed maximè frons, vt sæpè infra dicemus, cum de inscriptione seruorum fugitiuorum, & epigrammate inscripto sermo erit. Signatos in pedibus seruos, vult Scaliger ad 4. Propertij circa illud,

*At quorum titulus per barbara colla pependit,
Calati medio cum saliere foro.*

Vbi

Vbi serui qui venales prostabant, & interea saltabant in circuitum per coronam circumstantium in auctione, dicuntur *calati*, idest signari pedes etetâ; siquidem priuati hominis essent heri sigillo; vel Reipublicæ sigillo, si essent mancipia publica, vt idem Autor tradit ex Xenophonte *περὶ προσόδων*. Et hoc est quod ait Poeta Saty. 1.

Nuper in hanc urbem pedibus qui venerat albis.

Innuens, non ita pridem fuisse seruum venalem, qui tunc gloriofiore sorte esset. Verum cūmeti creta notatos fuisse, vel resperfos (*cretatos* dixit Plinius l. 35 c. 18.) pedes venalium seruorum, sit extrâ dubium; hoc tamen non videtur esse quod Propertius dixit, *calatos*. Nam nota illa per cretam adhibitam, fluxa erat, & ad vsum duntaxat auctiōis, vt passim agnoscunt cœteri. Videtis Pulmannum ad Satyrā 1. Iuuen. Nos autem hîc cælaturam attendimus, idest stigma stabile, quod inustione, aliâve perfossione membri fiebat. Itaque *calati*, idest compuncti, vel inusti, dicti sunt serui, à cælaturâ in fronte, aliâve quâpiam corporis parte, quàm in pedibus cretatis. Plerique tamen, & in vnâ eâdemque parte sæpius, & in variis partibus, notati leguntur. De iteratâ inscriptione, est locus apud Pontium in vitâ S. Cypriani; & nominatim iteratam esse in facie inscriptionem, liquet ex Actis SS. Theodori ac Theophanis fratrum. Quæ enim sancti illi Martyres sunt passi, repetenda sunt ex stigmatismo seruorum, qui ab Ethnicis ad S S.

T.

Martyres extensus est, vt supra sect. 1. c. 6. cum Pignorio obseruabam. De variis partibus in eodem homine signatis, liquet ex Aristophane in Auibus, idcirco seruos nominante *varios attageres*.

Hactenus de subiecto partiali & immediato stigmatis seruilis. Circa totale verò eiusdem subiectum, est nonnullum dissidium. Est enim qui omnes seruos publicos, etiamsi innoxios, velit fuisse notatos; at seruos priuatorum non item, sed tantum si fugam tentassent, aliudve quidpiam Domino molestum admisissent. Ita Heraldus ad l. 8. Martialis Epigram. 78. *alias* 70. vbi Poëta loquens de publicis mancipiis vespillones agentibus, qui Domitiani funus cum dedecore exportarant, vt apud Eutropium lib. 7. videre est, vocat eos *quatuor inscriptos*. Nimirum ob stigmata, his Sandapilariis publico muneri addictis, impressa; etiamsi innoxij essent. At seruos priuatorum, nisi quid deliquissent, inustos fuisse, negat Autor prædictus. Fauet Clem. Alex. 3. pæd. c. 2. verbis illis. [Sicut notæ inustæ fugitium; ita etiam floridi colores, adulteram indicant.] Hoc tamen vniuersaliter dictum, probare non possum. Constat enim seruos priuatorum, etiamsi planè infontes, plerumque fuisse notatos, vt rectè tradit Franciscus Conanus l. 2. Commentar. Iuris num. 4. qui addit, tales seruos non fuisse notatos in fronte, vt fiebat circa criminosos, sed in parte occulrà. Quanquam ne id quidem vniuersaliter verum puto. Abundamus enim exemplis seruorum innoxiorum, nunc in fronte, nunc alibi notatorum: parum curantibus heris famæ eorum con-

fulere, dummodò suæ securitati prospicerent, quod maximè faciebant interuentu notæ conspicuæ, seruos si fortè fugam tentarent, propalaturæ. Apud Syracusios, ingenuæ ac seruilis personæ discrimen, penes notas statuebatur. Nam qui seruus erat, tametsi nihil peccasset, inusto equi typo notabatur ab hero, teste Plutarcho in Niciâ. Idem in Peride, post Herodotum l. 4. scribit, Samios si quem ex Atheniensibus cepissent, seruituti subiectum, inustâ fronti noctuâ, quod erat tesseratium Atheniensium Symbolum, deformasse. Vicissim verò Athenienses, punctis Simænam referentibus, notabant in facie captiuos Samios. Erat Simæna, genus nauigij, quod erat Samiorum psephisina ex Æliano l. 2. variæ histor. c. 9. Et ab his notis. Aristophanes iuxta Plutarchum supra, pronunciauit populum Samiorum esse valdè literatum, hoc est seruilem. Serui quippè ab inusto literario stigmate, passim dicti *literati* : nimirum seruilibus literis, vt vocat Senecal. de tranquill. animi c. 1. Sic apud Plautum in Casina, seruus conseruo conuilians ait, *si hic literatus me sinat*. Et inde, scribere Vlpiano tit. 1. Instit. idem quod *notam inurere*. Samij ergo citra noxam, tantum quia captiui, notati ; & inde dicti *literati*. Quanquam non me latet Paroemiasten V. *Samij literati*, ex Aristotele quem adducit, aliò id de Samiis dictum referre. Præterea Claudianus l. 2. in Eutrop. querelas mouens de peruersione iurium omnium, Eutropio cuncta moderante per ignauiam Imperatorum, querebatur ; seruos etiam si insontes, tamen seruili stigmate notatos, omnia jura regere,

quod erat reuera indignissimum. Eius illæ voces.

*Pars humili de plebe Duces: Pars compede suras
Cruaræque signati nigro liuentia ferro
Iura regunt, facies quamuis inscripta repugnet,
Sæque suo prodant titulo.*

Infanti seruo, Histiaeus ad vsum arcanæ epistolæ, caput inscripsit, merâ Domini, seruili capite abutentis licentiâ, vt est apud Herodotum l. 5. & his verbis apud Gellium l. 17. c. 9. [Histiaeus nomine fuit, loco natus in terrâ Asiâ, non ignobili. Asiam tunc tenebat imperio Rex Darius. Is Histiaeus, cùm in Persis apud Darium esset, Aristagoræ cuiuspiam, res quasdam occultas nunciare furtiuo scripto volebat. Comminiscitur opertum hoc literarum admirandum: Seruo suo diù oculos ægros habenti, capillum ex capite omni, tanquam medendi gratiâ, deradit: caputque eius læue in literarum formas compingit. His literis, quæ voluerat, perscripsit. Hominem postea, quoad capillus adolesceret, domi continuit. Vbi id factum est, ire ad Aristagoram iubet. Et cùm ad eum (inquit,) veneris, mandasse me dicito, vt caput tuum (sicut nuper egomet feci,) deradat. Seruus vt imperatum erat, ad Aristagoram venit, mandatûmque domini affert. Atque ille id non esse frustra ratus, quod erat mandatûm fecit. Itâ literæ perlatae sunt.] Ex Artemisîæ apud Rhodios trophæo, de quo Vitruuius l. 2. c. 8. habemus potitam Rhodo vrbe, Reginam, duas statuas fecisse; vnâ Rhodiorum Ciuitatis, alteram suæ

imaginis & istam figurasse, Rhodiorum ciuitati stigmata imponentem, non ob aliam Rhodiorum labem, quam quod capriui essent. Denique quod passim heri stigmata inurerent mancipiis, etiam innoxiiis; factum est, ut Phocyllides lenitatem heris infigans, vetaret seruos inscribi.

Στίγματα μὴ γράψουσιν ἐν τοῖς δέξτερον ὁρῶντες.

Nimirum vix alio loco erant olim serui, quàm pecora. Propterea enim Florus l. 3. c. 20. vocat eos *secundum hominum genus*. Nec nisi *dimidius homo*, vocatur mancipium Odyss. 10. Ne hominis quidem nomine, eum dignatur Iuuenalis Saty. 6. Cum enim impotens iræ herus, mandasset poni crucem seruo; repositumque esset, nullam vnquam de morte hominis longam esse cunctationem, è contrario herus ait;

O demens. Ita seruus homo est? Nil feceris esto.

Sic volo, sis iubeo, sis pro ratione voluntas.

Habiti igitur serui heris, extra homines, ac inter pecora. At inuri solita pecudibus stigmata, diximus initio, & multis illustrat Hermannus Hugo l. de primâ scrib. orig. c. 20. Arrogabant sanè sibi Domini in seruos pro libidine, jus vitæ & necis, quantò magis compunctionis ac iniustionis, etiam si essent innoxij? Verum est, seruos qui non erant iniusti ob crimen, potuisse manumitti & plenâ libertate donari; quod non contingebat iniustis ob

crimen : nam hi non erant nisi libertini dedititij, nec poterant esses ciues , vt probat Politianus c. 84. Miscellan. Tamen passim, & noxij , & innoxij , signabantur impresso stigmate.

Quamquam nemo inficias eat , tunc præsertim fuisse seruis impressa stigmata , cum aliquid peccarant, & maximè si fugam tentassent. Hanc ob causam S. Augustinus sub finem expositionis in Epistolam ad Galatas , vocat stigmata , *notas pœnarum seruiliũ*. Ludit in Pergamum scriptorem pigrum, & ab hero suo fugitium, Ausonius Epigr. 15. *expostulans quod manus pigra, fronti nocuisset.*

Tam segnis scriptor, quàm lentus Pergame cursor,

Fugisti; & primo captus es in stadio:

Ergo notas scripto tolerasti Pergame vultu,

Et quas neglexit dextera, frons patitur.

Et rursus subsequenti epigrammate.

Pergame non rectè punitus fronte subisti

Supplicium; lenta quod meruere manus:

At tu qui dominus, peccantia membra coercere

Injustum falsos excruciare reos.

Aut inscribe istam que non vult scribere dextram

Aut profugos ferri pondere, nocte pedes.

Et interdum quidem, profugi serui multabantur pedis præcisione, vt notat Cuiacius l. 7. obseruat. c. 13. sæpè tamen signabantur in fronte, vt idem docet ex l. 2. ff. de fugitiuis, & ex Petronio ae

Fabio, & Clemente Alexandrino. Hinc notum fugitiuorum epigramma, memoratum à Petronio: idest epigraphæ inscripta fronti fugitiuorum. Eam Laurentius Pignorius l. de seruis, refert ex antiquis collaribus, quorum vsus inscriptioni est subrogatus, fuisse eiusmodi. *Tene me, quia fugi, & reuoca me domino meo, Bonifacio Linario.* Lucianus, fugitiuos nescio quos Philosophos, inurendos in fronte, typo vulpis aut simiæ decernebat. Lenes tamen aliqui Domini, etiam ante abrogatam edicto Constantini inustionem faciei, abstinebant eâ fugitiuorum vexatione, collare eis aptantes, vt liquet ex illis Lucilij l. 29. apud Nonium.

Cum manicis, catulo, collarique vt fugitiuum deportent.

Vnde collare, quid seruile & ignominiosum habebatur, vt est apud Metaphrastem in Actis S. S. Martyrum, Carpi, Papili, Agathodori & Agathonicæ. Nimirum erat collare loco stigmatis, atque aded seruilis nota; qualem etsi non semper præheri lenitate, tamen vt plurimum subibant fugitiui. Celebratur inter eos stigmatias fugitiuos, seruus Restionis, quem is idcirco vinculis coërcuit, & [inexpiabili literarum notâ, per summam oris corumeliam inussit:] Verba sunt Valerij Maximi l. 6. c. 8. Seruus tamen domino damnato perstitit fidelis, quod valdè commendant Appianus l. 4. Martialis l. 3. epigr. 16. aliàs 21. Macrobius 1. Saturnal. cap. 11. Incertum an fugere tentassent,

an timeretur ne fugam tentarent serui illi pistri-
nenses apud Apuleium l. 9. Milefia. [Vibicibus
liuedinis totam cutem depicti, dorsumque plago-
sum scissili centunculo magis inumbrati quàm ob-
tecti, nonnulli exiguo tegili pubem tantummodò
injecti, cuncti tamen sic tunicati, vt essent per pan-
nulos manifesti; frontes literati, & capillam semi-
rasi, & pedes annulati.] Idest *compediti*, iuxta illud
Martialis.

Annulus iste tuis fueras modò cruribus aptus.

Erant enim compedes, instar annulorum, non nihil
laxe, ad motum aliquem & incessum opportune.
Pictas autem dixit Apuleius non eodem sensu quo
Maro Gelonos & Agathyrfos appellauit *pictos*, à
colore stigmatis affuso, sed à stigmatibus atrocium
flagellorum; sicut literatos fronte, ab impressione
cauterij. Satis illustrata ex dictis videntur stigma-
ta, ob tentatam cum scelere fugam.

Alias item ob culpas, inustos stigmatis seruos,
est extra dubium. Sic apud Athenzum lib. 6.
Diphilus proscindit nescio quem, specie Religio-
nis comæ narritorem: cum reuera tantum quære-
ret obregere capillis promissis, seruilem fronte
notis ob flagitia inustam. Æquè Martialis
epigr. 29. alias 25. quendam Sardonych
subsellia prima tenentem, & lacernis
potis illustrem, omni denique fr-
insignem, decidet extremo illo

*Et numerosa linunt stellantem splenia frontem.
Ignoras quid sit ? splenia tolle, leges.*

Obduxerat ille frontem candidâ & splendente fasciâ , cui emplastrum splenis figura supposuerat. Splenium enim apud Plinium lib. 6. epistola ad Arrianum , aperte sumitur pro emplastro siue splenis siue alterius rei figura , vt monstrat Philander ad 1. Vitru. c. 4. & eodem modo apud ipsum Martialem l. 3. epigr. 12. *spleniatum mentum* , dicitur pro emplastris delibuto. Vt & l. 8. epigr. 33. *splenium lunatorum fronte sedenium* meminit : idest obducentium frontem emplastrorum. Is igitur seruus olim stigmaticus, tunc sorte mutata sublimis Dominus , vt inscriptas olim ob flagitia literas teneret, operiebat eas obductis emplastris , quæis amotis , legendas fore literas aiebat Iannio Poëta, exprobens illi & seruitutem pristinam , & flagitia notis pluribus impressis testata. Sic item Eunolum Petronius , ait Encolpij & Gytonis frontes notasse scripti solerti , ingentibus literis per totam frontem manu ductis , vt viderentur stigmatum , tanquam flagitiosi serui. Cuiusmodi etiam prius adductus, nomine inuoluitur in expiationem ob flagitia vel iniuria, commissa vel iniusti essent omnes , excogitata stigmata obliterandi, aut

298. *Seçtio II. Caput II.*

peculiaris affectio subjecti , obli-
tatione prohibe-
ret : vt factum videtur illi copioso & magnis hono-
ribus claro , qui ad obtegendam inscriptionis infamiam, cogebatur splenia faciei aut fronti adhibere.
Aliàs ramen (vt dixi ,) non frustra laboratum in
stigmatis obli-
tationem ; vt patet ex Columella
lib. 10. Vbi Lipidium circumscribens, sic canit.

*Ponitur & lactis gustum quæ condiat herba
Deletura quidem fronti data signa fugarum
Vimque suam idcirco proficetur nomine Graio.*

Aliqui legunt *signa focorum* , & putant respici ad
ferrum candens, quo stigma imprimitur. Et ita
legi in vetere Codice testatur Scaliger l. 1. Ausonia.
lect. c. 21. Columbino fimo deleri stigmata, do-
cet Plinius lib. 29. c. 6. Meminit item huius stig-
matum deletionis, Dioscorides l. 1. c. 116. & lib. 4.
c. 76. Locus insignis Scribonij Largi perantiqui
Medici c. 231. restitutus à Lipsio 2. Electo. c. 15.
& ex Lipsio sublectus à Prospero Stellartio l. 1. de
coronis c. 13. egregiè hanc rem illustrat. Sic ergo
habet Scribonius. [Quatenus acrium & exulcera-
torum medicamentorum habita est mentio, pone-
mus quo stigmata tolluntur indignis. Etenim multis
hæc calamitas ex transuerso accidit ; vt dispensatori
Sabini Caluissij naufragio in ergastulo deprehenso:
quem Tryphon multis delusum , & ne casu quidem
notas confusas habentem , vno medicamento libe-
rauit.]

Vasram hanc artem , (sic enim nominat Mar-


tialis,) duo apud eum professi referuntur, Cinnamus & Eros. De priore sic lib. 6. epigram. 45. alias 64.

*At si quid nostra tibi bilis inusserit ardor ,
Viuat & harebit , totoque legetur in orbe ,
Stigmata nec vafra delebit Cinnamus arte.*

De posteriore est apud eundem Poëtam mentio lib. 7. epigr. 50. alias 57. eo versu.

Tristia seruorum stigmata , delet Eros.

Corruptè aliqui codices legunt *saxorum stigmata*. Syncera lectio, vt omnia adjuncta docent, est *seruorum stigmata*, quibus obliterandis Eros ille, operam haud inanem nauabat. Itaque non erant vsquequaque inexpiable seruatorum stigmata, saltem vbiuis, ac semper. Haftenus de seruili stigmatismo. Eruditè de eo Laurentius Pignorius l. de seruis à pag. 19. Lipsius 2. Elector. c. 15. Vvouerius ad Petronium pagina ipsi 125. Hieronimus Alexander ad Institut. Caij.



CAPVT III.

*Stigmata reliqua criminoforum,
per Satyram.*

RELIQUA inquam ; quia proximè actum est de Stigmatibus quæ seruis noxiis ac flagitiosis inurebantur. Nunc igitur recensendæ sunt aliæ Stigmatum impressiones ob scelera , in aliis factæ. Antiquum enim fuisse hunc usum exempla docebunt. Et ex eo usu, Lucianus in Piscatore , Philosophum hypocritam decernit ab obuio multandum dilaceratâ veste , barbâque abrafa tragicâ nouaculâ ; impressis item fronti Stigmatibus, vel iniustis superciliis intermediis , insculpta figura vulpis vel simiæ. Hodie quoque , si quis infra mortem plectendus videatur ; insignibus principalibus ; vs in Gallia liliis , in ditione Pontificia clauibus è ferro candente , dorso impressis plerunque notatur.

Inustum hac ratione Nouioduni Caluini dorsum, constat. Cum enim ob nefandas spurcitias viuicomburio fuisset addicendus ; per lenitatem toti Ecclesiæ damnosam , & erga Hæreticos , maximè verò erga Hæreticorum capita semper improbandam, vt ait Hieron. Epistola ad Theophilum, multatus duntaxat est, impressione liliorum è candente

ferro in dorso eius factâ ; vt ex illius æui Historicis, & ex Actis publicis confirmat Lessius disputatione de hoc argumento , subtextâ Consultationi de religione capeſſendâ ; vbi fraude fratrum reformatorum hoc autoris & Ducis sui propudium horrescentium , labem factam in archiuio Nouiodunensi, conuincit. Videndus etiam in hanc rem in Appendice de Caluino ad calcem Tractatus de Antichristo, vbi propugnat quod priore loco scripserat. Aliunde item , liliatum Caluini dorsum confirmat Nicolaus Romæus , in Caluini Confessione , articulo sexto. Fuere hæc Caluini lilia , non alba , sed nigra , vt scitè iussit Petrus Aloix Centuriâ 3. sic canens.

Veris honos rosa , nativo que purpurat astro,

Autore exeruit te Cytheræa comas.

Æmulus & conjux tibi Cypria , Mulciber idem

Autor & ipse noui germinis esse capit.

Hinc dextra ignipotens , ferrum molitus & ignem

Lilia Caluini tergo nigra dedit.

Sicut ergo facinorosis quibusdam, hodièque iniuritur stigmatibus dorsura ; ita olim in plerisque nequam , idem seruatum. Nisi quod olim frequens erat reorum inscriptio in facie , quod pridem lege Constantini Magni abrogatum est. Noluit enim Optimus Princeps , partem humani corporis ad cœlestis (vt ait ,) pulchritudinis similitudinem, figuratam, dehonestati eâ deformatione. Decretum hoc Constantini attigi in scalis à visibili creaturâ ad Deum Gradu 11. §. *os & facies.* Habetur verò

l. 11. Cod. Theodos. *de pœnis*. Alias ergo quorundam reorum inscriptiones, nunc vsurpant Christiani Iudices quanquam in Galliâ suo tempore id non seruatum, & frontem quibusdam reis inustam, scribit Petrus Gregor. l. 37. Syntag. c. 35. Nobis pauca de quibusuis criminoforum stigmatibus sunt hîc attingenda per Satyram.

Sacrilegos notari stigmate, mandabat his verbis Plato lib. 8. de leg. [Si quis sacrilegium commiserit, si quidem seruus aut hospes fuerit, in facie manibûsque crimen inscriptus, & flagellatus, extra fines patrios projicitor.]

Eminent inter sacrilegos blasphemi, & in perjurias temerè procliues, quales multi juratores assidui. Eos S. Ludouicus Rex Francorum, stigmate inuri voluit, vt scribit Iouillæus in Actis sancti Regis c. 83. & plenius ac luculentiùs Gaufridus à Bello loco sancti Regis Confessarius, in eâ descriptione vitæ eius quam Gregorij 10. iussu edidit, componens illum cum piissimo Rege Iosia. Ibi num. 32. sic habet. [Plurimum anxiabatur & compatiebatur cor eius, super pestem illam quæ ab antiquo noxia, occupauerat specialiter regnum suum; videlicet vitium iurationum turpium, & blasphemiarum in Dominum & in sanctos ipsius. Zelo igitur diuino permotus, & solerter cogitans qualiter hæc execrabilis noxa posset ad honorem Dei de regno suo radicitùs extirpari, habito priùs consilio diligenti, cum D. Simone S. Cecilie Presbytero Cardinali, tunc Apostolicæ sedis Legato in Franciâ; autoritate ipsius Legati, & suâ, conuo-

cati sunt Parisiis Maiores de Regno, tam Principes, quàm Prælati, vt super hoc damnabili vitio refrenando, vel potiùs destruendo, apponeretur consilium & remedium salutare. Igitur à Domino Legato, factò super hac materia, sermone solemni plurimum efficace, Rex Catholicus Zelo sancto succensus, ore proprio fecit super hoc exhortationem deuotam, & rationibus validis & apertis subnixam. Igitur de communi consilio & assensu, edidit pius Rex generale statutum, quod per totum regnum seruari & promulgari voluit.] Lacunam esse hoc loco, in Codice abs se edito, ait Claudius Menardus annotans, statutum in suo Codice desideratum, extare apud Iouillæum; Apud eum tamen nihil inuenio. Nam statutum quod refert c. 86. tametsi iuramenta illicita & blasphemias vetat Regiis Officialibus, de aliis tamen nihil habet; neque pœnæ quam in eo statuto latam volunt, mentio vlla est eo capite 86. Pergit ergo Gaufridus, nullâ (vt mox dicam) interjacente lacunâ in eius Codice. [Igitur post Edictum huiusmodi publicatum, quidam Ciuis Parisiensis, conditionis mediocris, inhonestè valdè jurando, blasphemauit in Deum. Quem Rex iustus, absque misericordiâ cauterizari præcepit in labiis, ferro candenti, in peccati sui memoriam sempiternam, & ad aliorum exemplum. Super quo cum multi, secundum seculum sapientes, propter hoc contra Regem, verbis maledicis marmurarent, audiens sæpè Rex Magnus, & sciens esse scriptum, *Beati eritis cum maledixerint vobis homines*, juxta illud, *Maledicent illi, & tu benedices*, dixit verbum

Catholicum ; videlicet quod desiderabat potius simile cauterium sibi in labiis esse factum, & quoad viueret, talem indecentiam sustinere, dummodò huiusmodi perniciosum vitium de regno suo penitus tolleretur. Præterea cum tunc temporis, ipse Dominus Rex, quoddam opus fieri præcepisset, quod communi vtilitati conferre non modicum videbatur, super quo Parisiis à beneficia habentibus, multas benedictiones habebat, dixit ; quod maiorem mercedem à Domino expectabat, pro maledictionibus quas occasione illius cauterij incurrerat quàm pro benedictionibus quas habebat pro illo beneficio generali.] Hæc æquè leguntur apud Guilielmum de Nangis Monachum Sandyonisianum Gestorum S. Ludouici scriptorem ; ex quo Regis ex partibus Ultramarinis regressum describente, liquet Generale statutum cuius meminit Gaufridus non ad Regios tantum ministros, (quanquam ad eos præsertim) sed etiam ad omnes Regis subditos extensum esse, nec pœnam cauterij fuisse pœnam in blasphemos eo generali statuto latam, sed arbitrariam & ex occasione delicti à pio Rege impositam. Itaque nulla est apud Gaufridum lacuna ut Menardus suspicabatur, tametsi ultro omisit Gaufridus statutum illud prolixum referte quod Iouillaus & Nangiacus retulerunt.

Ingratum inuisione frontis multandum, edixit Philippus Macedo, referente in hunc modum Seneca lib. 4. de benef. c. 37. [Philippus Macedonum Rex, habebat militem manu fortem, cuius in multis expeditionibus vtilem expertus operam, subinde

subinde ex præda aliquid illi virtutis causâ donauerat, & hominem venalis animæ crebris auctoramentis accendebat. Hic naufragus in possessiones cuiusdam Macedonis expulsus est. Quod ut Macedoni illi nunciatum est, accurrit, spiritum eius recollectit, in villam illum suam transtulit, lectulo suo cecidit, affectum semianimemque recreauit, diebus triginta impensâ suâ curauit, refecit, viatico instruxit, subinde dicentem; Gratiâ tibi referam. Videre tantum Imperatorem meum contingat. Narrauit Philippo naufragium suum, auxilium tacuit & protinus petiit, ut sibi prædia cuiusdam donaret. Ille quidam, erat hospes eius; is ipse, à quo receptus erat, à quo sanatus. Multa interim Reges, in bello præsertim, opertis oculis donant. Non sufficit homo iustus vnus, tot armatis cupiditatibus. Non potest quisquam eodem tempore, & bonum virum & bonum ducem agere. Quomodo tot milia hominum insatiabilia satiabuntur? Quid habemus, si suum quisque habuerit? Hoc Philippus sibi dixit, cum illum induci in bona quæ petebat iussit. Expulsus bonis suis ille, non ut rusticus injuriam tacitus tulit, contentus quod non & ipse donatus esset: sed Philippo epistolam strictam, ac liberam scripsit: quâ acceptâ tam exarsit, ut statim Pausaniæ mandaret, ut bona priori domino restitueret. Cæterum improbissimo militi, ingratiissimo hospiti, auidissimo naufrago, stigmata inscriberet, ingratum hospitem restantia. Dignus quidem fuit, cui non inscriberentur illæ litteræ, sed insculperentur, qui hospitem suum, nudo & naufrago

similem, in id in quo jacuerat, ipse litus expulserat.]

Proditorum exercitum Armeniacum, Constantinus filius Irenes, matre abdicatâ regnare aggressus, multavit ex patte, inscriptione faciei. Cogitabat exercitus, pro Constantino Alexium obtudere. Itaque movit in eos Constantinus, ac vicit; devictorum autem milles, hâc in vultu inscriptione dehonestavit, *Armeniacus insidiator*. Æquè Thebanos qui à Græcis ad Xerxem defecerant, *compunctos fuisse notis Regiis*, scribit Herodotus l. 7. De Iudæis sic S. Chrysostomus hom. 2. contra Iudæos cum dixisset eos sub Adriano rebellasse & gravissimè multatos esse. [Post hæc sub Constantino rursus eadem aggressi sunt. At ille amputatis eorum auribus, ac rebellionis signo, impresso corpori illorum per omnia loca circumferebat illos, ceu fugitiva mancipia ac verberones, corporibus mutilatis, conspicuos illos faciens omnibus, ac eos qui per omnes regiones erant sparsi erudiens ne in posterum eadem conarentur.] Signum impressum corpori, est stigma ferro candente inustum in rebellionis notam, quam S. Chrysostomus subdit, conspectam fuisse à plerisque inter eos qui aderant, ætate prouectioribus. Ex prætenso, proditoris, vel attentatæ defectionis crimine, Theodoricus Gotthus Arrianus, viris clarissimis Opilioni & Gaudenzio, frontium inscriptionem est comminatus teste Boëtio l. 1. de Consolat. Prosa 4. Nouum verò genus stigmati excogitatum est Lutetiæ, sub Innocentio 6. vt scribit Autor operis de Pontificibus qui in

Galliâ sederunt *pag. mihi* 126. Defecerant à Rege suo Parisienses, Duce quodam cui nomen *Jacobo Bonhomme*, qui se *Regem Lacqueorum* nuncupavit. Is captus à Delphino, coronatus est, imposito capiti tripode ferreo candenti.

Germani proditorum sunt delatores, ex l. fin. C. de delator. Itaque eos quoque stigmatibus inustos, docet in Panegyrico Plinius, laudans Traianum, quod delatores vanigiis impositos exturbasset. [ne ut antea exanguem illam & ferream frontem, ne quicquam conuulnerandam præberent punctis, & notas suas riderent.] Idipsum post Traianum præstitit M. Antoninus, referente Capitolino. Nam de hac notâ accipiendum videtur, quod ait Capitolinus. [Calumniis quadruplatorum intercessit Antoninus,) appositâ falsis delatoribus notâ.] Erat ea notâ, stigma figurâ literæ K, impressa fronti. Latini enim sæpe K vsarpabant pro C.: vnde designaturi calumniatorem, inurebant cauterio fronti eius literam K, additâ interdum literâ C, ad significandum, *calumnia causa*. Aliàs geminato K in eundem finem, ut videre est apud Petrum Diaconum libro de Notis, & Manutium in eiusdem argumenti Opusculo. Inustionem huiusmodi literæ in fronte calumniatoris referunt ad l. Memmiam (ut legi vult Hotomanus ad orationem Tullij pro S. Roscio) vel Rhemiam, siue Rhemmiam l. 1. ff. ad S. C. Turpilianum. Eoque respexit Tullius Orat. pro Roscio Amerino, cum dixit : [Crura quidem nemo vobis suffringer, sed si ego hos benè noui, literam eam cui vos vsque ed inimici estis, ut etiam

omnes oderitis, ita vehementer ad caput affigent, ut poſtea neminem alium niſi fortunas veſtras accuſare poſſitis.] Eam namque literam fronti affigendam, non eſſe literam condemnationis, ſed eſſe literam fronti inuſtam, rectè cenſuit Turnebus l. 8. aduerſ. c. 22. Hinc l. 13. ff. de teſtibus, homo frontis integræ, & homo calumniæ damnatus opponuntur.

Pertinet huc quoque quod ſcribit Ioannes Anronius Menauinus lib. 2. cap. 6. & ex eo Petrus Follerius Tract. de Contract. Cenſuar. V. *Nicolaus* num. 124. Nimirum lege Mahumetis calumniatorem falſi teſtimonij reuiſtum, hâc ratione mulctandum decerni. Nudus & facie atramento vel fuligine tinctâ auerſus aſino imponitur, ac pro habenis caudam manibus tenens, putridâ pelle equinâ aut bouina amictus, & ita quidem ut pellis interiora nunc faciem nunc tergum diuerberent, totâ vrbe omnium ludibriis expoſitus oberrare adigitur, pueris in miſerum conuitia cœnũque jaſtantibus. Aſelli vectoris fronti apponitur inſcriptio ſeu titulus, præferens calumniatoris probum; Ipſius autem calumniatoris fronti & vtrique malæ, admoto cautere ignito inurantur notæ, monumenta calumniæ addito interdicto ne ſic inuſtus, deinceps ad teſtificandum admittatur.

Non erat calumniatus aut falſi teſtimonij labe maculatus, ſed mendacio duntaxat ſe inquinauerat, miſer duos ex hoſtibus ſe adducturum pollicitus: quod cum non præſtitiffet, mendacij compertus, tribus clauis in linguam adaſtis mädante Artaxerce

confixus est, ut refert in eius vitâ Plutarchus.

Fures stigmatè signatos, docet illud Iuuenalis Saty. 14.

— *Gaudet acerbo*

Plagarum strepitu, & nullam Seirena flagellis.

Comparat, Antiphates trepidi laris ac Polyphemus

Tum felix, quoties aliquis tortore vocato.

Vritur ardenti duo propter lintea ferro.

Immanem ac trüculentum herum, ait tum demum sibi visum felicem, cum propter reculas subleetas, ferro candenti stigmatizasset miserum seruum. Et idcirco subdit eum inscriptis ergastulis micè affectum, & catenæ stridore lætum fuisse. Ad eum locum Ioannes Britannicus, stigmata seruorum (quos ex Apuleio 9. Milefia. Supra exhibuimus, frontès literatos, capillum semirasum, & pedes annulatos,) furti causa iniusta tradit. Inurebatur furibus in fronte hoc Epigramma; *Cave à fure.* Apud Anglos ut scribit Polydorus Virgilius l. 26. histor. Anglor. ex lege Henrici septimi, furibus quos *Theefe* vocant, litera T initialis vocis apud eos vernaculæ furem designantis, inuritur in palmâ sinistrae manus, sub pollice.

Homicidas, iidem Angli, *Murdure* appellant & idcirco insculpunt illis stigma, in figuram literæ initiantis eam vocem, nimirum M. ut scribit Polydorus Virgilius l. 26. histor. Anglor. quem usum à Gallis haustum affirmat.

Falsariis Clericis qui regium sigillum corrupe-

rant, Urbanus 3. c. *ad audientiam* de crim. falsi, mandat imprimi characterem aliquem & exilio mulctari. Eam inscriptionem characteris Ioannes Franciscus Pauinis Tract. de visitation. 1. p. q. 6. num. 30. ex l. *si quis in metallum* C. de pœnis, ait non esse faciendam in facie quæ est instar cœlestis pulchritudinis & fœdari non debet ex Constantini decreto. Addit etiam in aliâ parte stigma debere ita inuri, ut sola cutis superficies deformetur citra sanguinis effusionem, ut ait notari d. cap. *ad audientiam*. Pontifex tamen nihil tale ibi decernit, sed tantum ut punitio sit citra mortem. Et Petrus Gregorius supponens hanc pœnam non posse non esse pœnam sanguinis, observat eam esse Clerico infligendam per Iudicem temporalis Iurisdictionis.

Ob signo hoc caput, rabioso impotentis animi facto, in reum non reum. Non erat reum mare, & tamen insanus Rex Xerxes, in illud veluti flagitio sordens, præ rabie, sævit stigmatibus. Visus est id non admittere Iuvenalis Sary. 10. de eo dicens,

Ille tamen qualis rediit Salamine relictâ

In Corum atque Eurum solitus sanire flagellis

Barbarus, Æolio nunquam hoc in carcere passus

Ipsam compedibus qui vinxerat Ennosigæum.


Mitius id sanè quod non & stigmate dignum

Credidit.

At credidit, tamen si insanissimè, ut apud Herodo-

tum legere est libro 7. Ex eo enim discimus, insanum Regem, mari quod *Ennosigæum* à concussione

terre vocauit Poëta, stigmata inuississe tanquam noxio.



CAPVT IV.

*Artificia planorum stigmata falsò
dicta genitiua.*

VBIQUE veteratorum fraudes & imposturæ deprehenduntur, non in mercibus tantum & negotiatione, sed etiam in rebus maximè sacris, ipsaque pietate. Nihil igitur mirum, itrepisse quoque imposturas in stigmata; ita vt quàmuis reipsa sint impressa, tamen fingantur genitiua, attributa iisdem efficacitate ad certos effectus; quæ verè non à stigmatibus prodiit sed aliunde: quàmuis ab impostoribus, referatur ad stigmata quæ falsò jactantur genitiua. Hoc quid sit, ante omnia est exponendum.

Dicuntur *nota genitiua*, quæ non extrinsecus per artem imprimuntur, sed ab utero matris exportantur, siue impressæ fœtui per matris imaginationem, siue ex peculiari temperie resultantes. Sic Augustus à Suetonio c. 80. [Corpore traditur maculoso, dispersis per pectus atque alium genitiuis notis in modum & ordinem ac numerum stellarum cœlestis Vrsæ.] Collidit cum Suetonio Sidonium,

Casaubonus ratus Sidonium in Anthemij Panegyrico, affirmasse notas illas genitivas Augusti, non Vrsam coelestem; sed Draconem Epidaurium exhibuisse. Ait enim Sidonius, de Augusto.

*Alter Phœbigenam sese gaudebat haberi,
Pæonij jactans Epidauria signa Draconis.*

Verùm hæc signa Epidauria, non sunt illæ notæ genitivæ de quibus ex Suetonio diximus; sed alia; non ipsius Augusti corpore deprehensa, sed in corpore matris Acciæ, quæ se ab Epidaurio dracone (scilicet,) compressam mentiebatur; ynde diuinum suum ortum stultè jactabat Augustus. Videntur de his signis Epidauriis, Suetonius in Augusto c. 94. Itaque non colliduntur Suetonius & Sidonius, quoad figuram notarum illarum genitiuarum, quas ex Suetonio in ipsomet Augusto admisimus. Notum præterea quod ferunt de Seleuci fatali anulo, in quo anchora efficta videbatur; cuius figura in femore posterorum illius familiæ, conspicua erat. Meminit huius notæ Seleucidarum Iustinus l. 15. & Ausonius de claris vrbibus in Alexandria sic capens.

Illa Seleucum

*Nuncupat ingenuum cuius fuit anchora signum
(Qualis inusta solet generis nota) certa, per omnem
Nam sobolis seriem nativa cucurrit imago.*

Vocat eam notam signum ingenuum, & à natufâ

impressum, ut rectè Scaligar l. 1. Auson. lectionum c. 23. quod comparat cum signo inusto, idest factitio, & immisso per artem, ut arbitratur Hermannus Hugo l. de primâ scrib. orig. c. 20. Neque enim illud ipsum genitium signum vocat *inuistum*, sed quod natium est, confert cum eo quod pecudibus inuritur, juxta illud Maronis.

Continuòque notas & nomina gentis inurunt.

3. Geor.

Thebis, lancea erat nonnullis nota genitiua, ut memorat Aristoteles l. 1. Poëticis, dicens *γενεῖς*, idest è terra natos, & è serpentis dentibus per Cadmum disseminatis exortos, notam lanceæ prætulisse. Victorius l. 8. var. lectio. c. 17. putat hos *γενεῖς* Aristotelicos, eosdem esse cum iis quos Plutarchus l. de serâ num. vindictâ, appellat *γενεῖς*. Et eodem modo eos appellat Dio Prætorius Orat. de regno. Si Luna & Saturnus & Mars fuerint in signis æquinoctialibus, hominem tunc genitum sortiturum corpus notis quibusdam maculatum, scribit Iulius Firmicus lib. 6. Astronom. An tamen ad posteros sine transmittendâ, non dicit. In Lepidorum gentem membranula oculum dextrum tegens, erat insigne symphitum & gentilitium. Thiesti eiusque posteris, canctum, Lentulis lentem, Ciceronibus figuram ciceris, ab ortu adhæsisse tanquam notam familiæ, scribit Andr. Laurentius l. 1. de strumarum curat. c. 4. sed hæc transmissio quoad Cicerones & Lentulos, non videtur vera. Tamen si enim ab aliquo ex eâ gente cui nota illa fuerit nativa, ducta est in posteros similis appellatio, ut de variis calibus cog-

nominibus monstrat Sigonius lib. de Nominibus Romanorum c. 5. similis tamen figura non est in omnes posteros derivata. Id tamen in Conzanosam Regibus accidisse, scribit Marcus Venetus in Itiner. Omnes enim qui ex eâ essent familiâ, aquilæ nigræ insigni in humero notatos, testatur. Id quod etiam habet Felix Malleolus Tract. de Nobilit. c. 26. Videsis item Tiraquellum in Opere de eodem argumento c. 36. Chariclea Hydassii Æthiopum Regis filla, quod ex aspectu crebro pulcherrimæ imaginis in cubiculo suspensæ, candida & pulchra præter gentis indolem à matre concepta esset, ab eadem adulterij suspicionem verita, procul amandata; in regressu denique agnita est, ex nota genitiua majorum, brachio inserta; quæ erat orbiculus niger forma lapidis Hebeni, ut Heliodorus l. 10. recitat. Si tamen non est ingeniosum commentum, ut alia pleraque in ea Historia. Et quale etiam est, quod de humero eburneo, Pelopidarum signo perpetuo, Græcia fabulositatis semper amans iactauit, quod prouerbij loco, non autem tanquam veritatis asserendæ gratia, relatum est à Nazianzeno Epistolâ ad Themistium, cum dixit; [ut Spatrias lancea, ut Pelopidas humerus, ita magnam Themistium, erudita prodit facundia.]

Quæ sit huiusmodi genitiuorum signorum causa physica, obscurissimum expositum est: vixque negari potest, crucem ea in re omnibus Philosophis fixam esse. Quis enim percipiat, quomodo imaginatio materna, quæ est facultas immanenter tantum operatiua, pingat foetum imagine ejus rei in quam

fuerit defixa ? Et tamen frequentissimum est, ut
matre leporem imaginante, fœtus edatur Tabellæ
superiore bifido. Mulier vrsineis vnguibus fœtum
edidit, quia vrsus, erat in aduerso pariete depictus;
quem inter concipiendum imaginata acriter erat.
Alia ex objectu imaginis Baptistæ, puellam procius
hirsutam est enixa. Puellam geminâ facie Luteriæ
editum, eo quod mater solita esset speculum fractum
omnia geminata repræsentans intueri, scribit Lan-
rentius l. 1. de Curat. strum. c. 7. vbi multa alia in
hanc rem profert. Nec desunt similes notæ in bru-
tis. Scribunt enim Auicenna & Magnus Albertus,
gallinam viso accipitre, timore correptam inter in-
cubandum ouis, exclusisse pullum facie accipitrinâ.
Pauonem ouis suis incubantem, pullos omnino
albos edere; non gemmantis de more coloris, si
lintheis albis circumtegatur, experimento est com-
pertissimum. Columbas pullos edere variegatos,
objectu rapetum varij coloris, scribit Oppianus l. 1.
Cynæget. v. 350. vbi similem modum stigmatizandi
equos in materno utero proponit; monstratque
idem in hominibus accidere. Varios colores ovium
Iacobi, hâc arte enatos, est longè verius. Quis ergo
adedò miram, colorum, figurarum, formarum, va-
rietatem, ad meram matris imaginationem in fœtu
tam frequentibus experimentis deprehensam, satis
explicet? Et adhuc ago de simplici affectu, & ad
posterios non transmissio.

Quantò verò est admirabilius, & humano inge-
nio propè imperuium, quomodò eadem nota quæ
in vno fuit exorta, transmittatur deinceps ad eius

posteror, id quod plerisque exemplis testatum fecimus? Quod porro longè auget admirationem, interdum notæ illæ in vno aliquo è posteris euanescent, tum in nepote reuiuiscunt. Vt Aristoteles 7. hist. animal. c. diserte tradit [habentis iniusti puncti notam in brachio filius, absque eâ notâ natus est. Ex eo verò nepos, eodem in loco brachij, nigritiem quandam confusam retulit.] Appendo etiam Plutarchi verba l. de serâ num. vindictâ. [Quemadmodum progenitorum acrochordones ac lenticulæ, quandoque in filiis haud apparent, attamen in nepotum corporibus inde erumpunt; (Nam & mulier quædam Græca cum nigrum enixa esset infantem, ob idque adulterij damnata, progenies Æthiopis quæta inuenta est. In corporibus quoque liberorum Pithonis Nisibensis qui nuper vitâ functus est, hæstæ figura signum Spartanis conueniens, post tanti reuolutionem temporis, tanquam ex altissimâ generis emicuit similitudine;) ita plerumque mores animæque passionēs, quas priores celabant & occultabant generationes, natura longo post tempore producit.] Apud Plinium l. 7. c. 11. & 12. sunt in hanc rem nonnulla exempla. De Dacis enim dicitur. [Quarto partu, Dacorum originis nota, in brachio redditur.] Et de Lepidis. [In Lepidorum gente, tres intermisso ordine, obducto membrana oculo, genitos accepimus.]

His genitiuis notis, siue singularibus, idest non gentilitiis, ac familiæ perpetuis, & hæreditate quasi transcriptis, siue genti vniuersæ communibus, efficacia aliqua ad certos effectus quandoque nexa,

variis experimentis est deprehensa. [Noui hominem probum & in magnâ dignitate constitutum; qui natus cum angue, (idest anguis effigie,) in humero; omnes à serpentibus demorsos, vel saluâ tantùm sanitati restituit.] Verba sunt Ananiæ l. 4. de natur. dæmonum c. 11. In corpore septimi masculi, nullâ per exortum fœminæ intercisione, à partibus aliis masculinis euulsi, extare signum Lilij, experimenta docent, & nuperum Leodiense exemplum confirmat. Ferunt verò, addi ei signo efficacitatem curandi strumas per septimi illius maris contactum.

Hinc exorta est ambiguitas, circa stigmata aliorum qui se de genere S. Pauli, vel S. Catharinæ profitentur; habentes illi quidem, serpentem impressum in corpore suo; hi autem figuram rotæ, quas notas affirmant esse genitivas. Et priori quidem notæ, adjunctam esse dicunt vim inhibitiuam veneni, à serpentibus tametsi contrectatis, immittendi. Rotæ autem, adjunctam volunt vim attrahendi impune carbones, & immittendi manus in feruentis aquæ aut olei dolium, vel etiam subeundi fornacem succensam, citra vllum damnum. Alicubi vocantur *Salutatores*. Apud Belgas dicuntur *filij ferie sextæ in Parasceue*: sed nomen vulgatius est *Gentilium S. Pauli, & S. Catharina*, quorum efficacia ad varias curationes celebratur. Eius portò efficacitatis quasi tessera, aut signaculum certum, esse videtur stigma illud quod in horum corpore ab ortu cernitur, vnde ab eis dicitur esse rota genitua.

Video porro ab iis quibus hoc Saluatorum genus probatur, & beneficia quæ præstant labe eximunt, vnam è duabus viis, iniri. Quidam enim aiunt, esse gratiam gratis datam: qui idem consequenter videntur debere dicere, de notâ seu stigmate in his personis apparente. Agnoscunt eam gratiam gratis datam, Nauarrus in summa c. 11. n. 36. Palacius in summa V. *incantationes*. Azor t. 1. l. 9. c. 25. q. 2. Sanchez l. 2. in decalo. c. 40. num. 49. Delrio 1. Mag. t. 3. q. 4. Zacutus Lusitanus l. 1. de Medicorum Principum historia q. 53. conferens, hanc gratiam gratis datam cum eâ quâ Reges Galliæ solo contactu citrant strumas; & negans attendendum esse, cuiusmodi sit vita Saluatorum. Nam etiamsi sint pessimæ vitæ, possunt tamen potiri gratuito hoc munere; non ad sanctificationem propriam, sed ad aliorum vtilitatem concessio. Alij quibus Saluatorum gesta probantur, non putant vim quâ perficiuntur esse gratiam gratis datam: sed aiunt esse naturalem proprietatem indiuidualem aliquorum hominum: quæ est sententia Pomponatij in Opere de Incantationibus cap. 4. Ait enim sicut in herbis, lapidibus, & animantibus, inveniuntur varix virtutes, quibus morbi depelluntur & varia beneficia homini præstantur; ita nihil repugnare, quominus in humana specie aliquibi inuentantur tales vires & efficacitates per inferiores creaturas à naturâ dispersæ. [Cum enim homo sit omnia per participationem tam superiorum quàm inferiorum; non inconuenit aliquem reperiri similem animali habenti talem proprietatem.]

rem & alterum, verò tali herbæ, habenti aliam. Alium alteri lapidi, in aliâ proprietate. Hoc enim apparet manifestum in moribus animalium. Aliqui enim sicut Dij vt heroës & sancti viri: aliqui vt leones, aliqui vt lupi, vt serpentes, & sic de cœteris. Quare nihil verat, etiam in proprietatibus assimilari.] Exscripsi Pomponatium, qui subdit varia exempla proprietatum occultarum, quæ in quibusdam hominibus sunt deprehensæ, ex fide probatissimorum Scriptorum, ac nominatim D. Augustini l. 14. de Ciuit. c. 24. Sic exponit Pomponatius, quod à Plutarcho in Catone Vticensi, scribitur de Pylis: & quod de Marſis jactatur tanquam donatis gratiâ S. Pauli, cum tamen iudice Pomponatio cui præiuit Agellius lib. 16. c. 11. & adhæsit Matthiolus 6. in Dioscor. c. 40. sit naturalis proprietas individualis. Id quod etiam affirmat de Regibus Gallorum, curantibus strumas. Similiter ergo Salutatores, dici possunt naturali proprietate individuali, præstare sanationes & alia opera ob quæ celebrantur. Et ita habet Zacutus l. 3. de Medicorum Principum historiâ q. 31. ad 5. quamuis alibi (vt vidimus,) ad donum gratuitum, hos Salutorum effectus referat.

Verùm non pauci graues scriptores, planè in contrarium abierunt: & quæ de Saluatoribus dicuntur, neque ad gratiam gratis datam referri pariuntur, neque ad proprietatem naturalem individualem, sed eos habent pro impostoribus: quos aiunt, sibi artificiosè imprimere, siue coræ, siue serpentis figuras, easque pro notis genitiuis obtrudere.

Effectus autem si quos præstant, beneficio actiuorum naturalium, aut Satanæ edere. Ita Leonardus Vairus l. 2. de fascino c. 11. Ancoratus l. 5. discursu. 1. n. 11. Andreas Laurentius l. 1. de strumis c. 4. Ciruelus in Opere de superstitione 3. p. c. 7. Thomas Fien. de viribus imaginat. q. 24. Mercado t. 1. l. 2. classe 3. q. 168. art. 4. Gabriel Naudæus l. 1. de studio militari *pagina mihi 406.* Quibus ratio videtur suffragari. Neutrum enim ex capitibus propositis, sufficiens videtur ad eximendos labe Salutatores. Vis enim quâ pollent, non potest referri ad gratiam gratis datam: non tam quia plerumque pessimi sunt; (id enim non obstarat, cum gratiæ gratis datæ, etiam improbis tribuantur, vt patet ex Balaami & Caiphæ prophetiis;) quàm quia hæc vis dicitur hæreditaria, & adherere verbis ac signis determinatis; inquinaturque variis adjunctis superstitionis aut impiis, latè recensitis à Delrio 1. Magic. c. 3. q. 4. Vt quod dicunt, ad huius virtutis vsum; exigi nimirum vini potum: & quod vnum Saluatorem alteri perspectum esse contendunt, etiamsi nunquam mutuo viderint: & quod rabidorum canum morfu vexatos, ne aliis noceant, halitu suo interimunt; nec non quod dicunt, eam vim transfundi ab vno ad alium per solam generationem ex tali familiâ, cum tamen gratiæ gratis datæ sint personales, nec consequantur generationem. Frustra autem in contrarium obtenditur, exemplum Regum Gallorum. Neque enim familiæ, vel etiam personæ fauor est, curatio strumarum, sed Regij muneris; quod qui legitimè init, donatur diuinitus eâ curandi potestate,

potestate, quæ in illis Regibus est verè gratia gratis data, ut omnibus aliis dipendi modis excussis meritis concludit Andreas Laurentius l. 1. de strumarum curatione c. 10. Non potest item vis quâ polleat Salutatores, referri ad proprietatem individualem, quia ea proprietas non posset oriri nisi ex tali temperamento; Atqui nullum est temperamentum hominis, quod queat illum in igne indemnem servare, id quod isti Salutatores jactant sibi contingere. Enecandus enim esset homo præ frigore, si in talem humorum complexionem incideret. Nullum item humanum temperamentum; potest esse accommodatum ad graves ægitudines solo contactu depellendas. Ad id quippe exigitur immutatio temperiei læsæ, quæ lentam actionum idoneorum in huiusmodi passivis operationem deposcit. Accedit, quod passim ab istis admiscebatur nonnulla, quæ satis monstrant, effectum non oriri à causâ merè naturali, ut videre est in curatione vulnerum, Ipris discussa à Petro Simonis Antistite, quem illam improbasse ut supersticiosam, scribit Deluio l. 3. Magic. parte 2. q. 4. l. 7. Adhibebatur enim certa formula, facta verbis consecrationis. Aiunt præterea hi Salutatores, inhiberi vim suam, si alius adsit Saluator, habens vim sanandi maiorem: quod liquet non coherere cum vi naturali ad sanandum, quæ potius esset roboranda per accessum potentioris causæ. Quare exempla quæ ad specialem aliquorum hominum proprietatem individualement ad miros effectus præstandos, præsertim sanationum, à Pomponatio addensantur; vel fabulosa sunt, vel Magica, ut

Andreas Laurentius capite illo 4. contendit. Ridiculè autem Zacutus dicta q. 53. inter *magnos autores quibus fidem abrogasse piaculum prope esse dicit*, numerat Pomponatium in Opere de Incantationibus, exempla illa recensentem. Quanti enim esse debeat in illo Opere Pomponatius, monstrare memini in Natur. Theol. dist. 3. n. 139. & addenda sunt quæ habet Mirandul. l. 29. euerf. singul. certam, sect. 6. Nam quæ ibi dicuntur, spectare ad illud Pomponatij opus, liquet ex s. 4.

Est tertia quædam sententia, cuius autores in hoc negotio ancipites hærent; ac etiam si agatur de agyrtis & circulatoribus vitæ deprauatæ, aut admodum dubiæ, eujusmodi ferè sūt qui de S. Pauli aut S. Catharinæ genere gloriātur, tamen non censent eos prorsus improbandos. Itaque hærent ambigui. Est in hoc ordine Victoria in Relectione de Magiâ n. 16. & Snares l. de superstit. c. 15. n. 25. ac Torreblanca l. 2. Dæmonologiæ c. 49. à num. 35. Veracrux l. 2. de Animâ speculat. 2. & alij: qui *Salutatores* vel *Enfalmadores*, hodièque certis in oris vigentes, tametsi habent valdè suspectos, & velint attentissimè ac diligentissimè excuti, tamen non audent improbare; præsertim cum vt referunt, tolerentur ab Ecclesiâ, & passim munus suum obire sinantur.

Hæc sententia, si de jure (vt sic dicam,) sit sermo, est verissimillima. Nihil quippè proferri potest, quod suadeat non potuisse Deum hanc facultatem concedere Salutatoribus, tanquam gratiam gratis datam, quam ad posteros quoque eorum, transfusam velit, eo ipso duntaxat quod è tali gene-

re sunt oriundi. Nam tametsi pessimi sunt, tamen gratia gratis data cadit in peccatores, ut patet de Balaami prophetiâ. Et quamvis non sit in potestate recipientis, eam libere transferre in alium; tamen liberum semper est Deo, illam conferre cui visum fuerit; atque aded posteris primi recipientis, eo ipso tantum quod genus ex illo ducunt. Itaque ne umbra quidem repugnantiae cerni potest, quâ negare liceat, potuisse istis agyrris obtingere hoc munus. Neque in hoc sensu, autores secundæ sententiæ refragantur.


Agendo tamen de facto, aliter videtur statuendum. Nimirum quoad simplices aliquos aut probos, præsertim quibus nihil minus cogitantibus stigma obtigit, quod solet tessera censi diuinæ illius beneficiæ de quâ agimus; itémque à quibus sic consignatis, vel etiam citra omnem externam consignationem, contingerit edi effectus insolitos de quibus est sermo. Quoad tales inquam, fatendum est, pie credi sortitos esse à Deo gratiam istam gratis datam, nec fore prudentis omnia quæ de beneficiis sanationum ac similium bonorum per eos collatis vulgabuntur, prorsus abjicere, cum nullæ occurrent circumstantiæ iudicium istud immigrantes; sicut interdum non occurrunt. V. G. quoad illum quem ex Anania supra retulimus. Idem dixerim de septimo masculo, nullâ per foemellas sorores interruptione, procreato ex legitimis nuptiis. Quamvis enim, id esse ridiculum dicat Delsio 1. Mag. c. 3. q. 4. conclus. 3. & videatur annuere Sanchez 1. 2. in decalo. c. 40. n. 47. tamen experimenta indubi-

tata nec infrequentia, id astruunt, in adjunctis quæ excludunt omnem prudentem occasionem, renouandi siue stigma siue effectus insolitos, ad causam dæmoniacam. Ejusmodi masculos vim sanandi strumas habere scribit Renatus Benedictus tanquam rem testatissimam adhibitis quibusdam adjunctis de quibus idem Autor in S. Marculphi vitâ. Et annuit Ioannes Roberti 2. p. Notarum ad Acta S. Huberti c. 10. n. 9. nullâ tamen apud alterutrum factâ mentione stigmatis.

At si sermo sit de vulgaribus illis jactatoribus generis S. Pauli, vel S. Catharinæ, statuendum est, tametsi metaphysicè verum esse posset, quod asserunt de suo stigmate & illi adjunctâ efficacitate; tamen moraliter rem attendendo, prudenter fieri, eum exploduntur vt impostores, & stigma eorum arte humanâ inductum asseritur: quæ causa fuit, eur hoc caput inscripserim de stigmatis planorum & impostorum. Reipsa enim aliquando deprehensum est, huiusmodi stigmata esse humano artificio inducta, vt notavi in Natur. Theologiâ dist. 4. n. 317. post Vairum l. 2. de fascino c. 11. & idem habet Andreas Laurentius l. 1. de strumis c. 4. Qui rectè obseruant, qui ex eis serpentes contrectant, non prius id facere, quàm alexiteriis se præmuniuerint, & aliquos prius dentes serpentum euellere. Quid quod interdum, vel quia ista amuleta non præmiserunt, vel quia non fuerunt satis efficacia, aut Deo justè vlciscente duplicitem atque vastitatem, pereunt eâ atrectatione venenatorum? Scribit sane Pomponatius l. de Incantat. c. 4. quo anno

ipse opus illud exarabat, fuisse Mutinæ, ex his circulatoribus serpentes contrectantibus, & genus S. Pauli jactantibus vnum, qui cum non secus serpentes manu prehendere soleret, quàm mulier soleat manibus captare pullos gallinaceos; tamen incidens in serpentem aspectu horridum, ubi manus illi admovit, prout aliis solebat admovere, morsus à serpente est, & crudelissimo interitu sublatuſ & medio. Similiter alios qui prunas impune contingunt, constat prius manus, vel partem contingendam, succo quopiam frigidissimo illinere, puta succo mucilaginoso altheæ, portulacæ, maluæ, mercurialis. Ligni item oui candido perfusi, restitutam ignibus vim, celebrat Plinius l. 29. cap. 3. atque adeo similiter perfusa manus, poterit ad tempus prunas innoxia atrectare. Ligna præterea alumine illita, perstate ignibus indomabilia produunt, ut deprehensum est in lignæ turri, Archelæus Mithridatis præfecto contra Syllam depugnante. Tali ergo quopiam malagmate, præmonitione sese huiusmodi circulatorum. Et tamen interdum, sapientiâ vincente malitiam, & amuleto minus efficaci adhibito, contigit vnum de his jactatis D. Catharinæ Gentilibus, flammis absorbi in furno conclusum quem imprudens subierat, ut Vairus testatur l. illo 2. c. 11. Atqui semel mendax, semper præsumitur mendax. Prudenter igitur abrogatur fides huiusmodi nugivendis, quæstum æstimantibus pietatem, hoc est genus Sacrum, falsò jactatum. Prudenter item, stigma quod aliquando compertum est fuisse humano artificio veteratorio inductum, præ-

nunciatur in istis tale esse. Et vix quoad istos, occurrunt vnquam circumstantiæ quæ aliud suadeant. In moralibus autem, iudicium quod conformatur his quæ semper aut ferè semper eueniunt, habetur pro moraliter vero ac prudenti. Iure igitur (vt præmissi;) admissi esse quædam artificialia planorum stigmata, quia & reipsa quædam deprehensa sunt talia, & quæ ab his circulatoribus ostentantur, semper præsumi possunt esse eiusdem rationis.



CAPUT V.

Stigmata lugubria.

Væ dicam *stigmata lugubria*, intelligetur ex præcepto lato Leuit. 19. versu 28. his verbis. *Super mortuo non incidetis carnem vestram, neque figuras aliquas, aut stigmata facietis vobis. Ego dominus.* Simile mandatum sic concipitur Deuter. 14. *Filij estote Domini Dei vestri. Non vos incidetis, nec facietis caluitium super mortuo, quoniam populus sanctus es Domino Deo tuo, & te elegit vt sis ei in populum peculiarem, de cunctis gentibus quæ sunt super terram.*

Scopus Dei in horum stigmatum & incisionum veratione, non vno modo ab omnibus exponitur. Mysticum est, sed à cortice literæ alienum, quod Radulphus Flauiacensis his verbis tradit lib. 14.

in *Leuit. c. 4.* [*Stigmata dicebantur, quædam signa quæ in manibus militum fiebant, vt de militiâ Imperatoris esse cognoscerentur. Prohibet ergo ne huiusmodi characteres faciant sibi, quibus humanam videantur profiteri subiectionem, qui diuinam professi sunt potiùs seruitutem. Nam etsi hominibus seruiant electi, & ibi tamen Deum attendunt, iuxta illud Apostoli, in hoc ipso, Domino seruientes. Vnde & idem nos admonet, dicens, pretio empti estis, nolite fieri serui hominum. Cur autem non debeant humanæ seruitutis testimonium ferre, reddit causam dicens, Ego Dominus. Ipse namque verus Dominus est, de quo per Psalmistam dicitur, Dixi Domino, Deus meus es tu; quoniam honorum meorum non eges. Ipse enim nobis subtractis, minor non est: Nobis verò sine ipso, bene esse non potest. Sicut ergo docemur in nouo Testamento, vt nec Magistrum, nec Patrem vocemus nobis super terram, eo quod vnus sit Magister noster Christus, vnus & Pater noster qui in cœlis est; sic & illi sub lege adhuc positi, prohibentur alium dicere Dominum, præter Adonai suum.] Verè quidem ista dicuntur, sed non congruunt cum scopo Dei, interdictis impressione stigmatum super mortuo; idest occasione mortui. Nam in totâ vitâ nostrâ, curandum est vt Deum solum hebeamus Dominum, & illi soli seruiamus. Interdictum autem de quo agimus, spectat tempus funebre.*

Propiùs ergo rem attigit Hesychius in *c. 19. Leuit.* causam diuini huius interdicti, repetens ab usu Idololatriæ: quos spem non habentes, & in

funeribus charorum in seipfos per desperationem
 sapiētes, nolebat Deus, imitatione à suis exprimi.
 Scivisse in sua corpora Ethnicos in morte charo-
 rum, exempla monstrant. [Barbarorum nonnulli,
 (inquit Plutarchus in Consol. ad Appollon.) cor-
 poris partes abscidunt, nares scilicet & aures, re-
 liquum quoque corpus ptescentes.] Id est inciden-
 tes & compungentes. Scythas Regibus suis pa-
 rientantes, autem sibi abscidisse, brachia circumci-
 disse, sinistram manum sagittis trajecisse, affirmat
 lib. 4. Herodotus. Est qui genuum quoque cruen-
 tationem, in eo euentu factam prodax, allegato Lu-
 ciano in libro de luctu, atque Plutarcho in Conso-
 lat. ad Apollonium; à quibus tradi ait, Græcos in
 funeribus multam corpori suo inferentes, eam vel
 maximè genibus infligere solitos; eo quod eam
 corporis partem veteres religiosè observarent, & in
 eà miserationis & condolentiæ sedem locarent, ut
 docet in Plautum, Lambinus. Trahunc verò ad
 hunc sensum, illud Prouerb. 26. v. 6. *Clandus pe-
 dibus. & iniquitatem bibens, qui mittit verba per nun-
 tium stultum.* Ex Hebræo illud *Clandus pedibus*, ver-
 titur à nonnullis quos approbant Caietanus &
 Iarismius, *incidens pedes*, quod in grauibz quibus-
 vis infortuniis, sed maximè in luctu charorum, fa-
 ctum voluit, incisus nominatim & cruentatis ge-
 nibz, Luciano & Plutarcho auctoribus. Apud Lu-
 cianum tamen *genarum* non *genuum* cruentatio, in
 luctu charorum fræquentata memoratur. Neque
 apud Plutarchum loco qui profertur, plus occurrit
 quod ad rem faciat. Itaque genuum perfoſſionem


aut cruentationem, in luctu, unde sigillatim confirmem, non habeo: tamen solitos Ethnicos se incidere, & stigmatis corpora in luctu fœdare, sit extra dubium. Nam præ impatientiâ, homines spem non habentes, in eam erga seipsos crudelitatem ferebantur: idque in honorem defunctorum ab aliquibus nimium mœrentibus factum, autor est Theodoretus q. 28. in Leuit. Et hoc fuisse in causâ, cur Deus venerit populo suo, stigmata & concisiones in luctu, pronunciat Helychius. Quamquam Hieremiæ 16. non obscurè insinuat, Hebræos in vetitum semper nitentes, & consuetudinem Gentilibus corruptos, usurpasse in luctu de morte charorum, incisionem. Ait enim Hieremias. *Morientur grandes & parui in terrâ istâ; non sepelientur, neque plangentur; & non se incident, neque calaitium fiet pro eis.* Quibus verbis, videtur alludi ad usum peruersum lugendi mortuos eo tempore usurpatum, saltem à quibusdam; (tamen veraciter Deo,) superuacuum pro defunctis suis luctum, cæ carnis concisione & stigmatizatione testantibus.

Putentius quippiam in eâ stigmatum lugobrium impressione, subolfecit Gulichmus Paris. k. de legibus c. 14. incidens enim in propositum Leuitici locum, ait [Nec in tomâ, nec in barbâ, voluit apparere speciem Idololatriæ. Illa enim (attonfiones comæ in rotundum, & barbæ rasuram,) faciebant Idololatræ, sicut incisiones super mortuos, propter placandum Deum inferorum, & tunc erat Idololatria. Vel ut vehementiam doloris de morte charorum suorum exprimerent, quod adhuc multi

faciunt in morte charorum suorum, quod utique est de reliquiis factorum & Idololatriæ Plutonis. Stigmata verò & figuras, adhuc etiam Christiani faciunt, & deferunt; & vocant eas *brenia*, & in propriis corporibus, & in chartis, & in rebus aliis, videlicet metallis: Quæ omnia aut Idololatria vna sunt, aut Idololatriæ species, aut ipsius reliquiæ detestandæ, & Christianæ Religioni aduersæ. Non video quàm aptè Gulielmus, quæ vulgo dicuntur *brenia*, affirmet esse stigmata, & figuras corpori inustas: cum reuera aliud non sint, quàm philacteria appensa homini. Quod tamen dixit Gulielmus, stigmata pro mortuis impressa, spectare placationem Dei Inferorum, agnoscitur à Seruio ad illud tertij Æneidos


Vnguibus ora soror, fadans, & pectora pugnīs.

Sic enim ibi scribit Seruius. [Varrò dicit, mulieres in exequiis & luctu, idè solitas ora lacerare, ut sanguine ostenso Inferis satisfaciant.] Idquè fortè est quod ait Theodoretus q. 28. in Leuit. [Quosdam Græcos aliquas corporis partes perforasse, & nigro vestitos esse ad reuerentiam Dæmonum. Idem ergo erat consilium compungentium aut concidentium vel stigmatis deformantium corpora sua, in gratiam defuncti: qui erat ritus sordens teterrimæ labe Idololatriæ, ac proinde merito à Deo improbatur in populo suo.



CAPVT VI.

*Stigmata superstitiosa Iudæorum,
Ethnicorum, Hereticorum,
Antichristi.*

 *V*Æ proximè attigimus stigmata, juxta non inuerisimilem Gulielmi Parisiensis sententiam, fuere superstitiosa; sin minùs vniuersaliter & vbi- nis, at saltem apud aliquos. Nunc subdenda sunt nonnulla, quæ indubitò & directè erant profes- siones Idololatriæ; cuiusmodi in vsu fuere apud Iudæos & Ethnicos, itémque nonnulla sordentia superstitione apud falsi nominis Christianos, ipsúm- que eorum caput Antichristum.

Inter Iudæos ergo, quidam discolæ, hoc fœdo stigmatum genere notati leguntur. Audiendus Philo l. i. de Monarch. *sub finem*. [Non desunt tamen quidam prolapsi ed insanix, vt ne receptum quidem ad pœnitentiam sibi reliquum faciant, ad cultum simulacrorum præcipites; confirmantes eam seruitutem literis, non in carthulâ scriptis, sicut mos est mancipiorum, sed inustis in corpus ferro ignito, ne deleri queant postea. Nam hæ non obscurantur vllò tempore.] Sorduisse hâc labe Iudæos in Idolorum studio feruentiores, refert ex Iudæorum traditione Abulenſis in c. 19. Deuter.

dicuntur enim habuisse laminam auream, Idoli cui addicti erant nomine inscriptam, càmque candefactam, carni suæ impressisse, ut nomē Idoli profunde inscriptum gestarent. Nec dubium quin huc pertineant illa de Ioachim, pronunciata 2. Paralip. 36. versu 8. *Reliqua verborum Ioachim, & abominatio-
num eius quas operatus est, & qua inuenta sunt in eo,
continentur in libro Regum Iuda & Israhel.* Quid sonet illud *qua inuenta sunt in eo*, accipe ex S. Hieronimo, in calce Traditionum in Paralipom. [Inter cœtera mala quæ gessit, etiam hoc fecit in corpore suo, quod Dominus prohibuit dūo diceret, *non tondebis capita vestra in rotundum, neque super mortuum, neque stigmata facietis in corporibus vestris: quia postquam mortuus est, in corpore eius inuenta sunt.*] Subscribunt Comestor in histor. Scholast. 4. Reg. 39. & Lyranus 2. Paral. 36. Nec abhorret Abulensis 4. Reg. 25. q. 39. Continebant hæc stigmata, expressissimam Idololatriæ professionem, ut benè declarat in hunc modum Gulielmus Paris. l. de legibus cap. monstrans diuini edicti aduersus hæc stigmata Iudæis propositi sanctitatem [Contra stigmata & impressiones, euidenter dici possunt quæ contra characteres & figuras diximus quia & ipsa expressè vergunt ad Idololatriam. Ista enim in propriis corporibus & membris faciebant Idololatriæ, propter quod euidenter cultores eius Idololatriæ ad quam insignia illa pertinebant, eo ipso se profitebantur: quemadmodum equi certo insignio cognoscuntur esse Hongari suæ Hongarici: & falsarii deprehensi atque puniti, eo signo apparent

esse falsarij: videlicet impressione Apostolicæ bullæ. Sic Diabolicorū illorum characterum & sigillorum impressionibus, consignatos se cultui Diabolico, atque addictos ostendebant. Sicut Iudæi signaculo circumcisionis, pacto Abrahamæ, & legi Mosaycæ astrictos se confitentur: & suscipiendo huiusmodi signaculum, ad ea se obligant obseruanda. Non igitur est mirum, si huiusmodi Dæmoniorum cultores, ab ipsis per istas execrationes interdum obrinebant, videlicet quod & ipsi Dæmones poterant naturali virtute suâ, permittebantur iustissimâ Dei altissimi voluntate. Ex his igitur omnibus apparet, iustitia diuinæ legis, quæ ista omnia nefaria prohibuit, vt potè & humani generis pollutiones abominabilissimas, & Creatoris intolerabiles injurias. Quomodo enim Christiano nefas est circumcidi; sic ei huiusmodi stigmatibus incidi & characteribus imprimi, & multò amplius: videlicet, quando execratio idololatriæ detestabilior est quàm ritus Iudaicus.] Itaque Iudæi illi qui huiusmodi stigmatibus corpora sua dehonestabant, deficiebant à verò Deo, vertebanturque in Idololatrias. Quales etiam illi euaserant qui 3 Reg. 18. Baali sacrificantes, *incidebant se iuxta ritum suum, cultris & lanceolis, donec perfunderentur sanguine.*

Aliud genus stigmatis superstitiosi in Iudæis exlegibus, considerarunt varij Patres, expendentes quædam Scripturæ loca, in quibus fit mentio inaurium improbarum. Petrus quidem Nannius in Expositionem Exodi per B. Ambrosium ad Romulum, falsus sibi sæpè difficilè fuisse intelligere,

quomodo in aures ad cultum Idololatriæ pertinere dicerentur ; subdit Andreæ Balæum Hebræum, hærenti in eâ difficultate respondisse, in aures in Scripturis illis quibus ad Idololatriam pertinere significantur, non esse vulgatas in aures : Sed aurium tegmina, quibus Sacerdotes Idolorum sacrificando utebantur, quales fuere apud Romanos infulæ. Verum hæc expositio *inaurium*, insolens nimirum & violenta videtur. Itaque retinenda est simplex notio vocis ; secundum quam nihilominus *inaures* ad Idololatriam pertinere potuerunt : quatenus videlicet in auribus inscriptæ erant Idolorum figuræ, vel eorum nomina. Attigit hunc sensum inaurium illarum D. Augustinus q. 111. in Genesi expendens illud Genesis 35. *dederunt ergo ei omnes Deos alienos quos habebant, & in aures quæ erant in auribus eorum.* [Quæritur (ait D. Augustinus,) quare & in aures dederint, quæ si ornamenta erant, ad Idololatriam non pertinebant ; nisi quia intelligendum est phylacteria fuisse Deorum alienorum. Non Rebecam à seruo Abrahæ in aures accepisse, Scriptura testatur : quod non ferret, si eis in aures habere ornamentum gratiâ non liceret. Ergo illæ in aures quæ cum Idolis datæ sunt, (ut dictum est,) Idolorum phylacteria fuerunt.] Hoc est erant periapta, consignata notis Idolorum. Idipsum conjectat S. Chrysostomus hom. 35. in Genesi. & Lyranus, passimque Interpretes ad caput citatum Geneseos. Sanè Gentiles, in annulis, & ad pectus in bullis, consignata gestabant Idolorum nomina : hoc enim est peccatum (idest. Idolum,) Iudæ

scriptum stylo ferreo in vngue adamantino, (idest in gemmâ annulo inclusâ.) Hæc item sunt adulteria, (idest Idololatriæ,) in medio vberum, appensa scilicet per modum bullarum ad pectus pendentium in quibus Idola erant cælata, eorûmve nomina, aut symbola. Nihil igitur mirum est, quod inauribus quoque insculperent imagines idolorum, eorûmve nomina. Atque ita habemus alterum stigma, inter Hebræos dytcolas vsu peruerso receptam, & pertinentens ad Idololatriam.

Inter Ethnicos, stigmata superstitiosa fuere omnino multa. Nec tamen inter ea recensere placet, turpem exsectionem & eurationem obscænorum Sacerdotum, in quam latè conclamat S. Augustinus L. 7. Ciuit. c. 26. & multi adducti lib. 4. de virtut. à num. 287. Sed dimissâ eâ fœdâ vexatione humani corporis, fuerunt aliquæ præterea per eosdem magnæ Matris ministros exsectiones, seu potius perfossiones, ad stigmatismi membrorum, in honorem eiusdem falsi numinis, de quibus sunt illa Nasonis

*Attonitûsque secat, ut quos Cybeleia mater,
Incitat ad Phygios vilia membra modos.*

Idem de iisdem Sacrificulis.

Cadunt iactatis vilia membra modis.

Horum Gallorum incisiones in cubitis, Lucianus describit l. de Syriâ Deâ. Huc pertinent incisiones

illæ, quarum neminit S. Cyprianus carmine in Senatorem Apostatam, qui Magnam matrem colebat.

*Mente fremunt, lacerāt corpus, fundēntque errorem:
Quale sacrum est verò, quod fertur nomine sanguis ?*

Nec mitior in sibi addictos Bellona Dea, cui ritu cruento ac dirò, mulieres ipsæ Sacrificantes, hâc se perfossione notabant, vt docent illa Tibulli l. 1. eleg. 7.

*Ipsa bipenne suos cadit violenta lacertos,
Sanguinéque effuso spargit inepta Deam.
Statque latus præfixa veru, stat saucia pectus,
Et canit euentus quos Dea magna monet.*

Hoc est præter cœtera, cur Flacus l. 2. Satyra 3. dixit,

————— *Gaudet Bellona cruentis.*

Lactantius has in sacris Bellonæ, perfossiones membrorum, non omisit, ita scribens l. 1. Instit. c. 21. [Sunt publica sacra virtutis quam eandem Bellonam vocant, in quibus ipsi Sacerdotes, non alieno, sed suo cruore sacrificant. Sectis namque humeris, & utrâque manu districtos gladios exerentes, currunt, efferantur, insaniunt.] Peculiare quiddam notat de his sacris Tertullianus c. 9. Apolog. dicens. [Hodie isthic (Romæ,) Bellonæ sacratus

sacratuſ sanguis, de femore proſciſſo in palmulam exceptuſ, ſuiſ datur ſignatiſ.] Zephyruſ ibi in paraphraſi, ait, *Bellonariuſ*, (ſic enim nominantur ab Ulpiano l. 7. ff. de Offic. Proconſ.) eum ritum proliciendi ſibi è femore ſanguinem, adhibuiſſe in ſuorum lancinatorum & ſtigmaticorum initiatione. Quod & propoſitiſ Tertulliani verbis inſinuatur, & illiſ Minutij. [Hodie ab ipſiſ, Latiaſ Iupiter homicidio colitur, &c. Ipſum credo docuiſſe, ſanguiniſ foedere conjurare Catilinam, & Bellonem ſeruum ſuum hauſtu humani croriſ imbuere.]

Dianæ addiſtiſ, eadem ſibi ſtigmata impreſſiſſe, autor eſt Athenagoraſ in legat. pro Chriſt. num. 33. Tameſi enim tantum ait, eoſ ipſa hominuſ corpora in Dianæ honorem vulnerare ac incidere; ramen mox addit, alicubi eiuſdem Deæ Sacerdoteſ litare illi alioruſ ſanguine, Piora ergo verba, cadunt in ipſoſ Sacerdoteſ, ſuimet incifione ac vulneratione litanteſ. Subjungit etiam alioſ fuiſſe, qui cultriſ & flagelliſ nodariſ ſeiſpoſ compungerent ac ſtigmatizarent.

Erant Syri omneſ, addiſtiſ impenſe Deæ Syriæ Atergatiſ Reginam eo nomine designatam, à Græciſ *Dercetum* dictam, proditum eſt. Non pauca de eâ ſunt apud Athenæum lib. 8. Scripſit de eiſ cultu & honoribuſ, librum Lucianaſ, & ipſe Syruſ, in cuiuſ propè fine, ſic habet, de addiſtiſ illi Deæ. [Certiſ notiſ compunguntur omneſ, alij quidem in volâ manuſ, alij autem in ceruice. Et inde eſt, quod cuncti Aſſyrii notat inuſtaſ habent.] Nempe

quia omnes, sunt illi suæ Deæ addictissimi. Erant ergo hæc stigmata superstitiosa.

Mithriaci in suâ initiatione signabantur, excipientes *καύουσιν τὰς μυστικὰς*, vt loquitur Nazianzenus orat. 1. in Iul. n. 29. Signatos fuisse in fronte, habet Tertullianus l. de præscr. c. 40. & superfuisse cùm ea scriberet, qui ita initiarentur, monstrant ea verba. [Et sic adhuc initiat Mithræ. Signat illhic in frontibus milites suos.]

Quod Apostolus Rom. 1. reprehendit Ethnicos qui euauerant in cogitationibus suis, vnde à Deo punitos subdit, & traditos in desideria cordis eorum, in immunditiam, vt contumeliis afficiant corpora sua; Primasius ibi ita glossat, vt contumeliis affecerint corpora; [Dum sibi characteres & vstiones infligunt, in consecrationibus Idolorum.] Hoc non est ad mentem Apostoli, qui clarè agit de contumeliis per fœdationes libidinum hortendarum. Quod tamen ait Primasius, de vstionibus in consecratione alicuius in Sacerdotem Idolorum, verissimum est: & optimè illustratur ex Prudentio, hymno de S. Romano, illis sub finem versibus.

Quid cum sacrandus accipit sphragitidas?

Acus minutas ingerunt fornacibus,

His membra pergunt vrere, vtque igniuerint,

Quamcunque partem corporis, feruens nota

Stigmatit, hanc sic consecratam predicant.

Functum deinde quum relinquit spiritus,

Et ad sepulchrum pompa fertur funeris,

Partes per ipsas imprimuntur bractea;

*Insignis auri lamina obducit cutem,
Tegitur metallo, quod perustum est ignibus.*

Sic de Ethnico illo ritu, Prudentius : quem tamen non aduerto, dicere quod ei tribuit Georgius Fabricius in Commentario ad Poëtas Christianos V. *Nota.* Nimirum quod huiusmodi membra stigmati notata, post mortem non vnà cum reliquo cadavere sepelirentur, sed amputata haberentur pro sacris ; eaque aut ornarentur bracteis aureis, aut tota includerentur vitris & metallis. Vnde idem Sectarius, censet eum morem peruasisse in Ecclesiam, vt digiti, brachia, articuli Sanctorum, includerentur vasis, & osculanda porrigerentur, aut proponerentur spectanda. Nugæ meræ. Ecclesia piæ & sanctæ vsum factas reliquias venerandi & exornandi, non hausit ex Gentilium profanis ritibus : sed agnoscens hæc corpora fuisse receptacula animæ iam sanctæ, & fuisse Spiritus Sancti animam inhabitantis organa, ad eximias & operationes & perpeffiones ; cultum illis ac venerationem, vt sacris pignoribus exhibet, vt optimè aduersus Vigilantium docuit S. Hieronimus, & discipuli S. Polycarpi apud Eusebium 4. histor. c. 15. Quod si idipsum prælucente Spiritu Sancto facit Ecclesia, quod Ethnici ex mero naturæ lumine, supponentes corpora Diis suis consecrata verè sancta esse præstiterunt, reprehensione profectò vacat : id quod in multis aliis, proportionaliter apud nos & apud Ethnicos vsurpatis, æquè locum habet. Sed de his alibi. Non ergo ait Prudentius, (vt præmittebam,)

membra stigmatē notata, fuisse resecta à reliquo corpore, sicut affirmat Fabricius, eum proximè recitatis versibus dicere: Id inquam Prudentius non dicit, neque docet ea membra fuisse ab Ethnicis asseruata, vti nos Sacras reliquias asseruamus: sed tantum ait, inter efferendum funus, honestata ad modum prædictum fuisse membra stigmatē notata, siue consepultis, siue post funeris pompam detractis ante illationem in tumulum, huiusmodi ornamentis.

Mexicani Ascetæ, vt scribit Iosephus à Costa l. 5. histor. Indicæ c. 16. & 17. mediâ nocte surgebant, & thus numini falso adolebant: Tum arreptis subulis aut lanceolis vel nouaculis, pulpam tibiærum pertundebant, prolicientes plurimum sanguinem; quo cruentati, abluebantur, in lacu cui nomen *Ezapanguè*, idest *aqua sanguinea*. Subulæ verò quas iteratò ad eum vsum adhibere nefas erat, asseruabantur, & ostentabantur magno numero, ad ludificandum eâ specie populum.

Philopator, desertores legis Iudæos, inuri per ignem mandauit initiatis Libero Patri, per candens hederæ folium analogum, è ferro aliòue metallo confectum. Ita refertur in Apocriph. l. 3. Machab. cap. 2.

Subtexendi sunt Ethnicis & Iudæis, Turcæ & Saraceni: quod quanquam vnum Deum videntur colere, quo ipso ad Iudæos accedunt, tamen & primâ Origine Ethnici sunt, vt S. Hieronimus docet; & mixturas habent ex Ethnicismo non paucas, vitâque viuunt prorsus Ethnicam, & iis qui

Deum non nouerunt, congruentem. Saraceni ergo, siue Turcæ eorum successores, varia stigmata superstitiosa frequentarunt. Georgius Vvernerus in Hyponemmatico de admirandis Hungariæ aquis, hæc habet de Poppis eorum. [Sunt Deruissæ Turcis, quod nobis Monachi, qui mendicato viuunt, quibus ex Religionis quam affectant instituto, vsitatum est, sæuire in corpus proprium; quod alij per inuisionem stigmatum ferro candente, alij per incisionem quæ fit nouaculâ acutissimâ, quidam utroque modo faciunt; hoc crebrius & crudelius, quo quisque sanctior & Religiosior esse & haberi cupit.] Bartholomeus Georgieuiz libro de Turcarum moribus c. 1. Primum Monachorum Ordinem apud Turcas, vocari ait *Deruissar*: & post nonnulla de eorum asperitate vitæ, subdit. [Hi deuoratâ herbâ, *Maslach* vocatâ, in rabiem aguntur; adeo ut per pectus totum in transuersum, vulnus ducant; itidem per brachium, vel nullo dolore, vel dissimulato. Et fungum arborum incensum, capiti, pectori, manui superpositum, non remouent, donec in cineres resoluantur.] Petrus Bellonius l. 3. obseru. cap. 21. de iisdem sic habet. [Nudi plerumque obambulant isti Deruis, æstate & hyeme, brachiaque & pectus, obliquis & transuersis cicatricibus fœdata habent ex incisuris quas ipsimet suis cultellis corpori inflixerunt, in longitudinem potius, quàm in latitudinem ductas, ut muscoli minùs offendantur. Cum verò nullo adhibito emplastro vulnera consolidentur, cicatrices parui digiti crassitudine turgentes, remanent. Plerosque videre est,

huiusmodi cicatricibus aded scædatos, ut horrorem incutiant. Quo furore prophetico siue mania agantur, sese ita concidentes & adurentes, ignoramus.]

Nec Poppis duntaxat & quasi Monachis, Turcarum siue Saracenorum, proprium fuit signari stigmatibus impressis; sed cæteri quoque, saltem qui religiosiores videri affectarunt, idem factitalle videntur. Sanè Habdalla Princeps Sarracenorum anno 32. Imperij Constantini Copronymi, (ait Paulus Diaconus l. 22. rerum Rom.) abiens Hierosolimam, jejunavit, & præcepit Christianos & Hebræos inscribi in manibus.] Vtique ex ritu Mahumetano, ut ea inscriptio esset transcriptio in religionem Mahumetanam. Non enim videtur iniustus vel inscripturus Hebræos ac Christianos, nisi ex ritu in gente suâ recepto, sic consignari addictos impiæ Sectæ, in more fuisset.

Hæreticorum supersticiosa stigmata, jam olim sunt decantata. De quibusdam Gnosticis sic S. Irenæus. [Signant cauteriantes suos discipulos, in posterioribus partibus extantiæ dextræ auris.] Tribuit id signatim Carpocratianis, S. Epiphanius hæresi 27. [Signaculum (inquit,) per cauterium, aut nouaculam, aut subulam, immittunt ac incutiunt Carpocrati, in dexteram inferiorem auriculam, iis qui ab ipsis decepti sunt.] Existimat Feüardentius ad citatum S. Irenæi caput n. 13. hæc stigmata fuisse Sacramentum perpetuæ deuotionis, & prorsus interclusæ defectionis: allusione ab illis factâ ad ritum Hebræum, quo seruus septennis nolens excutere domini seruitutem, adhibita ubulâ perforabatur in aure.

Basilidiani, consignationem in fronte quam à Mithriacis usurpatam vidimus, adhibuisse videntur. Nam Basilidiani colebant Abraxam, ut latè tradit S. Epiphanius hæc. 24. Atqui Abraxas juxta S. Hieronimum l. 2. in Amos, erat idem cum Mithra. Et fortassis eam ob causam Tertullianus l. de præscr. c. 40. dixit, superfuisse suo tempore, qui usum stigmatizationis in fronte, ritu Mithriaco usurparent. Quanquam potuit id quoque in Ethnicos cadere.

Cataphrygarum horrenda stigmata, puero anniculo minutis punctiunculis illata, quibus sanguinem ad usum execramentorum suorum, (non enim Sacramentorum,) ex eius corpore prolicerent, refert S. Philastrius c. 50. & S. Hieron. Epistola 54. & S. Augustinus ad Quodvultd. c. 26.

Iacobitas, Iacobi Syri heretici, infausta genimina, circumferre inustum candenti ferro in frontibus signum Crucis, testatur Ioachimus Abbas in Appendice nationum Christianarum. Idque esse videtur, quod Præteolus in Elencho V. *Iacobitanum*. 2. ex Bernardo Luxemburgensi tradit, Iacobitas baptizasse inistis frontibus ferro candenti, nixos verbis illis Baptistæ de Christo, *Ille vos baptizabit in Spiritu Sancto, & igni*. An idem quoque fecerant Seleuciani & Hermiani, quos S. Philastrius ait, ob ea verba Baptistæ respuisse baptismum aquæ, & ei suffecisse baptismum ignis? Latè in eos agit Castro V. *baptismus* hæc. 1.

Manichæi, (saltem qui superstitioniores erant,) stigmatibus insigniebantur. Apertè id docet Victor


Vticensis l. 2. histor. Vandal. initio. Agens enim de Hunerico ad clauum tum primùm sedente, ait: [Et vt se religiosum ostenderet, statuit sollicitiùs requirendos hæreticos Manichæos, ex quibus multos incendit, plurimos autem distraxit nauibus transmarinis; quos penè omnes Manichæos, suæ religionis inuenit; & præcipuè Presbyteros & Diaconos Arianæ hæreseos. Vnde magis erubescens, ampliùs in illos exarsit. De quibus repertus est vnus, nomine Clementianus, monachus illorum, scriptum habens in femore, *Manichæus, discipulus Christi Iesu.*]

Antichristum in extremo mundi senio, signum bestię, id est Diaboli impressurum affeclis suis, pro-
dit his verbis S. Ioannes c. 13. Apocal. v. 16. & 17. *Et faciet omnes pusillos & magnos, & diuites, & pauperes, & liberos, & seruos habere characterem in dexterâ manu suâ, aut in frontibus suis; & ne quis possit emere, aut vendere, nisi qui habet characterem, aut nomen bestię, aut numerum nominis eius.* Idem repetitur c. 14. & 16. & 20. Neque hoc signum spectaturum duntaxat ad subiectionem politicam, sed fore quoque professionem falsi cultus, euincit Suares t. 2. 3. p. d. 54. f. 6. Itaque meritò annumeratur stigmatibus supersticiosiis. Quid hoc caractere seu stigmate sit exprimendum, variant sententiæ, quarum multas perstringit Gretserus l. 4. de Cruce c. 6. & plenius excutiantur à Viega in c. 13. Apocal. comment. 1. sect. 7. & à Maluenda l. 8. de Anrichr. c. 18. Ambrosius Ansbertus ex reuelatione sibi factâ, ait fore X, inserto P. quæ

erat Christi nota in labaro Constantini. Ita ille in c. 13. Apoc. subscribit Ribera ibi & Cornelius Z. Thessalo. 2. ad vers. 10. q. 4. Hostem tamen Christi professum, initiales nominis. Christi literas, ipsumque nomen eius, pro tessera assumpturum, minus congruum videtur. Nugas præterea sectariorum de hoc Antichristi charactere, refert & meritò explodit Bellarminus l. 3. de Romano Pontif. cap. 11. ac Lessius disputatione de Antichristo à numero 31. sunt enim reuera commenta insulissima, & ad jocandum veriùs quàm ad rem exponendam excogitata.

Mihi dimissis aliis, quæ Hæreseologi, & quotquot de Antichristo disputant, de hoc charactere proponunt, satis est hoc loco statuere, illum non fore aliquid merè extrinsecus & citra inustionem impressum: quâ ratione imprimitur frontibus nostris signum Crucis, quo eodem modo de hoc Antichristi charactere, pronunciare videtur Lactantius 7. instit. c. 17. ac Philippus Abbas libro de Continentiâ Clericorum cap. 117. & inclinât Suares t. 2. 3. p. d. 54. s. 6. sed verè fore stigma realiter impressum, & physicè inexistent, ac immissum corpori consignato, ut rectè agnoscit S. Hippolitus orat. de mundi consumm. & ad c. 13. Apocal. varij Interpretes, ut ex Antiquis Primasius & Ansbertus. Ex recentioribus Alcazar, Ribera, Viegas, Varablus. Nec non Sanchez 4. Reg. 23. *in fine*, Sebastianus Michaëlis in sententiam Auenionensem contra Magos Scholio S. Florimondus l. de Antichr. c. 40. Imprimendum potè esse hoc stigma,

fronti, aut dexteræ manui, ait disiunctivè S. Ioannes. Quo sensu accipiendum est quod copulativè de utrâque illâ parte videtur dicere S. Ephrem Tract. de consummatione sæculi & Antichristo, verbis illis. [Dabit suum signum scelestus ille, non quidem promiscuè pro quolibet corporis membro, ne hoc graue sit, atque molestum; sed in dexterâ manu, ac fronte insculpturus est huiusmodi characterem suum, ne scilicet facultas sit homini se signandi signo Christi; Neque versùs in fronte ullatenus tremendum, sanctûmque Domini nomen imprimere queat; Neque etiam gloriosam, atque formidabilem Saluatoris crucem insculpere. Nouit quippè infelix ille, per impressionem crucis Domini, potestatem sibi omnem auferendam: Quam ob rem, signat hominis dexteram, quod eâ cuncta nostra membra signamus: similiterque frontem, quòd illâ signum Saluatoris nostri in altum præfert in modum candelabri.]



CAPVT VII.

Stigmata humana moralia.



Ro coronide Tractationis stigmatum humanorum physicorum, iuuat non prætermittere huius ordinis stigma morale, cuius est mentio apud Ioannem Michaëlem Parisiensem Theologum l. cui titulus est, *Anatome corporis Politici* c. 41. Scribit ibi Michaël, defuncto Ludouico 12. missos esse ad salutandum successorem Franciscum 1. quosdam Doctores, duce verbi Thoma Bricoto, facultatis Theologicæ tunc Decano, vt nomine Academiæ benè Regi precarentur, & salutem dicerent. Bricotus collaudato à multiplicibus naturæ & gratiæ dotibus Francisco, extulit nominatim eius magnificentiam & liberalitatem, dicens, eum instar Diui Francisci cuius nomen ferebat, videri stigmata gerere in manibus, è quibus veluti foratis, omnia effluebant. Erat enim Franciscus Rex, mirificè liberalis atque munificus, adeò vt nullæ vnquam profusiones, satiarent eius ad largiendum propensissimam voluntatem. Meritò tamen timebat Bricotus, referente Michaële qui aderat, & fideliter allocutionem illius annotauit, ne ea manuum perforatio, si jugis esset atque perpetua, multo plures ad pauperiem adduceret, quàm fecerat stigmatibus suis S. Franciscus, qui tamen

ad voluntariam & à Deo remunerandam paupertatem, stigmatibus suis mortales traxerat; cum Rex si porro pergeret innumeros adducturus esset ad inuoluntariam & exosam paupertatem. Itaque hortabatur Regem Bricotus, ut stigmata manuum aliquando obstrueret, imitatione soceri sui Ludovici 12. qui Pater populi audierat: quia recisis profusionibus, in eo totus erat, ut populi grauationi parceret, eaque de causa suo tempore, neque Magistrum Equitum habere voluerat, neque Cancellarium; contentus sigillorum Custode, quod munus est minoris impensæ: nec semel consilium iniuerat, tributa popularibus indicta abrogandi; perfecissetque reipsa, nisi qui eum stipabant Consiliarij, planè restitissent optimo Regi, redditus suos ad omnes impensas sibi sufficere confirmanti. Illi è contrario opponebant, plebem ablato semel iugo, ægrè illud resumpturam, si superueniret resumendi necessitas. Quæ ratio, consilium Regis populo commodum disturbauit. Suadebat igitur Regi Bricotus, ut soceri imitatione, ad gloriosum illud *Patris populi* cognomen aspiraret, obstructione stigmatum quibus foratas & pertusas habebat manus. Sed non applausere dicenti, qui frequentes aderant Aulici, in quorum vtilitatem vniuersa illa Regis profusio per manus foratas cedebat. Neque Rex occludi sua illa stigmata est passus, ut scribit loco allegato, Ioannes Michaël.

Ex hac narratione perspicitur dari genus vnum stigmatis moralis humani, quo plerunque Magni qui sunt in terrâ, in perniciem minorum, inuruntur,

Tametsi enim pauci aliqui minorum ex majorum profusione lucrum faciunt, tamen cœteri minores non possunt indemnes euadere, Majoribus in eos grassantibus, ut possint semper suppetere quæ effundant in illos paucos inde ditescentes.




SECTIO III.

STIGMATISMVS DÆMONIACUS.



VANQVAM sunt varia stigmata Dæmoniaca de quibus hoc loco agendum erit, præcipuè tamen instituenda est disputatio, de stigmatibus quibus Dæmon electa vasa sua plerunque consignat. Sortilegos dico & Sagas, quibus suis mancipiis, Satan præter plura alia perpetuò deuoti obsequij pignora, ut ejurationem Dei, ac æternæ seruitutis promissionem annuâ tributi pen- satione firmandam, teste Nicolao Remigio l. ii. dæmonolatr. c. 11. stigmata non raro imprimi, de quibus multa jactantur, quæ interest exequere. Com-

modè verò id præstiturus videor, si præmissa horum
 stigmatum existentia, singulas eorum causas exter-
 nas & internas inuestigauero.



CAPVT I.

*Dari verè aliqua Magorum &
 Sagarum stigmata, à Satana
 impressa.*

NEGANT hæc stigmata, Nouatores
 duo, Godelmannus & Vvierus. Ille lib.
 3. de Magis c. 3. num. 28. explodit hæc
 stigmata, allegatâ lege Carolinâ, quæ
 insimulatos Magiæ, jubet esse innoxios; eorum verò
 criminatores, subjicit multæ. Vvierus verò Saga-
 rum patronus l. 6. de præstig. c. 24. *ad quartam
 objectionem*, imprimis statuit, omnia ista esse ludi-
 bria imaginationis vitiatæ, nec vllum reuera eius-
 modi stigma aliquando impressum esse à Satana,
 vt vt fallente imaginatione, aliqui in tormentis,
 vel apud Iudicem, aut etiam extra iudicium, fatean-
 tur stigma sibi à Satana impressum esse. Quod si
 omnino euincatur, vel potius euinci supponatur,
 aliquod tale stigma reperiri in nonnullis, vnde con-
 stare poterit, eam notam esse dæmoniacam, & Sa-
 tana inutente impressam? Quare pro comperto

habet Vvierus, & iteratò confirmat, omnia quæ de stigmate Sagarum jactantur, commenta esse, & illusiones imaginationis depravatæ, juxta ea quæ fusissimè disputat l. 3. ejusdem operis à c. 7. de facilitæ latione phantasiæ, & frequentibus erroribus ex vitio imaginationis, præsertim in sexu molliore, ob imbecillitatem judicij, vt statuit toto c. 6. Pacta porrò maleficorum cum Sarana, quibus subungi supponitur impressio stigmatis; ab eodem Vviero exploduntur vt commentitia, de quo idem plenè l. 3. de præstig. c. 6. 7. & 8.

Nihilominus Vvierus, eandem hâc in parte fidem meretur, quàm in omnibus quæ ad Sagas pertinent, hoc est nullam: Homo enim insulsiſſimus, causam Sagarum quas regendas suscepit, adedò vanè ac mendaciter agit, vt planè liqueat eum stare à partibus patris mendacij, & ab eo submissum esse, ad stabiliendam immunitatem ac impunitatem maleficiorum dæmoniacorum. Itaque quicquid Vvierus blateret, pro comperto habendum est, dari stigmata dæmoniacæ, impressa Sagis & Magis à Sarana, indefinitè saltem loquendo. Nam postea videndum erit, an omnes Magi, omnèsque Sagæ, insigniantur huiusmodi stigmate. Agnoscunt has notas Scriptores omnes, in Maleficorum & Sagarum disquisitione versati, ac præter cæteros Nider lib. 5. Fornicarij, Nicolaus Remigius l. 1. dæmonolat. c. 5. Delrio 2. Mag. q. 4. §. *decimò corporis*. Sebastianus Michaëlis scholio 5. in sententiam Auenionensem, Henricus Boguetus disput. de Sortiariis c. 44. Fontanus iusto Opusculo, Cresperus de odio Saranæ discursu 15.

Leloyer l. 7. de spectris c. 3. Petrus Ancoranus l. 2. de Inconstantia dæmonum, discursu 2. Torreblanca lib. 2. dæmonologiæ cap. 7. n. 10. adducens Tertullianum l. de præscript. nullo signato loco. Et fortassis respexit ad ea quæ de Mithriacorum stigmate, habet eo libro Tertullianus: quorum tamen stigmatum alia reuera est ratio, quàm Magicorum. Ex ipsis Nouatoribus, stigmata Magica agnoscunt Lambertus Danæus dialo. de Sortitiis, Bodinus l. 2. dæmon. c. 4. Thomas Erastus l. de Lamiis pag. *mibi* 523. Sennertus l. 6. Medicinæ practicæ parte 9. c. 5.

Probatio huius veritatis, non est quærenda alia, quàm quæ ducitur ex frequentissimo experimento. Quotidianum enim est, vt Malefici, & Sagæ, vel suâmet confessione, vel participum accusatione, vel diligentia iudicum, deprehendantur notati huiusmodi signò, inuito per Satanam, affectantem peruersâ imitatione, exprimerè quod à Deo in animâ fidelium fieri perspectum habet. Consignantur enim fideles in Baptismo, caractere indelebili, quo transcribuntur in Dei familiam, eiusque æterno obsequio mancipantur. At Satan est verè simius Dei vt optimè assumunt Tertullianus l. de præscrip. c. 40. & l. de Coro. milit. c. 14. Nyssenus homil. 14. in Cant. & palpabilibus plerisque experimentis prolatis Iosephus à Costa l. 5. historiæ noui orbis, *propè toto*. Congerit in hanc rem plurima Henricus à Monte acuto, in Opere cui titulus est, *Dæmonis Mimica*. Satan itaque, nequam Dei æmulator, mancipiis suis infami abigeatu à Deo abductis, proportionalem

proportionalem consignatis à Deo notam imprimi; sin minùs in animâ quæ eius viribus subducitur, ac in corpore, vt magis sibi deuinciat miseros stigma-rias: quibus etiam teste Rodino loco allegato, auctor est, vt eluendo Christiano baptismo, denuò baptizentur in nomine Diaboli, & nouo donentur nomine. Vnde plerumque contingit, vt huiusmodi homines sint binomij. Confirmatur 1. ex dictis superiùs, de consignatione militum & seruorum. Hos enim habet Satan pro militibus, eisdemque vt seruis vritur. Confirmatur 2. ex dictis suprà, de superstitiosis notis quas vani homines in quibus non suberat scientia Dei, imprimebant sibi auctore Satana, vt se ei autorarent, & nexu æterno addicerent. Nam non contenti externâ professione superstitionis, inutebant sibi stigmata, ad expressiorem & firmiorem deuotionem. Et idipsum Antichristus curabit fieri, per eos quos ad Satanæ obsequium, intentatis minis ac vi illatâ, adiget. Non debet igitur absurdum videri, si dicamus, Satanam in lectissimis organis suis idem præstare.

Neque tamen idcirco contendo, stigma esse iudicium planè ineluctabile, ad reos prorsus conuincendos, & indeclinabiliter vrgendos ad informe lethum; aut etiam subjiaciendos tormentis. De quo saluâ existentia stigmatum, controuersia est inter D.D. ex iis enim qui contra Vyrierum agnoscunt imprimi à Satana stigmata suis hisce mancipiis, plerique nihilominus nolunt Iudices admodum inniti huic indicio Magiæ, & pacti cum morte: quia neque fortassis est signum vniuersale, cum

rumor sit plerisque Magos esse eius expertes; neque est eiusdem modi in omnibus signatis, & aliquando confunditur cum nota genitiua, nec raro post impressionem obliteratur à Satana. Hinc ergo graues DD. colligunt, deprehensionem stigmatis in aliquo, non esse certum indicium additionis ad Satanæ obsequium: neque defectum stigmatis, esse certum indicium innocentiae, & nitoris ab hoc scelere. Ita Binsfeldius Comment. ad titulum Codicis de Malef. & Mathem. indicio 14. Federicus Spée in Cautione Criminali de processibus contra Sagas, dubio 43. & Delrio 5. Mag. sect. 4. n. 28. Nec refragaretur Fontanus, qui Opusculo vernaculo de his notis Sagarum, testatur molitorem quendam San-Maximitanum, cui nomen *Germano*, periclitatum esse iudicii capitalis, eo quod à plerisque pro Mago haberetur, ob notam genitiuam ei in humero sinistro impressam in materno utero, cum mater hepar porcinum expetiisset, & eius imaginem tenero foetui impressisset. Vnde liquet, notam genitiuam, aut næuum naturalem, cum stigmate Magico ob nonnullam similitudinem confundi interdum posse; atque adeò indicium ex tali nota petitum, non videri planè euidens, ac indeclinabile, etiam ad torquendum. Est penes me dissertatio erudita & fortis in hanc rem, conscripta à Viro Clarissimo, Petro Tonduti S. Leodegarij Toparcha, qua Papinianus ille Christianus, & verè viua juris penus, omni genere juridicæ probationis confirmat quod dico. Alij autem quidam DD. habent stigma pro indicio Magiæ omnium vrgentissimo, ita vt

personam in quâ stigma sit deprehensum, habeant pro compertâ huius sceleris, & additionis ad Satanæ obsequium. Ita Henricus Boguetus opusculo de Sortitiis c. 50. & Petrus Ancoranus lib. 2. discursu 2.

Ego tamen simpliciter & absolute loquendo, existimo priores admodum prudenter agere, lubens tamen concesserim; quando constanti ipsorum maleficorum confessione, nota deprehenditur; & in Satanam autorem refertur, acceditque insensibilitas partis notatæ, aded ut penitissime transfixa, neque emittat cruorem, neque sensum doloris inferat; argumentum esse moraliter certum, ad pronuncian- dum impressionem esse Satanicam, & reum hac nota se obstrinxisse Diabolo, strictiore & firmiore nexu, quàm alterius generis peccatores. Ut ut verò res habeat, quoad vim huius indicij ad pœnam malefico decernendam, ipsûmque subijciendum tormentis; satis in præsentia est, poni extra dubium ab utriusque partis Doctoribus, quod verè dentur stigmata Magica; & sicut Deus in animâ, ita Diabolus in corpore habeat signatos suos.

Quæ in contrarium effutiebatur Vviersus, sunt planè inania. Quod enim pro certo assumebat, stigmata si quando à Magis, præsertimque à Sagis, in suum exitium produntur, & ad Satanam autorem referuntur, esse attribuenda depravatæ personarum illarum imaginationi; vel eo sensu dicitur, ut stigma quidem sit reale & physicum, sed à forti imaginatione causatum, juxta Pomponatij & aliorum quorundam delirium, quos non puduit S.

Francisci stigmata ad imaginationem fortem tanquam ad physicam causam referre : Vel certè dicitur eo sensu , vt significetur nulla reapse imprimi stigmata Magis & Sagis , tamen per delusæ imaginationis ludibrium somniantibus frequens , videantur sibi à Satana recipere impressionem , quam reuera non recipiunt. Et hic peruersus sensus placiti à Vviero jactati , solus est huius loci proprius. Nam alijs , excutiendus erit inferiùs , tractando effectricem stigmatis causam. Aio ergo , ridiculum æquè ac delirum esse , jactare notas tam constanti multorum confessione sensibus deprehensas , esse somnia vigilantium. Nec ista strophæ est primùm à Vviero cusa , sed in incude Vulcani Tartarei est fabricata , longè ante. Scribunt enim Petrus Mamoris in flagello maleficorum c. 17. & Nicolaus Iacquerius in flagello fascinatorum c. 3. *in fine* , anno 1453. Theologum quendam Pictaviensem Ordinis S. Benedicti , cui nomen *Gulielmo de Lure* , aliàs *Hameline* , (Iacquerius qui ait eum sibi fuisse notissimum , vocat *Gulielmum Adelme* ,) 12. Septembris , in Tribunali Episcopali Ebroicensi , publicè cum lachrymis scripto confessum esse , cum se Diabolo manciparet in seruum peculiarem , monitum esse à Satana , fore vt magnum sibi obsequium præstaret , & sectam perditionis egregiè amplificaret , prædicando & docendo , sectam magorum nihil esse nisi illusionem phantasie : Eamque persuasionem , præcipiente Satana à se infixam quibuscunque portnerat , deplorabat idem erroris propola ; vt Iudices in eâ peste coercendâ essent segniores , quod

etiam ex parte est consecutus. Constat enim, plerisque locis Iudices hâc falsâ persuasione, inquisitiones in Sortiarios neglexisse; scribitque Lambertus Danæus dialo. de Sortiariis c. 1. cū Genabi ad Ligerim ageret, maleficum ex eo genere, post legitimam inquisitionem ab urbanis Magistratibus damnatum, interpositâ prouocatione ad supremam Curiam, euasisse iudicium; Senatu totam criminationem meris (vt censebat,) imaginationibus nimiam, deridente. Itaque impune fuit malefico. læsisse non paucos, eo scelerato fœdere quod cum Satana iniuerat, donec relapsus in scelera, prouocatione neglectâ, à Genabensibus laqueo est additus. Valeat ergo Diabolica phantasia, à Vviero regesta tanquam crambe recocta; fixumque sit, non omnia quæ de Magis & Sagis jactantur, & nominatim inustionem stigmatis per Satanam, esse ludibria imaginationis delusæ; reuera autem nihil tale fieri; quamuis non idcirco diffitendum sit, imaginationem plerunque deludi vanâ imagine, cum in aliis rebus, tum etiam in commerciis Magicis, vt plenè prosequitur Petrus Leloyer toto ferè lib. 2. de spectris.

De fundamento autem præcipuo Vvieri, quod in calce rationis dubitandi attingebatur, præstat ferè silere, quàm copiosè agere. Assumit Vvierus, pacta omnia maleficorum cum Dæmone, quibus subjungitur stigmatis impressio, esse commentitia. Sed hoc fundamentum, dissectione nouâ non eget. Prius quippè quassatum est ac euersum, non modò à Catholicis, sed etiam à Sectariis. Videndus præter

ceteros Binsfeldius de Confess. malef. prælud. 6. multos & Patres & Doctores in hanc rem adducens, & Delrio l. 2. Mag. q. 4. ac l. 5. sect. 16. num. 5. ubi longum syllabum Doctorum, pacta Satanz cum Magis & Sagis agnoscentium, contexit. Et suffragantur ex Sectariis Lambertus Danæus dialo. de Sortiariis c. 2. Bodinus in dæmonom. l. 2. passim ac Senertus l. 6. Medicinz practicæ parte 9. c. 5. conclus. 8. Horrifca verò est, machina qua Vvicius hoc pactum labefactat: cum ait, dæmonem non habere manus, ideòque non posse pacisci, cum ad pactum ineundum exigatur manuum consertio. Quo ipso ariete, pacta diuina cum Abrahamo, & aliis, in scripturis decantatissima conciderent. Neque enim Deus habet manus, quas ad ineundum pactum conferat. Quidni verò etiam objiciebat Vvicius, dæmones carere lingua, qua pacti verba enuncient, & conditiones sub quibus paciscantur, proponant? Nugæ, Nugæ. En quibus fundamentis, homo impius nefariam cum Satana societatem, à Iudicum ira indemnem statuere satagit. Ut mirum planè sit, reperiti aliquando potuisse, qui ei ab eruditione, & judicij emunctione in eo opere prodita, applauderent: cum sit opus, in quo insulitas & stoliditas scriptoris, cum eius malignitate cernant.



CAPVT II.

*De stigmati Magici subiecto totali, quod
est persona consignata.*



INTER causas stigmati Magici, occurrunt primo loco quæ dicuntur internæ, nimirum subiectiua & formalis. Subiectiua porro secerni potest duplex, nempe totalis quæ est subiectum denominationis; & partialis ac immediata, quæ in accidentibus dicitur subiectum inhætionis. Circa vtramque in hoc negotio consideranda sunt aliqua, initio facto à subiecto denominationis, siue à persona suscipiente stigma.

Persona ergo, cui Satan impressione stigmati notam mancipati sibi obsequij indit, illa est quæ vulgo *Sortiaria* appellatur, voce quæ apud Hincmarum legitur 33. q. 1. c. vltimo, & ducta est à voce Latina antiquiore *Sortilegus*, vt benè obseruauit Danæus dialo. de Sortiariis c. 1. addens idcirco, qui nefaria hæc commercia cum Satana ineunt, dictos esse nomine à sortibus diuinatoriis ducto, quod prima & antiquissima Magiæ illecebra, esset cognitio futurorum, quam Satana spondente captabant nefarij homines, quibus ab expertita per sortes futuri notitia, jam ante inditum erat nomen

Sortilegorum, extensum postea ad omnes commercium quoquomodo habentes cum Satana. Similis extensio facta est in alijs vocibus, quibus id genus hominum, siue males siue sceleratæ, denominantur: nimirum quidem, *malefici*, *incantatores*, *venefici*, *Magi* dicuntur. Sceleratæ vero *Striges*, *Lamia*, *Maga*, *Saga*, de quibus & alijs colluctei huius nominibus, fuscè idem Danæus citato capite, & Erastus sub initium disputationis de Lamiis. Torreblanca libro 2. Dæmonologiæ c. 38. num. 1. 2. 3. 6. 7. ac Deltio 1. Mag. c. 1. *sub finem*. Vtrique sexui communis est hæc calamitas; tametsi verum est, sceleratas præsertim hæc labe fordere; atque adeo frequentius esse, ut in eis locum habeant stigmata Magica. Nam ob iudicii imbecillitatem; & molliorem ac flexibiliorum gentium, aptiores sunt ut Satanae pedicis irretiantur, eiusque servitio se mancipent. Notarunt hoc de faciliore mulierum inescatione ad hæc scelera per Satanam, Martinus de Arles Tract. de superstitionibus, exscripto Ioanne Nider in primum Decalogi præceptum; & Gerlone tract. contra superstitionem observationem dixerunt; Simancas in Cathol. Institut. tit. 37. num. 3. Sebastianus Michaëlis in Pneumalogia toto c. 7. Crespertus de odio Satanae discusso 11. Binsfeldius de confess. malef. notabili 8. Comestronchus l. 3. de morbis veneficis c. 3. Torreblanca l. 2. dæmonologiæ c. 38. num. 15. Ancorani lib. 1. de inconstantiæ dæmonum discursu 3. Easdemque ob causas; mulieres magis obnoxias esse falsis revelationibus; notavit Simancas in Catholicis Institut. tit. 21. num. 25. ex Sybillano decade

Subiectum totale stigmatiſ Magici. 361

1. peregr. qq. c. 8. q. 2. ſunt enim imprudentiores, & humidiores, & maiore erga affectus ſuos impotentia laborant: quæ ſunt radices facilioris ſubjectionis ad Satanæ motus.

Sicut omnis ſexuſ, ita omnis ætas, infami huic commercio, atque adeo etiam conſignationi de quâ agimus, eſt obnoxia. Conſtat enim tenetam quorundam ætatem à patentibus Satanæ mancipatam, ab eodem eſſe inſtatam Magico ſtigmati. Audi Nicolaum Iacquerium in ſlagella ſcarnat. c. 7. [Hoc anno 1458. quidam judicialiter ſpontè confeſſus fuit, quod cum olim ipſe eſſet iuvenis, ſcilicet quinque vel ſex annorum; mater eiſ ipſum cum quodam fratre eiſ parvulo, quem inter brachia portabat, & cum quâdam eiſ ſotore, duxit ad ſynagogam ſcarnatorum: & ipſos tres liberos dæmoni obtulit; apparenti in effigie cuiuſdam hirci, inſtruendo eoſ quod ipſe eſſet illorū Dominuſ & Magiſter, qui eiſ multa bona faſturus eſſet. Et fecit ipſa mater, dictoſ liberos tangere prædictum dæmonem; manu ſuper caput effigiei prædictæ: & ipſe Dæmonem quem vocabant *Tonyon*, omneſ tres prædictoſ anteriori pede titigit, in eorum coxliſ, & eiſ ſignum impreſſit indelebile; quod ſignum prædictuſ ipſe qui hoc confitebatur, deferabat ad quantitatem vniuſ fabæ.]

Næque tamen hæc teneræ ætatiſ ſtigmatizatione, officiſtur iuribuſ eorum, qui negant vllum ſtigmatem Magico affici, niſi volentem. Ita Sebaſtianuſ Michaëliſ in cauſa Magi Aqrenſiſ anno 1611. die 1. Martij, & Fontanuſ Opuſc. de Notis Sagatorum à

pag. 15. refellentes responsum infamis Magi, qui deprehensus multipliciter notatus; respondit, si quæ essent in corpore suo notæ, eas se inuito à Satana impressas. Hoc refellunt Autores prædicti, quia Deus qui alligauit gladium Satanæ, non patitur quemquam reuidentem infamibus hisce notis dehonestari; alioqui ecquis hominum præ odio incensissimo quo in eos flagrat Satanas, esset notæ illius expers, annitente Satana ut vel labem vel exitum crearet illis ex hac parte? Accedit quod stigma est veluti monimentum fidei datæ Satanæ; non secus ac olim character militi impressus, erat testimonium mutum obstrictæ Principi fidei. Sicut igitur fides non est desponsa Satanæ nisi à volente, ita neque stigma imprimitur nisi volenti, saltem in causa. Quod addo, cum propter eos qui præmissa infami deuotione notantur non aduertentes, tum etiam ad elidendam difficultatem quæ moueri in contrarium posset, ex renisu maleficorum cum admoto cauterio, inuruntur; Videtur enim tunc deesse voluntarium, & persona notari inuita. Præclusi tamen hanc difficultatem, cum dixi, iniustionem esse liberam saltem in causa. Tamen si enim maleficus sentiens cruciatum, habet in se mixturam voluntarij & inuiti, qualis erat in militibus; cum capessentes vltro militiam dolebant de punctione aut iniustione professioni militiæ subiecta; tamen ea mixtura inuoluntarij, non officit libertati, ob initam vltro ac liberè pactionem, cui hæc obsignatio adiungitur. Præterquàm quod non est inuersimile, Satanam ut hæc exordia foedi commercij

Subiectum totale Stigmatis Magici. 363

manicipiis suis minùs amarescant, innuere, aut etiam stupore illato præuenire, dolorem alioqui obuenturum ex stigmatis impressione: qua ratiope plenè volentes ac exultantes in re pessima, infelices stigmatizæ, excipiunt stigmatis impressionem. Quamuis igitur quod dictum est de stigmatis impressione solis volentibus facta, rectè habeat; non conuellitur quod statuebam, teneram ætatem aliquando à Satana consignari. Parvulorum quippè voluntas, in parentum voluntate quorum rectioni subsunt, concludi censetur; & ipsimet paruuli aliquo jam rationis vsu potientes, exempla parentum sectati, lubentes ineunt scædum consortium, stigmatizæ impressione firmatum. Notaros autem in ipsis cunis infantes, aut materna adhuc aluo conclusos, priusquàm rationis diluculum vlla eis ratione illucesceret, non memini legere; quamuis prodantur monstrosæ in prolem malignitatis parentes, prolem ante vsu[m] rationis, aut ante natiuitatem, deuouisse Satanz.

Sic constituta impressione stigmatis in generibus singulorum vt sic dicam, idest in omni sexu & conditione hominum, excutiendum restat vulgare dubium, de singulis generum: Hoc est, an omnes omnino malefici & maleficæ, notentur à Satana impresso illis stigmate. In qua difficultate ambiguus hæret Condronchus l. 3. de morb. venef. c. 4. dicens aliquos admittere omnes planè maleficos signari, alios verò id negare. Partem affirmantem tuetur Fontanus Opusc. de notis Sagarum; qui argumentatur ex valdè multiplici, & plerunque inconspicua signi

formâ , ac etiam omnino variâ impressionis sede, in variis. Vnde effici putat , vt notæ aliquorum non deprehendantur , & ideo falsò putentur abesse. Cur verò dæmon se erga aliquos è suis patciùs gereret , & in pari omnium mancipatione ad suum obsequium , aliquibus imprimeret deuoti seruitij monimentum , aliis non item ? Omnes ergo quos sibi in vernas & domesticos asciscit , æquè consignat , perversè æmulans Deum , qui omnibus in suam familiam baptisni Sacramento adscriptis, imprimit in animâ characterem , cui proportionalis est in Satanæ mancipiis, character corporeus de quo agimus. Olim item Imperatores , characterē suo non aliquos duntaxat , sed omnes indiscriminatim milites consignabant. Sicut ergo Malefici sub Satana duce militiam nefariam profitentur ; ita par est existimare , vniuersos characterē bestię impresso autorari eidem ; sicut omnes Sacramento fidelitatis, ei se mancipant. Est in hâc sententia Danæus dialo. de Sortiariis c. 4. *initio*, tametsi Bodinus l. 2. dæmonom. c. 4. in contrarium adducit.

Quominus tamen admitrendum videatur, omnes maleficos impresso Satanicò stigmate consignari, facit confessio multorum, qui ritè pœnitentes , ac regressi in vitæ metâ ad Deum , omnia sua quantumvis terribilia & horrenda fideliter expnentes, negarunt se vnquam stigmate fuisse notatos. Ita nominatim de quodam cui nomen *Iacobo Crasso* vulgo *le Gros Iacques*, scribit Bogueus Tract. de Sortilegis cap. 44. testatus se ab eo in magnâ de sceleribus conuictione vitam claudente , syncerè edoctum esse,

Subjectum totale stigmatis Magici. 365

nunquam ipsum à Satana fuisse notatum. Ex quo Boguetus merito colligit, hallucinari graviter quosdam Iudices, qui neminem pro nefario cum Satana commercio poenae subiciunt, nisi notatus stigmate Satanae deprehendatur: quod uniuersaliter in quâdam Republicâ seruari, idem Autor expostulat. Accedit quod varij, à quibus professio maleficorum coram Satana, accuratè post plurima experimenta describitur, stigmatis non meminerunt, quod argumento est illud non semper inuri. Quomodo enim qui omnes huius negotij minutias accuratissimè obseruauerunt, hanc notam reticuisissent, si semper interueniret? Adducam infra varios, qui ritum impiæ professionis retulerunt. Nunc vnum adscribo Bernardum Comensem, ipso initio libri de Strigibus, vbi præfatus nonnulla de notatione vocis *Strix*, subdit. [Hæ personæ congregantur in certis locis, per oppida & villas certis temporibus, præcipuè in nocte diem Veneris præcedente; apparente eis Dæmone in formâ humanâ visibili; & quando in principio de illâ sectâ esse volunt, seu incipiunt, primò ante omnia coram ipso Diabolo ad iussum eius, abnegant sanctam fidem, & sanctum baptisma, ac etiam Dominum Deum, & Beatam Virginem Mariam, & postea conculcant crucem aliquam ibi ab vnâ illarum strigiarum factam in terrâ: quibus omnibus peractis, faciunt fidelitatem in manibus ipsius Diaboli, acceptantes eum in dominum suum, & promittunt ei in omnibus se velle semper obedire, & in signum horum omnium tangunt ei manum, cum ipsarum manu sinistrâ, post earum

tergum versa, offerentes eidem Diabolò aliquid in
 signum subjectionis; & ita ab inde citra, semper
 reputant ipsum Diabolum, esse verum eorum do-
 minum, & Deum suum: deinde quotiescunque
 vadunt ad illam congregationem, quam *ludum bonæ*
Societatis appellant, semper faciunt reuerentiã
 ipsi Diabolò, in formã humanã apparenti, & ipsi
 capite inclinato profundè adorant, vt verum Deum
 suum: quæ omnia clarissimè patent, per earum
 confessiones in processibus contra eas per Inqui-
 sitores formatis.] Nulla hic mentio stigmatis im-
 pressi, quamuis (vt vides,) adjuncta minoris mo-
 menti, diligenter sint notata. Vnde colligitur,
 huiusmodi stigma non semper imprimi.

Cur autem Satan aliquos stigmate impresso con-
 signet, non item alios, varij variè exponunt. Bo-
 guetus loco allegatò & Franciscus Maria Guarni-
 us in Compendio maleficarum lib. 1. c. 6. existimant,
 causam cur Satan aliquos stigmate impresso con-
 signet, non item alios, ducendam esse ex sensu quem
 de eorum stabilitate concepit. Quos enim arbitra-
 tur firmos in proposito fore, dimittit non inuitos:
 Inurit autem eos, de quorum perseverantiã ambigit.
 Hæc tamen ratio discriminis, meritò displicuit
 Ancoratio l. 2. de inconst. dæmonum discursu 2.
 Inuenti siquidem sunt stigmate notati, qui omnimò
 firmissimi in nequitia apparebant. Quid quod è re
 Satanæ magis futurum videtur, extorquere addicti
 obsequij chirographum, vt sæpè ab eo factum con-
 stat; nec raro curando vt exaretur proprio dedititij
 sanguine, vt factum ab Ægidio Roderico Valadorio,

Subiectum totale stigmati Magici. 367

de quo Bzouius anno 1238. num. 9. & idem factum à Parisiensi causarum patrono, scribit Bodinus l. 3. dæmo. c. 2. & his ab adolescente Germano nuper factum prodit Martinus Magerus mox adducendus. Vidisse item se Romæ, Chirographum literis sanguineis exaratum, quod puella in Romano Partheo euomens, à Satana infessore est liberata, scribit Franciscus Turrianus contra Bocquinum in c. 13. *pagina mihi* 156. Alterius qui sanguine proprio chirographum deuotionis suæ, & addictionis ad Satanæ nutum confecerat Vvitebergæ, meminit Godelmannus l. 1. de Magia c. 6. n. 32. In Actis verò S. Basilij ab Amphilocho conscriptis c. 8. narratur mancipatio ad Satanam, serui qui Proterij heri sui filiam, interuentu Magicæ pactionis acceperat in coniugem, diciturque seruus ille chirographum sua manu exaratum tradidisse Satanæ, nullâ factâ mentione quod esset sanguine conscriptum. In narratione quoque de lapsu & pœnitentiâ Theophili Ecclesiæ Adanensis in Cilicia Oeconomi, contexta ab Eutyichiano ipsius Theophili ministro, & repræsentata à Metaphraste 4. Februarij, habetur Satanam exegisse ab eo chirographum, quod etiam cera obsignauit Theophilus vnde inferius vocatur *charta habens bullam cera & charta bullata*. Nulla autem fit mentio sanguinis quo fuisset exarata: ut neque in exemplo de quo Tursellinus l. 4. histor. Laur. c. 33. Itaque non est vniuersaliter verum quod Godelmannus l. 1. de Magia c. 2. n. 8. ad finem formulæ deuotionis in obsequium Satanæ, tradit Dæmonem adigere maleficos ut iuramento per

nomen dæmonis patet concepto, vel chirographo quod ſanguine proprio exatauerint, confirmant pactiōem initam. Plerunque enim ſatis fuit Satanæ, extorquere chirographum quomodocunque conſcriptum; quod aliquando poſtea conceptâ pœnitentiâ, potēti aliquo ſuffragatore interueniente, ægrè recuperant, vt Theophilo Oeconomō contigit per Deiparæ præſidium, & ſeruo Proterij per S. Baſilij orationes, & nuper apud Alſatas anno 1613, vt fuſè deſcribit Martinus Magerus Aduocatix armatæ c. 9. n. 416. perſito adoleſcenti, beneficio S. Ignatij. Et Auenione ante annos quinquaginta, alteri idem accidit, multis pro eo rogantibus in publicâ paſtorum cum Satana eiuratione vt accepi ab inſigni Iuriſperito, amicorum optimo, Ioanne Baptiſtâ Tonduti. Idem exoraffe Vvitebergæ Lutherum, perſito iuueni, ſcribit ſupra Godelmannus: quod non credo, cum ſatis liqueat, cardò ſteſſiſſe Luthero, quod aggreſſus eſſet dæmoniacum liberare, vt apud Lindanum videre eſt dialo. 3. dubit. c. 1. & apud Staphylum in abſolutâ reſponſione contra Schmidelinum pag. 404. ex quibus eadem recitat Brendebachius l. 7. coll. Sacrar. c. 40. In ſolâ Catholicâ Eccleſiâ, contingit, dæmonem vel inuitum adigi ad huiuſmodi chirographa reſtituenda, cum malefici regrediuntur ad Deum: apud quem tamen nihil eis nociturum ſi non reſtitueretur, rectè ſtatuant Suares l. de ſuperſt. c. 17. n. 4. & Sanches l. 2. in decalo. c. 40. n. 55. Sed vt ad inſtitutum reueniam, hæc adeò expreſſa & eluſu difficillima ſecuritatis argumenta ex ſyngraphâ propriâ, captaret potius

Subiectum totale stigmatis Magici. 369

potius Satan ; si ad securitatem tantum , inureret
stigmatem eos de quibus diffideret.


Vera igitur ratio cur Satan aliquos è suis deditiis stigmatem notat , non item alios , inde ducenda est, quod vel interdum diuina permissio non ferat, ut Satan aliquem notet ; vel non sit tunc illi commodum vacare impressioni stigmatis ; vel denique quod eâ varietate gaudeat. Illustro breuiter hæc omnia. Et imprimis non posse dæmonem etiam in maleficos , nisi quantum sinitur, egregiè tradit S. Gregorius 18. Moral. à c. 1. S. Augustinus in Psal. 29. enarrat. 1. *sub medium*, & enarrat. 1. in Psal. 31. *ad versum ultimum*, & in Psalmum 32. conc. 2. *ad versum 8.* Tertullianus l. de fugâ in persecut. c. 2. Fusè & benè Nicolaus Iacquerius in flagello fascinar. toto c. 25. Deus ergo qui fecit Satanam, applicauit gladium eius : idest interprete S. Gregorio, non sinit eum in homine agere , quicquid fert rabies eius atque nequitia. Atque ita Deus aliquando eum impedit , ne stigma imprimat certis Magis aut Sagis , ob occultas rationes consilij sui. V. G. quia fortè prænouit reuenturos ad bonam frugem , nec vult illos dehonestari tali monumento Diabolicæ potentia. Item quia fortassis aliquid boni antea fecerunt , cui Deus rependit immunitatem à charactere bestia ; quamuis alios permittat signari à Satana, easdem ob causas quibus adductus permittat Satanam per maleficos tam multa tetra & indigna operari. Recenset latè eas diuinæ permissiois causas Trithemius q. 3. de Maleficis ad Maximilianum 1. Imperatorem.

Ex parte item ipsius Satanæ, potest subesse ratio, cur aliquos interdum non consignet stigmate phisicè impresso; nimirum (vt dicebam,) eo quod non sit illi commodum vel opportunum, imprimere stigma. Neque enim Satan mera sua voluntate potest stigma imprimere, quia eius voluntas non est operatiua transeunter: Sed si vel minimam qualitatem materialem velit producere, tenetur adiuuere congruentibus passiuis idonea actiua, quæ quandoque non sunt ad manum. Et quamuis suppetant actiua accommodata, tamen cum interuenire debeat alteratio non perfectiua, necesse est interponi moram; non modò ad applicationem actiuorum illorum ad passiuia, sed etiam ad expromptionem actiuitatis, & effectus productionem; interueniente resistantia passi, quæ non nisi per tempus aliquod expugnari potest. Satan itaque impatiens moræ, interdum omittit consignationem non necessariam, cum satis innexos habeat maleficos, denotione perpetuâ cum Dei eiuratione & horribilibus blasphemiiis emissa, vt legere est apud Bodinum l. 2. dæmonom. c. 5. & infra referam ex Auenionensi sententia. Persuasus itaque Satan, interclusum satis esse suis mancipiis regressum ad Deum per hæc execramenta, non videtur arbitrari semper necessarium, vt veluti sigillum infamis characteris, adhibeatur nefariæ pactioni, quam tot diræ & execramenta communiunt. Quid si etiam, vt aliquorum perutilium sibi Ministrorum indemnitati apud Iudices consulat, omittit eos notare?

Tandem aiebam idcirco aliquos non consignari

Subiectum totale stigmatis Magici. 371

Stigmate, quia dæmon varietate gaudet quâ æmuletur multiplicitem additionum sanctatum in Dei obsequium. Itaque sicut aliqui minùs, aliqui magis solemniter addicuntur Deo ; (quorundam enim vota non nisi simplicia sunt, aliorum verò solemnia ;) ita & Satan pari varietate oblectatur, vt latè tradit Grillandus tract.de Sortileg. q. 3. quæ est de varietate professionis Sortilegorum, & q. 7. Castro Opusc. de Sortilegiis c. 2. & 4. ac Farinacius parte 1. praxis ac Theoricæ Criminalis q. 20. de delictis num. 77. Duplex ab his autoribus professio secernitur. Vna expressa, quæ fit ipsimet dæmoni, siue priuatim, siue in publico maleficorum cœtu. Altera tacita, quæ fit tertio, dæmonis nomine admittenti sceleratam deuotionem. Qui priorem professionem emittunt, dicuntur esse Satanæ acceptiores: & cum admittuntur adhibitis omnibus nefariæ promotionis solemnitatibus, tunc stigmate notantur. Ita accuratè Condronchus l. 3. de morbis venefic. c. 4. Extra eam verò pompam, non est semper Satanas sollicitus de stigmatis impressione. Arque ita assequitur varietatem illam additionis in suum obsequium, quâ æmulatur magis & minùs solennes additiones piorum in obsequium Dei.



CAPVT III.

*De subiecto proximo stigmati
Magici.*

HOC est de parte corporis cui stigma imprimitur; Eam aliqui, teste Nicolao Remigio l. 1. daemonol. cap. 5. arbitrantur præcipue esse *que a sacrorum Antistite in die cuiusque initiali, chrismate fuit delibuta; uti fures abacti pecoris signa, suis impressis immutare solent.* Per diem initialem, intelligendus videtur dies Baptismi, quo quisque nostrum initiatus, auspicatur vitam nouam, annumeratus filiis Dei, & ei generationi quam Dauid ad eam saluans, vocabat *generationem venturam.* Et consequenter *Antistes sacrorum,* intelligendus est Sacerdos, qui linir chrismate verticem capitis baptizati. Atque aded juxta sententiam à Remigio recitatam, inustio characteris Satanici tendens ad obliterationem Chrismatis super baptismi illiti, & eidem parti impressi cui appositum fuerat chrisma; deberet esse vertex capitis. Quicquid verò sit de fine ex quo stigma imprimi dicitur, in quo Remigius consentit iis quos ita philosophatos refert; tamen quoad partem corporis Satanico notaculo consignatam, aliter frequentissime contingit, vt sequentia docebunt.

Aio igitur, nullam determinatam partem corporis posse in malefico assignari, quæ semper notetur; sed nunc hanc, nunc illam, nec rarò plures simul partes notari. Non esse vllam partem corporis, quæ semper aut sola notetur à Satana, compertissimum est innumeris experimentis. Referam quæ varij scriptores in hoc negotio versatissimi, ex fide tabularum publicorum vel per *ἀντίκταρ*. Alexia Belhoria, Nicolæa Morelia, & Ioanna Gerardina ac Claudia Begatta teste Remigio l. 1. dæmonol. c. 5. stigma habuere in summâ fronte. Quirina Xallæa in occipitè. Claudia Fellæa in pectore & à tergo. Dominica Euræa in coxâ. Ioanna Nigra in dextro humero; Icqvelina Xalueta in sinistro; Mugeta in sinistro femore. Nicolaum Iacquerium jam supra retuli ex flagello fascinar. c. 7. testantem tres liberos nefandissimæ matris, ab eâ Satanæ initiatos, consignatos esse in coxâ. Aliquos sub linguâ, alios sub palpebris, in labiis alios, quosdam in naso excepiisse stigma, scribit Iacobus Fontanus l. de notis Sagarum pag. *mibi* 24. Ad mammillam sinistram notatas Sagas, habet Petrus Pipernus tract. de Nuce Beneuentana cap. 7. Boyraionam Sagam insignem, in humero sinistro stigma excepiisse, scribit Claudius Caronus Tract. de Antichristo reuelato Nota 1. pag. *mibi* 66. In Actis. Quæditorum Lucronensium anni 1610. septimo Nouembris, adductis à Petro Ancorano l. 5. de Inconstantia dæmon. discursu 3. habetur, Dæmonem frequentius notare sinistri oculi albuginem, inducta effigie parui buffonis, per impressionem aciculæ aureæ. Additúrque

Ibidem, notari humerum, & latus sinistrum, vel femur. Ioannes de Vault Stabulensis, signatus est in tergo stigmate catellum nigrum referente: qua in parte si acus profundius adigeretur, nullus inferrebarur sensus doloris; & tamen si à tergo, clam malefico, digitum in catellum illum veluti minitabundus erigeres, exprimebatur à reo dolor acerrimus. Vt ex Petro Orano in ea causa Quasitore, scribit Delrio 2. Magic. q. 21. Ex nobilis Valesij testificatione, refert Bodinus l. 4. dæmonom. c. 4. aliquos sub oculi palpebra notari; alios sub labio, alios in imis locis, ipsoque ano, aut inter nates, & in oris palato, vt addit Danaus dialo. de Sorciar. c. 4. ac Condronchus lib. 3. de morbis veneficis capite 4. Visos abs se aliquos, intra oculum notatos, indeque se inuicem discernentes, testatur Florimondus Remondus Tract. de Antichristo c. 40. n. 1. Eaque aliquorum notationem intra oculum sinistrum, abs se deprehensam, scribit Ancoranus l. 2. de inconstantia dæmo. discursu 2. Et idem confirmans Bognetus in Opere de Sortiariis c. 44. ait, obseruatum sæpè esse, vt plurimum maleficos habere in vno oculo duplicem pupillam, vt Tibienses illi in Ponto; quibus, vnus oculus duplici pupilla instruebatur, & alter equi imaginem præferbat. Erant autem fascinatores insignes; quales etiam esse dicuntur mulierculæ quibus est in vno oculo pupilla duplex. Quandoque ergo nota Satânica, in pupillis oculorum imprimitur. Viris quibusdam sub axilla, aut in ima sede; mulieribus verò in mammis, aut in locis muliebribus impressam esse

notam stigmaticam, tradit Deltio l. 5. sect. 4. n. 28. Maximum stigma Ludouici Gaufridi, nobilis ætate nostra malefici, erat in renibus, teste Fontano l. de notis Sagarum: qui addit, alios notari aliquando intra nasum, aut intra pilos capitis; alios sub lingua, plerosque in pudendis. Intra os, vel intra oculos, plerisque impressam notam, benè multis in podice, mulieribus frequentissimè in pudendo, obseruauit Ancoranus l. 2. de inconst. dæmo. discursu 2.

Perspicuè ergo ex his habetur, quod primo loco statuebam, nullam assignari posse determinatam partem, in qua semper fiat stigmatis dæmoniacy impressio; sed nunc vnā partem, nunc aliam notari. Quod supposita hominis impia deuotione, & sui ipsius deditione ad Satanæ voluntatem, eius delectui & arbitrio permittitur. Vt plurimum autem, Satan occultam quampiam partem deligit, cui stigma imprimat. Idque aded affabrè & dextrè facit, vt quantauis accuratatione adhibito, ægrè plerunque deprehendatur. In quam rem Claudius Caronus in Antichristo reuelato nota. 1. *pagina mihi* (6) narrat sibi & aliis quibusdam facessitum esse negotium, cū vestigarent stigma maleficæ cuiusdam personæ. Post operam autem diu frustra consumptam, Dæmon qui intra energumenum stabulabatur, effusè derisos, docuit vbinam esset impressum stigma, in maleficæ personæ corpore.

Addebam, non rarè notari à Satana, plures partes corporis sibi deuoti. Quod intelligo de notatione, interdum simul, plerunque autem successiuè facta. In Actis Aquensibus anni 1611.

Ianuarij 19. Magdalena à Palude falsa refertur, ut plurimum maleficos tribus locis stigmate impresso notari: nimirum in corde, cerebro, ac renibus. Hanc ipsam Magdalenam, in pedibus, & renibus, ac circa cor fuisse signatam, habent anni proximè signati acta 25. Februarij. Insignem Magum ævi nostri, cui nomen Ludouico Gaufridi, trigesies fuisse stigmate notatum, testatur Fontanus Opusculo de Notis Sagarum. Narrabat nuper Arausicæ V. Clariss. inibi Princeps Senatus, juris delubrum D. De Seruan: id quod etiam transmissio postea scripto firmavit, Spiritam Grimaudam à Ionqueria, ditioris Arausicanæ oppidulo, anno 1619. Octobris 28. de impactâ Sortilegij nequitia ream, Iudicis delegati præcepto, à Medico & Chirurgo inspectam, duplici stigmate notatam apparuisse: quorum alterum lævæ axillæ suberat, alterum circa loca muliebria, è dextro latere erat impressum. Rursusque insequenti anno 1620. Maij 26. iisdem aliisque tribus inspecto-ribus, stigmata in eius corpore diligenter vestigantibus, duo quædixi stigmata, sunt deprehensa: insuperque alia quatuor, variis corporis partibus impressa; quæ vel priùs diligentiam scrutantium fugerant, vel de nouo post primam inspectionem accesserant.



C A P V T IV.

*De stigmatis Magici formâ essentiali
& accidentariâ.*

HÆc est altera stigmatis Magici interna causa, quam secerno in essentialem, quæ quidditate continetur, & accidentariam ad quam pertinent figura, quantitas, color, & si quæ sunt alia stigmatis extrinseca complementa, quibus omnibus subjungitur efficacia, quippè quæ ad formam essentialem suis accessionibus ritè conuëstitam consequitur. Attingamus breuiter singula.

Quidditas & substantia stigmatis, eadem est quæ partis notatæ. Cuiusmodi autem sit pars cui stigma est impressum, non est vsquequaque perspicuum. Fontanus Opusc. de notis Sagarum contendit esse partem emortuam, & vitâ sensûque destitutam. Quæ enim pars corporis stigma excepit, est longè alterius rationis, quàm partes maculosæ leproforum, vel scabiosorum, & aliorum. Quantumcunque enim transfigantur acu, vel graphio, non emittunt humorem: vnde discrepant à notis leproforum & paralyticorum, è quibus transfixis, effluit humor. Item notæ Magorum non protuberant vt verrucæ, nec relinquunt sensum doloris, vt contingit sub crusta scabiei, vbi minima punctio infert cruciatum. At

pars stigmate Magico notata, quantumcunque compungatur, est sensu destituta, nec transfixionem sequitur inflatio, Colligitur itaque ex his omnibus, partem corporis Magico stigmate notatam, esse siccam prorsus & emortuam, ideoque ægrè forabilem, non sicut ac corium emortuum.

Non adscribor omnino huic sententiæ, sed ex parte duntaxat. Itaque admitto, plerunque partem stigmate notatam, esse emortuam: quod rectè conjectatur ex stupore, & defectu sensus ac cruoris, quantumcunque pars notata compungatur. Suppetunt eius rei exempla quàm plurima. Saga Arausiacana cuius proximè memini, acum Chirurgicam benè longam, in quavis parte notata excepit absque sensu, tamen si adedò altè infingeretur acus, ut non exaret: & infixam parti circa pudendum, reuelli nunquam inde potuerit, sed perpetuò ibi hæserit, citra omnem Sagæ molestiam. Scribit item Remigius l. 1. dæmonolog. c. 5. Isabellam Pardæam, cum indicasset qua corporis parte esset inscripta; acum intra eam partem Iudicis decreto penitissimè infixam & inculcatam, excepisse sine sensu, permultis astantibus; & prorsus incruentam fuisse transfixionem. Idem de Claudia Bogarta scribit, deprehensum fuisse in eius capite detonso, stigma Magicum; quod Saga initio ad lapidis impactionem mendaciter referebat, postmodum tamen in tormentis, falsa est esse notam Satanicam. Ei parti immissa altissimè acus, neque dolorem intulit, neque elicit sanguinem, manifesto indicio sensus ac vitæ ab ea parte exulantis. De Mugeta Saga, idem Remigius

refert , cum nota Satanica in ſiniſtro femore eſſet deprehenſa , nullo liſtoris conatu , ferrum quanta vi potuit intrò adigente , guttam ſanguinis elici è parte notata potuiſſe , nec vel minimum doloris ſenſum eſſe expreſſum : quamvis continente ſtigmati parte leuiter ſauciata , & copioſus cruor manarit , & ingens clamor præ dolore à Saga ſit editus. Sebaſtianus Michaëlis in Actis Aquenſibus contra Magos ad annum 1611. pag. mihi 70. ſcribit , partis ſtigmatate notatæ in Magdalena Paludana , acum profundè infixam eſſe à Gulielmo Vairio Senatus Aquenſis tunc Principe qui poſtea Gallix Procan-cellarius , & Episcopus Lexouienſis obiit. Nullum tamen in parte ſic tranſfixa excitatum eſſe ſenſum doloris , nec vel minimum cruoris expreſſum. Intrò autem motà acu , ſtrepitum quaſi foratæ chartæ pergamenæ , eſſe perceptum Similia exempla paſſim occurrunt , in Tractationibus de his argumentis: Videturque per ea effici , partem ſtigmatate notatam vita carere , cùm ad eum modum affecta deprehenditur. Et ad hunc ſenſum aptanda ſunt illa alioqui rejicienda ex Remigij Periocha libri primi c. 6.

*Hoc in conſeſſo certè eſt , ex angue manere ,
Quod ſic attigerit : pigro ut torpedo ſupore
Captantis ſe hamo totos interficit artus :
Namque aliè ferro conſoſſum non dolet , & ſtat
Fixus in extremo conſtanter vulnere ſanguis.*

Hæc dico , ſi agatur de partibus ad dictum modum affectis , aptanda eſſe ad rem propoſitam , adhibita

congruâ interpretatione. Neque enim pars stigmatæ notata, torpet duntaxat, eo modo quo manus piscatoris, in quâ torpor non est argumentum exclusæ vitæ; quandoquidem manus discusso torpor obitu sua munera, æquè ac priùs: sed pars cui stigma impressum est, ita torpet, ut verè sit exanimis. Torpor igitur à quo compiratio petebatur, non est accipiendus nisi sub genericâ ratione, quâ communis esse potest, & viventibus & non viventibus partibus; hic autem restringendus est ad partes vitâ destitutas, quandoquidem eas prorsus exangues, & sensus doloris expertes supponimus.

His porò ita constitutis, nihil necesse est sollicitum esse cum Remigio libro illo. 1. c. 5. de causâ stuporis tanti in parte stigmatæ notatâ. Cuius torporis originem, ait aliquos referre ad contractum Satanæ, stigma imprimentis. Cum enim corpora quæ demones assumunt, plusquàm glaciali frigore rigeant, stupefaciunt utique ea quibus admoventur: quemadmodum mortui ob eximium frigus planè rigent, ita ut quod Plutarchus l. de comparatione utilitatum ignis & aquæ notauit, acies non acule corpori mortuo admoventur, propter rigorem cadaueris obtundatur: Idem ergo contingit ex illato corpori frigore magno, per contactum corporis rigentissimi, quale est quod Satanæ stigma imprimens admovent. Et indidem manet sentiendi hebetudo, cum videamus, partes minori calore præditas minorem sentiendi vigorem habere. Sic igitur philosophantur aliqui de causâ stuporis qui deprehenditur in membro stigmatæ notato; quos Remigius pluribus argu-

mentis confutat : cōque tandem ipse revolvitur , ut dicat, reputandum nobis esse nihil vnquam homini à Sarana nisi exitiale atque mortiferum accidere posse : In eo nocendi perdendique vim occultam esse , ac nullis naturæ legibus astrictam , otiosęque illos agere , qui quæ Satan præstat , ad certam aliquam naturæ rationem exquirunt : quasi non sit illi potius perpetuum , cum naturâ dissidium atque contentio. Quid quod non modò à causâ frigidâ , ut perperam assumebatur , sed etiam à præferuidâ & igneâ , cuiusmodi est fulmem , juxta Senecam l. 1. natur. qq. c. 21. animalium membra perpetuum torpida & exanguia redduntur ? Itaque potest Satan, hâc quoque ratione , juxta Remigium , torporem illum & sanguinis defectum inducere ; non servatâ illâ lege vulgari , quâ videmus torporem consequi frigus & frigidorum rigidorumque admotionem.

In his Remigij dictis, illud displicet quod Satanam videtur agnoscere non alligatum naturæ legibus. Cum tamen extra ea quæ ad motum localem pertinent , nihil planè præstare possit absque admotione actiuorum naturalium , ex naturæ institutis operantium. Cœterum vniuersus hic labor , querendi vnde stupor & sanguinis defectus in parte stigmate notatâ existat ; supernacue suscipitur , si pars notata supponatur emortua. Quorsum enim querere , cur pars emortua torpeat ; & lauciata , sanguinem non emittat ? Atqui vidimus , aliquando partem stigmate notatam vitâ destitui : Non est ergo quod cum is vitæ defectus supponitur , simus solliciti de causâ torporis partis notatæ , & non inanant-


tis ex eâ transfixâ sanguinis.

Statuendum verò est secundo loco, partem stigmatate notatam, non semper vitâ & sensu destitui. Id quod experientia constare, asserit Deltio l. 5. Mag. sect. 4. num. 28. Estque insigne exemplum, quod Petrus Oranus Quæstor in causâ Ioannis de Vault Stabulensis, celeberrimi Magi exhibuit, testatus, eum si graphio adactò, aut acu infixâ, profundius foraretur aduertens vulnus, nihil sensissè cruciatus: Eiulasse verò tristem in modum, si à tergo, non aduertens pungeretur. Nimirum nequam Magus, aduertens punctiõnem, aduocato Satanæ subsidio, stuporem sibi ac indolentiam conciliabat; quo destitutus subsidio, dolore vrgebatur, quia pars notata erat sensu prædita & viuens. Et quanquam aliquando infelices stigmatiæ, cum aduertunt se pungi, & in partem rotatam infigi ferrum aut acum, ementiantur dolorem, vt obseruat Sebastianus Michaëlis in expensione sententiæ Auenionensis scholio 5. Tamen ex prædicto exemplo liquet, non semper dolorem esse simulatum; quandoquidem punctio fiebat à tergo; nec poterat maleficus induere personam dolentis, nesciens quorsum, & à quo compungeretur. Non igitur omnes Sagarum & Magorum notæ sunt semper emortuæ; sed pro variâ vi causæ notam imprimientis, nunc vitâ viuunt, nunc vitâ & sensu destituuntur.

Pergo ad extrinsecam stigmati formam, quæ eius accidentibus continetur. Sunt autem ea accidentia in variis omnino vria, siue figuram spectes, siue quantitatem, siue colorem. Famofus maleficus qui

nomen à tribus scalis ducebat, *Triscalanum* vocant aliqui; facta à Rege Carolo 9. vitæ gratiâ, benè multos scelestis focios detexit, beneficio notaculi, pedis leporini formâ, vt scribit Florimodus l. de Antichr. c. 40. n. 2. Aliquando forma stigmatis refert pedem buffonis, vt ait Deltio l. 5. Mag. f. 4. n. 28. Effigiem parui buffonis aliquando retulisse, habent Acta Luctonentia anni 1610. Interdum refert araneam, vel glirem, vel catellum. Quâ postremâ formâ erat stigma celebris Malefici, Ioannis de Vaulx Stabulensis. Quantitas notæ seu stigmatis in quibusdam, quoad extensionem in superficie extimâ, non excessit magnitudinem denarij. Sic enim Claudius Caronus l. de Antichristi personâ detractâ notâ; testatur stigma Bayaronæ insignis maleficæ, fuisse in humero sinistro, denarij tantum magnitudine; quasi à centro ad peripheriam ductis filamentis. Apud Iacquerium in flagello fascinatorum c. 7. dæmon *Tonyon*, tres paruulos à scelestâ matre oblatos, stigmate coxæ impresso notauit; nec stigma excedebat fabæ magnitudinem. Profunditas quæ est altera quantitatis species frequentissimè est multo maior; quandoquidem acu oblongâ penitissimè infixâ, abest sensus doloris, nec cruor existit ex vulnere. Maga Arausicana cuius supra memini, absque sensu doloris, excepit quàm longa erat acum chirurgicam; adedè altè infixam, vt reuelli nequiuert; & tamen hæsit ferrum in corpore citra vllam molestiam. Oportuit igitur, stigmatis profunditatem vt minimùm respondere longitudini acus infixæ. Stigma præcipuum Ludouici Gaufridi,

Magi ætate nostrâ insignis, erat impressum renibus ubi teste Fontano in Opusculo de Notis Sagarum, infigebatur absque vlllo doloris sensu, acus tres in transuersum digitos. Color denique stigmatis plerunque est admodum dilutus; vt proinde benè oculato inspectore opus sit, ad stigma deprehendendum; alias verò est coloris magis saturi & viuidiore V. G. nigri; qualis erat color catelli Ioannis de Vault Stabulensis. Aliquando alius est, pro qualitate causæ proximæ stigma imprimentis, & passî variâ dispositione.



CAPUT V.

*De efficacitate formam stigmatis
Magici proximè expositam
consequente.*

AD quidditatem accidentibus suis instructam, consequitur efficacia; quæ proinde in stigmate consideranda nunc venit. Non nemo tribuit stigmati Magico, vim injiciendi maleficis silentij perpetui; ita vt id sit eis quasi linguarium, quamdiu nota later, nec reuelatur. Et propterea feruntur Sagæ sæpè rogasse Iudices, vt si veritatem vellent ediscere ante omnia raderent earum capillitium vniuersum, ad retegendum stigma; quo manifestato veritas

veritas ab eis panderetur, alioqui altiffimè premen-
da, vt ſcribit Ancoranus l. 3. diſcurſu 2. n. 2. Ipſi
item Iudices, nihil priùs ſuſcipiunt, quàm tonſu-
ram, vel potiùs raſuram exquisitam maleficorum.
Itaque ad rem Magicam pertinere vult Baleagerus
l. 2. de Magia c. 65. quod de S. Petro ab infidelibus
attonſo, ſcriptum eſt à S. Germano in theoria. Et
quod de B. Ioanne per Domitianum detonſo, ſcripſit
qualiſcunque autor Prochorus c. 10. Sicut etiam
idem Domitianus, Apolloniꝝ caſariem tonderi
juſſit teſte Philoſtrato l. 7. c. 14. Et Dio Præſes,
Beatas Priſcam atque Chriſtianam, quod eas Sagas
arbitraretur, tonderi mandauit.

Verùm tamenſi certum eſt, praxim petitorum
Iudicum ſemper ferre, vt Sagæ ac malefici tondean-
tur, vel etiam radantur; non eſt tamen exiſtiman-
dum id fieri, vt reſecto per ſubmotum capillitium
ſtigmatē, taciturnitas ſoluatur: Sed potiùs, vt ex
tanti indicij manifeſtatione, deprehendatur impium
cum Satana commercium. Item ad ignominiam &
deturpationem Maleficorum, videri poteſt adhibi-
tam tonſuram aut raſuram. Omnia certè exempla
proximè prolata, ad meram dehoneſtationem ac
Iudibrium inde captatum, ſunt referenda; vt de
tonſura S. Petri, dixit S. Germanus: & de tonſura
B. Ioannis, ac Apolloniꝝ, Prochorus, atque Philo-
ſtratus. Et de S. Fauſta idem habetur in Tabulis
Eccleſiaſticis 20. Septemb. vbi fuſè in hanc rem
Baronius. Et nonnulla in eam rem protuli in Actis
S. Ioannis Benediſti p. 7. Quod ſi tonſura B. Petri,
ad diſſipandas vires eius Magicas adhibita ab

Ethnicis fuisset, quomodo Simon, Magus adeò insignis, tonsuram ipse quoque vsurpasset, ut scribit post memoratam S. Petri tonsuram Ceolfridus Abbas apud Bedam l. 5. histor. Eccles. Anglor. cap. 22. Nolim tamen inficiari, quin olim fortassis aliqui Ethnici ex malè intellecta & detorta Sansonis historia, Magum fortassè Samsonem rati, cum accepissent tantam eius fortitudinem, reciso capillitio evanuisse, in eam inducti sint opinionem, ut ad succidendas Magorum vires, tondendi sint, vel radendi. Interuersam enim esse à fabulatoribus Ethnicis eam historiam, rectè monstrat Serarius in c. 16. Iudic. q. 16. Absit tamen, ut nos Christiani qui nouimus, vnde tantum robur Samsonis capillos sit affectatum, in eam veniamus cogitationem, ut ad priuandos maleficos aliqua dæmoniaca prærogatiua, tondendi sint, aut radendi exemplo Sansonis, quem detonsum defecit fortitudo.

Igitur stigmatis Magici efficacia non consistit in obfirmatæ taciturnitatis collatione, quamdiu latet neque retegitur. Idquè malè Torreblanca, l. 2. dæmonolog. c. 23. num. 19. eruit ex narratione Remigij l. 1. dæmonol. c. 5. de Mugeræ Saga, quæ deprehenso stigmate & altè in illud infixæ acu, silentium tenuit, nec cruoris vel guttam emisit: Soluit verò silentium, & largum emisit cruorem, compuncta in parte stigmati propinqua. Hæc quid ad inferendum, conferri maleficis taciturnitatem per stigma? Quamuis autem denego stigmati Magico, efficaciam conferendæ taciturnitatis quamdiu non retegitur; admitto tamen, dæmonem plerunque stuporem in

tormentis & taciturnitatem conciliare.

Fuisse qui censerent, hanc esse stigmatis Magici efficacitatem, ut insomniam conciliet maleficis, quo possint hora condicta adesse conuenticulis nocturnis, scribit Ancoranus l. 2. de inconst. dæmon. discursu 2. n. 2. tribuens Maioli continuatori t. 2. l. 3. Sed ibi nihil tale inuenio, nec est sanè verisimile, aut etiam necessarium; cum tam multæ aliæ suppetant viæ, quibus possit discuti somnus ad nefariorum cœtum tempora accuratè seruanda. Præterquàm quod supponit ea opinatio, cœtus maleficorum semper de nocte peragi, & neminem eo abduci dormientem. Atqui contrarium prolatis exemplis testatum facit idem Ancoranus, in maleficorum causis versatissimus, quippè quibus diu præfuit quæsitior. Eo igitur libro 2. discursu 1. n. 1. & 2. monstrat exemplis, conuentus maleficorum quibus Satan visibili specie interest, ac præsidet; interdum haberi de die: idque esse existimat, quod Psaltes inter diuinæ protectionis argumenta, numerabat eripi ab iucursu & dæmonio meridiano: & quod Origenes lib. 1. in Iobum, agens de prandio liberorum Iobi in domo fratris maioris, tentationes dæmonum infectiones esse meridie admonuit. Esto verum sit, plerunque Satanam tenebrarum Principem, condicere maleficis horam noctis tenebricossimam & altissimam: ipsam inquam noctem dimidiam, vel tempus haud ita abjunctum ab ea, ut fidem faciunt variæ narrationes. Præterea de abductis ad nefarium conuentum quibusdam dum somno indulgerent, ita ut somno oppressi non aduer-

terent transuersionem , nec euigilarent nisi cum cœtui sisterentur , exempla habet idem Ancoranus l. illo 2. disc. 1. n. 2. Quare euersum manet fundamentum, ex quo ferebatur, visum aliquibus esse, efficacitatem stigmatis sitam esse in conciliatione insomniæ, vt malefici condicta hora intersint conuentui nefario. 'Esto possit dæmon conciliare insomniam, ac ne somno se dedant vltra quàm velit , efficere.

Quamuis autem alterutram ex prædictis efficacitatibus , vel etiam vtramque , stigmati Magico tribueremus ; certum tamen esse deberet , eam non fore vim physicam stigmatis : quasi scilicet stigma, innata proprietate effectus illos producat , per modum veræ causæ efficientis. Nihil enim tale habet stigma , nec est proportionem seruata , aliter de eo philosophandum , quàm de charactere spirituali, cuius impressionem æmulatur Satan , consignans hæc mancipia sua. Verissima autem sententia de charactere per quædam Sacramenta impresso fert, nullam eius esse efficacitatem actiuam , ac ne receptiuam quidem ; frustraque niti quosdam D. Thomæ sectatores , & cum eis Pesantium 3. p. ad q. 63. art. 2. disp. 1. cum talem aliquam physicam vim , reuera inexplicabilem , assignant characteri Sacramentali, vt fusè prosequuntur Suares t. 3. 3. p. d. 11. s. 3, *circa tertiam sententiam*. Et Vasques 3. p. d. 134. à num. 57. qui ibidem n. 70. monstrat, characterem esse qualitatem primæ speciei , cuius minus non est actiuitas aliqua, sed affectio subjecti in ordine ad seipsum. A qua sententia reipsa non

discrepant Valentia 3. p. d. 3. q. 4. p. 3. *sub finem*, & Henriques l. 1. c. 13. num. 4. qui characterem reuocant ad secundam speciem qua continentur potentia. Id enim intelligunt duntaxat, de potentia morali, cuius intuitu aliquid à Deo fiat, aut conferatur. Et eodem recidunt Salas 1. 2. tract. 2. d. 8. num. 61. ac Carthagenæ disp. 5. de Sacram. in genere diff. 2. c. 4. reuocans characterem ad quartam speciem, eo quod habeat rationem quandam configurationis, cui aliquid moraliter debeatur.

Quod igitur de Christiano characterē tradit probatior Theologorum sententia, ad characterem siue stigma Magicum, proportionē seruata, est accommodandum: dicendo, nullam planē esse physicam actiuitatem vel efficacitatem natiuam huius stigmatis, sed ad summum moralem: quatenus dæmon, homini sic consignato & in pectus suum inuito, rependit aliquid; eūque certo gradu & loco habet. Id quod multo rationabilius de characterē hoc Magico asseritur, quàm de characterē Christiano. Nam hic est vera qualitas physica, idest reipsa & realiter inexistens substantiæ animæ; (quamuis supernaturalis simpliciter ob nexum quem habet cum Deo ut in se est, quod rectè statuunt Mol. 1. p. q. 57. art. 1. d. 1. Hericce^o 1. p. d. 48. n. 38. & Suarés t. 3. 3. p. d. 11. s. 2. malè id retractans t. 4. 3. p. d. 46. s. 2. n. 21.) Tali autem qualitati, congruentior esset vis physicè causatiua, quàm stigmati Magico; quod ut plurimum est pars corporis emortua; & ut minimum est pars oblata, & com-

p'exionis vitiatae, cui non est quod nativa aliqua
efficacitas correspondeat.



CAPUT VI.

De stigmati Magici, finali causa.

EXPOSITIS stigmati Magici internis
causis, & proprietatibus ad eas conse-
quentibus; veniendum est ad causas eius
externas; quas inter prima est finalis,
facile expedienda ex proximè dictis, ubi falsas de
ea nonnullorum opinionationes excusserimus.

Visum igitur est quibusdam, referente ac suffra-
gante Remigio l. 1. dæmonol. c. 5. finem impri-
mendi characterem hunc Magicum, esse abolitio-
nem monumentorum baptismi, idest characteris
baptismalis per contrarium hoc Symbolum: quod
aliter vocant, *eradicationem chrismati*. Id quod
Remigius in periocha metrica illius capituli sic
expressit,

*Prima igitur cura est, unguis immittere fronti
Expungendo, aiunt, quo mystes ungit oliuo,
Dum nos lustrat aquis, dum ritè adscribitur illi
Qui luit ipse volens indigna morte peremptus,
Qua primi noxa nos obstrinxere parentes.*

Refellit quidem ibidem Remigius, primos illius placiti de stigmatis imprimendi scopo autores, quibus visum erat, ibidem semper imprimi stigma Magicum ubi apponitur à Ministro baptizante sacrum chrisma: quam partem corporis censebant esse frontem, in quo aberrabant. Nam Sacerdos baptizans, linat chrismate sacro verticem capitis baptizati, chrismatio autem (ut sic dicam,) frontis, spectat ad Episcopum confirmantem; suntque duæ illæ chrismatis admotiones, omnino secernendæ. Videtis Pamelium ad librum Tertulliani de baptismo n. 48. & retexentem quæ alias malè in contrarium censuerat, Feuardentium ad l. 1. Irenæi c. 18. n. 7. & in Appendice ad Calstrum V. *baptismus* hæc. 8. Itaque autores illi quibus visum erat finem stigmatis Magici esse eradicationem chrismatis, quo quis à Sacerdote in baptismo illitus est; perperam affirmabant, chrisma tunc illini fronti, & idcirco characterem Magicum semper imprimi fronti. Qua in parte deseuntur à Remigio, cum constet stigma Magicum variis aliis corporis partibus imprimi. Admittit tamen Remigius, quacunque demum corporis parte imprinatur stigma Magicum, finem in quem imprimitur, esse expunctionem & abolitionem baptismi, per hanc contrariam notam, ac sigillum Christi sigillo æuersum.

Hæc amen sententia, de stigmatis Magici fine, non placet: & meritò explosa est à Binsfeldio l. de confess. nalef. indicio 14. ac præludio. 6. *sub finem*. Siue enim dicatur Satanam hac ratione conari velut extergere baptismum, siue dicatur conari obliterare

characterem in baptismo impressum ; (nec enim satis liquet, quod horum ferant verba quibus aduersarij sententiam suam Latiniùs & concinnius quàm clariùs exprimunt ;) non est verisimile , hoc esse Satanz consilium in stigmati Magici impressione. Nequè sanè aded cæcutit Satan , vt putet posse se, quacunque corporea impressione eradere characterem baptismi , indelebilem & animæ inexistentem. Cerrus etiam est , hominem baptismo initiatum, nulla corporis affectione assequi posse, vt non sublit iuribus Christi , per baptismum susceptum adepti peculiari titulo potestatem in hominem ; planèque insaniuit Iulianus Apostata , cum ipso initio defectionis suæ , tentauit baptismum in Ecclesia Christiana susceptum extergere , vt his verbis prodidit Naz orat. 3. n. 16. [Atque hinc quidem facinra sua auspicatur, quemadmodùm narrant , qui ipsius arcanis gloriantur (Proh in quos sermones incutere cogor :) impuro & nefario sanguine lauacrum extergit , initiationi nostræ execrabilem initiationem opponens , sus videlicet in cæno prouoluta, sicut est in prouerbio : manúsque suas profant, vt nimirum eas ab ingruento sacrificio , per quod nos Christo ipsiúsque passionibus & diuinitati communicamus , elueret , ac repurgaret.] Qui enim Eucharistiam , manibus (vt vsus tunc vtorum ferebat,) diuinis illis mysteriis participaturis exceperat , profanatas manus suas eo attactu raus ; sanguine victimarum daemonibus immolatarum eas abluit , vnàque corpus suum quod per nersionem in baptismi balneo fuerat Christo cõsecratum,

eluit eodem impuro sanguine, quasi baptismum extersurus; quæ erat impia æquè ac insana nolitio: ad quam fortassis reuocandum est, quod Ethnici quidam, Christianos Magiæ insimulatos, eluebant lotio tori corpori affuso, ut eo olecto, puritas in baptismo collata conspurcicaretur.

Esto igitur, sic cæcuti erint vel insaniuerint aliqui, ut Baptismum collatum, extergi, vel eradicari corporea quapiam impressione censuerint. At non adeò fungus est Satan, ut id persuadeatur. Nouit enim baptismum collatum non posse non esse collatum; & jus inde Christo partum esse in personam baptizatam, quod abrogari nulla corporis alteratione vel affectione possit. Characterem verò tunc impressum animæ, optimè perspicit esse indelebilem per causam creatam: cum nulla causa corruptionis naturalis, circa spiritualem hanc formam animæ impressam, habeat locum. Et verò juxta hanc sententiam de stigmati Magici sine, nemo notaretur stigmate Magico, nisi jam baptizatus. Et tamen ratum est apud omnes, consignari quoque à Satana Iudæos & Paganos, Magicam societatem ineuntes. Nam præter Tiresiam insignem quondam apud Thebanos maleficum, eiusque filias eodem scelere imbutas, Manto & Daphnem, quibus omnibus notam fuisse impressam, falsò jactatam genitiuam, testis est in Bibliotheca sua Apollodorus, præter hos inquam, multos infra referemus Ethnicismo, consignatos Magico stigmate. Falsò igitur assumebatur, stigma quod Satan maleficis imprimit, in eam finem imprimi, ut eradicetur

vel obliteretur baptisumus, aut character in eo impressus animæ baptizati.

Iam supra retuli, visum esse nonnullis, finem ob quem dæmon imprimit stigma, esse captationem securitatis, (vt sic dicam,) rei suæ. Idest curare Satanam ea signi impressione efficere, vt malefici non possint ab inito pacto regredi, timentes deprehendi per huiusmodi notam, & legibus grauitè huiusmodi scelera plectentibus, subijci. Sunt etiam qui addant, id quoque spectare Satanam, vt perdat, & in certum exitium deducat quos ita consignat. Quod est admodum consentiens genio Satanæ. Nec enim existimandus est, reuera amare quos infamibus hisce pactationibus sibi deuincit, vt vt in felices sibi de eius amicitia blandiatur. Quantacunque enim spondeat Satan, & quantūcunque in speciem ostēdet affectū, reuera est hostis exitialis; de quo proinde S. Augustinus vult accipi illud sapientis *ne credas inimico tuo vsque in aeternum.* Est enim Satan verè ac propriè inimicus noster, juxta eundem Augustinum in psal. 40. *ad versum 2.* & benè quoque serm. 26. de diuers. c. 16. vbi sic exponit illud dictum antiquis, *odio habebis inimicum tuum.* Hic ergo inimicus & ultor, est sitientissimus nostri exitij, imo est ipsa sitis ruinæ nostræ, vt S. Gregorius philosophatur l. 14. moral. c. 5. qui l. 15. c. 7. & 8. rectè considerat, quamuis principio blandus & cautus appareat, tamen postea euadere viperam; & posita specie leni quam initio præferebat, truculentiam suam & rabiem prodere, everso funditus homine malè credulo, & fictis lenociniis persuaso.

Hunc genium quem Satan erga omnes homines habet, prodit maximè erga Maleficos; quibus aliqua familiaritate deuinctis, creare & corporis præsens & animæ æternum exitium, summoperè expetit. Vt proinde non absque colore dictum à nonnullis videatur, stigma idcirco Maleficis à Satana imprimi, vt habeant vnde reuincantur sceleris, quo adjudicari flammis vltimicibus debeant, jam ex hac vita.

Nihilominus obstat huic fini, quod Satan stigma occultat plerunque, quantum potest, ita vt ægerri-
mè deprehendatur: quod non videtur congruere cum captatione ruinæ maleficorum, per stigmatis impressionem. Si enim stigma non esset adeo latens, multo faciliùs euerteret maleficos. Igitur cum Satan tantoperè sollicitus sit de occultando stigmate, non videtur per eius impressionem quærere, saltem directè & ex primaria intentione, ruinam Magi, per pœnam inferendam cum stigma deprehenderetur. Quæ item ratio, conuellit quod initio dicebatur, scopum Satanæ stigma imprimētis esse, vt securior sit de perseverantia maleficorum extimescentium supplicia, si resiliant, & interuentu notaculi deprehendantur.

Finem alium impressionis stigmatis Magici amplectitur Ancoranus l. 3. de inconst. dæmo. discursu 2. num. 5. dicens idcirco Satanam imprimere suis mancipiis hanc notam vt illos edoceat potentiam suam. Nam imprimens illis hoc stigma citra vllum sensum doloris, persuadet illis in potestate sua esse, vt bona vel mala excipiant; atque aded


ipsum esse malorum bonorumque pro arbitrio largitorem, nec aliunde expectanda ipsis esse bona & mala. Hunc tamen esse finem ob quem stigma Magicum imprimitur, non videtur verum. Et imprimis, qui consignantur non aduertentes, aut nondum sui per ætatem compotes, apertè monstrant alium esse finem imprimendi stigma. Non enim tales, ex stigmatis impressione docètur Satanæ potentiam. Quæ verò tanta potentia est stigmate notare corpus, quod nullo negotio circa pecudes & bruta quotidie faciunt curatores eorum, & passim olim à dominis fiebat circa mancipia, & sæpè à carnificibus circa sanctos? At elucet Satanæ potentia in impressione stigmatis citra sensum doloris. Audio. Sed quid illis fiet, quibus stigma magno cum cruciatu imprimitur; quales illi per totum trimestre magnis discruciatu doloribus, & pelle laniati, ut ex Actis quæditorum Lucronensium scribit ipse Ancoranns l. 5. discursu 3. Tales certè non docentur potentiam demonis, per stigmatis Magici impressionem. Tandem de fine impressionis hujus stigmatis, videtur eodem planè modo servata proportionem philosophandum, quo de characterè baptismi, aut confirmationis: quorum impressionem, Satan stigmatis Magici impressione peruersè æmulatur. Nemo autem dicit, illos characteres idcirco imprimi animæ, ut homo doceatur Dei potentiam, & agnoscat verum esse quod scriptum est; *Ex ore Domini egredientur bona & mala*; & in eo verti spem omnem nostram atque timorem.

Germana igitur ratio impressionis characteris Magici, assignanda est per proportionem ad finem ex quo character baptismi confertur à Deo: quem Satan cum alibi semper Dei iminus, vt supra cap. 1. cum variis Patribus affirmabam; tum nominatim in hoc negotio peruersè exprimit vt simius. Finis autem imprimendi characterem baptismalem is esse videtur, vt Christianus baptismi Sacramento initiatus, accipiat veluti spiritualement figuram, siue signaculum; non ad placitum, sed naturaliter significans & repræsentans hominem factum membrum Christi mysticum, quippè configuratum Christo, qui est splendor gloriæ & figura substantiæ paternæ, juxta Apostolum. Nam quamuis Christus, juxta veram doctrinam S. Thomæ 3. p. q. 63. art. 5. cui subscribunt alij apud Suarez t. 1. 3. p. d. 46. s. 3. & t. 3. d. 11. s. 4. non fuit præditus caractere; tamen sicut Christus fuit naturalis filius Dei, ita qui baptismum ritè suscipit, efficitur Dei filius adoptiuus, atque ita configuratur Christo quatenus fas est homini puro. Exponunt optimè hunc finem characteris baptismi, Abulensis in c. 16. Matth. q. 74. Catharinus Opusc. de caractere, & Salas tract. 2. in 1. 2. disp. 8. s. 3. à n. 61. Quod si quis malit, characterem baptismi esse veluti sigillum, quo obsignatur pactum de noua vita initum cum Deo, communium appositione regij signaculi, vt assolet in consecratione publicorum instrumentorum; qua fortassis ex causa, aliqui vt diuinum sigillum pactis suis apponi docerent, baptizabant aliquem inter paciscendum, teste Facundo Hermianensi l. 4. de tribus ca-

pitulis cap. 4. pag. 170. Si inquam quis malit ea ratione exponere finem characteris baptismalis, perinde erit ad rem nostram. Hæc enim est obligatio, resultans ex transcriptione in filium Dei adoptivum. Et perinde quoque fuerit dicere, Christianum ea nota impressa, asseri Deo: sicut pecudes asseruntur Domino cuius notam præferunt, & sicut olim mancipia monstrabantur esse Domini, per appositam ab eo notam. Omnes hi fines, characteris in baptismo impressi animæ, nexi sunt; & eodem reuoluntur. Proportione ergo seruata, dicendum est, Satanam mancipia sua consignantem in corpore, conari analogicè configurare ea sibi; constituendo sibi in vernas, quos post ejuratum Deum habet sibi mancipatos; ita vt enadant filij perditionis, qualis ipse est & portent imaginem Tartarej prædonis, loco diuinæ imaginis quam Dei largitate susceperant. Nam in hunc finem denuo baptizantur in nomine Diaboli, & accipiunt nomen nouum, vt ex Bodino l. 2. dæmonom. c. 4. jam supra retuli. Est item huius stigmatis appositio, veluti impressio publici sigilli, firmam & inuiolabilem efficiens pactationem cum Satana initam, quæ est verè foedus cum morte. Et denique hoc pacto, maleficus velot pecus, Satanæ impressa eius nota asseritur, infamihæro.

Quandoquidem autem video non paucos verba illa Tertulliani l. de præscrip. c. 40. *signat & ipse (Satan) in frontibus milites suos*, accipere de stigmate Magico (quod nunc an sit ad Tertulliani mentem non moror; tactum autem supra est l. 2. c. 6.)

qua ratione stigma Magicum responderet characteri confirmationis, quo Christi milites adscribuntur in cœlestem militiam, ut olim milites inusto eis nomine Imperatoris; non erit difficile, ea quoque ratione proportionaliter exprimere finem ex quo Satan imprimiit stigma maleficis. Sunt enim hi quoque milites eius, adscripti Tartaræ militiæ ad vastandum orbem terrarum, & bellandum contra Deum. Nec item esset difficile, philosophari de hoc stigmate per proportionem ad characterem Ordinis; quandoquidem malefici per hoc stigma initiantur in sacrilegos & impuros mystas, cultui Satanæ addictos; & pro animabus quas amat Dominus, in æternum exitium omni studio pertrahendis, indefessè satagentes.



CAPVT VII.

Stigmatis Magici effectrix causa.

De hac altera extrinseca stigmatis Magici causa, referri imprimis potest ea erronea imaginatio, (non enim opinio verisimilitudinis alicuius speciem habens,) quam verbis biforbibus insinauit malè feriatuſ Vviers Sagarum patronus l. 6. de præstigiis c. 24. *ad quartam objectionem*. Vbi primùm tentat eludere quæ dicuntur de stigmate. Quod si vrgeatur confessio maleficorum;

& scilicet, si stigma deprehendatur in eorum corpore, negat constare posse stigma esse à dæmone impressum ; sed obscurè insinuat, referendum esse ad imaginationem personæ quæ maleficij insinuitur. Quamuis enim hæc verba cadere videantur in persuasionem maleficæ, quod Satan ipsi stigma impresserit ; tamen ex mente Vvieri, videntur quoque esse referenda, ad significandum quod causa efficiens illius notæ quæ in corpore realiter deprehensa supponitur, sit imaginatio maleficæ. Excludit enim Vvierus, causalitatem Satanæ in stigma : qua exclusa, vix aliud potest occurrere quod assignetur pro effectrice causa talis effectus, quàm imaginatio, juxta doctrinam multorum Philosophorum, ex quorum mente de viribus imaginationis latè disputat Leonardus Vairus l. 1. de fascino c. 2. Et verò si stigmata S. Francisci, ad fortem imaginationem tanquam ad causam efficientem reuocata sunt à Petrarcha & Pomponatio ; vt supra vidimus sect. 1. c. 9. quid mirum, stigmata Magica quorum productio longè minus operosa est, ad imaginationem vt ad causam referri ? Quæ Paracelsus l. de Imaginatione, de efficacitate & viribus imaginationis adducit, mirificè consentiunt : sūntque percommoda leniendæ difficultati, si quæ occurrit in productione stigmatum per imaginationem. Tot enim & tanta tribuit efficacitati imaginationis, vt non sit dubium, quin hic quoque effectus ad illam possit referri ; quandoquidem Thaumaturgam statuit imaginationem, & fidem qua Christus montes trāsferendos, & mira quæque perficienda spondit,

genus

Causa effectrix stigmati Magici. 401

genus esse imaginationis affirmat, ut signatis & libris eius aliquot locis, monstrat Godelmannus l. 1. de Magia c. 8. à n. 64. Neminem porro latent, quæ de vi imaginationis ad multos effectus, proferunt Valesius c. 11. hierophysicæ. Peterius in c. 30. Genes. disp. 4. Delrio. 1. Mag. c. 3. q. 3. & Fontanus initio Physiognomiæ, ad finem textus primi. Erit etgo ille quoque effectus, similis eorum.

Agnosco verè pronunciatum esse à S. Athanasio sub initium Epistolæ ad Epictetum, nimirum quæ nimis falsa sunt, non esse refellenda, ne videantur esse potuisse credibilia. Quid autem magis falsum proferri possit, quam quod nonnullis male feriat in mentem venit, circa vires imaginationis? Usque eo ut non puduerit Arheum Paracellum, quæ de fide ex Christi oraculo montes transferente, & mirabilia quæque exorante, cetera habemus; ad imaginationem tanquam ad efficientem causam referte; eo quod fides sit quædam imaginatio. Apage imaginarium & verè phantasticum Christianum, ut huc transferam verba S. Leonis serm. 15. de passio. in quosdam hæreticos haud insulsiore effutientes. Digna sunt scuticæ, vel etiam furcæ, quæ alij blaterones efficaciæ imaginationis attributa volunt, ut fascinate, vel sanare procul positos, res disjunctas loco mouvere, ciere fulgura & fulmina, imbrésque de cælis deuocare. Oportet profecto, hos philosophastros quibus pepo pro corde fuit, nunquam ægotasse, vel quos charos haberent nunquam fuisse conflictari cum ægitudine. Sempet

item abundasse thesauris ac opibus, ad quæ inhiat mortalium auiditas. Potuerunt enim omnia illa, & quæcunque alia humanæ cupiditati optabilia, per imaginationem parare. Num vigilamus ista audientes? Verum est, imaginationem, in corpus proprium, vel in corpus adeò intimè conjunctum proprio, ut quasi vnum videatur, quale est corpus puelli respectu matris prægnantis, aliqua posse quoad motum localem, & ea quæ pendent à temperamento; in quod imaginatio, per sympathiam potentiatur, variationem quandoque inducit. Et quia notæ fœtui aduenientes, non excedunt efficacitatem complexionis propriæ, tanquam causæ immediatæ: propterea pingitur interdum fœtus, notis quibusdam genitiuis, ut benè multis experimentis testatum facit Andreas Laurentius l. 1. de stumis c. 7. & concinnè expressit Oppianus l. 1. Cyneget. *à versu* 327. tametsi fixam esse Philosophis ac Medicis crucem in eo negotio, non pauci censuerunt, quos longo agmine profert Torreblanca l. 2. dæmonologiæ c. 33. in hoc negotium inquirens à num. 43. Ut autem alieno corpori, præsertim abjuncto, imaginatio aliquid possit imprimere; vel ut in corpore proprio, homo jam grandis natus, insculpere possit aliquas notas, illudve præter naturam afficere, interuentu solius imaginationis tam nugatorium est, ut ferri ab homine sano non possit. Nominarimque in hoc negotio, frequentissimus stupor partis notatæ, ita ut transfixa oblongo ferro non sentiat, & nullum emittat cruorem; non potest in imaginationem, (præsertim non aduertētis,)

Causa effectrix stigmatis Magici. 403

referri nisi ab eo qui gratis effundere velit quicquid in buccam venerit, & omnes cerebri sui abortiones venditare pro legitimis partibus ingenij. Neque verò hic stupor partis notatæ, in paucis aliquibus deprehenditur : sed propè in infinitis, ut certum moraliter sit, talem effectum, non ex imaginatione quantumvis validâ aut depravatâ proficisci potuisse. Videndi qui hoc monstrum sententiæ plenè conuellant, & inefficaciam imaginationis, extra ea quæ præmisimus, potenter demonstrant, Vairus l. 2. de fascino c. 3. 4. 5. 6. 7. & 8. Petrus Pipernus l. 4. de Magicis affectibus c. 1. Andreas Laurentius l. 1. de strumis c. 7.

Referuntur alij, causam effectricem stigmatis Magici statuentes, ægritudinem. Petrus Ancoranus l. 3. de inconst. dæmo. discursu 2. n. 1. testatur adduci ab istis in hanc rem, Galenum atque Fernellium : qui testantur visas sibi prægnantes, quibus per ægritudinem & alui gestationem, notæ aduenerant stigmatibus Magicis persimiles. In quam recolenda sunt quæ in ipso Operis huius vestibulo sunt adducta, & variis Medicorum relationibus illustrata, nominatim circa aliquot prægnantes. Sed rectè opponit Ancoranus, quod ex istis Medicis proferatur vix semel & iterum contigisse, cum tamen in vnico tractu Aquitaniæ, simul & semel deprehensa sint corpora stigmatis Magicis notata, ad tria millia : & infinitos item infantes ait apparuisse stigmatibus Magico insignitos, qui tamen ægrotauerant nunquam. Argumentum itaque haud infirmum inde peritur, quod ægritudo non possit statui effectrix

causa stigmatis Magici, quod & tam multis aliquando infirmatis, tam rarò imprimatur aliquod stigma: & tam multis qui nunquam ægritudine sint correpti, reperiatur impressum. Itaque ad populum phaleras. Ægritudo potuit in corpus morbosum, (quale etiam ut plurimum est corpus prægnantis,) immutata connaturali temperie, maculam aliquam inferre. Notam autem adeò frequentem, & tam altè insensibilem, ex morbo inuisibili existere, ludio quispiam dixerit.

Vera igitur causa efficiens stigmatis Magici, alia est principalis, alia instrumentaria. Prior est Satan, qui pro odio quo in Deum flagrat, primariam corporearum creaturarum, à Dei obsequio cupidissimè abducit, & sibi vendicans hoc stigmate consignat, velut insultans Deo in quem furit. Quod enim de pardali scriptum est à S. Basilio in aliquot Scripturæ loca, eam furere in hominem; cui nocere impedita, in objectam stramineam aut papyraceam hominis imaginem rabiem vertit, conscerpens illam atque dilacerans, idipsum facit Dæmon erga diuinam imaginem, prohibitus Deo nocere, ad quem flagellum appropinquare non potest. Itaque diuinam imaginem nativam exsculpere non valens Satan, imprimit homini characterem suum; ut saltem eo modo arroget sibi rem diuini juris propriam, & nocumentum Deo quantum potest inferat, sic dehonestando eius imaginem. Quia verò Satan purus Spiritus est, nec est in eius potestate quicquam agere in corporibus, præter motum localem, ut rectè cuincunt Victoria relect. de Magia n. 35.

Causa effetrix stigmatis Magici. 405

& Castro Opusc. de sortilegiis c. 2. quibus subscripsimus in Naturali Theologiâ dist. 4. num. 272. propterea indiget instrumento aliquo ad stigma imprimendum. Fuit autem meta sensuum delusio, cum visus est impacto pede notare maleficos, ut apud Iacquerium in Flagello fascinatorum c. 7. & cum visus est infigere dentes, ut scribit Danaus dialo. de Sortiariis c. 4. item cum ungues immittere videtur, juxta illud Remigij l. 1. in periochâ metricâ capitis quinti.

Prima igitur cura est ungues immittere fronti.

Expungendo (aiunt) quo mysses ungit olivo.


Idem dico de notatis infixo Satanæ cornu, ut est apud Ancoranum l. 2. disc. 2. Non sunt Satanæ, (quippè incorporeæ,) vel manus, vel dentes, vel ungues, aut pedes; aut cornua; sed omnia illa symbolica sunt, restâtque assignandum physicum instrumentum, & idoneum actiûm, quo adhibito, & ad corpus malefici tanquam ad passum accommodatum admoto, existat effectus de quo agimus; à dæmone quidem tanquam à causâ principali morali; ab actiuo autem naturali, quod respectu dæmonis erit instrumentum, assumptum tanquam à principali causâ, rem physicè considerando.

Eiusmodi actiûm, stigmati per dæmonem imprimendo accommodatum, quale determinatè sit, definiri à nobis certò & vniuersaliter non potest. Nihil enim vetat assumi, à Satana aliquid impensè frige faciens, quod partem notandam ira stupefaciat,

ut torpidam omnino & sensus ac vitæ expertem reddat. Quam multis enim, carnes nimio frigore tabescunt, vel ex parte, vel ita ut de vitâ decedant? Experientur id non infrequenter, qui per hyemem Alpinis rigoribus opprimuntur; & vel altissimis nivium molibus infodiuntur, vel acerrimo frigore in illis jugis vigente correpti, exhalant animas. Quod autem in toto corpore, citra omnem artem, vi & impetu causarum naturalium accidit; æque potest à Satana ingeniosissimo artifice, in aliquâ corporis parte præstari, admoto quopiam activo idoneo, quod eius peritiam non fugit. Videtur tamen maximè accommodatum, & fortassè frequentius activum quod Satanas in hanc rem vsurper, esse aliquid causticum; siue potentiale, (ut vocant,) siue actuale. Multa enim sunt in rerum naturâ, quæ tamen si actu ignem non contineant, sunt tamen inflammatiua. Sic Celsus lib. 5. cap. 8. inter adurentia & caustica, numerat auripigmentum, æruginem, calcem, chartam combustam, salem, squamam æris, fæcem combustam. Plinius lib. 25. c. 11. causticam vim in Peucedani radice agnoscit; & in aliis præterea non paucis eadem vis adurendi locum habet.

Sed quia hæc lentiùs agunt, consilio Satanæ aptius & opportunius videri potest, cauterium actuale, siue ferrum candens. Eoque sæpissimè notari infelicia hæc Satanæ pecora, est extra dubium. Testatur enim Ancoranus l. 2. de inconst. Dæmo. disc. 2. Mariam de Ralda insignem Sagam, retulisse visum sibi persæpè Satanam astare, cum

paruuli oblatis ferro candente impresso signarentur; quanquam dubitabat an ipse Satan ferrum imprimeret, an ij qui paruulos ad nefariam initiationem adduxerant. Addit verò idem Autor, narrantibus plerisque maleficis innotuisse, nunc ipsummet Satanam, nunc eo demandante alios maleficos, ferrum candens ad initiatos inurendos imprimere. Oportet autem insigni dexteritate admoeri ferrum candens, quando impressio eius fit in oculo: vt contigit illi puellæ, quam ibidem Ancoranus testatur in sinistro oculo signatam à Satana fuisse, admoto cornu suo. Si enim id cornu fuit reipsa ferrum candens, quomodò non est exoculata puella, nisi dexterrimè admoto ferro, & communito validis aduersùs vim causticum, amuletis, reliquo oculo? Vnum præterea est quod aduersùs notationem maleficorum per ferrum candens & quidvis causticum opponi potest: Nimirum quod maleficorum confessione ratum sit, carnem notatam, post inustionem non decidere, vt videmus accidere in admotione cauterij. Sed rectè occurrit Fontanus Opusc. de notis Sagarum, facilè esse Satanæ vbi candens ferrum admoerit, adhibitis idoneis vnguibus, obstare ne caro emortua decidat, vt solet in aliis adustionibus decidere, cum sit quod vulgo dicunt *L'escarre*.



CAPVT VIII.

*Stigmati Magici effectio & eius
adjuncta.*

DMOTIONE causæ naturalis
actiuæ idoneæ hactenus expositæ,
producitur stigma, de quâ produ-
ctione nunc agendum sequitur; at-
tingendo simul apparatus, quo
præmisso, fit ea productio. Neque
enim Satanas, hoc quod vnum est è negotiis suis
majoribus, exercet absque solemnitate & apparatu
insigni, vt mendacium luculentiùs splendeat, &
improvidi faciliùs irretiantur, & pertinaciùs adhæ-
rescant falsis insaniis.

Apparatus portò iste, quo præmisso imprimitur
à Satana stigma Magicum, non est semper vnus &
idem. Aliquando enim (vt supra vidimus ex
Iacquerio in flagello fascinator. c. 7.) Satan absque
vllâ solemnitate, parentum duntaxat oblatione præ-
cedente, notat & consignat aliquos. Cum verò qui
notantur, sunt per ætatem sui compotes, præmitti-
tur ab illis Dei eintario; cum aliis horrendis quæ
Crespetius l. de odio Satanæ discursu 15. Danæus
dialo. de Sortiariis cap. 4. Syluester libro. 1. de Stri-
gimagis c. 2. & libro 2. c. 4. & passim alij de male-

Adjuncta effectiois, stigmati Magici. 409

ficiis differentes referunt, quamvis in adjunctis & circumstantiis variant. Summa est, adductum ab aliquo mystagogo iniquitatis, ad Satanam, miserum candidatum, pacisci cum eo visibiliter se prodeunte, nunc in hac, nunc in illa formâ. Et miserum quidem tyronem, profiteri se deinceps Satanam pro Deo habiturum, atque culturum. Satanam autem vicissim, spondere fauores quoscunque, & promptum ad postulata auditum. Quam scelestissimam veri Dei abjurationem, primum huius negotij gressum, vocat supra Danaus.

Hoc tamen nimis generatim & indistinctè dictum, junat explicatiùs referre, adductâ parte sententiae Auenionensis latae anno 1582. à F. Floro Provinciae Ord. Prædicatorum in Legatione Auenionensi, Quæstorem fidei agente. Tam perspicuè namque, vniuersitas hæc iniquitatis describitur in eo decreto, vt frustra alia sint conquirenda, ad lucem tenebricoso huic negotio affundendam. Subrexit eam Auenionensem Sententiam, suæ Pneumatologiæ, Sebastianus Michaëlis. Adscribo partem quæ huc facit. [Visis processibus contra N. N. N. &c. Coram nobis constitutos reos, accusatos & delatos; quibus tam per vestram & quorumlibet vestrum relationem, ac propriam confessionem judicialiter coram nobis factam, atque sæpiùs repetitam, juramento vestro medio; quam per testium depositiones, eorumque ac usationes, & alias legitimas probationes ex dictis actis, & processu resultantes, nobis legitimè constitit, & constat, quod vos, & vestrum quilibet, Deum nostrum omnium

creatorem & opificem, Vnum & Trinum abnegastis; & immitem Diabolum, hostem antiquum humani generis coluistis; vósque illi perpetuò deuouistis, & Sacratissimo Baptismati, & his qui in eo fuerant, susceptores leuantes, & proparentes, vestræque parti paradisi, & æternæ hæreditatis, quam pro nobis & toto genere humano Dominus noster Iesus Christus suâ morte acquisiuit, coram præfato Cacodæmone in humanâ specie existente, abrenunciastis; infundente ipso rugiente Diabolo denuò aquam, quam accepistis, vestro vero murato nomine in sacro Baptismatis fonte vobis imposito; sicque aliud commentitium nomen vobis imponi in fictitio Baptismate passi fuistis, & accepistis: atque in pignus fidei Dæmoni datæ, vestrorum vestimentorum fragmentum, & particulam illi dedistis, & vt à libro vitæ vos deleri & obliterari pater mendacij curaret, signa vestra propriâ manu, ipso mandante & iubente, in reproborum damnatorum, mortisque perpetuæ libro nigerrimo ad hoc parato apposuistis: & vt ad tantam perfidiam & impietatem vos maiori vinculo deninciret, notam vel stigma cuilibet vestrûm, veluti rei suæ propriæ, inussit: & illius mandatis & iussis, jurejurando, super circulo (quod diuinitatis Symbolum est,) in terram insculpto, (quod scabellum pedum Dei est,) per vos & quemlibet vestrum, præstito, vos obstrinxistis, signo Dominico & cruce conculcatâ.] Continetur in prædictis homagium Satanæ exhibitum per æternam corporis & animæ addictionem ei factam quam à professione negationem

Adjuncta effectiois, stigmati Magici. 411
solam Dei continente secernit Syluester loco utro-
que superius allegato.

Subdit Danæus post hanc consignationem pri-
uatim factam, nouum vācors Satanæ mancipium,
in deuoti sui obsequij fidem, perendie aliquid quasi
ad clientelari seruitutis contestationem offerre
patrono : quosdam canem suum, alios gallinam,
selem alios, aut aliquid tale, quæ est præmissæ ei-
urationis Dei & Satanicæ deuotionis ratihabitio.
Ex iis quæ annotauit Iacquerius in Flagello fasci-
nar. c. 7. constat præter domestica volatilia & pe-
cora, offerri quoque grana, vel alia penes maleficos
sita, prout eorum facultas tulerit. Nec contentus
Satanas hâc dæmonolatriâ, inducit miseros ad
spondendam deinceps, & jam tunc ex aliquâ parte
executioni mandandam, profanationem Sacrorum,
oblationem prolis si quam susceperint, & semini
ac sanguinis sui : ac illationem malorum quotquot
inferre poterunt, innoxiiis. Diligenter hæc omnia
proponit Nicolaus Iacquerius in flagello fascinar.
c. 8. testatus, vi primæ sponsionis, sæpè clam postea
abreptam & deportatam ad cœtum Satanicum, ac
horribiliter conculcatam Eucharistiam. Tria ad id
sui temporis exempla profert ibi Iacquerius. Alia
annotauit Boguetus l. de Sortilegis c. Vi desponsæ
oblationis liberorum, constat ab execrandis paren-
tibus sæpè oblatam Satanæ, innoxiam ætatem. Sed
quod de humani seminis oblatione, ad horrenda
execramenta per Gnosticos olim apud S. Epipha-
nium hæc. 26. turpissimè edita, ab istis verò reno-
uata, idem Iacquerius ibi refert, malo apud eum

legi quàm his chartis illini, adeò spurca sunt, & vel relatu indigna. Sanguinis humani oblationem, declarat idem Autor, fieri partim incisione & perfossione corporis proprii, ut olim factum à Sacerdotibus Baal & Cybeles, adhibitis graphiis aut lanceolis: partim illatione necis, siue per veneficia, siue aliis quibuscumque modis; quibus in omnes quos possunt, sed maxime in ætatem minusculam grassantur. In quam rem, immania multa passim leguntur apud Quæsitores qui obseruatas editas à Maleficis cædes, scriptis commiserunt, ut Sprengerum, Niderium, Ancoranum, Bouguetum, alios. Singulare verò est, quod idem Iacquerius c. 15. *in fine* recitat de Barone quodam Gallo, quem ait non ita multo ante quàm ipse ea chartis committeret, clam jugulasse circiter viginti pueros, ut eorum sanguine vteretur pro aramento, ad conscribendum librum quendam in obsequium dæmonum.

Sic quàm priuatim, idest extra cœtum plenarium, mancipatos tam horrendis deorionibus atque promissis suo obsequio, Satan veluti de eorum constantia diffidens, ait Dantus c. 4. cum perendie impressionis stigmati oblationem ab eis factam admiserit, aliquanto post, eos conuocat in synagogam Diabolicam; idest in locum, in quem conueniunt professi, vulgo *le Sabath*. Idemque insinuat in sententia Auenionensi, ubi post impressum priuatim stigma, & promissiones abominandas, additur, maleficos vnguento Magico illitos, & baculo cruribus immisso quàm iniquitates, transuehi per aëra, ad locum conuenticulo Satânico

Adjuncta effectiōis stigmati Magici. 413
constitutum. Vtique vi ipsius Saranæ, ex condito
ad vnguenti & baculi appositionem veluti succol-
lantis, quod non excedere vim Saranæ, cui corpora
ad motum localem obediunt, nemo diffiteretur. Reipsa
autem hic non præstari, seu Magica conuenticula
esse meras imaginationes, nec eò verè & realiter
asportari maleficos, sensere quondam aliqui Legu-
læij, vt Ponzinibius cum quo confluit Bartho-
lomeus Spina. Sed res est adeò certa, vt reuocari in
dubium non possit, vt rectè asserunt Abul. in c. 4.
Matth. q. 47. Alphonsus de Castro l. 1. de iustâ hæ-
retico. punit. c. 16. Suares l. de superstir. c. 16. à n. 23.
Delrio 2. Mag. q. 10. & l. 5. sect. 16. n. 4. & 5. bene
pro Sectario Danæus dialo. de Sorciar. c. 4. qui
alios bene multos proferunt; iuxta quos, tametsi
non semper est verum maleficos transportari, etiam
cum ipsi putant se transportari, quod euincunt
exempla adducta ab Abulensi in c. 13. Genes. q.
354. & à Caierano 2. 2. q. 95. art. 3. Tamen inde-
finite loquendo, verissimum est, maleficos aliquan-
do transferri realiter, vi dæmonis ad conuenticu-
lum, quo omnes malefici & maleficæ alicuius oræ
conueniunt: & vt plurimum transuectio est realis,
quamuis aliquando Saran, fortassis ad eludendam
credulitatem transuectionis realis, effecerit vt qui
putabant se reipsa transuectos, delusi essent, nec
transuecti nisi per imaginationem. Nec repugnare
caput *Episcopi* 26. q. 5. quod intorquetur in nego-
tium longè diuersum, bene monstrat Suares supra
n. 27. post Turrecrematam ad illud caput.

Præmittit Satan huic admissiōi in Synagogam suam, siue in conuenticulum electorum suorum, & eorum veluti comitia, tot deuotiones nefarias, & promissiones detestandas, ipsamque sigilli Magici impressionem, more humani juris; quo repelluntur à comitiis, qui nondum sunt allecti in ciues. Sicut etiam in Capitulum Monasticum, (vt Fulberti Epist. 25. vocem retineam,) non admittuntur nisi professi. At hæc est veluti allectio in ciuitatem Diaboli; & quasi professio quâ infelicia capita addicunt se cultui eius perpetuo & obsequio sempiterno. Itaque his veluti præexercitationibus, at tantum ad intimam societatem cum Satana, & plenam aggregationem in cœtum domesticorum illius. Sic habet minus solemnem alicuius malefici initiatio, in quâ stigmatis Magici, minoris pompæ & apparatus tenuioris, impressio peragitur.

Alias verò cum Satan maiori solemnitate adhibet aliquem cooprat in maleficum; quæcunque hætenus admissiōi in conuenticulum Satanicum præmitti diximus, pactiōem scilicet mutuam, Dei ejurationem, nefandissimas sponsiones, characteris Magici inuersionem, oblationem regularum suarum, peragit Satan in conuenticulo maleficorum. Ita enim tradit Cresperius l. de odio Satanæ discursu 15. ex tabulario Geneuensi, quo acta quæditorum aduersus maleficos continebantur. Et idem variis exemplis confirmat Petrus Ancoranus l. 2. de inconst. Dæmon. discursu 2. Idem habet Sebastianus Michaëlis in Actis Aquensibus contra Ludonicum Gaufridi, ultimo Aprilis 1611. Ait ergo ex

Adjuncta effectiois stigmatis Magici. 415

Actis Geneuensibus Crespetius, Satanam Geneuæ juxta priuatum S. Petri Canonicoꝝ exedtion, conuocato cœtu maleficorum, apparuisse specie vulpis ruffæ, imposito sibi nomine *Morguet*. Ibi Malefici omnes & Sagæ, procidentes Satanam adorauerunt, osculantes vulpis anum, admodum frigidum, & putentissimum. Et cum puella quædam tunc primùm ad Satanam adducta, loco adeo putenti ac fœdo figere osculum horruisset, & obfirmatè labia sua illi oleto apprimere renuisset; Satan assumptâ humanâ specie, exhibuit illi osculandum genu, quod non minùs frigebat quàm podex vulpinus: simulque ac osculum adorationis indicem excepit, puellam notauit in fronte, impresso ei pollice, vnde non leuis dolor in puellâ est exortus. Hæc ex Geneuensi tabulario Crespetius, quibus nonnulla lux aliunde est affundenda.

Imprimis reticetur in hâc narratione, tempus solemnæ huius impressionis, stigmatis Magici. Quamuis enim de hoc non sit quæsitum, cum sermo erat de impressione factâ priuatim, quæ quouis die, & quâuis naturali diei parte, pro Satanæ arbitrio, & hominis ad eius nutus inflexione peragitur; tamen de hâc solemnæ impressione, videtur jure quæri posse; quando fiat, quod nexum est cum quæstione de die, aut parte diei, vel horâ quâ conuenticulum indicitur. Verùm nihil hîc quoque, fixum & statum habemus. Quod enim notauit Danæus c. 4. dialogi de Sortiariis, Satan neque omnes simul maleficos & maleficas conuocat, neque eodem semper die vel horâ conuentum indicit, sed nihil in eâ re

cultorumque Dæmonum; accenso igne retro, post multas jubilationes, saltationes, comestationes, comotationes, & ludos, in honorem ipsius præsentis Beelzebub, Principis Dæmoniorum, in formam & speciem fœdissimi & nigerrimi hirci immutati, ut Deum, & verbis adorastis; & ad illum complicatis genibus supplices accessistis; & candelas piceas accensas obtulistis; & illius fœdissimum ac turpissimum animum, (proh pudor;) summam cum reuerentia, ore sacrilego deosculati estis; illumque sub veri Dei nomine invocastis; illumque auxilium; & pro vindicta in omnes, vobis vel infensos, vel petita denegantes, exercenda, efflagitastis.]

Subjungitur immensa moles horrendorum criminum, Dæmonis auxilio & eruditione à maleficis patratorum, infanticidiorum, antropophagiarum, calcationis Eucharistiæ, & turpitudinum ac fœditatum contra naturam, quæ vel referre vel legere pollutio fuerit. Ad rem verò præsentem pertinet, quod ad facultatem ac scientiam horum omnium comparandam, Dæmon specie hirci, aliæve, conspicuus adoretur à maleficis. Adoratur autem ea forma apparens Satanas, aliter quam hîc inter nos usu veniat, ut notat Alphonsus de Castro l. 1. de justa hæret. punit. c. 16. Malefici enim, non faciem sed terga ad Dæmonem vertunt; & caput non versus pectus, sed versus scapulas flectunt, ita ut mento sursum sublato, caput in terga reflectant. Crura verò non flectunt, à tergo illa curvantes; ut nobis ex usu est; sed à parte anteriore; illa sursum à terra sustollunt.

Adeò Satanæ placet, ordinem in omnibus inuerrere. Addit Castro, adorationi Satanæ per maleficos, jungi quandoque in eius honorem sacrificia, non tamen semper. Constantius est ac ferè perpetuum in omnibus conuenticulis, vt malefici accidentes hirco, præter cœtera venerationis ac beneuolentiæ signa ad sinistrum eius oculum, nec non pectori, clunibus, femori pudendo, ac demum sursum elata cauda, ano, Satanæ figant osculum. Quod dum faciunt spurcus nebulo dehonestat miseros, egesto in os figentis osculum foriariæ materiæ fœtentissimæ demenso, dignum præmium nefandissimi cultus reponens, vt habent Acta Quæditorum Lucronensium anni 1610. descripta ab Ancorano l. 5. discursu 3. vbi subditur, post hæc vellicatis, admoueri auream aciculam, & stigma imprimi; id quod Acta Geneuensia pollice Satanæ factum referebant.

Non semper imprimi stigma nudum, sed interdum materiam aliquam è ferro aut chalybe, similemve mergi intra partem stigmate notatam, & ibi infixam relinqui narrationes probatæ confirmant. Sic de acu exempta à Satana è corde Ludouici Gaudridi, vbi illum notans eam infixerat, refertur in Actis Aquensibus 2. Aprilis 1611. Res hæc est eodem modo exponenda, quo ingestiones quædam materiarum in corpus humanum, exponuntur à Medicis & Philosophis. Petri Fraxineti filiam, tales materias primùm acus, tum sudes, egerentem in oppido S. Symphoriani ad Lugdunum curauit plenè S. Petrus Tarentensis. Tales ingestiones non paucas, recenset Schenchi l. 7. obseruat. Medicinal.

Adjuncta effectiois stigmati Magici. 419

titulo *de prestigiis* ex Langio l. 1. episto. 38. & Cornelio Gemmal. 2. de naturæ diuinis characterismis c. 4. Videndi item Gregorius Horstius l. 1. epistol. Medicinal. sect. 7. Petrus Pipernus l. 1. de Magicis affectibus c. 6. Senertus l. 6. medicinæ practicæ parte 9. c. 3. & 5. conclus. 5. Diximus & nos hac de re in Natur. Theol. d. 4. n.


Dolor qui inter imprimendum stigma perceptus referebatur, in narratione ex Crespeto adducta, confirmatur aliis plerisque exemplis. Et nominatim ex Actis Quæditorum Lucronensium 7. Nouemb. anni 1610. recitatis ab Ancorano l. 5. de inconst. Dæmo. discut. 3. ubi dicitur, Satanam infixâ aureâ acicula notantem maleficos, inductâ parui buffonis effigie, vel albugini oculi sinistri, vel humero, aut lateri sinistro, vel femori, pellem dirè laniare: ita vt per trimestre magnis discrucientur doloribus, donec cuiusdam herbæ admotione, sedet dolorem, stupefaciendo partem notatam, ita vt deinceps, quamuis pertusa, sit planè expertus doloris. Et poterat quidem Satan longè antea idem beneficium præstare, imo planè præuenire omnem doloris illationem. Si enim inueniuntur qui prælotis succo aliquo frigidissimo manibus, eas plumbo liquato impune immergunt, vt Cardanus de succo portulacæ testatur, quantò facilius esset Dæmoni, qui vires herbarum omnium, & aliorum activorum perspectissimas habet, illis admotis obstare, ne impressio stigmati, dolorem mancipiis hisce suis inferret? Sed dignum fuit, hanc miseros stigmatias impiissimæ deuotionis mercedem referre, in semet-

ipsis. Et ipse Satan, qua rabie in Dei imagines
 scruit, ut ut aliquando ementiatur benevolentiam;
 gaudet tamen pœnis suorum, & his veluti artibus,
 plenæ summæ dolorum, quibus opprimit in inferno
 infelicia capita.

Consummata impia solemnitate, & impresso jam
 stigmate, omnibûsque abominandis deuotionibus
 peractis, adesse Notarium, qui deuotionis, & eiu-
 rationis Dei, ac pactorum omnium quibus infelix
 stigmatias se obstrinxerit, acta conficiat, & ritè ob-
 signata asseruet, scribit Petrus Pipernus tract. de
 Nuce Beneuentana c. 7. quod non video cur ad
 præstigias referri debeat, cum possit realiter con-
 tingere; curante Satana, eo item modo, securitati
 prædæ suæ consulere. Neque verò dubium est,
 quin inter Ministros iniquitatis, quos habet ex
 omni gradu ad manum, Notarios quoque aliquos
 habeat; quibus demandare curam conficiendi tabu-
 las pactiorum cum maleficis possit. Et quamuis
 supponeretur nullum adesse qui inter nos agat No-
 tarium, quis dubitat Regem illum super omnes
 filios superbix, arrogare sibi posse potestatem, pro-
 mouendi aliquos ad munera mundanis consimilia,
 & pro sua scelerata negotiatione, procuratores atque
 Notarios deligere? Deuotum stigmatiam, à Prin-
 cipe demone committi Diabolo minori; qui jugis
 sit in promouenda ruina malefici, & nominatim
 biduo ante moneat eum de adeundo conuenticulo,
 tradit Castro l. 1. de iusta hæret. punit. c. 16. notans
 cum Dæmonem præsidem, vocari *Martinellum*,
 aut *Martinetum*, malefici.

Adjuncta effectiois stigmatis Magici. 421

Non plura de horrendissima humani generis infamia, qua infelicissima quædam Orci victima, depascendas se morti dedunt; oblitæ quo pretio sint redemptæ, & quasi non essent Christi characterē notatæ, admittentes impiè characterem hostis Tartarei. Scelus quod nullæ piorum lachrymæ satis defleant, nulla detestatio satis percellat.



CAPVT IX.

Quàm antiqua sit Magici stigmatis impressio hæctenus exposita, deque eius progressionē ad hanc ætatem.

NON quæro de antiquitate solemnitatum in stigmatis Magici impressione adhibitarum, quas proximè retuli. Illas enim constat non antecessisse tempora Christiana, cum antèrius non potuerit eiurari baptisumus in Ecclesia Christi susceptus, & interponi pactio de calcandis omnibus sacris, quæ pij Christiani frequentant. Igitur quæro duntaxat, quàm antiqua sit Magici stigmatis impressio, facta per Satanam, siue priuatim, siue in cœtu malignatium. Attingens hoc punctum Petrus Leloyer l. 7. de Spectris c. 3. antiquitatem stigmatis Magici repetit ab ætate Moysis, quem Leuit. 19. veruisse obseruat, ne

Hebræi, Ægyptiorum & Syrorum more, inciderent notarèntque corpora. At Ægyptus & Syria, Magis scatebat : Itaque interdictum diuinum de non faciendis entomidibus ac cæsuris in corpore, putat Autor cum quo agimus, pertinere ad excludenda stigmata dæmoniaca, quorum erat vsus in oris illis Ethnicorum, frequētatis à populo Hebræo. Eodémque refert, laminarum candentium nomine Idoli cuiuspiam insculptarum, admotionem; vt nomen Idoli in carne ipsorum legeretur. Item Magicis notis annumerat, Mithriacorum causticas notas, à Nazianzeno memoratas orat. 1. in Iulia. & notas Gallorum ac Archigallorum, quos & corpora sua incidisse, & impresso ferro candente notasse tradit. Cœterùm hæc omnia parum referre videntur ad præsens negotium. Aliud quippè est stigma Magicum à Satana impressum, vel ex eius demandatione ab aliquo iniquitatis ministro; aliud superstitiosum, quod homo in falsi numinis honorem vltro suscipit, citra specialem Satanæ tanquam Autoris vel primarij Curatoris interuentum. Itaque nihil ista ad antiquitatem stigmati Magici, quamuis possint videri, vel rudimenta, vel præludia impressionis factæ à Satana, ad obliuationem deuotionis sceleratæ.

Verisimiliùs inter stigmata Magica numerantur notæ Sparthorum, quarum supra sect. 2. c. 1. meminimus. Quamuis enim dicerentur esse notæ gentiæ, potuerunt tamen esse reuera Dæmoniaca. Num nouum non est, vt venditentur pro notis Gentilijs, quæ reuera sunt humani opificij vt vidimus

ibidem c. 4. Et ſimiliter poſſet contingere per Sathanicam operam. Auger ſuſpicionem Dæmoniacæ operæ in Sparthorum notaculo, quod teſte Apollodoro in Bibliotheca, Tireſias Sparthorum vnus, inter Magos præcelluit; & filias habuit Magicæ impietatis cultrices, Daphnem ac Manto. Epimenidis Philoſophi ac Poëtæ corpus, poſt mortem vſquequaque literatum apparuit, teſte Heſychio l. de Sapientibus: Hoc quoque probabiliter Loyerius, ad Magicum ſtigmatiſmum reuocat. Fuit enim Epimenides inſignis Magus, vt docent eius vaticinia, & liberationes Athenienſium à peſte, de quibus Tyrius ſerm. 21. & 28. Nec refert quod Apoſtolus, hunc proprium Cretenſium Poëtam aliquando allegarit, & eo ipſo ſanctificarit eius verſus, vt loquitur Tertullianus.

Nam etiam Balaami inſignis Magi, oracula; & Caiphæ Pontificis, hominis perditiffimi verba, cum laude ſunt illata in ſactos libros. De Epimenide plura Lilius Gyraldus l. 2. dialogorum de hiſtor. Poëtarum, vbi rectè in ſenſum quem diximus, accipit prouerbum, *Epimenidis corium*: quod inſulſè Eraſmus in Adagiis accipit de pelle Epimenidis, ob longiſſimum eius ſomnum diutiſſimè aſſeruata, inſtar ſactarum exuuiarum.

Pythagoram Magico ſtigmatate notatum, pro certo habet Loyerius, eo quod femur ſuum quandoque oſtendarit aureum. Eam enim ſupponit hic Autor fuiſſe notam Magicam. Ego Magum fuiſſe Pythagoram, extra dubium pono, idque agnoſcit Origenes l. 6. contra Celſum, & S. Chryſoſtomus hom. 1.

in. 1. ad Timo. ac S. Cyrillus l. 3. in Iulia. id ex eius colloquio cum flumine causa demonstrat. Et aliis prolatis, confirmat Hentius à Monte acuto in Opete cui titulus *Mimica Demonis* c. 13. & jampridem Franciscus Picus l. 1. exam. vanit. doctor. gent. c. 2. Nec est opus alia confirmatione huius rei, quam quæ se ultro ingerit Acta eius perlegendibus; ubique enim occurrunt Magicæ impietates. An tamen femur aureum quod Pythagoras videndum exhibuit, idipsum esset quod nota Magica, ut affirmat Loyerius, jurè vocatur in dubium, & videtur negandum. Neque enim stigmata Magorum sunt aurea; sed partes corporis, quod utique ex auro non constat, nec in aurum à Satana vertitur, cum notatur. Deinde pars inferior corporis vitam amisisset, si femur euasisset aureum arte Dæmoniaca. Itaque per præstigium planus iste imponebat spectatoribus, & femur aureum exhibebat, quod reuera aureum non erat. Aptius probaretur Pythagoræ stigma Magicum, cum Henrico à Monte acuto c. 8. libri inscripti *Mimica demonis*, ex eo quod Iamblicus in vita Pythagoræ disertè prodat, eum fuisse in coxa notatum aureo caractere.

Æmulatus est Pythagoram, Numa Legislator simul ac Rex Romanorum, & uterque Zoroastrem. Numam enim fuisse insignem Magum, docent colloquia eius cum Egeria Nympha, & Fauni ac Pici Martij Magicæ illaqueationes, de quibus Arnobius initio libri quinti, nec non conuiuium sumptuosissimum nullo prævio apparatu exhibitum, ut Plutarchus in Numa Scribit, & Dionysius


Halicarnasseus lib. 6. histor. Rom. De Zoroastre Magicis studiis addictissimo res vulgatiores est quam ut monere de ea oporteat. Clemens Rom. l. 4. recog. Chami filium fuisse docet, & à Dæmone quem importuniùs frequentabat, igne crematum. Non rarè enim, improuida maleficorum cum Dæmone tractatio, exitium illis creat. Et quanquam Pythagoram, cum Zoroastre, quoad hunc vitæ exitum confert Henricus à Monte Acuto in Opere cui titulus *Mimica Damonis* c. 13. nam Pythagoras quoque conflagrauit; tamen causa viuicomburij Pythagorici, non fuit Magica, sicut causa mortis Zoroastris. Pythagoras enim per inuidiam eorum quos admittere in Milonis domum noluerat, incensa domo periit juxta Clementem Romanum 4. recogn. At Arnobius libro. 1. & Athenagoras in Legat. Pythagoram ob affectatam tyrannidem, intra ædes in quas confugerat, injecto igne succensum, tradunt. Mihi in præsentia sufficit, ex Magico Pythagoræ stigmate, quod Iamblicus insignis & ipse Magus agnoscit, de non dissimili Zoroastris, quem Pythagoras est æmulatus, ac Numæ (qui juxta D. Augustinum 7. ciuit. c. 35. ante Pythagoram dictus tamen idcirco à Clemente Alexandrino Pythagoræus Pythagoræ institutis adhæsit,) Magica notatione conjecturam facete. Quæ si admittatur, æquè ad cæteros eiusdem furfuris homines, ante ac post Christum Magiæ nomine infames, quales Pythagoræi propè omnes & bona pars posteriorum Platoniorum præsertim Iuliano Apostatæ æqualium, extendenda erit stigmatis Magici impressio.

Characterisimi Magici antiquitatem, haud ob-
 curis indiciis tenemus. Eiusdem verò infelicem ad
 hæc vsque tempora propagationem, jam supra euici-
 mus c. 1. Expostulat verò Lambertus Danæus dialo-
 de Sortiariis c. 2. quod suo tempore, (hoc est incli-
 nante sæculo superiore,) nota hæc Magica, multi-
 plicatis supra modum maleficis, increbuisse longè
 magis, quàm trecentis abhinc annis. Cuius rei cau-
 sam repetit, ex eo quod [Mundus Sacrosanctum Dei
 Verbum, patefactumque ipsius lumen rejicit, &
 impudentius & obstinatus. Quando enim homines
 magis se in Deum ingratos hodie præbent, tantò
 Deo iustior est eorum deferendorum causa, traden-
 dorúmque Satanæ, ad nominis sui contemptum
 vindicandum. Quare hoc maximè tempore quo
 grauissima & foedissima hominum in Dei doctri-
 nam rebellio manifestè cernitur, Satan hanc pote-
 statem à Deo accepit, vt tales sibi addiceret, & cri-
 braret; concessaque illi est erroris summa efficacia,
 ad multos fallendos, irretiendos & abducendos:
 quemadmodum ipse Dei Spiritus, id fore jampri-
 dem testatus est 2. Thessal. 2. v. 10. & Deum missu-
 rum esse vim & energiam deceptionis, vt homines
 credant Satanæ, & mendacio, & damnentur qui
 non crediderunt veritati, sed acquieuerunt injusti-
 tiæ, quia amorem veritatis non receperunt vt salui
 fierent.] Exscripsi fideliter, Danæi, hoc est Ministri
 Calviniani verba, quibus causam multiplicatorum
 suo tempore maleficorum, vnàque Magici stigmatis,
 refert in Catholicæ doctrinæ tenacitatem. Id enim
 est quod ait, homines xui sui fuisse rebelles lumini,

per Solem (scilicet) Gebennæ exortum, affuso. Nam si purum, & non dilutum Dei verbum, quale in Geneuensi popina propinatur, haustum auidè fuisset à mortalibus, rejecta vappa Romana præ annositate in acorem versa; malefici pauci aut nulli in orbe fuissent, & stigma Magicum vix vsquam habuisset locum. Ob hæreseos verò Calvinianæ despectionē atque repulsam, summa efficacia erroris data est Satanæ, mittente Deo vim & energiam deceptionis, ut homines credant mendacio, & damnetur qui non crediderunt veritati.

In his Calviniani Poppæ verbis, est quod putorem blasphemix suboleat, est quod effrontem impudentiam crimen suum innoxiiis impingentem repræsentet. Blasphemiam redolet, missa à Deo vis & energia deceptionis & erroris. Tametsi enim in Scripturis aliquid tale interdum occurrit, tamen peruersus sensus quem Calvinus & eius asseclæ verbis Spiritus Sancti subjiciunt, asserentes Deum nos implanare, & potenter in errorem contrudere, blasphemiam redolet. Neque enim Deus vllum implanat. Satan item nunquam adeò sæuire permittitur, ut liberum nobis non sit, repudiare & abigere, pellicientem duntaxat non cogentem. [Non extorquet à nobis consensum, sed petit.] ait D. Augustinus serm. 197. de temp. & l. de natura & gratia c. 58. Pelagium similia profitentem collaudat. Egregiè in eandem sententiam S. Hieronimus in c. 4. ad Ephes. ad illud, *nolite locum dare Diabolo.* Scitè item S. Bernardus serm. 85. in Cant. Sed vernantissimè de more Eucherius hom. 2. de Pasch.

his præter cætera. [Nunc infelices quosque quos sibi assensum facilem accommodare præuiderit, ad fauces suas sollicitationum catminibus trahit, & voluntariam prædam inermis expectat.] Vtitur verò ad eam sollicitationem, spiritibus erroris atque dæmoniis : quo nomine Apostolus 1. Timo. 4. interprete ibi D. Chrysostom. homil. 12. intelligit Hæreticos, quorum ordine indignitatis & nequitiae, nullis posteriores Calviniani ; vt videas repercuti aduersarium eo ipso lapide quem intorserat, tribuens tantam sua ætate fruticationem Magiæ, abjectioni puri verbi diuini, & prædominationi erroris. Ex ore tuo te iudico, serue nequam. Magia & mancipatio ad peculiare Satanae obsequium, cum hæresi succereuit. Hoc verè dixisti. Magna germanitas inter hæresim & Magiam [Notata sunt commercia Hæreticorum cum Magis compluribus :] aiebat Tertullianus l. de præscript. c. 43. & annuit Theophilus Alexandrinus hom. 2. Pasch. Sed nolo in hoc cœno diutius conuolui, quod vir doctissimus Thomas Stapletonus, tota oratione 1. Académica, diligenter hoc negotium versauerit. Titulus Orationis est ; *Cur Magia pariter cum hæresi hodiè creuerit.* Aded sanè creuit in Gallia, Magiæ studium cum Calvinismo, vt Bodinus in præfat. dæmonomania, ex Triscalini celebtis Magi relatione, testetur, suo tempore hoc est superiore sæculo satis inclinato, in sola Gallia Calvinistis tunc refertissima, fuisse Magorum trecenta millia. Quanquam alia Latina Bodini editio non nisi centum millia memorat.



CAPVT X.

*De stigmatibus Magici stabilitate aut
euaniditate.*



ER se loquendo, stigma Magicum vide-
tur perpetuum ; ita vt nullius hominis
voluntate, quamdiu corpus perstat, videat-
ur posse obliterari. Est enim impressum
in eum finem, vt sit pignus ac tessera seruitutis Dæ-
moni mancipatæ, quam teterrimus noster ac Dei
hostis, optat esse perpetuam. Quod si pars signata
sit emortua, vt plerunque contingit ; liquere vide-
tur, non posse notam obliterari arte humana. Quis
enim hominum, quod vita semel priuatum est,
restituatur vitæ ? Nec refert quod excogitata sint varia
remedia naturalia, ad stigmatibus seruilis obliteratio-
nem, vt tactum est sect. 2. c. 2. Ea enim stigmata
non adedè profundè descendebant, vnde oblitera-
bantur extrinsecus cutis decussione, & substitutione
nouæ, quod hîc non sufficeret ob penitionem im-
pressionem. Itaque per se loquendo, siue spectata
tantùm vi humana, stigma homini à Dæmone im-
pressum, perenne est ; nec siue temporis tractu ex-
ditur, & obsolescit ; siue humana arte obliteratur.

Quin tamen stigma Magicum possit diuino be-
neficio obliterari, dubitare non licet : Legimusque
nonnullos maleficos reuenientes ad Deum, notam

Satanicam amisisse. Ita scribit de quodam olim Mago Contracensi, Petrus Ancoranus l. 2. de inconst. Dæmo. discursu 2. addens *in fine*, innumera se illius obliterationis experimenta cæpisse. Id quod repetit lib. 4. discursu ultimo. Magdalenam Paludanam, testatur Fontanus l. de notis sagatum pag. 33. pœnitentem & ad Deum regressam, amisisse stigma ingenti cum cruciatu, ipso die Paschatis. Hoc idem Autor, tribuit concitationi Satanae in pœnitentem, regressam ad officium, & Deo conciliatam, quam noluerit suo signaculo notari jam alienam. Sed malim id Deo, potius quàm Satanae tribuere. Quis enim vltro amouet titulum, & signum aditæ possessionis optimi prædij, & non potius expectat vt amoueat ab alio, per quem de possessione eius dejicitur? At stigma erat veluti titulus, quo Dæmon oppignerauerat sibi creaturam Dei, & eius quasi possessionem titulo donationis & perfidæ devotionis iniuerat? Nullo ergo pacto, volet stigma sua arte & labore oblitteratum: Sed diuinum beneficium agnoscat necesse est, quisquis pœnitens eiurato Satana cui se manciparat, dæmoniacum notaculum semel impressum amittit. Et quamuis nihil vltra damnationis superesset iis qui sunt in Christo, & per pœnitentiam reuenerunt ad Deum, etiam si notam corpoream retinerent; Tamen optandum est omnibus qui Diaboli jugum excusserint, ea quoque nota liberari; quippè vestigio feruitutis semel addictæ, quod intersit excindi funditus. Sicut quamuis pœnitenti non noceat, quod Dæmon retineat Syngrapham additionis impiè exaratam, cum facta est


Stabilitas Magici stigmatis cujusmodi. 431

terrérrima deuotio, iuxta annorata c. 2. post Sanchem atque Suarem; tamen omni studio satagitur, vt ea Syngrapha quæ penes Satanam erat, recuperetur, ac destruat. Idem igitur proportionem seruata faciendum est, circa hanc intimiorem, quippè ipsi corpori infixam, resseram dæmoniacæ seruitutis. Quamuis autem obliterationem istam stigmatis, in regressis ad Deum, admittam non fieri à Satana; tamen nihil verat tribuere illi dolorem, si quis in huius notaculi abiectione interuenit, vt ex Fontano referebamus interuenisse in exemplo Magdalenæ Paludanæ. Præ odio namque abjectæ mancipationis sibi deuotæ, potuit cruciatum quem referebamus, excitare. Vel Deus ipse in pœnam prioris culpæ, quamuis jam quoad maculam deteresæ, potuit cum cruciatum inferre, vt agnosceret creatura improuida, quàm durum & amarum sit, dereliquisse Dominum Deum suum, & ad eius hostes impiissimè indignissimèque transfugisse.

Haudquaquam tamen faciliè dixerim, an Deus hoc beneficium obliterationis stigmatis, concedens pœnitentibus, stigma immediatè per seipsum oblitteret, an ad id vtatur ministerio Angeli boni; vel ipsum Satanam adigat, vt quæ à Deo perfectæ, malignè ipse destruxerat, iteratò sarciat, atque restituat in statum pristinum. Non transcenderet sanè vires Angelicas hæc obliterationis. Nec rarò deprehensum est, Satanam nondum saturum malorum per maleficos inferendorum, liberare eos à nota impressa, si Iudicibus plectendi sistantur, vt faciliùs legum seueritatem declinent. Habet in hanc rem exempla

Bodinus l. 2. dæmonom. c. 4. & annuit Delrio-l. 1. Magic. sect. 4. num. 28. Ratio item suffragatur. Nam ut Angelus, siue bonus, siue malus, partem notatam, (etiam si supponamus emortuam,) restituat pristino statui, aliud non exigitur, quàm ut Temperamentum illi humani corporis parti consentaneum reponat; mollesfacta si obduruerat, & debitè temperata ea materia: quo nihil Angelo facilius, applicando idonea actiua passiuus, quæ utraque habet perspectissima. Quid quod totalem quoque hominis materiam, si leges vniuersales de huius orbis ordine latæ ita permetterent, non transcendendo metrum naturæ Angelo potestatis, posse ab eo disponi ad exceptionem animæ; (præsertim si ea materia organizationem & configurationem humanam retineat, quale est cadauer hominis anima recens priuatum;) probabilissima doctrina fert, tradita in Naturali Theologia d. 4. n. 291. Non erit igitur Satanæ operosum, obliterare notam humano corpori ab ipso impressam, si Deus eam obliterationem in gratiam pœnitentis demandet; aut si ipsemet Satan, pro suo verna sollicitus, id præstare statuatur. Scribit sanè Henricus Boguetus c. 44. Georgium Gandillonum maleficum, in iudicio falsum ipsimet Bogueto Iudici, Satanam oblitterasse notam impressam, & locum cui impressa fuerat à malefico esse demonstratum. Acta item Aquensia anni 1611. Aprilis 3. produnt, Satanam à Deo adaptum, Magdalenæ Paludanæ pœnitentis notas Magicas aboleuisse, postquàm resecta fuit cœlesti pane. In ea tamen obliteratione, quam Satan facit quasi in fauorem

fauorem Maleficorum, vt ad tempus Iudices eludant; facile potest obrepere deceptio; quia pater mendacij, nusquam veritatem amans, facile posset oculis spectantium imponere; siue per obductionem extimæ pellis saluo interiore & profundiore stigmate, (nimirum reposito debito Temperamento in extrema duntaxat corporis parte, intactis partibus penitioribus;) siue per præstigias, quibus immutato re ipsa stigmate, tamen illudat sensibus, juxta ea quæ in Naturali Theologiâ disputata sunt d. 4. a num: 311.



CAPVT XI.

Recensentur alia quedam stigmata Dæmoniaca, minus frequentia.



STIGMATA Magica de quibus hætenus, sunt, veluti primaria inter stigmata Dæmoniaca. Nam ad scopum Dæmoni propositum aptissime commodant, cum sint obsignationes deuotionis quâ homo se Satanae mancipauit. Quare primo loco de eis agendum fuit; præsertim cum sint longè frequentissima, & in vsu penè quotidiano.

Nunc attingenda sunt rara quedam exempla, stigmatum vel à Satana extra commercium Magicum & mancipationem seruitutis, vel ab animabus

damnatis corpori alicuius superstitis impressorum. Perinde enim esse videtur, quod stigma vel à Satana, vel ab animâ damnatâ habeat originem ; Id quod multo magis valet, si admittatur doctrina S. Chrysostomi hom. ultimâ de Lazaro, & Victorii relect. de arre Magicâ num 17. & aliorum grauium Autorum apud Thyraëum l. de locis infestis parte 1. c. 9. quibus visum est, nullas animas damnatas huc aliquando regredi, sed Dæmones esse, qui specie animarum damnatarum, apparent aliquando mortalibus. Et quamuis vt idem Thyraëus agnoscit l. de apparit. Spirit. à c. 11. agnoscit, nulla suppetat idonea ratio ad inficiandum, animas damnatas diuino permissu aliquando huc regredi, & apparere mortalibus : tamen anima damnata quodammodo transcribitur in ordinem Dæmonum, non quidem substantiali mutatione, sed conditione ac statu. Quamobré stigma impressum ab animâ Dæmonis contubernali, & quasi commensali, potest aliquatenus appellari Dæmoniacum, etiamsi supponatur non esse à Dæmone impressum ad animæ præsentiam, sed immediatè per ipsam animam.

Inter hæc stigmata Dæmoniacâ infrequentia, illustre est quod Beda l. 3. hystor. Anglor. c. 19. literis mandauit de S. Fursæo, qui ad tempus vitæ functus, & coelestium bonorum contuitu, & pœnarum Tartarearum objectu, donatus est. Iussus enim retorquere oculos in vallem tenebrosam, quatuor in eâ ignes animaduertit : & sciscitatus quæ illæ flammæ essent, accepit ab Angelis bonis quos habebat mystagogos, esse quatuor ignes qui mun-

dum succedentes, essent consumpturi. Primus inendacij, quo desponsa in baptismo sæculi renunciatio, non præstatur. Secundus cupiditatis; quo terrena præ coelestibus captantur. Odij tertius, ac violationis proximorum. Quartus denique impiæ malignitatis, quo potentiores opprimunt inferiores, & fraudibus ac calumniis vastant & contemnunt, quibus non est munimentum. Cùmque ignes illi paulatim crescentes, & appropinquant adinuicem, diffusi essent in molem immensam; ita ut Fursæus accedentem ad se ignem extingueret, eaque ex causa vni Angelorum qui aderant supplex fieret, ut ignem auerteret; audiuit ab Angelo [quod non incendiasti, non ardebit te. Nam etsi terribilis iste & grandis esse ignis videtur, tamen juxta merita operum, singulos examinat; quia vniuscuiusque cupiditas in hoc igne ardebit. Sicut enim quis ardet in corpore per illicitam voluptatem, ita solutus corpore ardebit per debitam pœnam.] Solutus Angelorum opera eo metu Fursæus, jussus est ad corpus reduci; in quo regressu notatus est stigmate demoniaco, ut his verbis scribit Beda; cum ex Actis B. Fursæi plenioribus, tum ex testimonio probatissimi Monachi sui monasterij, qui ex oculato teste rem totam fuerat edoctus. [Remanserunt cum B. Fursæo tres Angeli, de quibus diximus, qui eum ad corpus referrent. Cùmque præfato igni maximo appropiaret, diuinit quidem Angelus sicut prius, ignem flammæ; sed vir Dei, ubi ad patefactam usque inter flammâs janua[m] peruenit, arripientes immundi Spiritus vnum de eis quos in ignibus

torrebant, iactauerunt in eum & contingentes humerum, maxillamque eius incenderunt. Cognouitque hominem, & quod vestimentum eius morientis acceperit, ad memoriam reduxit: quem Angelus sanctus statim apprehendens, in ignem reiecit. Dicebatque hostis malignus: Nolite repellere, quem ante suscepistis. Nam sicut bona eius peccatoris suscepistis; ita & de poenis eius, participes esse debetis. Contradicens Angelus: Non (inquit,) hoc propter auaritiam, sed propter salvandam eius animam suscepit. Cessauitque ignis: & conuersus ad eum Angelus, Quod incendiisti, (inquit,) hoc arsit in te. Si enim huius viri in peccatis suis mortui, pecuniam non accepisses, nec poena eius in te arderet. Et plura locutus, quid erga salutem eorum qui poeniterent, esset agendum, salubri sermone edocuit. Qui postmodum in corpore restitutus, omni vitae suae tempore, signum incendij quod in animam pertulit, visibile cunctis in humero maxillaque portauit. Mirumque in modum, quod anima in occulto passa sit, caro palam praemonstrat.]

Thomas Cantipratanus l. 1. Apum c. 20. num. 8. narrationem huc facientem, his verbis contexit. [Clericus quidam, in Synodo Episcoporum praedicare compulsus, angustiabatur non modicum, quidnam digne posset coram tot Praelatis Ecclesiae praedicare. At ubi accessurus in oratione jaceret, venit ad eum Diabolus, & dixit ei, Quid angustiaris istis Clericis praedicare? Dicas eis istud, & non aliud: Principes Infernalium tenebrarum, Principes Ecclesiae salutant. Laeti omnes nos gratias eiusdem refe-

rimus, quia cum ipsis, eorum nobis afferuntur subditi, & per eorum negligentiam, ad nos deuoluitur totus pariter ferè mundus. Inuitus quidem tibi dico quod dico, sed altissimi iussione coactus. Respondit Clericus; Mihi quidem, si hæc eis retulero, non credent. Tunc Diabolus tangens maxillam eius: Ecce, (ait,) signum, nigredo insolita faciei. Hanc antequam prædices, non contingas, quia frustra: post prædicationem verò aquâ benedictâ delebis. Processit ergo Clericus in Synodo prædicaturus: & admirantibus cunctis in signo indito faciei, tantum illa quæ sibi iussa sunt recitauit; & ad horrorem maximum cunctorum corda permouit. Hæc anno ab Incarnatione Domini M. CC. XLVIII. fuerunt Parisiis coram omni Clero & populo solemniter recitata.]

Mulierem Sebusianam, scribit Gerſo in calce Tractatus de Examinatione doctrinarum, delatam apud Lugdunensem Antistitem anno 1424. multa fingentem tanquam sibi à Deo reuelata, quæ non aliunde quàm à Satana didicerat. Peccata enim quibus quisque se contaminarat, inspectâ fronte agnoscebat. Vnam se è quinque mulierculis à Deo missis, ad extrahendas è Tartaro innumeras animas, & earum duas ad minimum quot diebus inde eripuisse, mentiebatur. Tandem duo stigmata veluti carbones, in pede præferre deprehensa, & terra; cum tormentis subjicienda esset, veritatem sincere aperiens, quæstum se æstimasse pietatem, Iudices docuit; & morbum epilepticum quo laborabar, prætextu excessuum diuinorum obnubere solitam:

carbones autem quæis notatum pedem habebat, Satanæ in eâ opificio extirpasse, ad facilius imponendum simplicibus; quod ex eâ parte ingentes toleraret cruciatus, cum esset e Tartaro eripienda, damnata quæpiam anima.


Inustam viro probo, & Medico scientissimo, à damnatâ animâ notam, annis superioribus, iuuat recolere ex Prato meo spiritali num. 81. Decumbebat Petrus Serpillonus probus & doctus Medicus, ex morbo è quo etiam haud ita multò post excessit: & ritè subductis rationibus omnibus peractâ accuratè de vitâ vniuersâ exomologesi, obducto lecti sipario se continebat, non lucem fastidians vt domesticis primùm videbatur, sed vt liberiùs hereret defixus in cogitatione de Deo & de transitu à quo non est regressus: cum ecce subitò auditur ab iis qui lecto ad officia ægro præstanda astabant, inclamans æger. Heu miseram animam! Quo infelix propelleris? Responsum auditum est, & ex voce respondentis, posteaque ex ægri designatione certius compertum, esse animam Libellionis Auenionensis qui eâ horâ fato concesserat. Respondit ergo qui interrogabatur, iter sibi esse in infernum. Roganti ægro damnationis causam, responsum secundò datur, causam fuisse quod malè & infideliter functus esset concredito Notarij munere. Estne igitur, institit Serpillonus, id munus periculosum & damnationi obnoxium? Est verò, respondit infelix. Quid si è sodalicio Deiparæ sint, ait æger? His quidem reposuit damnata anima, peculiari præsidio sunt, tutela Deiparæ, & assidua monita quibus ad vitam

piam informantur : Tamen ni sapiant , & ipsi quoque excidentur & igni addicentur æterno. Dixit, & fidem verbis facturus infelix Notarius , manum in jacentis femur extendit , quod æger confestim aduocato spiritus Magistro P. Ioanni Suffreno, ostendit veluti cauterio iniustum , in totius huius narrationis confirmationem.

Stigma dæmoniacum planè insolitum , anno 1634. in Saxonîâ impressum , citra commercium Magicum , adscribo ex duplici epistola Baltazaris Han, Archiatri apud Saxonîæ Electorem. Exhibet eas Epistolas Senertus , in Appendice ad partem nonam libri sexti Medicinæ practicæ. Narrabat ergo Baltazar Han , puellam Lutheranam annos natam 22. posturbationes in somno , cum mane 9. Nouembris templum adiret, pronubam actura conjugij apud Ministrum celebrandi, deprensam esse, liuidis maculis duabus , in utrâque manu subito exortis notatam ; & variis lancinationibus contumacitatem cutis utriusque brachij , à carpis ad flexuras vsque cubitorum innotuisse solutam. Supra utrosque verò cubitos , (ut idem testatur,) conspiciebantur diuersæ literæ : quas inter N. & B. exactè conformatæ erant. Conspiciebatur item ibidem, multiplex crucis effigies. Et quidem eâ varietate, ut cruces modò longiores , modò breuiores , modò longissimæ , incurrerent in oculos : quædam cernebantur profundius demissæ , dolorémque ac pruritum excitarent ; quædam ad suppurationem peruenirent , suæque vestigia ultra mensem post se relinquerent ; in quibusdam verò nihil tale obserua-

reñtur. Auñtus proditur numerus characterum, vnâ atque altera cruce, circa collum, pectus, & ventrem infimum erumpente, 15. Nouembris. Indêque ad plures corporis partes prorẽpere notæ, maximâ ex parte Crucem figurâ referentes; ita vt spatio septidui, puella à capite vsque ad calcem tam in anticis quàm in posticis partibus, totâ cute perinde ac si spinis aut virgîs cæsa fuisset, stigmata præferret. Et prioribus quidem diebus facies pura apparebat, & absque notis: posterioribus verò diebus, ipsa quoque notas prætulit, sed leuiore, vixque cutis continuitatem soluentes, nec nisi epidermida afficientes. Nocte insequente, acus vtrique volæ manus infixæ apparuit, nec vanâ specie: Nam ab æstantibus extracta, & variè incuruata, ac igni admotâ, soliditatem semper rerinuit; estque asseruata. Aliquot post diebus inter deambulandum, deprehensa est acus vtriusque pedis plantæ infixæ, cruciatum inferens haud exiguum, nec absque cruoris profusione. Exinde per intervalla, cættis noctibus non semel extra lectum abducta, & sub scamno aliquo jacens reperta est, nouis insignita Crucibus, & cordis effigie, ac Chymicis & Astronomicis notis, cuti velut incisîs. Die verò Ianuarij 27. inter colloquendum & operandum cum vicinâ, manui dexteræ artificio insigni, leuiter incisæ apparuit rosæ & trifolij figura; & anni à Christi Natiuitate decurrentis numerus 1635. Deinum cor telis transfixum de nouo apparuit, citra dolorem, & stulti imago ac Germanicum verbum *Narr.* & quædam alia signa cum diuersis crucibus. En prodigiosam omnino

stigmatizationem, extra omnem Mágici commercij suspicionem. Manum Satanæ rectè hîc agnoscunt Baltazar Han, & Ioachim Colbius; apud Senerum loco allegato. Quod tamen insinuant meras fuisse præstigias, & sensuum ludificationem, non admitto. Quis enim dicat, vlcerata & stigmata ad tempus satis diuturnum perstâtia, ac saniosa, & acus asseruatas, delusiones sensuum esse? Verè ergo impressa sunt ea stigmata, arcano sed iusto Dei permittentis consilio. De acubus infixis corpori & exemptis, consulendi quos supra addoxi cap. 8.



CAPVT XII.

Stigmata dæmoniaca moralia.



D E M A D M O D V M in expositione stigmatum piorum, & humanorum, præter ea quæ realia & physica erant, nonnulla protulimus moralia physicis analogicè respondentia; ita operæpretium est hoc loco, prolatis stigmatibus dæmoniâcâs realibus ac physicis, moralia non præterire: vt fideles tanto studiofius eorum impressionem refugiant, quanto tetriora perspexerint. Habemus autem de his moralibus nequitia notis, suffragium Scripturarum & S. S. Patrum.

Imprimis Apostolus Rom. 11. visus est stigmata

Diabolica de quibus agimus, in Iudæis à Deo derelictis, & Satanæ ductum sequentibus, agnouisse; cum dixit, *sicut scriptum est, dedit illis Deus spiritum compunctionis.* Græcè est *κατενόητος*, quæ vox *perforationem* sonat. Hæbræi quidem Codices Isaïæ 29. v. 10. vnde verba citata ab Apostolo sunt desumpta, ferunt potius veternum & altum soporem, quàm poenâ obdurationis multatos esse Iudæos, affirmat Esaias; juxta textum primigenium. Tamen Apostolus secutus 70. adhibuit vocem prædictam, quæ *compunctionem*, siue *pertusionem* & *perforationem* significat. Eaque etiam voce vsus est S. Lucas Actor. 2. cum dixit, *his auditis, compuncti sunt corde.* Græcè *κατενόησαν*. Et est ea vocis notio, propria. Nam *νόσσειν* *vellicare*, *pungere*, *fodicare*, significat; vt Interpres Nouator ad eum Lucæ locum expendit. Atque adeò apud Apostolum, *spiritus compunctionis*, est spiritus pertundens, & stigma imprimens. S. Cyprianus l. de orat. & alibi admodum energicè, legit *spiritum transpunctionis*. Et verè ex perforatione, vel transfixione, & transpunctione animæ, sequitur hebetudo mentis, & excœcatio, ac surditas, quam Apostolus Iudæis consequenter tribuit. Nam sicut ex pupillæ & sensorij auditus transfixione, cœcitas & surditas consequuntur: ita populus Iudaicus à Deo auersus, Satanico spiritu punctus atque transfixus, deferente Deo, in potestatem Satanæ transiens, exoculatus est, & obsurdit animo. [Pertusa est illis mens, (inquit S. Cyprianus l. 1. episto. 3.) hebes animus, & sensus alienus à Deo.] Ex pertusione autem illa siue punctiōne, resoluere stigma

Diabolicum, non est quod exponam : cum antiquis, *punctus vultus*, idem esset quod *inustus*, & impresso stigmate deformatus.

Eandem transpunctionem & stigmatum impressionem, subeunt quotquot Iudaicæ perueicaciæ æmuli, obsistunt spiritui veritatis : sed nulli magis quàm Hæretici. Et idcirco Apostolus 1. Timo. 4. illis tribuit, stigmatis transfixam siue cauteriatam conscientiam. Verba Apostoli sunt. *Spiritus autem manifestè dicit, quia in nouissimis temporibus, discedent quidam à fide, attendentes spiritibus erroris, & doctrinis Daemoniorum, in hypocrisis loquentiam mendacium, & cauteriatam habentium suam conscientiam, prohibentium nubere, abstinere à cibis quos Deus creauit.* Non cadunt ista in Dæmonia, ex quorum doctrinā peraguntur ; sed in attendentes eorum doctrinis. Hic quidem genitiuus ille *Demoniorum*, sumitur substantiuè, non adiectiuè ; nec designat homines qui per malitiam euaserint in Diabolos, vt de Iuda dictum est Ioannis 6. sed designat simpliciter dicta Dæmonia, Satanam nimirum & Angelos eius. Legendum enim est cum codicibus emaculatis *δαίμωνιον* : quamuis aliqui Codices habeant, *δαίμονιον*, vt Espenæus notauit : Qua lectione admissa, ea vox designaret homines Dæmoniacos, & genitiui omnes eodem referrentur. Sed probata lectio, habet *demoniorum*, siue *demonum*, ita vt ea vox cadat in Satanam & Angelos eius. Et tamen dico genitiuos alios in eo loco Pauli propositos, & genitiuo illi *Demoniorum* subnexos ; non cadere in ipsa Dæmonia, sed in attendentes doctrinis eorum quia He-

braissimus est, quo nomen & verbum cum propin-
quiore nomine concordat, potius quàm cum eo
quod propriè respicit. Similes Hellenismos apud
Homerum, Euripidem, ac Sophoclem, observavit
Eustathius Iliad. β & Scholiastes Nouator Marci
12. v. 40.

Ait ergo Apostolus, hæreticos in hypocrisi lo-
quentes mendacium, cauteriatam habere conscien-
tiam; id est cauterio inustam Satanico, & Diaboli
stigmatè consignatam eique non secus addictam,
quàm vi stigmati sui mancipentur Satanae malefici.
Eam verò conscientia Diabolico cauterio notatæ
inustionem, insensibilitas, & defluxus vberis saniei
consequitur, vt docet vox *cauterij*. [Sicut enim
cauterium, corruptio est in carne, per ignem siue
ferrum ignitum, ex quâ egreditur continuo putredo;
ita ex igne peruersæ voluntatis, quasi cauteriatæ,
vulneratur conscientia, & egreditur falsa doctrina
Dæmoniorum.] Verba sunt S. Thomæ, ad eum
locum lect. 1. Ex eadem voce *cauterij*, Caietanus
ibidem, eruit; impietatem in Hæreticis dogmatum
satoribus, de quibus agebat Apostolus, ferè esse
indelebilem. Sicut enim nota cauterio impressa est
indelebilis, neque ita vnquam obliteratur, quin
remaneant impressionis vestigia; ita pro miraculo
propè haberi potest, si hæreticum impia dogmata
serentem, reuenire ad Deum contingat. Nihil
horum repudio. Sunt enim omnia verissima, nec
ab Apostoli scopo abhorrent, probanturque credito
Ambrosio, Theodoro, & Occumenio, prolatis ab
Espencro in Commentario illius capitis quarti,

prioris Epistolæ ad Timotheum. Qui præterea addit, ex Brunone, & utrâque Glossa, & consentit Bartholomæus Kesthemetofin Phrasibus Scripturæ V. *Conscientiâ*, cauterium quod à cauendo fure cauteriato dictum putauit, hæreticis dici impressum, eosque cauteriatam habere conscientiam; quia est illis inustum cauterium, sicut furibus deprehensis, ut ab illis caueant, qui stigma poenale inustum viderint. Neque hoc repudio, tametsi planissimus Apostoli sensus, videatur quem dixi. Conscientiam videlicet Magistrorum falsæ doctrinæ, esse stigmatate Diaboli notatam, eique mancipatam; nec secus se habere, quàm carnem ambustam cauterio, quæ vitâ & sensu caret, perpetuòque emittit purulentias, & saniosum fœtorem. Quam suam malam affectionem, iidem mali Magistri, impertiunt aliis. Equè enim inustam, ac stigmatate Dæmoniaco notatam efficiunt conscientiam eorum qui se illis adiungunt. Ut propterea verum quoque sit quod S. Augustinus. 15. contra Faust. c. 10. & l. 20. c. 16. legit *cauteriantium conscientiam*.

Adjungo propositis Scripturis, iudicia Patrum de stigmatate morali Dæmoniaco, initiatam ducens à Philone. Nam cum Patribus & Ecclesiasticis scriptoribus annoverauit S. Hieronimus. Philo itaque l. quod mundus sit incorruptibilis, agens de causâ ob quam Deus putam ludem non affundit animæ, eam refert in [Imprudentiæ, iniquitatis, ceterorumque vitiorum stigmata, vitæ elinibilia.] Quæ stigmata, impressa ait à perturbationibus, quarum curus in nobis est; auriga autem & agi-

tator pessimus, ipse est Satan, vt dico cum de Christo aurigatore. Itaque hæc stigmata, per omne vitiorum genus impressa, sunt manifestè Diabolica, deformantque omnes vitiis addictos, non quidem sensibiliter in corpore, sed (quæ tetriores sunt notæ,) inuisibiliter in animâ.

Agnoscit quoque stigmata hæc Dæmoniaca, Origenes hom. 13. in Ezech. tractans illud *in signaculum similitudinis*. Vbi post propositum signaculum diuinum, & stigma sacrum piis impressum; subdit declinandam esse imaginem hominis terrestris, quæ est stigma Satanae. [Caue homo, ne sæculum istud egrediens, signaculo Diaboli sis impressus. Habet quippè ille signaculum. *Sicuti portauimus imaginem terrestris*, vnde vel quando, vel qui significauit hoc signo portauerimus imaginem terrestris. Circuit Diabolus, & lustrat omnia, volens & ipse signare subjectos sibi. Signat autem singulorum corda considerans, & imprimit in eis figuram terreni, per peccata, per vitia, vt portent imaginem terrestris.]

Sed & Tertullianus l. 4. in Darcio. c. 9. [In exemplo leprosi non contingendi, imo ab omni commercio submouendi, communicationem prohibebat hominis delictis commaculati, cum quibus & Apostolus cibum quoque vetat sumere; Participari enim stigmata delictorum quasi ex contagione si quis se cum peccatore miscuerit.]

Non abhorret ab hoc instituto, S. Ambrosij oratio in Apologi David. Exponens enim quid sonaret ea petitio Davidis, *dele iniquitatem meam*,

ait. [Videamus hoc verbum : non enim ociosum est. Denique & alibi ait, *Ego sum qui delco iniquitates tuas, & memor non ero.* Sunt profectò altè impressa quædam conscientia nostræ vlcera delictorum, & quædam mentium nostrarum, animorumque vibices, quæ errorum nostrorum obducuntur vlceribus. Habet ergò culpa characteres suos & apices, quibus proditur; quod non ingenio nostro affingimus sed Propheticâ authoritate signamus. Scripta est ergò; & vbi scripta sit, vide. *In pectore*, inquit, *cordis tui.* Hoc est, ibi scripta est culpæ series, vbi etiam forma virtutis, non in tabulis lapideis, sed in tabulis cordis carnalibus. Sed quæ bona sunt, non atramento scribuntur; sed spiritu Dei viui. Quæ autem vitiosa, graphio ferreo, & vngue adamantino. Talis propemodùm scriptura, qualis est pœna peccati. Scribitur illa graphio ferreo, hoc virgâ ferreâ coercetur, sicut scriptum est. *Reges eos in virgâ ferreâ.*] Idem animam corporeis voluptatibus veluti clavis suffigi, atque aded stigmatis notari considerat l. 4. in Luc. sub libri finem.

Tractans sacra stigmata corporis Christi rediuiui. Eucherius homil. 10. de Pasch; & inde astruens Christi resurrectionem; ac nostram; ait cicatrices & plagas; [In resurrectione Domini, ad confirmandam vniuersitatis fidem speciales fuisse, manifestum est; vt per testes crucifixi corporis plagas, definitissimè nouerimus, omnes sub reparationis die animas ad corpus proprium reuersuras. In nostrâ verò resurrectione, nulla alicuius remanebunt


indicia læsuræ, nulla penitus apparebunt vestigia
 vlcera, aut debilitas in carne, vrinam non inueni-
 antur in corde. Elaborandum itaque est, ne sub
 illo premendæ recognitionis examine, multæ aliæ
 cicatrices manifestentur; ac reuelentur in medium
 vulnera flagitiorum, ne plagæ conscientiarum, ne
 horrendæ homicidiorum maculæ, ne obscenæ fæda
 signa luxuriæ, in illâ die deficientibus præ dolore
 oculis ingerantur. Et ideo custodiamus totis viribus
 regenerationis dona, redemptionis munera, sacra
 imaginis ornamenta, ut quandoque in conspectu
 iudicis nostri, non Diaboli vlcera, sed Christi
 stigmata, reparato in corpore præferamus, neque
 hostis noster aliquid suum in membris nostris, sed
 sua in nobis redemptor noster membra agnoscat.]
 Merito vocat has plagas, *ulcera Diaboli*; atque ad
 stigmata huiusmodi vlcera, iure agnoscit esse
 stigmata Diaboli, quia Diabolo autore & incensore
 imprimuntur. Tamen enim Diabolus, latrare &
 sollicitare, mordere autem nequit, nisi volentem,
 ut supra aiebam ex D. Augustino serm. 196. de
 tempo. id quod etiam repetitur in Epistolâ ad De-
 metriadem, & fusè confirmatur à Binsfeldio de
 confess. malef. præludio 4. Ideoque rectè moneat
 Siracides c. 2. *Eccles. dum maledicit impius Diabolum,*
maledici ab eo. animam suam, in quam rem differit
 de more luculenter S. Augustinus homil. 12. ex 50.
 & serm. 3. de diuers. c. 3. Tamen gladius peccati,
 educitur, simul & egreditur de vaginâ suâ, juxta
 concinnam S. Gregorij expositionem 15. mortal.
 c. 13. Nam egreditur sponte suâ, & per arbitrium
 proprium;

proprium; educitur verò ob præuiam Diaboli instigationem: sibi minùs ad omnia planè peccata, (circa quod anceps est Suares l. 8. de Angel. c. 19. n. 20. negant autem Lensæus l. 7. de libert. Christ. c. 6. & Vasques 1. 2. ad. q. 80. articulo 4. post S. Basilium in reg. breuior. interrog. 75.) at saltem quoad maximam peccatorum partem; & ferè quoad omnia. Rectè igitur Eucherius, peccata, non Christi, sed Diaboli vlcerà & stigmata appellat.

Nec alia mens fuit Petro Damiani Opusc. 18. dissert. 2. c. 6. cum dixit, peccata esse caracteres & stigmata Diaboli, quæ opponit stigmatibus eorum qui habent nomen eius, & nomen Patris eius, scriptum in frontibus suis. Egregiè verò præmiserat, haud aliter se habere fideles notatos Satânico peccati stigmate, quàm se habeat miles desertor; [Cui militaris est character impressus; quocunque transfugiat, militiæ suæ cui iuratus fuerat secum semper signaculum portans. Et quandocunque iniusti sibi stigmatis vibicem conspicit, desertorem se militiæ, reumque transfugij recognoscens.] Sic omnis qui signatus est à spiritu, si retrocedens in aliena castra, Satanae nomen ferat, eiusque notetur stigmate; quoties occurrant animo admittæ noxæ, (& semper occurrant; juxta illud, *peccatum meum contra me est semper*,) infelicem stigmatiam, veri sui heri desertorem, & ad hostes transfugam, se recognoscer, vel inuitus.

Alcimus Auitus l. 3. in Genes. *initio* peccatum primorum parentum *stigma* vocauit, cum de pudendis & se operientibus dixit,

*Tum pudor his capto detorquet lumina sensu;
 Nec jam secura præstatur luce tueri
 Signatam fixo peccati stigmate carnem.*



CAPVT XIII.

*De stigmatis Dæmoniaci perseverantiâ
 in termino.*

DISPVTAVIMVS hactenus de stigmatum Dæmoniacorum impressione in viâ, non prætermiſſis stigmatibus moralibus, quæ physicis proportionē respondent. Nunc attingendum, an stigmata realia Dæmoniacæ V. G. Magica, sint perseveratura in corpore damnati rediuvio.

Huius dubij resolutio, ex parte pendet ex iis quæ traduntur de perseverantiâ defectuum hîc malè afficientium corpus, in eodem corpore suscitato. Quâ in re duplex est sententia. Una supplementi S. Thomæ 3. p. q. 86. art. 1. remouentis omnia corporis vitia à damnatis, post resurrectionem: quia resurrectio corporis, est opus Dei, cuius effectus non debet esse imperfectus. Accedit quod interesset damnatorum, ad pœnæ imminutionem, defectus quosdam corporis hîc fortassis contractos

retinere, puta cœcitatẽ ad non videndum mutuo, & non percipiendum loci horrorem : item ſurditatem, ad non audienda impropria, & immanes blaſphemias ; torpore tactus ad minùs ſentendum dolorem. Idẽmque eſt de ſimilibus defectibus, quos retinere prodeſſet damnatis. Hæc rationes Suares t. 2. 3. p. d. 50. ſect. 5. conclud. 3. æquẽ vrgerẽ exiſtimat, pro excludendis à corpore damnatorum, defectibus illis, qui proveniunt ex indẽbitâ partium aut humorum vel qualitatũ compoſitione, proportionẽ, aut diſpoſitione : vt ſunt ægritudo, debilitas virium, gibberum, & ſimiles defectus. Quare hæc ſententia non admittit in corporibus damnatorum rediuiuis, niſi defectus corporum connaturales corpori humano, vt ſunt grauitas, opacitas, paſſibilitas, & ſimiles, oriundi ex principiis ſpeciei, ac proinde non exigentes ad ſui excluſionem, dotes gloriæ.

25 Aliam ſententiam in re propoſitâ tuctur Valentia 3. p. d. 11. q. 3. p. 3. Secutus Durandum in 4. d. 44. q. 2. & 3. juxta quam, omnia vitia corporum, in damnatis reſurgentibus perſtabunt. Quæ mihi ſententia magis attridet, dummodò excludat à corporibus damnatorum, illos defectus per quos diuinæ in eos vindictæ executio impediretur : vt eſſe ſurdum, quod excluderet auditionem horrendorum mugituum per alios damnatos editorum : eſſe cœcum, quod ſubduceret à damnatis horrenda viſa, quibus perceptis irascantur, & fremant, atque tabeſcant. Cœteros autẽ defectus corporum hîc contractos, qui non obſtabunt executioni diuinæ

justitiæ, nulla ratio suadet, debere excludi à corporibus rediuvnis damnatorum : ut esse gibbosum, claudum, sinum, Tetanicum, ac similes.

Ex hac doctrinâ inferendum videtur, stigmata physica Dæmoniacæ, hæc impressa damnatis superstitibus, perseveratura esse in corporibus damnatorum post resurrectionem. Sunt enim ex eo genere defectuum, qui non obstant executioni justitiæ Dei, sævientis in peccatores : & alioqui erunt deformationes non vulgares talium corporum, & vestigia iniquitatis præteritæ, quæ à Deo sine labe ex parte suâ refici poterunt. Nullum ergo suppetit fundamentum, affirmandi tales defectus exulatuos à corporibus impiorum vitâ redonatis. Nam quamvis reueniant ad vitam per Dei omnipotentiam, & Dei quantum est ex se perfecta sint opera; tamen nihil verat, in opere ad ostensionem justitiæ Dei diuinitus resecto, deesse perfectiones aliquas quibus in vitâ mortali caruerit; siue propriâ culpâ, siue ex naturalium causarum cursu, aut malo quopiam incurfu. Itaque stigma Dæmoniacum qualecunque demum sit ex variis supra recensitis, cum non obsit executioni diuinæ justitiæ, sed eam potius compleat, deformando corpus maledictum, & omni dehonestatione dignissimum; jure restituetur corpori rediuuo damnati hominis, qui hæc in vitâ mortali stigma illud habuerit impressum. Sanè Theologi, characteres Sacramentorum, tamen si substantialiter supernaturales, consentiunt hæsuris in animabus damnatis, ad magnam eorum confusionem; quod licet non sit ex fide certum, (ve

malè cenſuit Bonacina d. 1. de Sacram. quæſt. 5. p. 3. jure rejectus à Vaſque 3. p. d. 134. qui ait, Eccleſiam de indelebili dū taxat viatorum charactere, fuiſſe ſollicitam;) Eſt tamen longè congruentius ſenſui Eccleſiæ, & vnanimi Theologorum conſenſione firmatur, vt docet Ægidius 3. p. q. 63. n. 16. Erítque ſin dubio magnum cordolium animæ Chriſtianæ damnatæ, quod ex charactere Baptiſmi, agnoſcenda ſit Chriſtiana: ex charactere Sacerdotij, deprehendenda ſit conſtituta in tam ſublīmi ſanctitatis gradu, & tamen deciderit in tantum barathrum. Proportionē ergo idem erit de familiaribus Satanz mancipiis, cum ex notaculo, deprehendentur fuiſſe truculentiffimo Dei & ipſorum inimico addicti.





FINIS.

BIBLIOTHECA
VICTORIE EMANUE


177
HISTORIA DE LA CIUDAD DE VALENCIA
LIBRO PRIMERO
CAPITULO PRIMERO
DE LA FUNDACION DE LA CIUDAD DE VALENCIA
Y DE LA EDIFICACION DEL CASTILLO
Y DEL PUERTO DE VALENCIA
Y DE LA FUNDACION DEL MONASTERIO DE SAN VICENTE
Y DE LA FUNDACION DEL MONASTERIO DE SAN JUAN
Y DE LA FUNDACION DEL MONASTERIO DE SAN PABLO
Y DE LA FUNDACION DEL MONASTERIO DE SAN MARTIN
Y DE LA FUNDACION DEL MONASTERIO DE SAN AGUSTIN
Y DE LA FUNDACION DEL MONASTERIO DE SAN FRANCISCO
Y DE LA FUNDACION DEL MONASTERIO DE SAN DOMINGO
Y DE LA FUNDACION DEL MONASTERIO DE SAN BENITO
Y DE LA FUNDACION DEL MONASTERIO DE SAN CAYETANO
Y DE LA FUNDACION DEL MONASTERIO DE SAN VICENTE
Y DE LA FUNDACION DEL MONASTERIO DE SAN JUAN
Y DE LA FUNDACION DEL MONASTERIO DE SAN PABLO
Y DE LA FUNDACION DEL MONASTERIO DE SAN MARTIN
Y DE LA FUNDACION DEL MONASTERIO DE SAN AGUSTIN
Y DE LA FUNDACION DEL MONASTERIO DE SAN FRANCISCO
Y DE LA FUNDACION DEL MONASTERIO DE SAN DOMINGO
Y DE LA FUNDACION DEL MONASTERIO DE SAN BENITO
Y DE LA FUNDACION DEL MONASTERIO DE SAN CAYETANO











— 41 —

